


অন্ধকারে চিতা-২

কাজী
আনোয়ার
হোসেন

মাসুদ
রানা



Help Us To Keep Banglapdf.net Alive!

**Please Give Us Some
Credit When You Share
Our Books!**

**Don't Remove
This Page!**



**Visit Us at
Banglapdf.net**

**If You Don't Give Us
Any Credits, Soon There'll
Nothing Left To Be Shared!**



এক নজরে মাসুদ রানা সিরিজের সমস্ত বই

ধ্বংস-পাহাড় * ভারত-নাট্যম * স্বর্ণমৃগ * দুঃসাহসিক
মৃত্যুর সাথে পাঞ্জা * দুর্গম দুর্গ * শত্রু ভয়ঙ্কর * সাগর-সমুদ্র-১, ২
রানা ! সাবধান !! * বিস্মরণ * রত্নদ্বীপ * নীল আতঙ্ক-১,
কায়রো * মৃত্যুপ্রহর * গুপ্তচক্র * মূল্য এক কোটি টাকা মাত্র
রাত্রি অন্ধকার * জাল * অটল সিংহাসন * মৃত্যুর ঠিকানা
ক্ষাপা নর্তক * শয়তানের দূত * এধনো ষড়যন্ত্র * প্রমাণ কই ?
বিপদজনক-১, ২ * রক্তের রঙ-১, ২ * অদৃশ্য শত্রু * পিশাচ দ্বীপ
বিদেশী গুপ্তচর-১, ২ * ব্ল্যাক স্পাইডার-১, ২ * গুপ্তহত্যা
তিনশত্রু * অকস্মাৎ সীমান্ত-১, ২ * সতর্ক শয়তান * নীলহবি-১, ২
প্রবেশ নিষেধ-১, ২ * পাগল বৈজ্ঞানিক * এসপিওনাঙ্ক-১, ২
লাল পাহাড় * হৃৎকম্পন * প্রতিহিংসা-১, ২ * হংকং সম্রাট-১, ২
কুউউ ! * বিদায় রানা-১, ২, ৩ * প্রতিদ্বন্দ্বী-১, ২ * আক্রমণ-১, ২
গ্রাস-১, ২ * স্বর্ণতরী-১, ২ * পপি * জিপসী-১, ২
আমিই রানা-১, ২ * সেই উ-সেন-১, ২ * হ্যালো, সোহানা-১, ২
হাইজ্যাক-১, ২ * আই লাভ ইউ, ম্যান-১, ২, ৩ * সাগর কণ্ঠা-১, ২
পালাবে কোথায়-১, ২ * টার্গেট নাইন-১, ২ * বিব নিঃশ্বাস-১, ২
প্রেতাশ্বা-১, ২ * বন্দী গগল * জিম্মি * তুষার যাত্রা-১, ২
স্বর্ণ-সংকট-১, ২ * সন্ন্যাসিনী * পাশের কামরা
নিরাপদ কারাগার-১, ২ * স্বর্ণরাজ্য-১, ২ * উদ্ধার-১, ২
হামলা-১, ২ * প্রতিশোধ-১, ২ * মেজর রাহাত-১, ২
লেনিনগ্রাদ-১, ২ * অ্যামবুশ-১, ২ * আরেক বারমুড়া-১, ২
বেনামী বন্দর-১, ২ * নকল রানা-১, ২ * রিপোর্টার-১, ২
মরুযাত্রা-১, ২ * বন্ধু * সংকেত-১, ২, ৩ * স্পর্ধা-১, ২
চ্যালেঞ্জ * শত্রুপক্ষ * চারিদিকে শত্রু-১, ২ * অগ্নিপুরুষ-১, ২



অন্ধকারে চিতা-২

দুইখণ্ড সমাপ্ত সম্পূর্ণ রোমাঞ্চ-উপন্যাস

সিরিজের অন্ত্যান্ত বই পড়া না থাকলেও বুঝতে পারবেন

কাজী আনোয়ার হোসেন

রানা-১৩৮

প্রকাশক :

কাজী আনোয়ার হোসেন

সেবা প্রকাশনী

২৪/৪ সেগুন বাগিচা, ঢাকা-২

লেখক কর্তৃক সর্বস্বত্ত্ব সংরক্ষিত

প্রথম প্রকাশ : সেপ্টেম্বর, ১৯৮৬

রচনা : বিদেশী কাহিনী অবলম্বনে

প্রচ্ছদ পরিকল্পনা : সৈয়দ ইকবাল

মুদ্রণে :

কাজী আনোয়ার হোসেন

সেগুনবাগান প্রেস

২৪/৪ সেগুন বাগিচা, ঢাকা-২

যোগাযোগের ঠিকানা :

সেবা প্রকাশনী

২৪/৪ সেগুন বাগিচা, ঢাকা-২

জি. পি. ও. বক্স নং-৮৫০

দূরালোপন : ৪০৫৩৩২

শো-রুম :


সেবা প্রকাশনী

৩৬/১০. বাংলাবাজার, ঢাকা-১

ANDHAKAREY CHITA

By Qazi Anwar Husain

Rana-138





এই বইয়ের প্রতিটি ঘটনা ও চরিত্র কাল্পনিক ।
জীবিত বা মৃত ব্যক্তি বা বাস্তব ঘটনার সঙ্গে
এর কোনও সম্পর্ক নেই ।
॥ লেখক ॥

এক

জেনারেল রট উমাস্জোর নির্দেশে থার্ড ব্রিগেডের সৈনিকরা সোহানা চৌধুরীকে রেপ করতে যাচ্ছিলো, তাই বাধ্য হয়ে একটা কাগজে সই করে নিজেকে জিন্সাবুইয়ের শত্রু হিসেবে ঘোষণা করেছে মাসুদ রানা। জেনারেল উমাস্জোর প্রতিশ্রুতি ছিলো, রানা আর সোহানাকে প্রাণভিক্ষা দিয়ে প্রতিবেশী একটা দেশে পাঠিয়ে দেয়া হবে।

জানা গেছে আসলে বন্ধু বেশে শত্রু ছিলো জেনারেল উমাস্জো। সে-ই মাস্টার পোচার, টস মাজুলেট নয়। মিথ্যে মামলা সাজিয়ে চল্লিশ বছরের কারাদণ্ড দেয়া হয়েছে মাজুলেটকে।

জঙ্গলের ভেতর নির্জন একটা জায়গায় নিয়ে আসা হয়েছিল ওদেরকে। বুঝতে বাকি থাকলো না, ফায়ারিং স্কোয়াডের সামনে দাঁড়িয়ে অসহায়ভাবে প্রাণ দিতে হবে।

সৈনিকরা ওদের জন্তে কবর খুঁড়ছিল, তাদের কাজ তদারক করছিল ক্যাপটেন ভালডেজ।

হাতে হাতকড়া পরা অবস্থায় ল্যাণ্ড-রোভারে ছিলো রানা, পাশে সোহানা। আত্মরক্ষার জন্তে মরিয়া হয়ে ওঠে ও, র্ন্যাক থেকে একটা রাইফেল নামিয়ে ফেলে। কিন্তু রাইফেলটা লোড করার আগেই অন্ধকারে চিতা-২

ল্যাণ্ড-রোভারের কাছে ফিরে আসে ক্যাপটেন। সেই মুহূর্তে অনেক। কিছু ঘটে যেতে পারতো। হয়তো রাইফেলের বাটের আঘাতে স্কান হারাতো ক্যাপটেন, তার পকেট থেকে হাতকড়ার চাবি বের করে নিতো মোহানা। কিংবা হয়তো ভালডেলকে অজ্ঞান করার পর হাতকড়া খোলার সময় পেতো না ওরা, ছুই হাত এক করা অবস্থায় রাইফেল চালাতে হতো রানাকে। কিন্তু এ-সব কিছুই ঘটেনি। প্রাণের দায়ে দল বদল করেছে ক্যাপটেন, তার সহায়তায় ল্যাণ্ড-রোভার নিয়ে পালিয়ে এসেছে ওরা।

ল্যাণ্ড-রোভারে একটা রেডিও রয়েছে, সেটার মাধ্যমে থার্ড ব্রিগেডের তৎপরতা সম্পর্কে জানতে পারছে ওরা। পথে কয়েকটা গ্রামের ভেতর দিয়ে আসতে হয়েছে, প্রতিটি গ্রামে আগুন ধরিয়ে দিয়ে নিরীহ ম্যাটার্বেল গ্রামবাসীদের মেরে সাফ করে দিয়েছে শোনা অর্থাৎ থার্ড ব্রিগেডের সৈনিকরা।

প্রতিবেশী দেশ বতসোয়ানা। সীমান্তের দিকে যাচ্ছে ওরা। পথে ওদেরকে পাশ কাটিয়ে পিছন দিকে চলে গেছে একটা আমি কন-ভয়, জঙ্গলের ভেতর লুকিয়ে থেকে তাদের চোখকে ফাঁকি দিয়েছে ওরা। এক সময় জঙ্গল আর পথ ছেড়ে মরু প্রান্তরে বেরিয়ে এসেছে ল্যাণ্ড-রোভার, সামনে আর কোনো গ্রাম নেই।

রেডিওতে শোনা গেল জেনারেল উমাজে। ওদেরকে ধরার জন্যে থার্ড ব্রিগেডের সমস্ত ইউনিটকে 'লেপার্ড' কোড পাঠিয়েছে। লেপার্ড কোড মানে, দেখামাত্র গুলি করার নির্দেশ। এরই মধ্যে দুটো স্পটার প্লেনকে পাঠানো হয়েছে এদিকে। পিউনিটিভ ইউনিটগুলোকেও হাতের কাছ ফেলে এদিকে আসতে বলা হয়েছে। প্লাম্টি, বর্ডার-পোস্ট থেকে রওনা হয়ে গেছে দুটো প্ল্যাটুন, ওদেরকে সীমান্তে

পৌছুতে রাধা দেবে তার।

সবচেয়ে আগে স্তম্ভ রক্ষা করতে হবে। নিজের না বাঁচলে
বন্ধু মাজুলেকে উদ্ধার করার প্রশ্নই ওঠে না, প্রশ্ন ওঠে না
প্রতিশোধ নেয়ার।

থার্ড ব্রিগেডকে লেপার্ড কোড দেয়া হয়েছে শুনে হতাশায় একে-
বারে মুবড়ে পড়লো ক্যাপটেন ভালডেজ। কিন্তু রানা ব্যাপারটাকে
চ্যালেঞ্জ হিসেবে নিলো। সোহানাও দমবার পাত্রী নয়।

এখন দেখা যাক। রক্তপিপাসু থার্ড ব্রিগেডের বিরুদ্ধে বি. সি.
আই.-এর দু'জন দুর্ধর্ষ এজেন্ট কতটুকু কি করতে পারে।

হ্যাঁ দিয়ে ম্যাপটা তুলে নিয়ে ল্যাণ্ড-রোভারের বনেটে মেললো
রানা। একটা বোম্বের আড়াল থেকে বেরিয়ে এসে পাশে দাঁড়ালো
সোহানা।

‘এখানে রয়েছি আমরা।’ ম্যাপের গায়ে আঙুল রাখলো রানা,
দ্রুত মাথা ঝাঁকালো ক্যাপটেন ভালডেজ। একটা রেখা ধরে এগিয়ে
গেল রানার আঙুল। ‘এখান থেকে সীমান্তের দিকে এই একটাই
পথ চলে গেছে,’ আপনমনে বিড়বিড় করছে ও। ‘এই পথ ধরেই
প্লাম্‌টি, পেট্রল আমাদের বাধা দিতে আসবে, আর পিউনিটিভ
গ্রুপটা আসবে পিছন থেকে।’

আবার মাথা ঝাঁকালো ক্যাপটেন। ‘এবার ওরা পাশ কাটিয়ে
এগিয়ে যাবে না। জানে, এই পথের আশপাশেই কোথাও লুকিয়ে
থাকবো আমরা।’

হঠাৎ আবার রেডিওটা জ্যান্ত হয়ে উঠতেই পড়িমরি করে
ছুটলো ভালডেজ। মেসেজটা শুনতে শুনতে তার কালো চেহারা

ফ্যাকাশে হয়ে উঠলো। রানাকে রিপোর্ট করলো সে। ওদের পিছনে পিউনিটিভ ইউনিট ল্যান্ড-রোভারের চাকার দাগ আঁকায় করে ফেলেছে। খুব একটা পিছনে নেই তারা, বড়ের বেগে এগিয়ে আসছে। ওদের সামনে যে পেট্রল রয়েছে, তাদের সাথেও যোগাযোগ করেছে পিউনিটিভ ইউনিট। ছোটো দলের মাঝখানে পড়ে গেছে ওরা। সবশেষে ভালডেজ বললো, 'আমার কোনো পরামর্শ নেই, মিঃ রানা। বাঁচার কোনো উপায় দেখছি না আমি। ছোটো মিমিটের মধ্যে পৌঁছে যাবে ওরা।' রানার দিকে আবেদন ভরা চোখে তাকিয়ে থাকলো সে।

'ঠিক আছে।' শান্তভাবে দলের নেতৃত্ব নিজের হাতে তুলে নিলো রানা। 'মরুভূমির ওপর দিয়ে সীমান্তের দিকে যাবো আমরা।'

'কিন্তু আপনি বললেন এলাকাটা হুগম....'

'ডাইভ করুন,' ধমকে উঠলো রানা। 'রুফর্যাক থেকে গাইড করবো আমি। সোহানা, ফ্রন্ট সিটে বসো।'

রুফর্যাকে বসলো রানা, একটা কাঁধে একে ফরটিসেভেন রাই-ফেলটা বুলছে। ক্যাপটেনের ম্যাপ-কেস থেকে পাওয়া হ্যাণ্ড-বেয়ারিং কমপাস থেকে একটা-সাইট নিলো ও। ম্যাগনেটিক ডিস্ট্রাকশনের মোটামুটি একটা হিসেব কষে নিয়ে নির্দেশ দিলো ক্যাপটেনকে, 'ডান দিকে, ডান দিকে ঘুরুন—হ্যাঁ, হয়েছে। হোল্ড ট্রাট কোর্স।' কয়েক মাইল সামনের ছোটো একটা সন্ট-প্যান-এর সাদা ছাতিকে টার্গেট হিসেবে ধরে একটা সরল রেখা বরাবর কোর্স স্থির করলো রানা। গাড়ির নিচে কোথাও বালি, কোথাও পাথর—বালির বিস্তৃতিগুলো তেমন নরম বা আলগা নয়, চাকা ডেবেযাবে বলে মনে হলো না। নিচু কাঁটারোপগুলোর মাথা মুড়িয়ে দিয়ে বেশ দ্রুত

গতিতে ছুটলো ল্যাণ্ড-রোভার। সামনে শুধু উঁচু বোপ বা ধরাশায়ী গাছ পড়লে দিক বদল করলো ক্যাপটেন। প্রতিবার নির্দেশ দিয়ে ল্যাণ্ড-রোভারকে আগের কোর্সে ফিরিয়ে আনলো রানা।

ঘণ্টায় পঁচিশ মাইল গতিতে এগোচ্ছে ওরা, দিগন্তরেখা পর্যন্ত মতোদূর দেখা যায় খাঁ খাঁ করছে মরু প্রান্তর। ধাওয়ারত ট্রাক-গুলোর শুধু সৈনিকরা নয়, মেশিনগান ইত্যাদি আছে, কাজেই তাদের সাথে ওরা পারবে না। সীমান্ত খুব বেশি হলে আর এক ঘণ্টার পথ, এদিকে সন্ধ্যা হতেও আর বেশি দেরি নেই। সোহানার হাতের গরম চা খেয়ে সারাদিনের ক্লান্তি দূর হয়ে গেছে রানার, যে-কোনো বিপদের ক্ষণে সম্পূর্ণ তৈরি সে।

হঠাৎ রক্তে একটা আলোড়ন অনুভব করলো রানা। কাছাকাছি বিপদ থাকলে মন তার আভাস পায়, সংকেত পেয়ে প্রতিক্রিয়া শুরু হয় শরীরে। দ্রুত ঘাড় ফিরিয়ে পিছন দিকে তাকালো রানা, দেখতেও পেলো নাথে সাথে—মরীচিকার মতো, ছপুরবেলার স্থিরমরুর তপ্ত বৃকে ধুলোর নাচন। কিন্তু এ ধুলোর মেঘ নির্দিষ্ট একটা গতিতে এগিয়ে আসছে, ঠিক যেখানে দেখবে বলে আশা করেছিল রানা সেখান থেকে—ওদের পূর্ব দিকে, এগিয়ে আসছে ওদের ফেলে আসা পথ ধরে।

‘একটা পেট্রল দেখতে পাচ্ছি,’ খোলা জানালার দিকে ঝুঁকে টেঁচিয়ে বললো রানা। ‘মাইল পাঁচেক পিছনে।’

আবার পিছনে তাকালো রানা, ফোর-হুইল ড্রাইভ যেভাবে ধুলো ওড়াচ্ছে, দেখে গম্ভীর হয়ে উঠলো সে। লম্বা একটা ফিতের মতো ওদেরকে অনুসরণ করছে ধুলো, কয়েক মিনিট ধরে ভেসে থাকছে বাতাসে। শোনা সৈনিকরা নিশ্চই পরিষ্কার দেখতে পাচ্ছে ফিতে-

টাকে । পিছন ফিরে ধুলোর দিকে তাকিয়ে আছে রানা, কিন্তু আসলে ওর সামনের দিকে লক্ষ্য রাখা উচিত ছিলো । অ্যাট বিয়ার-এর গর্তটা ধূসর মরু ঘাসে ঢাকা পড়ে আছে, ডাইভারের দেখতে পারার কথা নয় । পঁচিশ মাইল গতিতে ছুটছে ল্যাণ্ড-রোভার, গর্তে পড়ে আচমকা স্থির হয়ে গেল ।

ছাদ থেকে ছিটকে পড়লো রানা, বনেটের ওপর দিয়ে উড়ে গিয়ে মাটিতে হাঁটু, কনুই আর মুখের একটা পাশ দিয়ে পড়লো । ধুলোর ওপর পড়ে থাকলো ও, ব্যথায় কাতর, বিস্ময়ের ধাক্কায় নিশ্চল । কয়েক সেকেন্ড পর একটা গড়ান দিয়ে বসলো ও, থো করে বালি মেশানো রক্ত ফেললো মুখ থেকে । জিভ বুলিয়ে দাঁতগুলো পরীক্ষা করলো, একটাও আলগা হয়নি । দুটো কনুইয়ে চামড়া বলতে কিছু অবশিষ্ট নেই, আর হাঁটুর কাছে জিন ছিঁড়ে রক্ত গড়াচ্ছে । দাঁতে দাঁত চেপে উঠে দাঁড়ালো ও ।

ল্যাণ্ড-রোভারের সামনের বাঁ দিকটা গর্তের ভেতর ডেবে গেছে, চেসিস পর্যন্ত । অসতর্ক থাকার জন্যে নিজেই তিরস্কার করলো রানা, গাড়ির পাশে এসে প্যাসেঞ্জার সাইডের দরজাটা হ্যাঁচকা টানে খুলে ফেললো । উইণ্ডস্ক্রীনে তারকা চিহ্নের আকৃতি নিয়ে চিড় ধরেছে, ওটার সাথে ঠুকে গেছে সোহানার মাথা । সামনের দিকে ঝুঁকে সিটের ওপর নিখর পড়ে আছে সোহানা ।

‘ওহ, গড !’ আতকে উঠে সোহানার মাথাটা আঁসতে করে তুললো রানা । সোহানার ডান চোখের ওপরটা গোল আলুর মতো ফুলে উঠেছে । রানার স্পর্শ পেয়ে বাপসা ভাবটা কেটে গিয়ে দৃষ্টি পরিষ্কার হয়ে উঠলো তার ।

‘আর কোথাও লেগেছে ?’

সিটের ওপর হাত রেখে সিঁধে হলো সোহানা। 'তোমার হাতে রক্ত, জড়ানো গলায় বললো সে, যেন নেশা করেছে।

'চামড়া ছড়ে গেছে,' সোহানাকে আশ্বস্ত করলো রানা, ড্রাইভিং সিটে বসা ক্যাপটেনের দিকে তাকালো।

স্ট্রিয়ারিং হুইলের সাথে বাড়ি থেয়েছে ক্যাপটেনের মুখ, ফলে ওপরের ঠোট কেটে ছুঁটুকরো হয়ে গেছে, মাড়ি থেকে ভেঙে গেছে একটা দাঁত। মুখের ভেতরটা রক্তে ভরে আছে, একটা ক্রমাল দিয়ে মুখটা চেপে রেখেছে সে।

'রিভার্স গিয়ার দিয়ে পিছিয়ে আসুন,' ক্যাপটেনকে নির্দেশ দিয়ে ল্যাণ্ড-রোভার থেকে সোহানাকে নামতে সাহায্য করলো রানা, গাড়ি হালকা করা দরকার। কয়েক পা এগিয়ে পড়ে গেল সোহানা, মাটিতে বসে পড়লো। ধাক্কা খেয়ে এখনো বিম্বিম্বিত করছে তার মাথা।

ইঞ্জিন গর্জে উঠলো, কিন্তু পিছু হটার কোনো লক্ষণ নেই ল্যাণ্ড-রোভারের। পিছনে, ধুলোর দিকে তাকিয়ে মনে মনে প্রমাদ গুলো রানা। শত্রুরা খুব বেশি দূরে নেই আর, দ্রুতগতিতে এগিয়ে আসছে। নিজে থেকেই বন্ধ হয়ে গেল ইঞ্জিন, আবার বারকয়েক চেষ্টা করার পর স্টার্ট নিলো। পেডালের ওপর জোরে চাপ দিলো ভালডেজ, প্রচণ্ড ঝাঁকির সাথে ক্লাচ দিলো—চারটে চাকাই ঘুরতে শুরু করলো বন বন করে।

'কি করছেন, একটা হাফশ্যাফট ভেঙে গেল!' তিরস্কার করলো রানা।

আবার চেষ্টা করলো ভালডেজ, এবার ধীরেস্থে। কিন্তু এবারও শুধু চাকাগুলো ঘুরলো, আর ধুলোর পাহাড় খাড়া হলো পিছন অন্ধকারে চিতা-২

দিকে। অস্থির ভাবে লাফ দেয়ার ভঙ্গি করলো গাড়ি, কিন্তু গর্ত থেকে বেরুতে পারলো না।

‘স্টপ ইট!’ ক্যাপটেনের কাঁধে একটা খাবড়া বসিয়ে দিলো রানা, নির্দেশটা যাতে তাড়াতাড়ি পালন করে। বালি মেশানো নরম মাটিতে আরো সঁধিয়ে যাচ্ছে ল্যাণ্ড-রোভার, নিজের কবর নিজেই খুঁড়ছে। মাটির ওপর পেট দিয়ে শুয়ে চেসিসের তলায় উকি দিলো রানা। সামনের বাঁ হুইলটা গর্তের ভেতর ঢুকে গেছে, শূন্যে ঘুরছে সেটা। গাড়ির ভার চেপেছে ফ্রন্ট সাসপেনশনের ব্লেডের ওপর।

‘ট্রেফিং টল,’ হাঁক ছাড়লো রানা।

‘ফেলে এসেছি,’ মনে করিয়ে দিলো ক্যাপটেন।

গর্তের কিনারায় হাত দিয়ে মাটি খুঁড়তে শুরু করলো রানা। ‘খোঁড়ার জন্যে কিছু একটা যোগাড় করুন!’ পাগলের মতো মাটি সরাচ্ছে ও।

পিছনের লকার হাতড়ে একটা জ্যাক হ্যাণ্ডেল নিয়ে এলো ভালডেজ। সেটা দিয়েই গর্তের কিনারায় হামলা চালালো রানা। হাঁপাচ্ছে ও, ফাঁসফাঁস আওয়াজ বেরিয়ে আসছে নাক দিয়ে, গালের চামড়া ওঠা জায়গাটুকু ভিজে গেল ঘামে।

ঘড় ঘড় করে উঠলো রেডিও।

‘পথের যেখান থেকে সরে এসেছি, ওরা সেটা দেখতে পেয়েছে,’ মেসেজটা ভাষান্তর করলো ভালডেজ।

‘সর্বনাশ!’ দ্রুত হাত চলছে রানার, হাঁসফাঁস করছে। ছ’মাই-লেন মধ্যে চলে এসেছে শত্রুরা।

কথা বলার সময় হিস হিস আওয়াজ করছে ভালডেজ, ঠোঁটের ফুটো থেকে বাতাস বেরিয়ে আসছে। ‘আমি কোনো সাহায্য করতে

বারি ?

কথা বলা মানেই সময় নষ্ট। চেসিসের নিচে কাজ করার জন্যে একজনের বেশি জায়গা নেই। মাটি সরে যাওয়ায় আরো কয়েক ইঞ্চি ডেবে গেল ল্যাণ্ড-রোভার, তারপর মুক্ত টায়ারটা গর্তের ভেতর মাটির স্পর্শ পেলো। এবার গর্তের তীক্ষ্ণ কিনারার দিকে নজর দিলো রানা, মাটি সরিয়ে একটা ঢাল মতো তৈরি করার চেষ্টা করলো, চাকাটাকে যাতে ঠেকিয়ে রাখতে না পারে।

‘সোহানা, ডাইভিং সিটে বসো,’ জ্যাক হ্যাণ্ডেল দিয়ে মাটিতে খোঁচা মারার ফাঁকে কথা বলছে রানা, শব্দগুলো যেন শরীরের ঝাঁকি খেয়ে ভেতর থেকে ছিটকে বেরিয়ে আসছে। ‘আমি আর ক্যাপটেন সামনেটা উঠে করার চেষ্টা করবো।’ হামাগুড়ি দিয়ে চেসিসের ভেতর থেকে বেরিয়ে এলো ও, তারপর এক সেকেন্ড অপব্যয় করলো পিছন দিকে তাকিয়ে। গ্রাউণ্ড লেভেল থেকে পরিষ্কার দেখা গেল ছুটে আসা ধুলোর মেঘ। ‘ক্যাপটেন, জলদি!’

রেডিয়েটরের সামনে কাঁধে কাঁধ ঠেকিয়ে দাঁড়ালো ওরা, তারপর সামনের ফেণ্ডারটা ভালো করে ধরার জন্যে হাঁটু ভাঁজ করলো। ধুলোয় আবছা উইণ্ডস্ক্রীনের পিছনে বসেছে সোহানা, কপালের ফোলাটা নীলচে হয়ে উঠেছে। বাপসা কাঁচের ভেতর দিয়ে রানার দিকে তাকালো সে, চোখে-মুখে মরিয়া একটা ভাব।

‘হিট ইট!’ হংকার ছাড়লো রানা, শরীরের সবটুকু শক্তি দিয়ে সোজা করলো হাঁটু, দু’জন একসাথে সিধে হলো। গর্ত থেকে খানিকটা ওপরে উঠলো গাড়ির বাঁ দিকটা, সোহানার উদ্দেশ্যে দ্রুত মাথা ঝাঁকালো রানা। ক্লাচ দিলো সোহানা, গর্জে উঠলো ইঞ্জিন, চাকা ঘুরলো, ঝাঁকি দিয়ে পিছু হটার ভঙ্গি করলো ল্যাণ্ড-রোভার,

কিন্তু গভীর কিনারায় বাধা পেয়ে আটকে গেল।

‘বিশ্রাম!’ হুশ করে দম ছেড়ে বললো রানা, বনের ওপর নেতিয়ে পড়ে হাঁপাতে লাগলো।

ধুলোর মেঘ এতো কাছে চলে এসেছে, রানার ভয় হলো বোধহয় এই মুহূর্তেই ওটার নিচে থেকে ট্রাকটা বেরিয়ে আসবে।

‘ঠিক আছে, ওটাকে এবার বারবার উচু-নিচু করবো,’ ভালভেজ-কে বললো রানা। ‘ওয়ান! টু! থ্রি!’

ইঞ্জিন চালু করলো সোহানা, সংক্ষিপ্ত বিরতি দিয়ে ফেণ্ডারের ওপর নিয়মিত ছন্দে শরীরের ভার চাপালো ওরা। ‘ওয়ান! টু! থ্রি!’ চাপ দেয়ার সময় প্রতিবার দম বন্ধ করছে রানা, ওপর-নিচে ঘন ঘন তুলতে শুরু করলো ল্যাণ্ড-রোভার।

‘ইঞ্জিন চালু রাখো!’

ওদের চারদিকে উত্থল উঠলো ধুলো, রেডিও থেকে উল্লাসে চৈঁচিয়ে উঠলো একটা যান্ত্রিক কণ্ঠস্বর, যেন শিকারী একটা হাউও শত্রুর গন্ধ পেয়ে ঘেউ ঘেউ করে উঠলো। ধুলোর পাহাড় দেখে চৈঁচাচ্ছে ওরা।

‘চালু, চালু!’ সোহানার উদ্দেশ্যে আবার চিৎকার করলো রানা। শরীরে এতো শক্তি লুকিয়ে ছিলো, আগে কখনো টের পায়নি ও। ছ’সারি দাঁত পরস্পরকে পিষে যেন গুঁড়ো করতে চাইলো, ওর গলার ভেতর ঘূর্ণি তুললো নিঃশ্বাস, ফুলে উঠে টকটকে লাল হয়ে গেল গাল, ঝাপসা হয়ে গেল দৃষ্টি, তীক্ষ্ণ আলোর কণায় ভরে গেল সামনেটা। হ্যাঁচকা টান দিয়ে গাড়িটাকে উচু করছে রানা, পরমুহূর্তে গায়ের সমস্ত শক্তি দিয়ে নিচের দিকে ঠেলে দিচ্ছে—বারবার, ঘন ঘন, কোনো বিরতি ছাড়া। ঘাড় আর পিঠের শিরাগুলো ছিঁড়ে

যাবে বলে মনে হলো। শিরদাঁড়া মট করে ভেঙে যেতে পারে। কিন্তু রানার জেদ চেপে গেছে, থামছে না ও। তারপর হঠাৎ করেই গর্তের কিনারা দিয়ে গড়িয়ে উঠে এলো চাকাটা, ল্যাণ্ড-রোভার পিছু হটলো।

অবলম্বন না থাকায় মাটিতে হাঁটু দিয়ে পড়লো রানা, মনে হলো উঠে দাঁড়াবার শক্তি আর কখনো ফিরে আসবে না।

‘রানা! জলদি!’ তীক্ষ্ণ কণ্ঠে তাগাদা দিলো সোহানা। ‘ওঠো!’ টলতে টলতে উঠে দাঁড়ালো রানা, থপ থপ করে এলোমেলো পা ফেলে ল্যাণ্ড-রোভারের দিকে এগোলো। চলমান গাড়ির বনেটে উঠলো ও, সাথে সাথে স্পীড বাড়িয়ে দিলো সোহানা।

বনেটের কিনারা আঁকড়ে ধরে কয়েক মুহূর্ত নিথর পড়ে থাকলো রানা, হাত পায়ে ধীরে ধীরে ফিরে আসছে শক্তি। তারপর ক্রল করে রুক্ষর্যাকে উঠলো ও, ল্যাণ্ড-রোভারের পিছন দিকে তাকালো।

ওদের পিছনে একটা মাত্র ট্রাক, বালি রঙের পাঁচ-টনী একটা টয়োটা। তাপ-মরীচিকার ঝিকমিকির ভেতর ট্রাকটাকে বিশাল দানবের মতো দেখালো, মনে হলো মাটি থেকে যেন আলাদা হয়ে ওদের দিকে ভেসে আসছে। চোখ পিট পিট করে পাতা থেকে ঘাম সরালো রানা। কাছে, কিন্তু কতোটা কাছে ওটা? একে সমতল মাটি, তার ওপর উথলে ওঠা তাপের কাঁপন, আন্দাজ করা কঠিন।

দৃষ্টি পরিষ্কার হয়ে এলো, সাথে সাথে টয়োটার ক্যাবের ওপর কালো সুপারস্ট্রাকচারটা চোখে পড়লো রানার। রিঙ মাউন্টের ওপর ওখানে একটা হেভী মেশিনগান রয়েছে, পিছন থেকে উঁকি দিচ্ছে একজন গানারের কালো মাথা।

‘সেরেছে!’ ফিসফিস করে বললো রানা, এই প্রথম লক্ষ্য করলো

ল্যাণ্ড-রোভারের গতি-প্রকৃতি সম্পূর্ণ বদলে গেছে। এলোপাথাড়ি লাফাচ্ছে গাড়ি, আগা থেকে গোড়া পর্যন্ত প্রচণ্ড ঝাঁকি খাচ্ছে। ল্যাণ্ড-রোভারের সামনের বাঁ প্রান্ত থেকে কর্শ, তীক্ষ্ণ আওয়াজ আসছে, ওখানে ধাতুর সাথে ধাতুর অনির্বাসম তীব্র সংঘর্ষ চলছে। সেই সাথে টিমে হয়ে আসছে গতি।

ড্রাইভারের খোলা জানালার দিকে ঝুঁকে পড়লো রানা। ‘স্পীড আপ!’

‘সামনের দিকটা ভেঙে পড়ছে,’ জানালা দিয়ে মাথা বের করে রিপোর্ট করলো সোহানা। ‘স্পীড বাড়ালে সব ঠসে পড়বে!’

পিছন দিকে তাকালো রানা। এগিয়ে আসছে ট্রাক, খুব দ্রুত না হলেও, পিছু ছাড়ছে না। পরিষ্কার দেখলো রানা, ক্যাবের ছাদে দাঁড়ানো গানার তার ভারি অস্ত্রটা একটু ঘোরালো। ‘ঝুঁকি নাও, সোহানা, ঝুঁকি নাও! স্পীড বাড়ো! পিছনে হেভী মেশিনগান, রেলগের ভেতর চলে আসছে ওরা!’

স্পীড বাড়লো, সেই সাথে বাড়লো লক্ষ্যবস্তু, আর কর্শ যান্ত্রিক কাতরানি। গাড়ির সাথে সাথে রানার হুঁসারি দাঁতও পরস্পরের গায়ে বাড়ি খেয়ে আওয়াজ করতে লাগলো। আবার পিছন দিকে তাকালো রানা। মাঝখানের দূরত্ব একটু বেড়েছে। পরমুহূর্তে টরো-টাকে প্রচণ্ডভাবে ছলে উঠতে দেখলো রানা—ক্যাবের মাথায় বসানো হেভী মেশিনগানের রিকয়েলের ফল ওটা।

এখনো বিস্ফোরণের কোনো আওয়াজ নেই, লক্ষ্য করলো রানা। যত্ন ভয় তুচ্ছ করে কোতুহলের সাথে খুঁটিনাটি ব্যাপারগুলো মনে গোঁথে নিচ্ছে ও। আচমকা ওদের বাঁ দিকে বিস্ফোরিত হলো ধুলো, ধুলোর কয়েকটা স্তম্ভ খাড়া উঠে গেল আকাশের দিকে। বিস্ফোরণের

আওয়াজে ভালো লেগে গেল কানে ।

‘বাঁ দিকে ঘোরো ।’ নির্দেশ দিলো রানা । এটাই নিয়ম, গুলি যে দিকে পড়েছে সেদিকে ঘোরো । ক্রটি সংশোধনের জন্তে মেশিন-গানের ব্যারেল উল্টো দিকে ঘোরাতে হবে গানারকে, ধুলোর পাঁচিল লক্ষ্যস্থির করতে বাধা দেবে তাকে ।

পরের বিস্ফোরণটা ডান দিকে, অনেকটা দূরে ঘটলো ।

‘ডান দিকে ঘোরো ।’

জানাল দিয়ে আবার মাথা বের করলো সোহানা । ‘পাল্টা গুলি করো ।’ মরতে হয় লড়ে মরবে, চোখে-মুখে এই রকম একটা প্রতিজ্ঞার ভাব ।

‘নির্দেশ আমি দিচ্ছি,’ সোহানাকে বললো রানা । ‘তুমি গাড়ি চালাও ।’

পরের বিস্ফোরণটা আবার অনেক দূরে ঘটলো, প্রায় একশো ফিট তফাতে ।

‘বাঁ দিকে ঘোরো ।’

ল্যাণ্ড রোভার বারবার দিক বদল করায় লক্ষ্যস্থিরে ভুল হতে লাগলো গানারের, আর মাঝখানে ধুলোর পাঁচিল থাকায় রেঞ্জ আন্দাজ করতেও অসুবিধে হলো তার ।

কিন্তু একেবৈকে এগোনার ফলে মূল্য দিতে হলো ওদেরকে । ট্রাক আর ল্যাণ্ড-রোভারের মাঝখানের দূরত্ব কমে গেছে । দ্রুত কমে আসছে আরো ।

সামনে, কাছাকাছি চলে এসেছে সল্ট-প্যান । কয়েক শো একর নগ্ন নির্জন খাঁ খাঁ মাঠ রোদের ভেতর রূপালি পারদের মতো ঝিল-ঝিল করছে । তীব্র আলোর ভেতর দিয়ে চোখ কুঁচকে তাকালো

অন্ধকারে চিতা-২

রানা, একটা পথ দেখতে পেলো; ওটা দিয়ে ক্ষুদে একটা ছেত্রার পাল ময়ূণ প্রান্তর পেরিয়ে গেছে। লরণের আবরণ ভেদ করে ভেতরের হলুদ রঙা কাদায় ডেবে গেছে ওগুলোর খুর। এই পথ একটা মারাত্মক ফাঁদ, হাতছানি দিয়ে ডাকছে, যে-কোনো গাড়ি ওই কাদায় আটকে যাবে।

‘বাঁ দিকে,’ নির্দেশ দিলো রানা। ‘আরো, আরো। প্যান এর ডান দিকের কিনারা ঘেঁষে যাও। ওকে, হোল্ড জাট কোর্স।’

সন্ট প্যানের সুরু একটা শাখা ওদের দিকে এগিয়ে এসেছে। রানা আশা করলো, ওটার ওপর দিয়ে ধাওয়া করে আসবে শত্রুরা। ল্যাণ্ড-রোভারকে বাঁ দিকে ঘুরিয়ে নিয়ে ওরা আসলে টয়োটার জুড়ে একটা ফাঁদ তৈরি করেছে। ঘাড় কেয়ালো রানা, ধুলোর ওপর দিয়ে পিছন দিকে তাকিয়ে বিড়বিড় করে বললো, ‘শালারা!’

ট্রাক কমাণ্ডার বোকা নয়। শিং আকৃতির সন্ট-প্যানের ওপর দিয়ে আসছে না সে, ওদের সাথে সাথে ঘুরে পেরিয়ে আসছে জায়গাটা। ল্যাণ্ড-রোভারের চারপাশে মেশিনগানের গুলি পড়লো। ক্যাবের গায়ে লাগলো কয়েকটা, ফুটোগুলোর কিনারায় চকচকে লোহা দেখা গেল।

‘সোহানা?’ খবর নিলো রানা।

‘লাগেনি,’ সাথে সাথে জবাব দিলো সোহানা, কিন্তু তার কণ্ঠস্বর কেঁপে গেল। ‘রানা, এ আমি আর চালাতে পারছি না! নিজে থেকেই থেমে যাচ্ছে। কোথায় আটকাচ্ছে বুঝতে পারছি না।’

গাড়ির আহত সামনের অংশ থেকে গরম-লাল ধাতব গন্ধ পেলো রানা। ‘ক্যাপটেন, একটা রাইফেল দাও।’

এখনো শত্রুরা রেঞ্জের অনেক বাইরে, তবু গুলি করার পর অসহায়

ভাব একটু যেন কমলো। বুলেটগুলো কোথায় গিয়ে পড়লো টেরও পেলো না ও। সল্ট-প্যানের শাখাটাকে ঘিরে সগর্জনে ছুটলো ল্যাণ্ড রোভার, নাকে ঢুকলো ধুলো আর গরম ধাতব গন্ধ। রাইফেল লোড করার সময় সামনের দিকে তাকালো রানা।

সীমান্ত আর কতোদূর? দশ মাইল? কিন্তু থার্ড ব্রিগেডের পিউ-নিটিভ ইউনিট, লেপার্ড কোড পাবার পর, আন্তর্জাতিক সীমান্তে থামবে কি? দক্ষিণ আফ্রিকা আর ইসরায়েল আগেই দৃষ্টান্ত তৈরি করেছে, গেরিলাদের ধাওয়া করে নিউট্রাল টেরিটোরিতে ঢুকে পড়ে তে বাধেনি তাদের। আপন মনে মাথা নাড়লো রানা, খুন না করা পর্যন্ত পিছু ছাড়বে না ওরা।

ভারসাম্য হারানো সাসপেনশনের ওপর ঘন ঘন, নির্দিষ্ট একটা ছন্দে, একদিকে কাত হয়ে পড়ছে ল্যাণ্ড-রোভার। হতাশায় মুষড়ে পড়লো রানা, এই গাড়ি নিয়ে শত্রুদের ফাঁকি দেয়া সম্ভব নয়। এই উপলব্ধি খেপিয়ে তুললো ওকে। সংক্ষিপ্ত বিরতি দিয়ে দ্বিতীয় ম্যাগাজিনটা শেষ করলো ও। তৃতীয় বিস্ফোরণের পরপরই ঝাঁকি খেয়ে দিক বদল করলো টয়োটা, নিছের ধুলোর ভেতর দাঁড়িয়ে পড়লো।

উল্লাসে ফেটে পড়লো রানা ‘শালাদের থামিয়ে দিয়েছি!’

‘শাবাস রানা!’ খুশির চোটে অ্যাকসিলারেটরের ওপর প্রায় দাঁড়িয়ে পড়লো সোহানা।

এই প্রথম হাসি দেখা গেল ক্যাপটেনের মুখে, দুই কান পর্যন্ত বত্রিশ পাটি দাঁত বেরিয়ে পড়লো। ‘ওয়েল ডান, মিঃ রানা, ওয়েল ডান!’

ট্রাকের ওপর লক্ষ্যস্থির রেখে রাইফেলটা খালি করলো রানা।

মোমাছির লাসকে ঘিরে পিঁপড়ের দল যেমন ছুটোছুটি করে, ট্রাকের ক্যাব ঘিরে তেমনি ছুটোছুটি শুরু করে দিলো শোনা সৈনিকরা। এদিকে ভেঙে পড়ার হুমকি দিতে দিতে, বিচিত্র কৰ্কশ শব্দে নিস্তরক প্রাস্তর কাঁপিয়ে, খোঁড়াতে খোঁড়াতে দূরে সরে যাচ্ছে ল্যাণ্ড-রোভার।

‘আরে, আরে—না।’ প্রায় গুড়িয়ে উঠলো রানা।

অচল ট্রাক হঠাৎ আবার সচল হয়ে উঠলো, ফিরলো। ওদের দিকে, তারপর পিছনে ধুলোর পাঁচিল তুলে আবার ছুটে আসতে শুরু করলো।

‘আবার আসছে।’

রাইফেলের গুলিতে সম্ভবত ড্রাইভার আহত হয়েছিল। ক্ষতি যতোটুকুই হয়ে থাকুক, সেটা স্থায়ী কিছু নয়। মাত্র দু’মিনিট অচল ছিলো ট্রাক, এখন আগের চেয়ে দ্রুত গতিতে ছুটে আসছে। বিপদ কার্টেনি সেটা আঁতে ঘা দিয়ে বোঝাবার জ্ঞেই যেন আবার গর্জে উঠলো হেভী মেশিন গান। এক বাঁক গুলি এসে লাগলো ল্যাণ্ড-রোভারে।

ক্যাবের ভেতর ফুঁপিয়ে উঠলো কেউ। তীক্ষ্ণ গলা, মেয়েলি বলে মনে হলো। হাত-পা ঠাণ্ডা হয়ে গেল রানার, কে আহত হয়েছে জিজ্ঞেস করার সাহস নেই। রুফর্যাক ধরে বুলে আছে ও, উদভ্রান্ত দেখালো ওকে।

‘ক্যাপটেনকে গুলি লেগেছে,’ সোহানার গলা।

‘সিরিয়াস?’

‘সিরিয়াস। রক্তে ভেসে যাচ্ছে।’

‘গাড়ি থামিয়ে না।’

মরিয়া হয়ে সামনে তাকালো রানা, সামনে খাঁ খাঁ নিঃশব্দ প্রান্তরের বিশাল বিস্তৃতি। এমন কি ন্যাড়া একটা গাছও চোখে পড়লো না। সমতল প্রান্তরের মতোদূর দেখা যায় কোথাও আকৃতি পেতে পারে এমন কিছুই অস্তিত্ব নেই। সাদা সপ্ট-প্যানের প্রতিফলন ম্লান করে তুলেছে আকাশের রঙ, ফলে দিগন্তরেখার কাছে আকাশ আর মাটিকে আলাদাভাবে চেনা যাচ্ছে না। চোখ নামিয়ে টেঁচিয়ে উঠলো রানা, ‘স্টপ।’

নির্দেশের গুরুত্ব ঝোঝার জগতে প্রচণ্ড শক্তিতে ক্যাবের ছাদে পাঠুকলো ও। সাথে সাথে সাড়া দিলো সোহানা, লক করলো ব্রেক। মুম্বু ল্যাণ্ড-রোভার আড়াআড়িভাবে ঘুরে গিয়ে দাঁড়িয়ে পড়লো।

রানার ব্যস্ততার কারণ আর কিছুই নয়, নিরীহদর্শন হলুদ লোমের একটা বল, আকারে ফুটবলের চেয়ে একটু ছোটোই হবে। প্রথম লাফটা দিয়ে ল্যাণ্ড-রোভারের একেবারে সামনে পড়লো, পিছনের পা দুটো ক্যান্সারের মতো লম্বা, শরীরের বাকি অংশের তুলনায় বড় বেশি বেমানান। আরেক লাফে ভোজবাজির মতো মাটির ভেতর গায়েব হয়ে গেল।

‘স্ট্রীং হেয়ার!’ ঘোষণা করলো রানা। ‘বিশাল একটা কলোনি, ঠিক আমাদের নাক বরাবর!’

‘ক্যান্সার র্যাটস!’ জানালা দিয়ে মাথা বের করে দিয়েছে সোহানা, মুখ তুলে তাকিয়ে আছে পরবর্তী নির্দেশের অপেক্ষায়।

ভাগ্যটা ভালো ওদের। স্ট্রীং হেয়ার নেহাতই নিশাচর প্রাণী, এই একটাই কি কারণে কে জানে মাটির ভেতর গর্ত থেকে বেরিয়ে এসে ওদেরকে সতর্ক হবার সুযোগ করে দিলো। তীক্ষ্ণ দৃষ্টিতে

খুঁটিয়ে দেখলো রানা, কলোনির বিস্তৃতি ধরা পড়ে গেল ওর চোখে। দশ থেকে পনেরো হাজার গর্ত রয়েছে, প্রতিটি গর্তের মাথায় আলগা বুৰবুৰে মাটির টোপের। গর্তের ভেতর গর্ত, তার ভেতর গর্ত, একটার সাথে আরেকটার সংযোগ আছে—গোটা কলোনি অন্তত চার ফুট পর্যন্ত গভীর।

এই মাটি একজন ঘোড়সওয়ারের ভারও সহিতে পারবে না, ল্যাণ্ড রোভারের তো প্রশ্নই ওঠে না। অলস ইঞ্জিনের শব্দকে ছাপিয়ে উঠলো ট্রাকের গর্জন। মেশিনগান ফায়ারের তীক্ষ্ণ আওয়াজ হলো, এতো কাছ থেকে যে নিজের অজান্তেই বাট্ করে মাথা নিচু করে নিলো রানা।

‘বাঁ দিকে ঘোরো!’ গলা ফাটালো রানা। ‘প্যানের দিকে ফিরে চলো!’

ছুটে আসা ট্রাকের সামনে দিয়ে আড়াআড়িভাবে এগোলো ল্যাণ্ড-রোভার। মেশিনগানের বিরতিহীন বিস্ফোরণ তাড়া করলো ওদেরকে। ইঞ্জিনের শব্দকে ছাপিয়ে উঠলো ক্যাপটেনের কাতরানি। কানে তুলে দিলো রানা।

‘ভেতর দিয়ে যাবার কোনো পথ দেখছি না!’ রিপোর্ট করলো সোহানা, চারদিকে শুধু স্ত্রীং হেয়ারের গর্ত দেখছে ও।

‘থেমো না,’ জবাব দিলো রানা। ট্রাকের মুখ ঘুরে গেছে, তেরছা একটা পথ ধরে ওদের সামনে এসে বাধা দিতে চায়—দ্রুত কাছে চলে আসছে টয়োটা।

‘ওই যে!’ পরম স্বস্তি বোধ করলো রানা। যেমন আন্দাজ করে-ছিল, সল্ট-প্যানের কিনারা পর্যন্ত না পৌছে, একটু আগেই স্ত্রীং হেয়ার কলোনির বিস্তৃতি থেমে গেছে, উদ্দেশ্য মাটিতে চোয়ানো

প্যানের লোনা পানি এড়িয়ে যাওয়া। প্যানের কিনারা আর কলো-
নির মাঝখানে সরু একটা ব্রিজ, পথ নির্দেশ দিয়ে ল্যাণ্ড-রোভারকে
তাতে তুলে আনলো রানা। সাড়ে তিন শো গজ পেরিয়ে ব্রিজ
থেকে নেমে এলো ওরা, সামনে শক্ত মাটি। ল্যাণ্ড-রোভারের সব-
টুকু গতি আদায় করছে সোহানা। ধাওয়ারত শত্রুদের কাছ থেকে
সরাসরি দূরে সরে যাচ্ছে।

‘না! না!’ ক্যাবের ছাদে পা ঠুকলো রানা। ‘ডান দিকে ঘোরো,
পুরোপুরি ডান দিকে!’ কিন্তু ইতস্তত করতে লাগলো সোহানা।
‘যা বলছি করো, ডায়ম ইউ!’ হঠাৎ করেই রানার উদ্দেশ্য বুঝতে
পারলো সোহানা, বন বন করে টিয়ারিং লুইল ঘোরালো সে, ধেয়ে
আসা ট্রাকের সামনে দিয়ে উল্টো দিকে ছুটলো ল্যাণ্ড-রোভার।

আবার সাথে সাথে ঘুরে গিয়ে সরাসরি ল্যাণ্ড-রোভারের পিছু
নিলো টয়োটা। প্যান, আর শক্ত মাটির ব্রিজের দিক থেকে ঘুরে
যাচ্ছে সেটার মুখ। এতো কাছে, খোলা পিছন দিকটায় সৈনিকদের
মাথা দেখতে পেলো রানা। রোদে চকচক করছে লালচে বেরেট,
আর রূপালি ক্যাপ-ব্যাঙ্ক। একটা এ-কে ফরটিসেভেন গর্জে উঠলো,
সেই সাথে শোনা গেল সৈনিকদের রক্ত হিম করা উল্লাস ধ্বনি।

মেশিনগানের ঝাঁক ঝাঁক গুলি ল্যাণ্ড-রোভারের দশ ফিট সামনে
ধুলোর কয়েকটা স্তম্ভ তুললো, খাড়া স্তম্ভগুলোকে ভেদ করে বেরিয়ে
গেল ল্যাণ্ড-রোভার।

ক্রত লোড করে একের পর এক এলোপাথাড়ি গুলি করছে রানা,
ট্রাকের সামনে মাটির দিকে ড্রাইভার যাতে মন দিতে না পারে।

‘হাইকোর্টের মাজারে পাঁচ সিকে সিগ্নি দেবো,’ বিভিড় করে
মানত করলো সোহানা। ঘন ঘন ঘাড় ফিরিয়ে টয়োটার দিকে

তাকালো সে ।

প্রত্যাশায় ব্যাকুল হয়ে উঠেছে রানাও, সে-ও বিড়বিড় করছে, ‘প্লিঙ্ক, প্লিঙ্ক, লেট ইট হ্যাপেন ।’ আগুনের মতো গরম হয়ে উঠেছে রাইফেল, দ্রুত হাতে ম্যাগাজিন বদল করলো । ভাগ্যদেবী ওদের প্রার্থনায় সাড়া দিল । কাঁপা মাটির ভেতর সবুগে সৈধিয়ে গেল টয়োটা ।

এ যেন একটা হাতির ছুটে এসে খাদের ভেতর পড়ে যাওয়া । মাটি কাঁক হয়ে গিয়ে গিলে ফেললো ট্রাককে, ভেতরে নেমে যাবার সময় এক দিকে কাত হয়ে পড়লো সেটা, পিছনের লোকগুলোকে ছুঁড়ে ফেলে দিলো দূরে । রাশি রাশি ধুলো এক পাশে সরে যাবার পর দেখা গেল, টয়োটা এক দিকে কাত হয়ে পড়ে আছে, অর্ধেকটাই মাটির নিচে গাঁথা । সেটাকে ঘিরে কেঁচোর মতো মাটিতে বুক দিয়ে গড়াগড়ি খাচ্ছে কিছু মনুষ্য আকৃতি । ছ’একজন অনবরত মাথা ঝাঁকাতে ঝাঁকাতে উঠে দাঁড়বার চেষ্টা করলো । বাকিরা যেখানে ছিটকে পড়েছে সেখানেই শুয়ে থেকে মোচড় খেতে লাগলো ।

‘কেমন মজা !’ রানার উৎফুল্ল গলা শোনা গেল । ‘বুলডোজার ছাড়া ওখান থেকে আর উঠতে হচ্ছে না !’

‘রানা, ক্যাপটেনের অবস্থা...’

‘গাড়ি থামাও !’ রানার চিৎকারে সোহানার গলা চাপা পড়ে গেল ।

গাড়ি থামালো না সোহানা, স্পীড কমালো । লাক দিয়ে ছাদ থেকে নামলো রানা, পাড়ির সাথে ছুটতে ছুটতে আরেক লাফে উঠে পড়লো ব্যাক সিটে । স্পীড আবার বাড়িয়ে দিলো সোহানা ।

সিটের অর্ধেক বাইরে হাত-পা ছড়িয়ে পড়ে আছে ভালডেজ,

দরজার গায়ে ঠেকে আছে মাথাটা। চশমা জোড়া হারিয়ে ফেলেছে সে। গলার ভেতর ঘর ঘর আওয়াজ করছে কফ আর নিঃশ্বাস। ব্যাটল-জ্যাকেটের পিছনটা রক্তে ভিজ়ে জবজব করছে। সাবধানে ধরে তাকে সিটের ওপর তুলে আনলো রানা, জ্যাকেটের চেইন খুললো।

হতভম্ব হয়ে গেল রানা। বুলেটটা নিশ্চই গাড়ির গা ফুটো করে ঢুকেছে, আকৃতি বদলে ভোঁতা হয়ে গেছে চেহারা। ক্যাপটেনের পিঠে কফি কাপ আকারের একটা গর্ত করে ভেতরে ঢুকেছে সেটা। কিন্তু বেরোয়নি।

ড্যাশবোর্ডের সাথে একটা ফাস্ট-এইড বক্স আটকানো রয়েছে। দুটো ফিল্ড ড্রেসিং বের করে ক্ষতটা ব্যাণ্ডেজ করে দিলো রানা।

‘কি রকম বুঝছে?’ উদ্বেগের সাথে জানতে চাইলো সোহানা। চট করে একবার রানার দিকে তাকালো সে।

‘ঠিক হয়ে যাবে,’ ভালডেজকে শোনাবার জগ্নে কথাটা ইংরেজিতে বললো রানা, কিন্তু সোহানার চোখে চোখ রেখে মাথা নাড়লো সে।

ধরে নিতে হয় ক্যাপটেন ভালডেজ মারা গেছে। আর বড় জোর ছ’ এক ঘণ্টার ব্যাপার। এই রকম একটা ক্ষত নিয়ে কারো পক্ষে বেঁচে থাকা সম্ভব নয়।

গরম ধাতব গন্ধে দম আটকে এলো।

‘শ্বাস টানতে পারছি না,’ ভালডেজের গলা অস্পষ্ট শোনালো, বাতাসের জন্যে হাঁসফাঁস করছে সে।

ধীরে ধীরে চোখ মেলে রানার মুখের দিকে তাকালো ভালডেজ। মূঠো করা হাত দিয়ে ভালডেজের মাথার ওপর জানালার কাঁচ ভেঙে ফেললো রানা। ‘আমার চশমা,’ বিড়বিড় করে বললো ভাল-
অন্ধকারে চিতা-২

ডেজ, 'কিছু দেখতে পাচ্ছি না।'

সিটগুলোর মাঝখানে হাতড়ে চশমাটা তুললো রানা, ভালডেজের নাকের ডগায় বসিয়ে দিলো।

'ধন্যবাদ, মিঃ রানা।' চোখে অবিশ্বাস নিয়ে রানা দেখলো, ভালডেজ হাসছে। 'ভান করে লাভ নেই,' আবার বললো সে। 'বোঝাই যাচ্ছে, আমাকে রেখে যেতে হবে।'

বেদনা, ক্রোধ, আর নিষ্ফল রাগের মাত্রা উপলব্ধি করে রানা নিজেই অবাক হয়ে গেল। ভালডেজের কাঁধ দুটো শক্ত হাতে ধরলো ও, গায়ের জোর সংক্রমিত হলে একটু যদি আরাম পায় বেচারী।

'ট্রাক ?' জিজ্ঞেস করলো ভালডেজ।

'আমরা ওটাকে অচল করে দিয়েছি।'

'যাক, মরেও শাস্তি পাবো।' ভালডেজের চেহারা উদ্ভাসিত হয়ে উঠলো।

তার কথা শেষ হতেই ওদের নাকে রাবার আর তেল পোড়ার গন্ধ ঢুকলো।

'গাড়িতে আগুন ধরে গেছে !' আতকে উঠলো সোহানা।

ল্যান্ড-রোভারের সামনের দিকটা জ্বলছে। নষ্ট বেয়ারিং লাল হয়ে উঠে গ্রিন্স আর সামনের টায়ারের রাবারে আগুন ধরিয়ে দিয়েছে। প্রায় চোখের পলকে শিখাগুলো গ্রাস করে ফেললো সামনের চাকা। ইঞ্জিন বুথা গর্জন করছে বটে, কিন্তু গাড়ি দাঁড়িয়ে পড়লো। স্লিপিং ক্লাচেও আগুন লাগলো, চেসিসের ভেতর থেকে কুল কুল করে ধোঁয়া বেরিয়ে আসছে।

'সুইচ অফ।' নির্দেশ দিয়েই এক ঝটকায় দরজা খুলে নেমে

পড়লো রানা, দরজার এক ধারে ঝুলে থাকা ফায়ার-এক্সটিংগুইশার হাতে চলে এসেছে।

ছলন্ত সামনের অংশে সাদা পাউডার স্প্রে করলো রানা। প্রায় সাথে সাথে অদৃশ্য হলো শিখাগুলো। বনেট তুলতে গিয়ে আঙুলের চামড়া পুড়িয়ে ফেললো ও। ইঞ্জিন কমপার্টমেন্টেও স্প্রে করলো আগুন যাতে ছড়িয়ে না পড়ে।

পিছিয়ে এসে অসহায় ভঙ্গিতে মাথা নাড়লো। ‘এ আর চলবে না।’

ইঞ্জিনের গর্জন আর গোলাগুলির বিস্ফোরণ থেমে যাওয়ায় কানের পাশে ঝাঁঝ করছে নিস্তব্ধতা। ক্যাবের পিছনে এসে দূরে তাকালো রানা। তাপ-মরীচিকার ভেতর অচল ট্রাকটাকে দেখা গেল। খাঁ খাঁ মরু প্রান্তরের নির্জনতা নিরেট বস্তুর ভার নিয়ে চেপে বসলো ওর মনে, যেন স্তিমিত করে তুললো ওর নড়াচড়া আর চিন্তাশক্তি।

নৈরাশ্য, ক্ষোভ, আর রাগে মুখের ভেতরটা কাগজের মতো শুকনো লাগলো। ‘পানি!’ সিটের নিচে রিজার্ভ ট্যাংকের কাছে চলে এলো রানা, প্যাচ ঘুরিয়ে ক্যাপ খুললো, পরীক্ষা করলো পানির লেভেল। ‘অস্তুত পঁচিশ লিটার!’

র্যাকের সাথে, এ-কে ফরটিসেভেনের পাশে, অ্যালুমিনিয়ামের একটা ক্যানটিন ঝুলছে, কবর খুঁড়তে যাবার সময় সৈনিকদের একজন রেখে গেছে। ট্যাংকে ডুবিয়ে সেটা ভরে নিলো রানা, তারপর ভালডেজের মুখের সামনে ধরলো।

কৃতজ্ঞ চোখে রানার দিকে তাকালো ভালডেজ, তাড়াহুড়ো করে ঢোক গিলতে গিয়ে বিষম খেলো। তারপর শরীরটা এলিয়ে দিয়ে হাঁপাতে লাগলো। ক্যানটিনটা সোহানাকে দিলো রানা, সবশেষে

বাকি পানিটুকু নিজে খেলো। আগের চেয়ে একটু যেন শান্ত হলো ভালডেজ, তার ডেসিং আবার পরীক্ষা করলো রানা। রক্তক্ষরণ আপাততঃ বন্ধ আছে।

মরুভূমিতে অস্তিত্ব রক্ষার প্রথম শর্ত, রানা জানে, বাহনের কাছে থাকা। কিন্তু সে-নিয়ম এখানে খাটে না। ল্যাণ্ড-রোভার চুম্বকের মতো টেনে আনবে শত্রু-সেনাদের। তাছাড়া, ভালডেজের কাছ থেকে জানা গেছে, স্পটার প্লেন আসছে। এই খোলা প্রান্তরে চল্লিশ মাইল দূর থেকে ল্যাণ্ড-রোভারকে দেখতে পাবে পাইলট। তারপর আছে দ্বিতীয় পেট্রল, প্লামট্রি বর্ডার-পোস্ট থেকে আসছে যারা। এখানে পৌঁছতে বড়জোর ছ'ঘণ্টা লাগবে তাদের।

এখানে থাকা চলে না। হাঁটার মধ্যে থাকতে হবে ওদের। ভালডেজের দিকে তাকালো রানা, দৃষ্টি দিয়ে পরস্পরের মনোভাব উপলব্ধি করলো ওরা।

‘হ্যাঁ, রওনা হয়ে যান,’ ফিসফিস করে বললো ভালডেজ।

তাকিয়ে থাকতে পারলো না, মুখে কোনো কথাও যোগালো না, একটা দীর্ঘশ্বাস চেপে আবার গাড়ির ছাদে উঠলো রানা, পিছন দিকে তাকালো।

নরম মাটিতে ওদের চাকার দাগ পরিষ্কার দেখা যাচ্ছে, সূর্য নিচে নেমে যাওয়ায় ছায়ায় ভরে গেছে ওগুলো। দৃষ্টি দিয়ে ঝাপসা দিগন্তরেখা পর্যন্ত দাগটাকে অনুসরণ করলো রানা, তারপরই চমকে উঠলো।

দৃষ্টিসীমার একেবারে কিনারায় কি যেন নড়ে উঠলো। দীর্ঘ অনেকগুলো সেকেণ্ড ধরে আশা করলো রানা, বোধহয় কিছু না, স্রেফ আলোর ছলনা। কিন্তু তারপরই মাটির ওপর মাথাচাড়া দিয়ে

কৌচোর মতো কিলবিল করে উঠলো, মাটি থেকে উঠে এলো তাপ-মরীচিকার একটা ঝলক, আরেকবার চেহারা বদল করলো, আবার নামলো মাটিতে, এবং সবশেষে লাইন বন্দী সশস্ত্র এক দল মানুষের আকৃতি পেলো ।

ওদের চাকার দাগ ধরে এগিয়ে আসছে একটা কালো সরলরেখা । শিঁচু ছাড়েনি খার্ড ব্রিগেড । ঘোড়ার মতো তুলকি চালে সমান গতিতে ছুটে আসছে । জিন্সাবুইয়ের স্বাধীনতা যুদ্ধের সময় এই সৈনিকদের সম্পর্কে অভিজ্ঞতা হয়েছে রানার, জানে, পুরো একটা দিন এবং সারা রাত এভাবে দৌড়াতে পারবে ওরা ।

লাফ দিয়ে নামলো ও, গাড়ি থেকে ভালডেজের বায়নোকিউলার-টা বের করলো ।

‘এদিকে একটা পেট্রল আসছে,’ ওদেরকে বললো ও ।

‘ক’জন ?’ দম আটকে জানতে চাইলো ভালডেজ ।

ছাদে দাঁড়িয়ে বায়নোকিউলার অ্যাডজাস্ট করলো রানা । ‘আট-জন, বাকি সবাই ট্রাক উন্টে আহত হয়েছে ।’

ফিরে সূর্যের দিকে তাকালো ও, তাপ হারাতে হারাতে লালচে হয়ে উঠছে, ধীরে ধীরে ডুব দিচ্ছে বিকিমিকি দিগন্তে । অন্ত যেতে দু’ঘণ্টার বেশি লাগবে না, আন্দাজ করলো ও ।

‘গামাকে একটা ভালো জায়গায় বসিয়ে দিন,’ বিড়বিড় করে রানাকে বললো ভালডেজ । ‘হাতে রাইফেল থাকলে ওদের আমি কিছুক্ষণ অন্তত ঠেকিয়ে রাখতে পারবো ।’ রানা ইতস্তত করছে লক্ষ্য করে আবার বললো সে, ‘এখন সময় নষ্ট করা ঠিক হবে না, মিঃ রানা ।’

‘সোহানা, ক্যানটিনে পানি ভরো,’ মুহূ কঠে বললো রানা ।

‘ইমার্জেন্সী রেশন থেকে চকোলেট আর হাই-প্রোটিন স্ন্যাক বের করে। ম্যাপ, কম্পাস, আর এই বায়নো কিউলারটা নাও।’

ভালো একটা কাভারের খোঁজে অচল ল্যাণ্ড-রোভারের চারদিকে তাকালো রানা। সমতল প্রান্তর, এমন কোনো আড়াল নেই যেখান থেকে গা ঢাকা দিয়ে শত্রুদের ওপর গুলি চালানো যায়। তারমানে একমাত্র আড়াল দিতে পারে ল্যাণ্ড-রোভারটাই। গ্যাসোলিন ট্যাংক থেকে ড্রেন প্লাগ খুলে ফেললো ও, বালি বহুল মাটিতে অবশিষ্ট ফুয়েল সবটুকু গড়াতে দিলো, শত্রুরা যাতে গাড়িতে আগুন ধরাতে না পারে—পারলে গাড়ির সাথে ভালডেজও পুড়ে মারা যাবে।

রানার সাথে আলাপ করে নিয়ে পিছনের চাকা দুটোর চারপাশে একটা পর্দা তৈরি করলো সোহানা, স্পেয়ার চাকা আর টুল-বক্সটা ভালডেজের হুঁপাশে থাকবে।

হুঁজন ধরাধরি করে ভালডেজকে নামালো ওরা। পিছনের চাকা জোড়ার পিছনে উপুড় করে শুইয়ে দেয়া হলো তাকে। আবার রক্ত-ক্ষরণ শুরু হয়েছে, ভিজে লাল হয়ে গেছে সাদা ব্যাণ্ডেজ। ভালডেজের চেহারা ছাইয়ের মতো ফ্যাকাশে, ওপরের ঠোঁটে ক্ষতটাকে ঘিরে উজ্জ্বল বৃদ্ধদের মতো ঘাম জমেছে। সোহানা তার হাতে একটা এ-কে ফরটিসেভেন ধরিয়ে দিলো, সামনে রাখলো একটা সিট কুশন, এইমিং রেস্ট হিসেবে ব্যবহার করতে পারবে ওটা। ভালডেজের ডান হাতের কাছে স্পেয়ার ম্যাগাজিনের বাক্সটা রাখলো রানা, পাঁচশো রাউণ্ড।

‘সক্কে পর্যন্ত টিকবো আমি,’ ভাঙা, কর্কশ গলায় বললো ভালডেজ। ‘তবে একটা গ্রেনেড রেখে যান।’

গ্রেনেড কেন চাইছে সবাই বুঝলো। ভালডেজ জীবিত অবস্থায় ধরা পড়তে চায় না। একেবারে শেষ মুহূর্তে গ্রেনেডটা নিজের বুকের সাথে চেপে ধরে পিন খুলে নেবে।

বাকি পাঁচটা গ্রেনেড একটা রাকস্যাকে ভরলো রানা। গ্রেনেডগুলোর ওপর রাখলো ব্রিটিশ এয়ারওয়েজ ব্যাগটা, তাতে ওর কাগজ-পত্র আর পাণ্ডুলিপি রয়েছে। টুলবক্স থেকে হালকা গজ ওয়্যারের একটা রোল, আর এক জোড়া সাইড কাটার নিলো; অ্যামুনিশন বক্স থেকে নিলো এ-কে ফরটিসেভেনের জুতো ছয়টা স্পেয়ার ম্যাগাজিন। ফাস্ট এইড বক্সের জিনিসগুলো ভাগ করলো ও, ছোটো ফিল্ড ড্রেসিং, এক প্যাকেট পেইন-কিলার, সিরিঞ্জ ভর্তি মরফিন রাখলো ভালডেজের জুতো। বাকি সব ভরে নিলো নিজের রাকস্যাকে।

দ্রুত একবার লাগু-রোভারের ভেতরটা দেখে নিলো রানা। এমন কিছু থেকে যাচ্ছে যা পরে দরকার লাগবে? ক্যামোফ্লেজ ডিজাইন করা প্লাস্টিক গ্রাউণ্ডশিটের একটা রোল মেঝেতে পড়ে রয়েছে। সেটা তুলে ব্যাগে ভরলো ও। এর বেশি বোঝা বাড়ানো সম্ভব নয়।

সোহানার দিকে তাকালো রানা। তার এক কাঁধে ঝুলছে ক্যান-টিন, আরেক কাঁধে দ্বিতীয় রাকস্যাক। ফটোর পোর্টফোলিওটা রাকস্যাকে ভরে নিয়েছে সে। কঠিন দেখালো তাকে, যেন আবেগের রাশ টেনে ধরার জুতো নিজের সাথে যুদ্ধ করছে, ছল ছল করছে চোখ দুটো। মনে হলো কপালের ফোলাটা আরো যেন বড় হয়ে উঠেছে।

‘রাইট?’ জিজ্ঞেস করলো রানা।

‘ওকে।’

ভালডেজের সামনে হাঁট গেড়ে বসলো রানা। শুদের দিকে পিটন ফিরে দাঁড়ালো সোহানা।

ভালডেজের কাঁধ ধরলো রানা। ‘গুডবাই, ক্যাপটেন,’ বললো ও।

‘গুডবাই, মিঃ রানা।’

ভালডেজের কাঁধ ছেড়ে তার একটা হাত ধরলো রানা, তার চোখে তাকালো। ক্যাপটেনের চোখে ভয় নেই। আফ্রিকানদের এই বৈশিষ্ট্যের সাথে আগেও পরিচয় ঘটেছে রানার, যত্নকে তারা সম্পূর্ণ নিলিপ্তভাবে গ্রহণ করতে পারে। ‘ধন্যবাদ, ভালডেজ। আপনার কথা কখনো ভুলবো না।’

মুহু হাসি দেখা গেল ভালডেজের ঠোঁটে। ‘আমার সাস্থনা এইটুকু যে আপনাদের আমি ফ্যারিং স্কোয়াডের সামনে থেকে সরিয়ে আনতে পেরেছি। এখন শুধু এইটুকু আশা, জেনারেল উমাস্কোকে আপনারা বিনা চ্যালেঞ্জে ছেড়ে দেবেন না।’

রানার চেহারা কঠোর হয়ে উঠলো। ‘তা দেবো না, আপনাকে আমি কথা দিলাম।’

‘ধন্যবাদ, মিঃ রানা। গো ইন পীস।’

উঠে দাঁড়ালো রানা। ঘুরে এগিয়ে এলো সোহানা, ভালডেজের সামনে হাঁট গেড়ে বসলো সে।

ভালডেজের কপাল থেকে চুলগুলো সরিয়ে দিয়ে তার মাথায় একটা হাত রাখলো সোহানা। ‘ইউ আর এ গুড ম্যান, ক্যাপটেন,’ বললো সে। ‘আপনার জন্যে কিছু করার থাকলে বলুন। কেউ আছে, যাকে খবরটা দিতে হবে? আত্মীয়-স্বজন, কিংবা ভালোবাসে এমন কেউ?’

‘না,’ ভালডেজের ক্রান্ত চেহারা বিষয় হয়ে উঠলো। ‘ভালো-
বাসে তেমন কেউ নেই।’ একটা মেয়ে আছে বটে, কিন্তু ভালডেজ
তাকে ভালোবাসলেও, মেয়েটা তাকে ভালোবাসে না। তবে, তার
আশা ছিলো, একদিন ওর মন জয় করতে পারবে সে। ‘শুধু এই
টেলিফোন নাম্বারটা রাখুন, ব্লাগ্‌য়ায়োর কখনো যদি যেতে পারেন,
এই নাম্বারে ফোন করে লিসা নামের একটা মেয়েকে চাইবেন।
তাকে বলবেন, ভালডেজ তোমাকে আর কখনো বিরক্ত করবে না।’

চোখ ফিরিয়ে নিয়ে ফোন নাম্বারটা লিখে নিলো সোহানা। মনে
মনে বললো, হায় অভাগা।

ভালডেজ তার হোলস্টারের ফ্র্যাপ খুলে পিস্তলটা বের করলো।
একটা টোকারেড ফিফটিওয়ান। উন্টে করে ধরে সোহানার দিকে
বাড়িয়ে ধরলো সে, কিন্তু কিছু বললো না।

কয়েক সেকেন্ড পর পিস্তলটা নিলো সোহানা। ‘ধন্যবাদ,
ক্যাপটেন

ওহ! সবাই জানে, গ্রেনেডের মতো এটাও একেবারে শেষ মুহূর্তের
জন্তু—সহজ পথে চির বিদায় নিতে সাহায্য করবে। জিনসের
বেল্টে পিস্তলটা গুঁজে রাখলো সোহানা, আর তারপর হঠাৎ
ঝোঁকের মাথায় বুঁকে পড়ে ভালডেজের কপালে একবার ঠোঁট
ছোঁয়ালো। ‘ধন্যবাদ,’ আবার বললো সে, দ্রুত উঠে দাঁড়িয়ে
ঘুরলো।

পথ দেখিয়ে প্রথমে হন হন করে এগোলো রানা, তারপর তুলকি
চালে ছুটলো। কয়েক গজ অন্তর পিছন ফিরে তাকালো ও, ধাওয়া-
রত সৈনিক আর নিজেদের ঠিক মাঝখানে রাখলো ল্যাণ্ড-রোভার-
টাকে। ওরা যদি সন্দেহ করে তিনজনের মধ্যে থেকে দু’জন গাড়ি

ছেড়ে পালিয়েছে, ল্যাণ্ড-রোভারের ওপর হামলা করার জন্তে অর্পেক লোককে রেখে বাকি সবাই একটা অর্ধবৃত্ত তৈরি করে আবার ফিরে আসবে নাকি বরাবর সরল রেখায়, ওদের হুঁজনের পায়ের ছাপ খুঁজে নিয়ে আবার শুরু করবে ধাওয়া।

পঁয়ত্রিশ মিনিট পর প্রথম অটোমেটিক ফায়ারের আওয়াজ পেলো ওরা। শোনার জন্তে দাঁড়িয়ে পড়লো রানা। বহু দূরে কালো একটা বিন্দুর মতো দেখালো ল্যাণ্ড-রোভারকে, সন্ধ্যার কালিমা বুকে পড়েছে সেটার ওপর। প্রথম বিস্ফোরণের জ্বাবে গান ফায়ারের ঝড় বয়ে গেল, গর্জে উঠলো একসাথে অনেকগুলো রাইফেল।

‘দক্ষ একজন সৈনিক,’ বললো রানা। ‘একেবারে নিশ্চিত হয়ে তারপর প্রথম গুলিটা করেছে। বাজি ধরে বলতে পারি, এখন আর ওদের দলে আটজন নেই।’

অবাক হয়ে দেখলো ও, সোহানার হুঁগাল বেয়ে পানি গড়াচ্ছে। ধুলোর মিহি প্রলেপ লেগে রয়েছে চামড়ায়, পানির ধারা ধূসর হয়ে উঠলো।

কিছু বলতে গিয়েও কি মনে করে কান্ড হলো রানা।

‘লোকটার সরলতা আমি ভুলতে পারছি না,’ বলে নিজের মাথার হুঁপাশে হাত রাখলো সোহানা। ‘মাথাটা খুব ব্যথা করছে। ওকে আমার খুব ভালো লেগে গিয়েছিল।’

যতো দূরে সরে এলো ওরা, ততোই অস্পষ্ট শোনালো গোলাগুলির আওয়াজ। এক সময় শুধু যুহু ফিসফিসানির মতো হয়ে উঠলো, যেন অনেক পিছনে শুকনো পাতার ওপর কারো পা পড়ছে।

‘রানা!’ সোহানার ডাক শুনে ঘাড় ফিরিয়ে তাকালো রানা। দশ-

বারো গজ পিছিয়ে পড়েছে সোহানা, চেহারায় ক্লান্তি আর কষ্টের ছাপ। মাথায় খুব জোরেই লেগেছে, বিশ্রাম দরকার তার। রানা খামতেই হাঁটু মুড়ে বসে পড়লো সে, দুই হাঁটুর মাঝখানে মাথা নামালো। ‘এখনি ঠিক হয়ে যাবে। মাথাটা আবার ব্যথা করতে শুরু করেছে।’

ফাস্ট-এইড বক্স থেকে দুটো পেইন্ট-কিলার ট্যাবলেট বের করলো রানা। ওর হাত থেকে পানির ক্যানটিন আর ট্যাবলেট দুটো নিলো সোহানা। ওর কপালের ফোলাটা উদ্বিগ্ন করে তুললো রানাকে। দু’হাত দিয়ে ধরে শক্ত করে জড়িয়ে রাখলো তাকে।

‘আরাম লাগছে।’ রানার গায়ে ঢলে পড়লো সোহানা।

নিশ্চল মরু, হানা দিচ্ছে সন্ধ্যা, দূর থেকে ভেসে এলো ভোঁতা একটা বিস্ফোরণের শব্দ। শিউরে উঠলো সোহানা। ‘কিসের...?’ জানে, তবু নিজের অজান্তেই প্রশ্নটা বেরিয়ে আসতে চাইলো।

‘হ্যাণ্ড-গ্রেনেড,’ বললো রানা, হাত ঘড়ি দেখলো ও। ‘প্লাটুনের সামনে আর কোনো বাধা নেই, তবে ভালডেজ আমাদেরকে পঞ্চান্ন মিনিট সময় পাইয়ে দিয়েছে। ব্রেস ইউ, ভালডেজ!’

‘বসে থাকলে এই পঞ্চান্ন মিনিট নষ্ট হবে,’ বলে উঠে দাঁড়ালো সোহানা, তার চেহারায় আত্মবিশ্বাসের ভাব দেখে স্বস্তিবোধ করলো রানা। পিছন দিকে তাকালো সোহানা। ‘বেচারি!’ তারপরই রানা-কে অনুসরণ করলো সে।

থার্ড ব্রিগেডের সৈনিকরা কয়েক মিনিটের মধ্যে জেনে ফেলবে ল্যাণ্ড-রোভারের আড়ালে মাত্র একজন লোক ছিলো। গাড়ির পিছনে একটু খাঁজ করলেই ওদের দু’জনের পায়ের ছাপ পেয়ে যাবে এবং সাথে সাথে অনুসরণ করবে। প্রশ্ন হলো, ভালডেজ কতোটুকু

কি করে যেতে পেরেছে। আটজননের মধ্যে ক'জন বেঁচে আছে ওরা।

লিগলিগলি জানা যাবে, ভাবলো রানা। অন্ধকার করে দিয়ে রাত নামলো চারদিকে।

নতুন চাঁদের বয়স তিন দিন, আলো আসছে শুধু তারাগুলো থেকে। আকাশের এক পাশে লম্বা হয়ে সটান দাঁড়িয়ে আছে কাল-পুরুষ—কোমরবন্ধের তিনটে তারা দেখে চিনলো রানা। মরুর শুকনো বাতাসের ভেতর দিয়ে তারাগুলোর উজ্জ্বলতা চারদিকে ছড়িয়ে পড়েছে। ছায়াপথটাকে আকাশের গায়ে সঁটে থাকা বিশাল একটা আলোর টানেল বলে মনে হলো। আকাশের সাজসজ্জা মুগ্ধ করে, কিন্তু ঘাড় ফিরিয়ে পিছন দিকে তাকিয়ে রানা দেখলো, আলো এতো বেশি যে ওদের পায়ের ছাপ পরিস্কার দেখা যাচ্ছে।

‘বিশ্রাম।’ বললো ও, সাথে সাথে মাটির ওপর চিৎ হয়ে শুয়ে পড়লো সোহানা।

বেয়োনেট দিয়ে একটা ঝোপ কাটলো রানা, ভাললোককে এক করে তার দিয়ে বাঁধলো, তারের একটা প্রান্ত জড়িয়ে নিলো কোমরের বেণ্টে। ‘হাঁটো।’ কম কথা বলছে রানা, শক্তি বাঁচাচ্ছে। এবার আগে আগে থাকলো সোহানা, দৌড়াচ্ছে না, হাঁটছে। রানার পিছনে থাকলো শুকনো ঝোপ, মাটি থেকে ওদের পায়ের ছাপ মুছে দিচ্ছে।

নোঙরের মতো রানাকে অনুসরণ করছে ঝোপটা, সামনের দিকে ঝুঁকে হাঁটতে হলো ওকে। এক মাইল পেরোতেই ক্লান্ত হয়ে উঠলো ও। পরবর্তী এক ঘণ্টায় তিনবার পানি খেতে চাইলো সোহানা। মরুভূমিতে বাঁচতে হলে যতোই তৃষ্ণা পাক, প্রথম দিকে তা অগ্রাহ্য

করতে হবে, কোনোমতেই পানি খাওয়া চলবে না। খেলে, প্রতি মুহূর্তে অতৃপ্তি শুধু বাড়তেই থাকবে। কিন্তু সোহানা অস্থূল, মাথার আঘাতটা কাহিল করে ফেলেছে ওকে—কঠোর হতে মন চাইলো না রানার। কিন্তু নিজে ও পানি খেলো না। কাল, তখনও যদি টিকে থাকতে পারে, পিপাসায় আগুন ধরে যাবে ছাতিতে। ঝাঁকটা দমাবার জন্যে ক্যানটিনটা সোহানার কাছ থেকে নিয়ে নিলো ও।

মঝ রাতের খানিক আগে বেন্ট থেকে তারটা খুললো রানা, কাঁটাঝোপের বোঝাটা টেনে আনতে বড় কষ্ট হচ্ছে। থার্ড ব্রিগেডের সৈনিকরা এখনো যদি ওদের পায়ের ছাপ হারিয়ে না ফেলে থাকে, এতে আর তেমন কোনো কাজও হবে না। তার বদলে সোহানার কাছ থেকে রাকস্কাটা নিয়ে নিজের কাঁধে ঝোলালো ও।

আপত্তি করলো সোহানা, ‘আমার কোনো কষ্ট হচ্ছে না অথচ মাতালের মতো টলতে টলতে হাঁটছে সে। ভুলেও একবার অভিযোগ বা অসহায় ভাব প্রকাশ করেনি, যদিও তারার আলোয় সন্টপ্যানের মতো সাদা দেখালো তার চেহারা।

‘সীমান্ত আমরা নিশ্চই ঘন্টা কয়েক আগেই পেরিয়ে এসেছি,’ বললো রানা।

‘এর নানে কি আমরা এখানে নিরাপদ?’ ফিসফিস করে জিজ্ঞেস করলো সোহানা। মিথ্যে কথা বলার ইচ্ছে হলো না বলে চুপ করে থাকলো রানা। শিউরে উঠলো সোহানা, ঠাণ্ডা লাগছে, বোধহয় ঝর আসছে তার।

গায়ের কাপড় ভেদ করে ঠাণ্ডা হুল ফোটাচ্ছে রাতের বাতাস। ভাঁজ খুলে নাইলন গ্রাউণ্ডশিটটা দিয়ে সোহানার কাঁধ ঢেকে দিলো রানা। তারপর তাকে জড়িয়ে ধরে শরীরের খানিকটা ভার নিজের

হাতের ওপর নিলো।

আরো এক মাইল এগোবার পর সন্ট-প্যানের শেষ প্রান্তের কিনারায় পৌঁছলো ওরা। রানা উপলব্ধি করলো, আজ রাতে এর বেশি হাঁটতে পারবে না সোহানা। আঠারো ইঞ্চি উঁচু পাথরে একটা পাড় দেখা গেল, তারপর আবার শক্ত প্রান্তর শুরু হয়েছে। 'এখানে থামা যাক,' বললো ও, সাথে সাথে নেতিয়ে পড়লো সোহানা। তার গায়ে গ্রাউণ্ডশিটটা চাপিয়ে দিলো রানা।

'একটু পানি খেতে পারি?'

'না। সকালের আগে নয়।'

পানির ক্যানটিনটা হালকা হয়ে গেছে, মাটিতে নামাবার সময় ছল ছল আওয়াজ শুনে মনে হলো অর্ধেক পানিও নেই। বেয়োনেট দিয়ে ঝোপ কেটে আনলো রানা, সোহানার সামনে একটা আড়াল তৈরি করলো, তার গায়ে যাতে বাতাস না লাগে।

রানাকে হাত বাড়াতে দেখে পা জোড়া দ্রুত টেনে নিলো সোহানা, বাঙালী মেয়ের সহজাত সংকোচবোধ। 'খবরদার!' চোখ রাঙিয়ে কৃত্রিম শাসন করলো রানা, তারপর সোহানার জগিং শু জোড়া খুলে নিলো পা থেকে।

পা ছুটো ম্যাসেজ করার সময় স্পর্শ দিয়ে পরীক্ষা করলো রানা।

ব্যথায় গুঁড়িয়ে উঠলো সোহানা। 'উফ্, লাগে!' ঘষা খেতে খেতে তার বাঁ গোড়ালির চামড়া উঠে গেছে। সোহানাকে কিছু বুঝতে না দিয়ে পা-টা বট্ করে মুখের কাছে তুলে ক্ষতটা চুষতে শুরু করলো রানা, ময়লা পরিষ্কার করলো। পানি এখন জীবনের মতোই মূল্যবান, অপব্যয় করার উপায় নেই। ক্ষতের ওপর অ্যান্টি-সেপটিক মলম লাগিয়ে দিলো ও, এক পায়ের মোজা আরেক পায়ের

পুয়ালো, সবশেষে জুতো পরিয়ে ফিতে বেঁধে দিলো ।

‘আমি ভাগ্যবতী, এমন একজন মানুষ আমাকে ভালোবাসে...’
ফিসফিস করে বললো সোহানা ।

‘প্রলাপ ?’

‘কি ! শুনে ফেলেছো ?’

‘কথা নয়, চুপ

‘তুমি কি ভালো,’ আবার ফিস ফিস করে বললো সোহানা,
গ্রাউণ্ডশিটের ভেতর ঢুকে তাকে দু’হাতের ভেতর টেনে নিলো
রানা । ‘আর কি গরম !’

‘চুপ করো তো !’ ধমক দিলো রানা, ‘ঘুমাও !’

একটা দীর্ঘশ্বাস ফেললো সোহানা, গুটিমুটি মেয়ে রানার বুকের
আরো একটু ভেতরে সঁধোলো । আর কোনো নড়াচড়া নেই দেখে
রানার মনে হলো, ঘুমিয়ে পড়েছে । কিন্তু একটু পর নরম সুরে
বললো সে, ‘রানা, শেষ পর্যন্ত কি হবে বলে দেখি ? কিং’স হেভেন
তোমার নয়, শুধু তোমার নামে কেনা হয়েছিল । মিঃ রুবেনসনকে
জবাব দেবে কি ? বিশ্ব-ব্যাংকের অতো টাকার লোনই বা শোধ
করবে কিভাবে ?’

‘সময় হোক, একে একে সব সমস্তার সমাধান করবো,’ শাস্ত
কিন্তু দৃঢ়তার সাথে আশ্বাস দিলো রানা । ‘যদি বাঁচি, উম্মাঙ্গকে
শাস্তি পেতে হবে ।’

এরপর ঘুমিয়ে পড়লো সোহানা । বুকে তার নিয়মিত নিঃশ্বাস
পড়ার স্পর্শ পেলো রানা । আস্তে আস্তে, তার ঘুম না ভাঙিয়ে
গ্রাউণ্ডশিট থেকে বেরিয়ে এলো ও ।

হাঁটুর ওপর এ-কে ফরটিসেভেন নিয়ে নিচু পাড়ের ওপর বসলো

রানা, খোলা প্যানের দিকে নজর রাখলো। জানে, আসবে ওরা।
জেগে বসে থেকে অপেক্ষা করতে হবে।

পাহারায় বসে কিংস হেভেনের কথা ভাবলো রানা। চোখের
সামনে একে একে ভেসে উঠলো কুয়াকোপা, টসনে, নিলি, আর
আলায়তুনের চেহারা। আহত কুয়াকোপাকে পালিয়ে যেতে দেখেছে
ও, কিন্তু শেষ পর্যন্ত পালাতে পেরেছে কিনা কে জানে। ম্যাটাভে-
লিল্যাণ্ডে পোড়ামাটি নীতি নিয়ে হামলা চালাচ্ছে গার্ড ব্রিগেড,
যাকে যেখানে পাচ্ছে সেখানেই খুন করছে। কুয়াকোপার মুখে
শুনেছে, তার মেয়ে নিলিকে শোনা সৈনিকরা ধর্ষণ করছে। নিলি,
আলায়তুনে, টসনে, কেউই বোধহয় বেঁচে নেই। বাদুগলোর কথা
মনে পড়লো, একেকটা কিনতে পনেরো হাজার ডলার করে দাম
পড়েছে।

তারপর মনে পড়লো গুর কাঁধে যে দাঙ্গিরাগুলো রয়েছে।

বাংলাদেশ কাউন্টার ইন্টেলিজেন্স-এর সেরা এজেন্টদের একজন
সে। কখনো দেশের বিরুদ্ধে ষড়যন্ত্র বানচালের জন্তে, কখনো
দেশের স্বার্থ রক্ষার জন্যে, কখনো সার্বভৌমত্ব এবং স্বাধীনতা সংহত
করার জন্যে প্রাণের ওপর ঝুঁকি নিয়ে শত্রু আর বিপদের মুখোমুখি
দাঁড়াতে হয় তাকে। এই পেশায় প্রতিপদে রয়েছে রোমাঞ্চের হাত-
ছানি, আবার যে-কোনো মুহূর্তে অকালে করে যাবার আশংকাও।
এবারের এই অ্যাসাইনমেন্ট বি. সি. আই. চীফ মেজর জেনারেল
(অবসরপ্রাপ্ত) রাহাত খান ওদেরকে পাঠিয়েছেন মানবিক কারণে।
তিনি বিশ্বস্ত সূত্রে খবর পেয়েছিলেন, জিম্বাবুইয়ে একটা উপজাতিক
নিশিচু করে ফেলার ষড়যন্ত্র হচ্ছে, এখানে একটা সামরিক অভ্যুত্থান
ঘটানো হবে, এবং জিম্বাবুইয়ের নিজস্ব সম্পত্তি পাঁচশো মিলিয়ন

ডলার মূল্যের হীরে অন্যায়ভাবে হাত করার চেষ্টা করবে একটি শক্তিশালী রাষ্ট্র। অ্যাসাইনমেন্ট দিয়ে সোহানাকে আগেই জিম্বাবুইয়ে পাঠিয়ে দেয়া হয়, ওয়াইল্ড লাইফ ট্রাস্টের একজন গবেষক এবং ফটোগ্রাফার হিসেবে জিম্বাবুইয়ে ঢোকে সোহানা। এদিকে, বিশ্ব-ব্যাংক জিম্বাবুইয়ে তাদের স্বার্থ রক্ষার জন্যে রানার সাহায্য চাইলো। এমনিতেও অ্যাসাইনমেন্ট নিয়ে এখানে আসতে হতো রানাকে। বিশ্ব ব্যাংক সন্দেহ করছিল, একজন মাস্টার পোচার জিম্বাবুইয়ের বন্যপ্রাণী মেরে ছাল আর শিং বিদেশে পাচার করে দিচ্ছে। সেই মাস্টার পোচারকে খুঁজে বের করার দায়িত্ব চাপলো রানার ওপর।

কিন্তু কোনো দায়িত্বই পালন করতে পারেনি ওরা। মাস্টার পোচার হিসেবে জেনারেল টস মাজুলেটের বিরুদ্ধে ওরা প্রমাণ সংগ্রহ করেছে, অথচ মাজুলেট মাস্টার পোচার নয়। ম্যাটাবেল উপজাতিকে নিশ্চিহ্ন করার জন্যে হামলা চালিয়েছে শোনা সৈনিকদের নিয়ে তৈরি থার্ড ব্রিগেড, অথচ এখনো ম্যাটাবেলদের বাঁচাবার জন্তে কিছু করতে তো পারেইনি, প্রাণ হাতে নিয়ে পালাতে হচ্ছে ওদের নিজেদেরকেই।

রাজধানী হারানোর কোনো খবর জানা নেই, সামরিক অভ্যুত্থান এখনো যদি নাও ঘটে থাকে, জেনারেল উমাসো প্রস্তুতি নিচ্ছে এ কথা নিঃসন্দেহে বলা যায়। বিদেশী যে শক্তিটা তাকে সাহায্য করছে, তাদের প্রতিনিধিও নিশ্চই উৎসাহ যোগাচ্ছে শয়তানটাকে। রানা আন্দাজ করলো, হীরেগুলো এই প্রতিনিধির মাধ্যমেই জিম্বাবুই থেকে বেরিয়ে যাবে। হয়তো এরই মধ্যে সেগুলো উদ্ধার করে নিজেদের দখলে নিয়ে এসেছে তারা।

এই সব ব্যর্থতার কারণে মন খারাপ হয়ে গেলেও, হতাশায় মুষড়ে

পড়ে হাল ছেড়ে দেয়ার পাত্র মাসুদ রানা নয়। নিজের সমালোচনা করলো ও, সেই সাথে যুক্তি দিয়ে নিজেকে কিছু আশার বাণীও শোনালো। বিপদটা এসেছে অপ্ৰত্যাশিতভাবে, যাকে বন্ধু বলে মনে হয়েছিল সে-ই আচমকী ঘাতক হয়ে সামনে দাঁড়ায়। তবে এ-কথাও ঠিক, মিঃ রুবেনসনের অনুরোধে ঢেকি গিলতে গিয়ে নিজের কাজে অবহেলা করে ফেলেছে ও। রক্তে-মাংসে গড়া একজন মানুষ, কিছু দুর্বলতা না থেকে পারে না। মিঃ রুবেনসন নিজের সম্পত্তি ফিরে পাবার চেষ্টা করছিলেন, কিন্তু আইনের মারপ্যাঁচে তা সম্ভব হচ্ছিলো না, কাজেই সাহায্যের অনুরোধে প্রত্যাখ্যান করতে পারেনি রানা। প্রত্যাখ্যান না করতে পারার আর একটা কারণ ছিলো, এই সম্পত্তির সাথে রেবেকার স্মৃতি জড়িয়ে আছে। রেবেকাকে ভালো-বেসেছিল রানা, সে মারা গেলেও, তার স্মৃতির প্রতি শ্রদ্ধাবোধ ম্লান হবার নয়।

আরো সাবধান, আরো সতর্ক থাকা উচিত ছিলো ওদের। তবে, সব শেষ হয়ে গেছে এ-কথা মনে করার কোনো কারণ নেই, নিজেকে সান্ত্বনা দিলো রানা। মাত্র কয়েক দিনে গোটা একটা উপজাতিকে মেরে সাফ করে ফেলা সম্ভব নয়। চেষ্টা করলে এখনো ম্যাটাবেল-দের বাঁচানো যায়। সামরিক অভ্যুত্থান ঘটতেও সময় নিয়ে প্রস্তুতি দরকার, এখনি ব্যাপারটা ঘটবে বলে মনে হয় না। আর হীরেগুলো যদি জিস্বাবুই থেকে পাচার হয়ে গিয়ে থাকে, সেগুলো উদ্ধার করার স্ত্রযোগও নিশ্চয়ই পাওয়া যাবে।

সবচেয়ে আগে দরকার অস্তিত্ব রক্ষা করা। নিরাপদ একটা আশ্রয় পেলে ঠাণ্ডা মাথায় চিন্তা করতে পারবে ও। অসমাপ্ত কাজগুলো শেষ করতে হলে নিখুঁত একটা প্ল্যান তৈরি করতে হবে ওকে।

ঘুমের মধ্যে বোধহয় স্বপ্ন দেখে শুড়িয়ে উঠলো সোহানা। উঁচু পাড় থেকে উঠে নিঃশব্দ পায়ে তার কাছে চলে এলো রানা। হাঁটু গেড়ে বসলো, বুঁকে পড়ে সোহানার নিঃশ্বাসের শব্দ শুনতে শুনতে ভুরুজোড়া কুঁচকে উঠলো। আগের চেয়ে দ্রুত নিঃশ্বাস ফেলছে সোহানা। গায়ে হাত দেবে কিনা ভেবে ইতস্তত করতে লাগলো, যদি ঘুম ভেঙে যায়। চোখের সামনে দৃশ্যটা ভেসে উঠলো—লম্বা টেবিলের ওপর সোহানাকে নগ্ন এবং খোলা অবস্থায় ধরে রাখা হয়েছে, বহু লোক কদর্য দৃষ্টি দিয়ে খুঁটিয়ে দেখছে তাকে। একটা মেয়েকে এর চেয়ে ভয়ংকরভাবে অপমান করা সম্ভব নয়।

সহানুভূতি আর দরদ ফুটে উঠলো রানার চেহারায়, ঝাঁকের মাথায় সোহানার কপালে একটা হাত রাখলো। সাথে সাথে যেন আগুনের ছাঁকা খেলো ও। প্রচণ্ড জ্বরে পুড়ে যাচ্ছে সোহানা। টেম-পারেচার আন্ডাজ করলো রানা, একশো সাড়ে তিন কিংবা চারও হতে পারে।

হুশ্চিন্তায় থমথমে হয়ে উঠলো রানার চেহারা। সোহানার কাছ থেকে সাহায্য পাবার আশাটা বাদ দিলো ও। বুঝলো, বাকি পথটুকু তাকে কাঁধে করে নিয়ে যেতে হবে।

প্যানের কিনারায় ফিরে এসে আবার পাহারায় বসলো রানা। চোখে ঘুম নেই, তীক্ষ্ণ দৃষ্টিতে তাকিয়ে থাকলো ফেলে আসা মরু প্রান্তরের দিকে। ধীরে ধীরে শেষ হয়ে এলো রাত। আধ ঘণ্টা পর পর সোহানাকে দেখে এলো ও। জ্বর আগের মতোই, বাড়েনি বা কমেনি। অঘোরে ঘুমাচ্ছে সে। ঘুম ভাঙিয়ে ট্যাবলেট খাওয়াবার কথা একবার ভাবলো বটে, কিন্তু চিন্তাটা বাতিল করে দিলো সাথে সাথে। যতোক্ষণ পারে ঘুমাক, ওষুধের চেয়ে ঘুমটা বেশি দরকার।

খোলা প্যানে গাঢ় রঙের কিছু নচল আকৃতি দেখে চমকে উঠলো রানা। চোখে বায়নেকিউলার তুলে ভালো করে তাকাতে দেখলো, ওগুলো আসলে য়ান রঙের মক-হরিণ—গ্যাঙ্গেল, একেকটা ঘোড়ার মতো বড়। এগুলোকে জেমসবাক-ও বলা হয়, মুখের চেহারা দেখতে হীরে আকৃতির, তাই। বার্তাসের দিকে মুখ করে চোখের সামনে থেকে ধীরে ধীরে অন্ধকার মক্কে হারিয়ে গেল দলটা।

আকাশ-পথ ধরে নিচের দিকে নামলো কালপুরুষ, তারপর দিনের প্রথম আভা ফুটে না ফুটে মিলিয়ে গেল। এবার রঙনা হবার সময় হয়েছে, কিন্তু সোহানার ঘুম ভাঙতে ইচ্ছে হলো না বলে বসেই থাকলো রানা। মনে মনে জানে, নতুন এই দিনটা ওদের জন্যে ভালো কিছু নিয়ে আসছে না। নিয়ে আসছে বিশদ, সমস্যা, আর চ্যালেঞ্জ। এ-সবের মধ্যে এখনি সোহানাকে টেনে আনতে মন চাইলো না।

হঠাৎ করেই ওদেরকে দেখতে পেলো রানা। সাথে সাথে শির-শির করে উঠলো ঘাড়ের পিছনটা, মোচড় খেলো তলপেট। প্যানের ওপর এখনো ওরা অনেক দূরে, অন্ধকারের ভেতর আরো গাঢ়, লম্বা আকৃতির কালো একটা রেখা মাত্র। কিন্তু বোঝা যায়, লম্বাটে রেখাটা কোনো মক-প্রাণীর পাল নয়। প্রতিটি মুহূর্তে এগিয়ে আসছে কালো দাগ, সোজা ওর দিকে।

ওদের আসতে এতো দেরি হলো কেন আন্দাজ করতে পারলো রানা। কাঁটাঝোপের বোকাটা মাটির ওপর দিয়ে টেনে নিয়ে আসায় তাদের পায়ের ছাপ হারিয়ে ফেলেছিল সৈনিকরা। বোকাটা রানা যেখানে ফেলে দিয়েছিল সেখান থেকে আবার পায়ের ছাপ ধরে পথের শেষটুকু দ্রুত পেরিয়ে এসেছে।

রুমায়ী স্থির করার জন্য দ্রুত চিন্তা করলো রানা। সামনে পিছনে আরো ইয়তো শত্রু আছে, কিন্তু তাদের কথা আপাততঃ ভুলে গিয়ে যারা নাগালের মধ্যে চলে এসেছে তাদের একটা ব্যবস্থা করা দরকার।

শত্রুর বিরুদ্ধে যদি কুথো দাঁড়াতে হয়, এখনই সময়।

দুই

নিশ্চই খোলা সন্ট-প্যানের ওপর দিয়ে আসবে শোনারা, আন্ডাজ করলো রানা। ওর সামনে উঁচু পাড় থাকায় সামান্য একটু সুবিধে পাবে ও। কাঁটাঝোপগুলো ছড়িয়ে ছিটিয়ে রয়েছে, তবে সবগুলোই হাঁচু সমান উঁচু—যদিও ওগুলোকে ব্যবহারের মতো সময় নেই হাতে।

শরীরটা কোমরের কাছে ভাঁজ করে নিচু হলো রানা, ফ্যাকাশে আকাশের গায়ে দেহ-রেখা যাতে ফুটে না ওঠে, তারপর এক ছুটে চলে এলো রাকস্যাঙ্কের কাছে। শাটের নিচের অংশটা বুকের কাছাকাছি ভুলে কোঁচড়ে পাঁচটা গ্রেনেড নিলো, হাতে নিলো ওয়ার্ল রোল আর সাইড কাটার, তারপর আবার মাথা নিচু করে ছুটে এলো পাড়ের সামনে।

এগিয়ে আসা পেট্রলের দিকে তীক্ষ্ণ চোখে তাকালো ও। চার-
অন্ধকারে চিতা-২

দিকে খোলা প্যান, তাই এক লাইনে আসছে ওরা। কিন্তু এই আকৃতি বদলে যাবে, খণ্ডযুদ্ধের সময় যেভাবে এগোয়, যোদ্ধারা সেভাবে এগোবো—পাড়ের কাছাকাছি চলে এসে ছুটন্ত একটা তীর চিহ্নের আকৃতি নেবে ঝাঁকটা। ফলে অ্যামবুশের মধ্যে পড়লে পরস্পরকে কাভার দেয়ার সুযোগ থাকবে।

সে কথা মনে রেখে গ্রেনেডগুলোর জন্য জায়গা বাছাই করলো রানা। প্রতিটি গ্রেনেড পাড়ের মাথায় ঝোপের ভেতর লুকানো থাকবে। বিস্ফোরণ খানিকটা উচুতে ঘটবে, ফলে ঝাঁকটা চারদিকে অনেকটা দূর পর্যন্ত পৌঁছুবে।

প্রতিটি গ্রেনেড একটা করে ঝোপের সাথে তার দিয়ে শক্ত করে বাঁধলো রানা, একটার কাছ থেকে আরেকটা বিশ গজ দূরে। প্রতিটি ফ্যারিং পিনের সাথে আলাদা একটা করে তার বাঁধলো, তারের অপর প্রান্তটা সাথে নিয়ে চলে এলো সোহানা যেখানে শুয়ে রয়েছে। এভাবে পাঁচ বারে পাঁচটা তার নিয়ে এসে রাকস্যাকের ক্ল্যাপের সাথে আটকানো।

হাঁটুর ওপর খাড়া হয়ে কাছগুলো সারলো রানা। আকাশ খুব তাড়াতাড়ি ফর্সা হয়ে আসছে, প্রতি মিনিটে দ্রুত আরো কাছে চলে আসছে পেট্রলও। শেষ গ্রেনেডটার ফ্যারিং পিনে তার বাঁধলো ও, এবার সোহানার কাছে ফিরলো ক্রল করে। কাঁটাঝোপের আড়ালে যেখানে শুয়ে আছে সেখান থেকে ফণার আকৃতি নিয়ে সামনের দিকে এগিয়ে গেছে পাঁচটা তার। এ-কে ফরটিসেভেন চেক করলো ও, স্পেয়ার ম্যাগাজিনটা রাখলো ডান হাতের কাছে।

এবার সোহানার বুম ভাঙতে হয়। কপালে হাত দিয়ে দেখলো, জ্বর সেই আগের মতোই। অবোরে ঘুমাচ্ছে, নড়াচড়া নেই। ঠোটে

আলতো করে চুমো খেলো রানা, সোহানার নাকের ডগা বার কয়েক কুঁচকে উঠলো, উম্ম করে মুহু আওয়াজ করলো গলা দিয়ে। তারপর চোখ মেললো সে। মুখের ওপর রানাকে বুঁকে থাকতে দেখে মুহূর্তের জন্যে চোখে ঝিক করে উঠলো ভালোবাসা। কিন্তু তারপরই স্নান হয়ে গেল চেহারা। মনে পড়ে গেছে, বিপদের মধ্যে রয়েছে ওরা। উঠে বসার চেষ্টা করলো সে, কিন্তু তার বুকে একটা হাত রেখে বাধা দিলো রানা।

‘ওরা এসে গেছে,’ সোহানার কানে কানে বললো রানা। ‘আমি বাধা দিতে যাচ্ছি।’

মাথা ঝাঁকালো সোহানা। ‘আমিও...’

‘না। এই জ্বর নিয়ে তোমার আর নড়াচড়ার দরকার নেই। ভালভেজের পিস্তলটা আছে তো?’

আবার মাথা ঝাঁকালো সোহানা, জিনের ওয়েস্ট ব্যাগে হাত চলে গেল।

‘চালাতে পারবে বলে মনে হয়?’

‘পারবো।’

‘শুয়ে থাকবে, উঠবে না,’ বললো রানা। ‘যদি দেখো ওদের কেউ কাছে চলে এসেছে, শুধু তখনই গুলি করবে।’ সোহানা আপত্তি করতে যাচ্ছে দেখে আবার বললো রানা, ‘এটা আমার অর্ডার।’

স্নান চেহারা নিয়ে চূপ করে থাকলো সোহানা।

‘একেবারে শেষ মুহূর্তের জগে একটা বুলেট রেখে দিয়ে।’

রানার দিকে একদৃষ্টে তাকিয়ে থাকলো সোহানা।

‘কথা দাও, ইতস্তত করবে না।’

‘দিলাম,’ ফিসফিস করে বললো সোহানা।

ধীরে ধীরে মাথা তুললো রানা। প্যানের কিনারা থেকে চারশো গজ দূরে রয়েছে পেট্রল। যেমন আনন্দ করছিল ও, লাইন ভেঙে এখুনি ছড়িয়ে পড়তে শুরু করেছে ওরা, তীরচিহ্নের মাথার মতো আকৃতি নিচ্ছে দলটা।

লাইন ভাঙতে শুরু করায় ম্লান আলোয় মাথাগুলো আলাদাভাবে চেনা গেল। গোণা শেষ করে গভীর হয়ে উঠলো রানা। পাঁচজন। ভালডেজের কাছ থেকে আরো বেশি কিছু আশা করেছিল ও। শোনাদের মাত্র তিনজনকে ঘায়েল করে যেতে পেরেছে সে। ওত পেতে অপেক্ষা করার সুবিধে থাকলেও, পাঁচজন ওর একার জন্তে খুব বেশি।

‘মুখ নিচু করে রাখো,’ ফিসফিস করে বললো ও। ‘তা না হলে দূর থেকে আয়নার মতো চকচকে দেখাবে।’ লক্ষী মেয়ের মতো রানার হাতের ভাঁজে মুখ লুকালো সোহানা। নিজের মুখ ঢাকার জন্তে চোখ বাদ দিয়ে চারদিকে শার্টটা জড়িয়ে নিলো রানা। তীক্ষ্ণ-চোখে সারাক্ষণ ওদের এগিয়ে আসা দেখছে।

আশ্চর্য হয়ে গেল রানা। সারা রাত ধরে হাঁটার মধ্যে আছে, অথচ কেউ ওরা এতোটুকু ক্লান্ত নয়। স্বচ্ছন্দে ছুটে আসছে, পা ফেলার সাবলীল ছন্দে কোনো পতন নেই। তীরচিহ্নের মাথায় লম্বা একজন শোনা, যেন বাতাস কেটে এগিয়ে আসছে একটা বর্শা। তার এ-কে ফরটিসেভেন বাঁ। কোমরের নিচের দিকে ধরে আছে, ভাবভঙ্গিতে হার না মানার একরোখা জেদ, সমগ্র অস্তিত্ব থেকে ঠিকরে বেরুচ্ছে রক্তে স্নান করার ব্যাকুলতা। ভোরের প্রথম ম্লান আলো একবার তার চোখে লাগলো, অমনি চোখ জোড়া যেন কালো মুখের মাঝখানে কামান থেকে বেরুনো আগুনের মতো জ্বলে

উঠলো। এই লোকই যে ওদের লিডার, হামলাজ করতে পারলো রানা।

তার ছ'পাশের লোক চারজন, গাঁট্টিগোঁট্টি, চওড়া আকৃতির ঘন কালো চেহারা থেকে অস্ত্র শক্তি বিচ্ছুরিত হচ্ছে, তবু লিডারের তুলনায় নিকৃষ্ট মনে হলো ওদেরকে। লিডার হাত নেড়ে সংকেত দেয়ার সাথে সাথে যন্ত্রচালিত পুতুলের ভঙ্গিতে আদেশ পালন করছে ওরা।

এখন আর দলটা ছুটছে না। নিঃশব্দে হেঁটে আসছে প্যানের কিনারা লক্ষ্য করে। কিছুই দেখতে পায়নি, কিন্তু বিপদের গন্ধ ঠিকই পেয়ে গেছে।

তারগুলো বাঁ হাতের তালুতে পাশাপাশি সাজালো রানা, তাম্ব-পর আঙুলের ফাঁক দিয়ে বের করে আনলো।

উঁচু পাড়টা পঞ্চাশ কদম দূরে থাকতে হাত নেড়ে সংকেত দিলো লিডার, গোটা দল সাথে সাথে স্থির হয়ে গেল। লিডারের মাথা একদিক থেকে আরেকদিকে ঘুরলো, পাড় আর তার সামনের কাঁটা-ঝোপগুলোর ওপর নজর বুলালো। পাঁচ কদম আগে বাড়লো সে, হালকা পায়ে, তারপর আবার দাঁড়িয়ে পড়লো। কিছু একটা নিশ্চয়ই দেখতে পেয়েছে সে। এক এক করে পেরিয়ে যাচ্ছে সেকেন্ডগুলো, নিজের অজান্তেই দম বন্ধ হয়ে গেল রানার।

আবার নড়লো লিডার। আগেও বাড়লো না, পিছুও হটলো না, শুধু পাক খাওয়ার ভঙ্গিতে একবার এদিক, আরেকবার ওদিক ঘুরালো শরীরটা—ছ'পাশের সঙ্গীদের উদ্দেশ্যে তর্জনী তাক করলো, তারপর আঙুলগুলো ভাঁজ করে মুঠো পাকালো। সাথে সাথে বদলে গিয়ে তীরচিহ্নের মাথার বিপরীত আকৃতি পেলো দলটা। এই ভঙ্গি নগুনি অন্ধকারে চিতা-২

উপজাতির প্রিয় ‘বাঁড়ের শিং’ নামে পরিচিত। হৃদয়বীর চাকা (রাজাও বটেন) এই ভঙ্গির সাহায্য নিয়ে শত্রু সংহারে চমকপ্রদ কৃতিত্বের পরিচয় দিয়েছিলেন। শিং ছটো এবার রানার পত্নিশন আবিষ্কারের জন্মে এগিয়ে এলো।

স্বস্তির পরশ অনুভব করলো রানা। গ্রেনেডগুলো দূরে দূরে বসিয়ে দূরদৃষ্টির পরিচয় দিয়েছে ও। ছ’পাশের লোকগুলো প্রায় সরাসরি বাইরের দিকের গ্রেনেডগুলোর ওপর দিয়ে হেঁটে আসবে। তালু থেকে ছটো তার বেছে আলাদা করে নিলো ও টেনে নিয়ে বুল কমাতে। চোখে পলক নেই, ওদের এগিয়ে আসা দেখছে। ছ’পাশের লোকদের মধ্যে লিডার লোকটা থাকলে ভালো হতো, কারণ সে-ই ভয়ের কারণ। কিন্তু লোকটা আর নড়েনি। বিস্ফোরণের রেঞ্জ থেকে অনেকটা পিছনে দাঁড়িয়ে চারদিকে লক্ষ্য রাখছে সে, হাত নেড়ে দলটাকে নির্দেশ দিচ্ছে।

ডান দিকের লোকটা পাড়ে পৌঁছলো, সন্তর্পণে পা রাখলো মাথায়। কিন্তু বাঁ দিকের প্রথম লোকটা পাড় থেকে দশ ফিট দূরে এখনো।

‘এক সাথে আয় শালারা,’ বিড়বিড় করে বললো রানা, ‘তোদের একসাথে পেতে হবে না আমার!’

পাড়ের ওপর উঠে আস্তে-বীরে এগোলো ডান দিকের লোকটা, লুকানো গ্রেনেডের গায়ে ঘষা খেলো তার একটা পা। আরো ক’সেকেও অপেক্ষা করার সিদ্ধান্ত নিয়েছে রানা। লোকটা যখন গ্রেনেড টপকাচ্ছিল তখন যদি তারটা টানতো ও, সাথে সাথে হাড়ের গুঁড়ো মেশানো মাংসের কিমা হয়ে যেতো সে।

বাঁ দিকের লোকটা পাড়ে পৌঁছলো। তার কপাল আর মাথায়

একটা ব্যাণ্ডেজ জড়ানো রয়েছে—নিশ্চয়ই ভালডেজের কৃতিত্ব।
গেনেডটা এই মুহূর্তে তার নাভির কাছাকাছি রয়েছে। ‘গো টু
হেল’। বিভিবিড় করে উঠেই দুটো তার ধরে হাঁচকা টান দিলো
রানা।

টং ! টং ! একজোড়া শক্তির সাথে গেনেডের গা থেকে
ফয়ারিং পিন খুলে গেল।

তিন সেকেন্ড পর বিস্ফোরণ ঘটবে। ট্রেনিং পাওয়া সৈনিক ওরা,
পিন খোলার আওয়াজ চিনতে ভুল করলো না। সাথে সাথে বিদ্যুৎ
থেলে গেল শরীরে। পাড়ে উঠে আসা লোকটা ডাইভ দিয়ে কোথায়
পড়লো, তাকে আর দেখা গেল না। রানা অনুমান করলো, সরে
গেলেও গেনেডের এতো কাছাকাছি থাকবে যে বাঁচার কোনো
আশা নেই তার। বাকি তিন জন, যারা পাড়ের কাছাকাছি পৌঁচেছে,
মাটিতে পড়ে যেতে শুরু করে গুলি চালালো। মাটিতে পড়ে গড়ালো
ওরা, সমানে গুলি চালালো, পাড়ের ওপর সমতল প্রান্তর ঘেঁষে
ঝাঁকে ঝাঁকে ছুটে গেল বুলেট।

শুধু বাঁ দিকের ট্রুপার, সম্ভবত আহত বলেই, ওই তিন সেকেন্ড
নিজের পায়ে দাঁড়িয়ে থাকলো। গেনেডটা ফাটলো ক্ল্যাশ বালবের
উজ্জ্বলতা নিয়ে। নাভির কাছে বিস্ফোরণ ঘটায় চোখের পলকে
কোমর থেকে আলাদা হয়ে গেল শরীরটা, দুটো টুকরোই থাকি খেয়ে
শূন্যে উঠে পড়লো। ডান দিকে ফাটলো আরেকটা গেনেড। ড্রামের
ভেঁতা আওয়াজের মতো মাংসের ভেতর অ্যাপনেল ঢোকান শব্দ
শুনলো রানা।

হুঁজন গেল, ভাবলো রানা। বাকি হুঁজনের খোঁজ না করে
লিডারের দিকে রাইফেল তুললো ও। বোপের ভেতর থেকে গুলি
অন্ধকারে চিতা-২

করলো; পাড়ের নিচে টার্গেট গড়াতে শুরু করেছে, লাগলো না।
 লিডারের কয়েক ইঞ্চি সামনে সাদা লবণ ছিটকে উঠলো। লক্ষ্য বার্থ
 হলোও, টার্গেট বরাবর একই লাইনে পড়েছে গুলি। দ্বিতীয় গুলিটা
 পড়লো একটু বাঁ দিকে, কারণ আবার গড়াতে শুরু করেছে লিডার,
 সেই সাথে রাইফেল চালাচ্ছে।

হঠাৎ একজন ট্রুপার নিচে থেকে লাফ দিয়ে উঠেই পাড়ের দিকে
 ছুটে এলো। হাতের রাইফেল ঝট করে ঘুরিয়ে দেরি করলো না
 রানা, ট্রিগার টেনে ধরলো। এবার সবগুলো বুলেট লক্ষ্যভেদ
 করলো। শুরু হলো তলপেট থেকে, একের পর এক গর্ত করতে
 করতে ওপর দিকে উঠতে লাগলো বুলেটগুলো। ট্রুপারের হাত
 থেকে খসে পড়লো রাইফেল, আধ পাক ঘুরে গেল শরীরটা, তার-
 পর সটান আছাড় খেয়ে পড়ে গেল।

দীর্ঘদেহী লিডার মৃত্যুভয় কাকে বলে জানে না। রক্ত হিম করা
 একটা হংকার ছেড়ে দাঁড়ালো সে, চিৎকার করে নির্দেশ দিলো
 তারপর ক্ষাপা ষাঁড়ের মতো ছুটে এলো পাড়ের দিকে। তার সঙ্গী
 বিশ ফিট পিছনে।

মুহূর্তের জোরে দৃশ্যটা অবিশ্বাস করলো রানা। মৃত্যুর দিকে এ-
 ভাবে কেউ ছুটে আসতে পারে, কল্পনার বাইরে। রাইফেলটা তার
 দিকে ফিরিয়ে আনলো ও, সারা মনে উল্লাস। লক্ষ্য এখন ব্যর্থ
 হতে পারে না। ওর হাতে এ-কে ফরটিসেভেন একবার ঝাঁকি
 খেলো, তারপরই হ্যামার পড়লো খালি চেষ্টারে। লিডার যেমন
 ছুটে আসছিল তেমনি আসতে থাকলো, অক্ষত অবস্থায়।

হাতে বিদ্যুৎ খেলে গেল, তবু রিলোড করতে মাইক্রো-সেকেন্ডে
 দেরি করে ফেললো রানা। আবার যখন ট্রিগার টানলো, লিডার

নিচু হয়ে চোখের আড়ালে চলে গেছে। পাড়ের কিনারার ঠিক নিচেই গা ঢাকা দিয়েছে সে, গুলিগুলো কিনারার ওপর দিয়ে উড়ে চলে গেল।

দাঁতে দাঁত চেপে নিজেকে তিরস্কার করলো রানা, রাইফেল ঘোরালো শেষ ট্রুপারের দিকে। পাড় থেকে পাঁচ ফিট দূরে রয়েছে এখনো সে। বিক্ষোভিত হলো এক ঝাঁক বুলেট, কিন্তু লাগলো মাত্র একটা। হাঁ করে ছিলো ট্রুপার, ভেতরে ঢুকলো বুলেট, পিছন দিকে ঝাঁকি খেলো মাথা। মাথার পিছনে গর্ত করে মগজ সহ বেরিয়ে গেল গুলি। মাটিতে পড়ার আগেই প্রাণবায়ু উধাও।

প্রথম দশ সেকেন্ডে পাঁচজনের মধ্যে চারজনই নেই। এর চেয়ে ভালো কিছু আশা করেনি রানা। কিন্তু শেষ লোকটা, ডেঞ্জার-ম্যান, পাড়ের নিচে লুকিয়ে রয়েছে। রানার মাজল্ ফ্ল্যাশ নিশ্চয়ই লক্ষ্য করেছে সে। জানে রানা কোথায়।

‘শিটের নিচে থাকো!’ সোহানাকে নির্দেশ দিয়ে বাকি তিনটে গ্রেনেডের তার ধরে টান দিলো রানা। প্রায় একসাথে বিক্ষোভিত হলো ওগুলো। ধুলো আর আগুনের ভেতর দিয়ে সামনের দিকে ছুটলো রানা।

সামনে, আর ডান দিকে এগোলো ও। কোমরের কাছে ভাঁজ হয়ে আছে শরীর, ত্রিশ পা ছুটে এলো, হাতে রিলোড করা এ-কে। তারপর ডাইভ দিলো ও, মাটিতে পড়ে গড়ালো। থেমে, মাটিতে পেট, অপেক্ষা করলো। পাড়ের নিচটা, লিডার যেখানে অদৃশ্য হয়েছে, রাইফেলের মাজল কাভার দিচ্ছে সেদিকটা। তবে ডান আর বাঁ পাশেও ঘন ঘন চোখ বুলালো রানা।

আলো এখন আগের চেয়ে পরিষ্কার, শোনা লিডারের শরীরে অন্ধকারে চিতা-২

বিদ্যায় খেলে গেল। পাড় টপকে উঠে এলো সে, সাদা সন্ট-প্যানের গায়ে পলকের জন্তে দেখা গেল তার কাঠামো, যেখানে তাকে ভুলেও আশা করেনি রানা। পাড়ের নিচে গা ঢাকা দিয়ে শুয়ে থাকেনি লিডার, ক্রল করে এগিয়েছে, রানার কাছ থেকে অনেক দূরে বাঁ দিকে পাড়ের ওপর দেখা গেল তাকে।

এ-কে তুললো রানা, লক্ষ্যস্থির করলো, কিন্তু ট্রিগার টানলো না। গুলি লাগার সম্ভাবনা যেখানে কম, ট্রিগার টেনে ওর এই নতুন পজিশন ফাঁস করা বোকামি হবে। রাইফেলের মাজল অনুসরণ করলো লিডারকে, পঞ্চাশ কদম দূরে কাঁটাঝোপের ভেতর অদৃশ্য হয়ে গেল লম্বা কাঠামো। বাধা দেয়ার জন্তে ক্রল করে এগোলো রানা, কঁচোর মতো মন্থর বেগে, নিঃশব্দে। কোনো ধুলো উড়লো না, ঝোপের একটা ডাল নড়লো না। সমগ্র অস্তিত্ব দিয়ে শুনছে ও, তাকিয়ে আছে। দীর্ঘ সময় বয়ে গেল, এক একটা সেকেন্ড যেন এক একটা যুগ। এক ইঞ্চি এক ইঞ্চি করে এগোলো রানা। জানে, সোহানাকে যেখানে রেখে এসেছে ও সেদিকেই যাচ্ছে লিডার।

হঠাৎ সোহানার আর্তনাদ শোনা গেল। রানার সমস্ত নার্ভের ডগায় যেন গরম ছুরির খোঁচা লাগলো। ঝোপের ভেতর থেকে ওরা দু'জন একসাথে উঠে দাঁড়ালো—বুনো বিড়ালের মতো ধস্তাধস্তি করছে সোহানা, আর শোনা লিডার তার চুল ধরে আছে।

মাটিতে হাঁটু দিয়ে রয়েছে লিডার, সোহানা ধস্তাধস্তি করলেও তাকে অনায়াসে ধরে রাখতে পারলো সে। সোহানার সাথে সাথে লোকটা নিজেও ঘুরে যাচ্ছে, যেদিক থেকেই গুলি আত্মক কাকে লাগবে কেউ বলতে পারে না।

রানা যেন উন্মাদ হয়ে গেল। সচেতন কোনো সিদ্ধান্ত নয়, নিজের

অজান্তেই দাঁড়ালো ও, ক্যাপা বঁাডের মতো ছুটলো। মুণ্ডরের মতো করে ধরে রাইফেলটা মাথার ওপর বন বন করে ঘোরাচ্ছে। হঠাৎ ওকে দেখতে পেয়ে সোহানাকে ছেড়ে দিলো লিডার, পিছু হটতে গিয়ে হৌচট খেয়ে পড়ে গেল সোহানা। ঝট করে ঘুরন্ত রাইফেলের নিচে মাথা নামিয়ে নিলো লিডার, হাঁটুর বদলে পায়ের ওপর দাঁড়াতে শুরু করে কাঁধ দিয়ে রানার পাঁজরে প্রচণ্ড একটা ধাক্কা দিলো সে। রানার হাত থেকে ছিটকে পড়লো রাইফেল, তাল সামলে মাটির ওপর দাঁড়িয়ে থাকার প্রাণপণ চেষ্টা করলো। হাতা-হাতি লড়াইয়ে রাইফেল কোনো কাজে আসবে না বুঝতে পেয়ে সেটা ছেড়ে দিলো লিডার, ছ'হাতে ধরলো রানাকে।

স্পর্শপাবার সাথে সাথে রানা বুঝলো, এ লোক তার চেয়ে অনেক বেশি শক্তিশালী। শুধু লম্বায় আর ওজনে বেশি নয়, কঠোর ট্রেনিং পাওয়া রেগুলার জিম্বাবুই সেনাবাহিনীর একজন সৈনিক, প্রায় প্রতিদিন ম্যাটার্বেল বিদ্রোহীদের সাথে যুদ্ধ করে নিজেকে একজন অভ্যস্ত গেরিলা হিসেবে তৈরি করেছে। রানার ঘাড়ের পিছনে লম্বা একটা হাত রেখে নিজের দিকে টানলো লিডার। বাধা না দিয়ে উল্টো কাজটা করলো রানা, যদিকে টানা হলো সমস্ত শক্তি দিয়ে সেদিকেই এগোলো ও। রানার এই অপ্রত্যাশিত আচরণে হতভম্ব হয়ে গেল লিডার, রানাকে বুকে নিয়ে দড়াম করে মাটিতে পিঠ দিয়ে পড়লো সে। পড়ার সময় তাকে লক্ষ্য করে একটা পা চালালো রানা, কিন্তু লাথিটা তেমন জোরে লাগলো না।

মাটিতে পড়ে শরীরটা গড়িয়ে দিলো লিডার। একে অপরকে নিয়ে ছ'জনেই গড়াচ্ছে, পালা করে একজনের বুকের ওপর চলে এলো আরেকজন, পরস্পরের মুখে গরম নিঃশ্বাস ছাড়লো। হলুদ অন্ধকারে চিতা-

দাঁত বের করে রানার নাক কামড়ে ধরার চেষ্টা করলো লিডার। সময় মতো মাথাটা পিছিয়ে না নিলে চোঁট কিংবা নাক কিছু একটা হারাতে হতো রানাকে।

আশায় আশায় থাকলো রানা। এবং বা ভেবেছিল, আবার মুখ হা করে ওর নাকে কামড় দেয়ার চেষ্টা করলো লিডার। এরার রানা তৈরি ছিলো, মাথা পিছিয়ে না এনে কপালটা সবেগে সামনের দিকে বাড়িয়ে দিলো। মুখে রানার শক্ত কপালের বাড়ি খেয়ে মাড়ির গোড়া থেকে একটা দাঁত হারালো লিডার, তার মুখের ভেতরটা রক্তে ভরে গেল। মাথাটা পিছিয়ে নিয়ে এসে আবার আঘাত করার জন্যে তৈরি হলো রানা, কিন্তু সেই মুহূর্তে রানার ওপর উঠে পড়লো লোকটা, এবং হঠাৎ করেই তার হাতে একটা ট্রেঞ্চ নাইফ ঝিক্ করে উঠতে দেখলো রানা। গডান দিয়ে রানার বুকে ওঠার সময় বেল্ট থেকে ছুরিটা বের করে নিয়েছে সে। ছুরির তীক্ষ্ণ ফলা গলার দিকে নেমে আসছে দেখে মরিয়া হয়ে হাত বাড়ালো রানা।

লোকটার কজি ধরে ফেললো, কিন্তু তাতে শুধু গলার ভেতর দৃকতে বাধা পেলো ছুরিটা।

আবার গডান দিলো ওরা, আবার রানার বুকে উঠলো লিডার। ছুরিটা তার ডান হাতে, সর্বশক্তি দিয়ে রানার গলায় নামিয়ে আনছে। ছোটো হাতই ব্যবহার করলো রানা, এক হাতে ধরলো লোকটার কজি, আরেক হাতে তার কনুইয়ের ভেতর দিকের ভাঁজ। কিন্তু গায়ের জোরে পারছে না, ছুরির ডগা ধীরে ধীরে নেমে আসছে চোখ বরাবর। পা ছুঁড়লো লোকটা, রানার হুঁপায়ের-মাকথানে চেপে রাখলো একটা পা, যেন পেরেক দিয়ে গেথে আটকে রেখেছে রানাকে।

নিচে নামছে ছুরি, সেটার পিছনে লিডারের কক্ষখাল চেহারা ফুলে উঠলো; তার ভাঙা দাঁত রক্তে লালচে হয়ে আছে, রক্ত গড়াচ্ছে চিবুক বেয়ে, ফোঁটায় ফোঁটায় পড়ছে রানার মুখে।

লোকটার চোখের দিকে তাকালো রানা। চোখের সাদা অংশটুকু সরু লাল শিরায় ভরে গেছে, কোটর ছেড়ে বেরিয়ে আসতে চাইছে চোখ জোড়া। নেমে আসছে, নেমে আসছে ছুরি।

সমস্ত শক্তি দিয়ে বাধা দিলো রানা। মুহূর্তের জন্তে স্থির হলো ছুরির ডগা, কিন্তু তারপরই আবার নিচে নামতে শুরু করে রানার গলার ওপর ঠেকলো, ঠিক যেখানে দুটো বলার বোন এক হয়েছে। চামড়া ফুটো করে একটু ঢুকলো ছুরির ডগা, সিরিজের সূচের মতো আটকে থাকলো। আতংকে বিক্ষারিত হয়ে উঠলো রানার চোখ, পরিস্কার অনুভব করলো, শেষ একটা চরম ধাক্কা দিয়ে ছুরিটা গলার গভীরে সঁধিয়ে দেয়ার জন্তে সমস্ত শক্তি একত্রিত করছে লিডার। জানে, ধাক্কাটা ঠেকিয়ে রাখার ক্ষমতা তার নেই।

অবাক কাণ্ড, এক নিমেষে লিডারের মাথা আকৃতি বদল করলো। ভূমিকম্পের সময় মাটি ফুঁড়ে যেমন গল গল করে কাদা আর পানি উথলে ওঠে তেমনি লিডারের নাক-মুখ ফুঁড়ে বেরিয়ে এলো রক্ত আর মগজ। পরমুহূর্তে বিস্ফোরণের শব্দে রানার কানে তালা লেগে গেল। লিডার লোকটার সমস্ত শক্তি পানি হয়ে গেল, রানার ওপর থেকে নেতিয়ে মাটিতে পড়ে গেল সে। সত্ত ডাঙায় তোলা মাছের মতো লাফাতে লাগলো তার শরীরটা।

উঠে বসলো রানা। মাত্র কয়েক ফিট দূরে হাঁটুর ওপর খাড়া হয়ে রয়েছে সোহানা, হুঁহাতে ধরা টোকারেভ পিস্তলটা রিবয়েলের ধাক্কা খেয়ে আকাশের দিকে মুখ করে আছে। নিশ্চই লোকটার খুলিতে

নল ঠেকিয়ে গুলি করেছিলো সে ।

‘তোমার গলা— !’

শার্টের কলার দিয়ে গলার রক্ত মুছলো রানা, এতোকণে ক্ষতটার আকার পরিষ্কার বোঝা গেল—কুদে একটা বিন্দু। ছুরির ডগা চামড়া ভেদ করতে পারলেও, গভীরে ঢুকতে পারেনি ।

পিস্তলটা হাত থেকে ছেড়ে দিয়ে মাটির ওপর বসলো সোহানা, হুঁহাত দিয়ে কপালের হুঁপাশ চেপে ধরলো । লিডারের লাসের দিকে একবার তাকিয়ে উঠে দাঁড়ালো রানা, সোহানার সামনে এসে বসলো । রানাকে পাশে পেয়ে তার গায়ে ঢলে পড়লো সোহানা । ‘এখান থেকে নিয়ে চলো আমাদের,’ ফিস ফিস করে বললো সে । ‘রক্তের গন্ধে আমার বমি পাচ্ছে ।’

‘হ্যাঁ, ঠিক আছে, চলো ।’ সোহানাকে ধরে দাঁড় করলো রানা । সরে গিয়ে তখনি ফিরে এলো আবার, সোহানার হাতে পানির ক্যানটিন আর দুটো ট্যাবলট ধরিয়ে দিলো ।

ব্যস্ত হাতে গ্রাউণ্ডশিটটা গুটিয়ে নিলো রানা । ইতিমধ্যে আবার বসে পড়েছে সোহানা ।

রাক্ষাসক দুটো কাঁধে নিয়ে ফিরে এলো রানা । রাইফেলটাও নিয়েছে । ‘ওদিকে যাবো আমরা,’ বলে সোহানার একটা হাত ধরলো । পশ্চিম দিকে হাঁটা ধরলো ওরা ।

প্রায় তিন ঘণ্টা হাঁটার পর পানি খাবার জুড়ে প্রথমবার থামলো । হঠাৎ একটা ভুল ধরতে পেরে নিজের ওপর রেগে গেল রানা । অতি ব্যস্ততার কারণে মৃত শোনার পানির বোতলটা নিয়ে আসার কথা মনে পড়েনি ।

ফেলে আসা পথের দিকে বিষম চোখে তাকালো ও । এখন যদি

সোহানাকে রেখে একা ফিরে যায় ও, যেতে আসতে চারঘণ্টা লেগে যাবে। এদিকে, থার্ড ব্রিগেড পেট্রল নিশ্চই কাছাকাছি কোথাও চলে এসেছে। পানির ক্যানটিনটা হাতে নিয়ে ওজন পরীক্ষা করলো ও। চার ভাগের তিন ভাগই খালি। রাত আর ঠাণ্ডার অপেক্ষায় ওরা যদি শুয়ে থাকে তাহলে আজকের দিনটা এই পানিতে চলে যাবে। কিন্তু হাঁটার মধ্যে থাকলে কুলাবে না।

কিন্তু থেমে থাকার প্রশ্নই ওঠে না, জানে বাঁচতে হলে যতোটা পারা যায় দূরে সরে যেতে হবে ওদেরকে।

অথচ সোহানা অমুস্থ, তার ওপর পানির অভাব...

স্পটার প্লেনটা সিদ্ধান্ত নিতে সাহায্য করলো ওকে। আওয়াজটা এলো উত্তর দিক থেকে। বোঝা গেল, এক ইঞ্জিনের কোনো প্লেন। চোখে রাগ নিয়ে প্লান মরু আকাশের দিকে তাকালো রানা, সিংহের নাগালের মধ্যে পড়ে থরগোস যেমন অসহায় বোধ করে, তেমনি অসহায় বোধ করলো।

‘স্পটার প্লেন,’ বিড়বিড় করে বললো সোহানা।

মাথা বাঁকালো রানা। আওয়াজটা কমছে, একটু পর আবার বাড়ছে, এই রকম কয়েকবার হলো। ‘সার্চ করতে করতে আসছে ওরা।’ কথা শেষ হতেই ওটাকে দেখতে পেলো সে। যতোটা কাছে মনে করেছিল, তারচেয়ে বেশি কাছে। সোহানার কাঁধে চাপ দিয়ে তাকে বসিয়ে দিলো ও, গ্রাউণ্ডশিটটা দিয়ে ঢেকে দিলো তাকে, ঘাড় ফিরিয়ে পিছন দিকে তাকিয়ে আছে। ছোটো একটা এক ইঞ্জিনের মনোপ্লেন, দ্রুত এগিয়ে আসছে, সোজা ওদেরই দিকে। তাড়াতাড়ি সোহানার পাশে বসে গ্রাউণ্ডশিটের ভেতর ক্রল করে ঢুকে পড়লো ও।

ইঞ্জিনের আওয়াজ এবার গর্জনের মতো শোনালো। ওদেরকে

দেখে ফেলেছে পাইলট ? গ্রাউণ্ডশিটের একটা কোণা একটু উঁচু করে
উঁকি দিয়ে ওপরে তাকালো রানা। দেখাদেখি সোহান।

‘পাইপার ল্যান্স,’ মুহূ গলায় বললো সোহান।

মেনের পেটে জিন্সাবুই এয়ারফোর্সের প্রতীক চিহ্ন আঁকা রয়েছে।
বেথান্সা, কিন্তু সচরাচর যা দেখা যায়, পাইলট একজন শেভাল। তবে
ডান দিকের সিটে একজন কালো। লোক বসে আছে, তার লালচে
বেরেট আর রূপালি ক্যাপ-ব্যাঙ্ক পরিষ্কার দেখা গেল। সোজা ওদের
দিকে ছুটে এলো পাইপার, যেন ওদের দিকে তাক করে একটা বর্শা
ছোঁড়া হয়েছে। কালো অফিসার তার মুখের সামনে একটা রেডিও
মাইক্রোফোন ধরে আছে। ওদের মাথার ওপর দিয়ে উড়ে গেল
মেনটা, তারপর বিশাল একটা বৃত্ত তৈরি করে ফিরে এলো, ওদের
থেকে বেশ কিছুটা আগে খুঁজছে। আস্তে আস্তে দূরে সরে গেল
ইঞ্জিনের আওয়াজ, ওদের চারপাশে আবার জাঁকিয়ে বসলো মরু
নিস্তরতা। যাক, গ্রাউণ্ডশিটটা বাঁচিয়েছে এ যাত্রা।

সোহানাকে ধরে দাঁড় করালো রানা। ‘হাঁটতে পারবে ?’

যামে ভেজা কপাল থেকে চুল সরাতে সরাতে মাথা ঝাঁকালো
সোহান। তার ঠোঁট ফাটতে শুরু করেছে, নিচের ঠোঁটের বড়
ফাটলটার মুখে ক্ষুদে চুনি-র মতো বসে আছে এক ফোঁটা রক্ত।

‘আমরা নিশ্চই বতসোয়ানার অনেক ভেতরে চলে এসেছি। কাছেই
কোথাও বর্ডার রোড। বতসোয়ানা পুলিশ পের্ট্রলের দেখা পেলেন...’

খোলা প্রান্তরের ওপর দিয়ে উত্তর-দক্ষিণে এক জোড়া চাকার দাগ
এগিয়ে গেছে, এটাই বর্ডার রোড। সামনে নরম সন্ট প্যান বা স্ট্রীং
হেয়ারের কলোনি থাকলে সেটাকে ঘুরে এগিয়েছে রাস্তাটা। পোচার-

দের ধরার জন্তে, এবং বিদেশী সৈন্যদের অনুপ্রবেশ ঠেকাবার জন্তে এই রাস্তায় নিয়মিত টহল দেয় বতসোয়ানা পুলিশ।

হুপুরের খানিক পর রাস্তাটা পেরোলো ওরা। ইতিমধ্যে হাইফেল আর অ্যামুনিশন ফেলে দিয়েছে রানা, একান্ত দরকারী কয়েকটা জিনিস ছাড়া বাকসাকেকে কিছু রাখেনি। পাণ্ডুলিপিটাও মাটিতে পুঁতে রাখার কথা ভেবেছিল ও, পরে এক সময় উদ্ধার করা যেতে পারে, কিন্তু বিড়বিড় করে তাকে নিষেধ করেছে সোহানা।

পানির ক্যানটিন খালি হয়ে গেছে। শেষবার ওরা পানি খেয়েছে হুপুরের আগে। কিছুক্ষণ ব্যাপারটা চেপে রেখেছিল রানা, কিন্তু কাজটা উচিত হচ্ছে না বুঝতে পেরে হুপুরবেলা সোহানাকে জানতে দিয়েছে যে ক্যানটিনে পানি নেই। এরপর হাঁটার গতি আরো কমে আসে সোহানার, ঘণ্টায় এক মাইলে দাঁড়ায়। রানা তখন আর ঘামছে না। অনুভব করছিল, মুখের ভেতর ফুলে উঠছে শুকনো জিভ, গলার ফুটোটা বুজে আসছে—প্রচণ্ড তাপ তার শরীরের জলীয় পদার্থ শুষে নিচ্ছে সব।

রাস্তা পেরোবার সময় তাপ-মরীচিকার ভেতর দিয়ে দিগন্তরেখার দিকে তাকিয়ে ছিলো রানা, ওর সমগ্র মনোযোগ ছিলো একটা পা তুলে আরেকটার সামনে ফেলার ওপর। রাস্তাটা না দেখেই পেরিয়ে এলো ওরা, আবার সেই মরুভূমির ওপর দিয়েই হেঁটে চললো। উদ্ধার পাবার সম্ভাবনাকে পাশ কাটিয়ে গিয়ে এর আগেও বহু লোক মারা গেছে মরুভূমিতে—তাপদগ্ধ, তৃষ্ণায় কাতর, কতোক্ষণ বাঁচে মানুষ। টলতে টলতে আরো ছ'ঘণ্টা ধরে হাঁটলো ওরা, তারপর দাঁড়িয়ে পড়লো রানা।

‘এতোক্ষণে রাস্তায় পড়া উচিত ছিলো আমাদের,’ বিড়বিড়

করলো ও, কম্পাস হেডিং চেক করলো। 'কম্পাস নিশ্চয়ই নষ্ট হয়ে গেছে। ওদিকে উত্তর হতে পারে না।' সন্দেহ আর সংশয়ে ভুগছে ও। 'এ আর কোনো কাজে আসবে না, ফেলে দেয়াই ভালো। অনেক দক্ষিণে সরে এসেছি আমরা।'।

আবার হাঁটা ধরলো ওরা, অর্থাৎ সীমাহীন প্রান্তরের মাঝখানে লক্ষ্যহীন প্রথম বৃত্ত রচনার সূচনা ঘটলো। একেই বলে দিকভ্রান্ত হওয়া। গোটা মরুভূমি কবরস্থান হয়ে উঠেছে ওদের জন্তে, যেদিকেই যাক মরুভূমির শেষ একটা প্রান্তে পৌঁছুবার শক্তি নেই শরীরে, এক সময় ঢলে পড়তে হবে মৃত্যুর কোলে। শক্তি থাকলেও নিদিষ্ট কোনো এক দিকে বেশি দূর যেতে পারবে না ওরা, দেড় ছ'মাইল একটা জায়গাকে ঘিরে বার বার শুধু চক্কর দেয়াই সার হবে।

সূর্য অস্ত যাবার এক ঘণ্টা আগে খয়েরী রঙের মাটিতে বেরিয়ে আসা শুকনো কিছু শিকড়ে হোঁচট খেলো রানা। চোখ পিট পিট করে তাকালো, জিনিসটা চিনতে পারলো না প্রথমে। মনে হলো, বাচ্চাদের খেলনা, একটা বল। আকারে আপেলের চেয়ে একটু বড়, সবুজ। হঠাৎ লোভে চকচক করে উঠলো রানার চোখ। চিনতে পেরেছে, ওটা একটা ফল।

'রস।' সোহানাকে বললো ও, বোকার মতো হাসতে গিয়ে ব্যথা পেলো ঠোঁটে, ঠোঁটের ফাটলগুলো দিয়ে রক্ত বেরিয়ে এলো। তবু ঠোঁট জোড়া নড়তে থাকলো, নিজের সাথে নিঃশব্দে কথা বলছে ও। ছুরি দিয়ে ফলটা মাঝখান থেকে ছ'ভাগ করলো রানা। ভেতরের শাঁস রসালো কিন্তু আগুনের মতো গরম।

'মরু-তরমুজ,' সোহানা ওর পাশে ধপ করে বসে পড়তে বললো রানা। সোহানার চোখ ছটো নিম্রভ, ভাষাহীন দৃষ্টিতে তাকিয়ে

আছে রানার দিকে ।

তরমুজের অর্ধেকটা সোহানার মুখের সামনে ধরলো রানা, গায়ে চাপ দিতে ফোঁটার ফোঁটার স্বচ্ছ রস পড়লো সোহানার জ্বিতে । ঢোক গিলতে কষ্ট হচ্ছে সোহানার, যেন গলার বুজে আসা শুকনো ফুটো দিয়ে রসটুকু নামতে চাইছে না । একটু পরেই অবশ্য মুখের ভেতরটা ভিজ়ে গেল, তখন আর তেমন অস্ববিধে হলো না । আরামে চোখ বুজলো সে ।

তরমুজের বাকি অর্ধেকটা নিংড়ে কাপের তিন চতুর্থাংশ ভরলো রানা, খাইয়ে দিলো সোহানাকে । খাওয়ার সময় রসের গন্ধে দিশেহারা বোধ করলো ও, তৃষ্ণায় ফেটে যেতে চাইলো তপ্ত বুক । ওর চোখের সামনে নতুন প্রাণশক্তি ফিরে পেয়ে উজ্জীবিত হয়ে উঠলো সোহানা । কাপের শেষ ফোঁটাটুকু মুখের ভেতর নিয়ে হুঁশ হলো সোহানার, বুঝতে পারলো কী করেছে রানা ।

‘তুমি ?’ মুহূ কণ্ঠস্বর, কর্কশ ।

রসহীন ছিবড়েটুকু মুখে পুরে চুষতে শুরু করলো রানা ।

‘হুঃখিত ।’ ব্যাপারটা আগে খেয়াল না করায় সোহানার মনে একটা অপরাধবোধ জাগলো, কিন্তু এদিক ওদিক মাথা নাড়লো রানা ।

‘সামনে রাত । ঠাণ্ডা ।’ সোহানাকে দাঁড়াতে সাহায্য করলো রানা, টলতে টলতে এগোলো ওরা । থেমে পড়া মানে মৃত্যুর কাছে আত্মসমর্পণ । হামাগুড়ি দিয়ে হলেও এগোতে হবে ওদের ।

সময়জ্ঞান হারিয়ে ফেললো রানা । অন্তর্যমান সূর্যের দিকে তাকিয়ে ভাবলো, এই মাত্র সকাল হলো ।

‘নষ্ট ।’ হাতের কম্পাসটা ছুঁড়ে ফেলে দিলো ও । ‘ভুল গাথে

নিয়ে এসেছে।' খুব জোরে ছুঁড়লেও, পায়ের কাছ থেকে সামান্য
দূরে পড়লো সেটা। ঘুরলো ও, ফেলে আলা পথ ধরে ফিরে চললো
আবার।

ছায়া আর গাঢ় রঙের আকৃতিতে ভরে উঠলো রানার দৃষ্টিপথ।
কোনো কোনোটার মুখ নেই, দেখে ভয় পেলো ও; নিঃশব্দে চিংকার
করে তাড়াতে চাইলো সামনে থেকে। ছ'একজনকে চিনতে পার-
লো। ক্যাপটেন ভালডেজকে দেখলো, হাসছে। এক মুহূর্ত পর
ক্যাপটেনের ঘাড়ের ওপর আরেকটা আকৃতি দেখলো। ধীরে ধীরে
মাটিতে বসে পড়লো ভালডেজ, ছায়াসহ মিলিয়ে গেল মাটির নিচে,
তার জায়গায় দাঁড়িয়ে রয়েছে জেনারেল রট উমাস্কা, খার্ড ব্রিগে-
ডের কমান্ডার। অট্টহাসিতে ফেটে পড়লো উমাস্কা, কানে হাত
চাপা দিতে ইচ্ছে করলো রানার। তারপর দেখলো একটা হায়েনার
পিঠে চড়ে ওকে ঘিরে চক্কর দিচ্ছে শয়তান লোকটা। হায়েনাটা
ভেঙাচ্ছে ওকে। হামলাটা এলো সোহানার ওপর। পিঠে উমাস্কা-
কে নিয়ে সোহানার ওপর ঝাঁপিয়ে পড়লো হায়েনা। ধাক্কা খেয়ে
মাটিতে পড়ে গেল সোহানা। তাকে তোলার জ্ঞে হাঁটু গেড়ে
বসলো রানা, কিন্তু তারপর আর উঠতে পারলো না, ঢলে পড়লো
সোহানার পাশে। তাকে রক্ষার জ্ঞে ছ'হাত বাড়িয়ে জড়িয়ে ধরলো
ও। জড়া জড়ি করে পড়ে থাকলো ওরা। 'হ্যাঁ, এভাবে,' বিড়বিড়
করে সোহানাকে বলতে শুনলো ও, অর্থাৎ সোহানা যেন এভাবে
মরতে চাইছে। নিঃশব্দে মাথা নাড়লো রানা। ওকে মাথা নাড়তে
দেখে অবাক চোখে তাকিয়ে থাকলো সোহানা।

রাত নামলো।

ঘুম ভাঙার পর দেখলো, সকাল হয়ে গেছে। হাত বাড়িয়েও

ফিরিয়ে নিলো হাতটা, সোহানার ঘুম ভাঙতে মন চাইলো না। হাঁ করে ঘুমাচ্ছে সোহানা, নিঃশ্বাস পতনের ভারি শব্দ।

একটা সোলার স্টিল তৈরির জন্তে মাটি খুঁড়লো রানা। মাটি নরম আর বুন্নবুনে ইলেক, ঢিমে তালে এগোলো কাজটা। দাঁড়াবার শক্তি নেই, হামাগুড়ি দিয়ে, হাঁপাতে হাঁপাতে এক মুঠো মরু ঝোপের ডাল আর শিকড় যোগাড় করলো। ছুরি দিয়ে ওগুলোকে ছোটো ছোটো টুকরো করার সময় মনে হলো, একেবারে শুকনো কাঠ, ভিক্ষে কোনো ভাব পর্যন্ত নেই। সত্য তৈরি গর্তের ভেতর রাখলো সব।

অ্যালুমিনিয়ামের খালি ক্যানটিনের মাথাটা আলাদা করলো রানা, গর্তের মাঝখানে বসালো। এই ছোটোখাটো কাজগুলো সারতেও গভীর মনোযোগের দরকার হলো। গর্তের ওপর প্লাস্টিক শিটটা বিছিয়ে দিলো ও, শিটের কিনারা বরাবর বালি চাপা দিলো। সবশেষে শিটের মাঝখানে হাতঘড়িটা সন্তুর্পণে রাখলো, সরাসরি অ্যালুমিনিয়াম কাপের ওপরে।

হামাগুড়ি দিয়ে সোহানার কাছে ফিরে এলো রানা, এমনভাবে বসলো যাতে ওর ছায়া পড়ে তার মুখে। ‘চিন্তা করো না, সব ঠিক হয়ে যাবে,’ তাকে বললো ও। ‘খানিক পরই রাস্তাটা পেয়ে যাবো আমরা। কাছে পিঠে কোথাও আছে—’

বুঝলো না, ওর গলায় কোনো আওয়াজ নেই। কিংবা থাকলেও, শুনতে পেতো না সোহানা।

সূর্য যতো ওপরে উঠলো, ততোই সোহানার ওপর ঝুঁকতে হলো রানাকে। ছপরের খানিক পর ক্রল করে স্টিল-এর কাছে ফিরে এলো। প্লাস্টিক শিটে একনাগাড়ে কড়া রোদ লাগায় বন্ধ গর্তের

ভেতর তাপমাত্রা প্রায় বয়লিং পয়েন্টের কাছাকাছি পৌছে গেছে।
টুকরো শিকড় আর ডালপালা থেকে ওঠা বাষ্প ঘন হয়েছে শিটের
উল্টো পিঠে, তারপর শিটের ঢালু গা বেয়ে ঘড়ির দিকে গড়িয়েছে,
সেখান থেকে ফোঁটায় ফোঁটায় পড়েছে অ্যালুমিনিয়াম কাপে।

পোয়াটাক পানি। কাপটা হুঁহাতে নিয়ে এগোলো রানা, হাত
দুটো এমন কাঁপতে শুরু করলো, এই পড়ে এই পড়ে অবস্থা।
কাপটা মুখের সামনে তুলে ছোট্ট একটা চুমুক দিলো, মুখের ভেতর
রেখে দিলো পানিটুকু। গরম, তবে মধুর মতো স্বাদ। ঢোক গেলার
ঝাঁকটা দমন করার জন্যে সবটুকু ইচ্ছাশক্তি খাটাতে হলো ওকে।

সোহানার সামনে হাঁটু গেড়ে বসলো ও, বুকে সোহানার কালচে
হয়ে ওঠা রক্তাক্ত ঠোঁটে মুখ রাখলো। একটু একটু করে পানি
ছাড়লো ঠোঁটের ফাঁকে।

‘খাও, সোহানা, ঢোক গেলো!’ বিড়বিড় করে বললো রানা।
চোখ বুজে পড়ে আছে সোহানা, তাকে ঢোক গিলতে দেখে পরম
স্বস্তি বোধ করলো ও।

এভাবে বারবার নিজের মুখ থেকে সোহানার ঠোঁটের ফাঁকে পানি
ঢাললো রানা, শুধু শেষ এক চুমুক রাখলো নিজের জন্যে। সেটুকু
ধীরে ধীরে গলা দিয়ে নামিয়ে দিলো ও। কড়া মদ থেলে যেমন হয়,
তেমনি ঝিম ঝিম করে উঠলো মাথাটা। বোকার মতো একবার হেসে
উঠলো ও। ওর ঠোঁট জোড়া রাবারের মতো হয়ে গেছে, রক্ত
শুকিয়ে গিয়ে কালচে দেখালো। নিজের অজান্তে চোখ দিয়ে পানি
গড়িয়েছে, শুকনো দাগ লেগে রয়েছে হুঁগালে। লাল চোখ জোড়ার
কোণে শুকিয়ে গেছে পিচুটি।

আবার সোবার স্কিল তৈরি করে ফিরে এলো রানা, শুয়ে পড়লো

সোহানার পাশে। নিজের শার্ট ছিঁড়ে সোহানার মুখ ঢেকে দিয়েছে, ফিসফিস করে অভয় দেয়ার চেষ্টা করলো তাকে; ‘ভরসা রাখো... সাহায্য খুঁজে নেবো... একটু পরই। লক্ষ্মী সোনা, চিন্তা করো না...।’

কিন্তু মনে মনে জানে, এটাই ওদের শেষ দিন। আরো একটা দিন সোহানাকে ও বাঁচিয়ে রাখতে পারবে না। কাল ওরা মারা যাবে। সকাল বেলা হয় সূর্য, না হয় থার্ড ব্রিগেডের সৈনিকরা ওদের মারতে আসবে। এ পৃথিবীতে আজই ওদের শেষ দিন।

সন্ধ্যার আগে আরো আধ কাপ পানি পাওয়া গেল স্টিল থেকে। সেটুকু ভাগাভাগি করে খাওয়ার পর পরস্পরকে জড়িয়ে ধরে গভীর ঘুমে আচ্ছন্ন হয়ে পড়লো ওরা।

একটা শব্দে ঘুম ভেঙে গেল রানার। মনে হলো, ঝোপের গায়ে বাতাস লাগার আওয়াজ। অনেক কষ্টে মাথা তুললো ও, সমগ্র অস্তিত্ব দিয়ে শব্দটা শোনার চেষ্টা করলো। এখনো মতিভ্রমে ভুগছে কিনা বুঝতে পারলো না। আসলেই কি কোনো শব্দ হচ্ছে, নাকি শ্রেষ্ট ওর কল্পনা? মূহু একটা শব্দ, কমছে আর বাড়ছে, আসছে যেন বহুদূর থেকে। ভোর হয়ে এসেছে, আন্দাজ করলো ও, কালো মথ-মল-মন্সণ আকাশের পূর্ব প্রান্তে ফ্যাকাসে একটা ভাব।

তারপর হঠাৎ করেই আওয়াজটা স্পষ্ট শোনা গেল, সাথে সাথে চিনতে পারলো রানা। একটা ফোর-সিলিগার ল্যাণ্ড-রোভার ইঞ্জিন। থার্ড ব্রিগেড হাল ছাড়েনি। নাকে রক্তের গন্ধ নিয়ে এখনো খুঁজছে ওদেরকে।

একজোড়া হেডলাইট দেখতে পেলো রানা, মরু প্রান্তরের দূর অন্ধকারে চিতা-২

প্রান্তে। গাড়ির সাথে সাথে আলো জোড়াও হুগছে, উচু-নিচু হচ্ছে।
 আশপাশের মাটিতে হাত বুলালো ও, একে রাইফেলটা খুঁজলো।
 না পেয়ে ভাবলো, আচ্ছা, ওটাও তাহলে উমাজো শালা নিয়ে
 গেছে। ঠিক আছে, আমিও তোমাকে দেখে নেবো।

এগিয়ে আসছে জোড়া আলো। নিজেকে অসহায় মনে হলেও,
 শত্রুদের বাধা দেয়ার জন্যে তৈরি হলো রানা। চোখে আলো লাগায়
 দৃষ্টিপথে বিচিত্র সব হলুদ আকৃতি কিলবিল করতে লাগলো। আচ-
 মকা উপলব্ধি করলো, ওর সামনের আকৃতিটা আসলে একজন বুশ-
 ম্যানের। বুশম্যানরা হারিয়ে যাওয়া বা পলাতক মানুষের পায়ের
 ছাপ খুঁজে বের করতে ওস্তাদ। থার্ড ব্রিগেড একজন বুশম্যানের
 সাহায্য নিয়ে ওদেরকে খুঁজে পেয়েছে। ল্যাণ্ড রোভারের আগে
 আগে ছুটে আসছে সে, হেডলাইটের আলোয় ওদের পায়ের ছাপ
 অনুসরণ করে। এই বুশম্যানরা কোনো বিরতি ছাড়া ছত্রিশ ঘণ্টা
 দৌড়াতে পারে।

হেডলাইটের আলো সরাসরি ওদের গায়ে পড়লো। একটা হাত
 তুলে চোখ আড়াল করলো রানা। তৈরি হয়ে আছে ও। অপর হাতটা
 পিছনে লুকিয়ে রেখেছে। উমাজোকে সামনে পেতে চায়। সোজা
 তার পেটে ঢুকিয়ে দেবে ছুরিটা।

সোহানাকে আশ্বাস দিলো রানা, 'একজনকে মেরে মরবো।
 পিস্তলটা... ঠিক আছে। কিন্তু সাবধান, দেরি করে ফেলো না
 যেন।' বললো বটে, তবে কোনো আওয়াজ বেরলো না গলা থেকে।

অর্ধ উলঙ্গ বুশম্যান ওদের সামনে দাঁড়িয়ে পাখির মতো মিষ্টি
 স্বরে কিচিরমিচির করলো। চোখ ধাঁধানো আলোর পিছনে ল্যাণ্ড-
 রোভারের দরজা খোলার আওয়াজ হলো। একজন লোক এগিয়ে

এলো ওদের দিকে।

লোকটার পরনে ইউনিকর্ম। তাকে যেম চিনতে পারলো রানা।
জেনারেল উমাস্তো।

আলোর মধ্যে দিয়ে এগিয়ে এলো লোকটা, যেখানে মাটির ওপর
নিজীব পড়ে আছে রানা আর সোহানা। বিড়বিড় করলো রানা,
ওর সামনে উমাস্তোকে পাঠিয়েছে বলে ধন্যবাদ দিলো ভাগ্যকে।
'পেটে নয়, গলায়,' মনে মনে বললো ও, 'আমার ওপর খুঁকলেই
ওর গলায় ছুরিটা চুকিয়ে দেবো।'

'বেআইনীভাবে রিপাবলিক অভ বতসোয়ানায় অনুপ্রবেশের জন্যে
আপনাদের গ্রেফতার করা হলো, স্যার।'

শালা অভিনয় করছে, ভাবলো রানা। কিন্তু আমাকে বোকা
বানানো এতো সহজ নয়। আরো একটু নিচু হোক, তাহলে মজাটা
টের পাবে। দেখলো, জেনারেল উমাস্তো বতসোয়ানা সেনাবাহিনীর
ইউনিকর্ম পরে রয়েছে।

'আপনারা ভাগ্যবান,' বললো লোকটা। মাটিতে একটা হাঁটু
রাখলো সে। 'যেখানে আপনারা রাস্তা পেরিয়েছেন, ভাগ্যগুণে
জায়গাটা আমাদের চোখে পড়েছে।' রানার মুখের সামনে পানির
একটা বোতল ধরলো সে। 'কাল তিনটে থেকে আপনাদের আমরা
অনুসরণ করছি।'

মিষ্টি পানিতে রানার মুখের ভেতরটা ভরে গেল, চিবুক থেকে
গড়িয়ে পড়লো কয়েকটা ঠাণ্ডা ধারা। ছুরিটা ছেড়ে দিয়ে বোতলটা
ছুঁহাতে ধরলো ও, ছিনিয়ে নিলো অফিসারের হাত থেকে।

পানিতে ভরে উঠলো রানার চোখ, সোহানাকে ভালো করে
দেখতে পেলো না। পানির বোতলটা তার মুখে ধরতে গিয়ে বারবার

অন্ধকারে চিতা-২

ব্যর্থ হলো। ওকে সাহায্য করলো অফিসার।

‘কি বললেন?’ অফিসারের দিকে তাকিয়ে থাকলো রানা। দেখলো, লোকটা জেনারেল উমাসো নয়। ‘কে আপনি?’

‘শ্লিঙ্ক, কথা বলবেন না।’ অনুরোধ করলো অফিসার। ‘যতো তাড়াতাড়ি সম্ভব আপনাদের ফ্রান্সিসটাউন হসপিটালে নিয়ে যেতে হবে। মরুভূমিতে একবার হারিয়ে গেলে খুব কম লোকই বাঁচে, আপনারা ভাগ্যবান!’

‘কে আপনি?’

‘বতসোয়ানা পুলিশ, বর্ডার পেট্রল। সার্জেন্ট রাস্তা অ্যাট ইওর সার্ভিস, স্যার।’

তিন

লোকটার সব কিছুই মিথ্যে আর উল্টো। দেখে মনে হবে ষাট বছরের বুড়ো; ছদ্মবেশ নিয়ে আছে, আসলে বয়স তার এখনো চল্লিশ পেরোয়নি। পশ্চিম ইউরোপের যে পাসপোর্টটা নিয়ে জিম্বাবুইয়ে চুকেছে সে, সেটা জাল। তার কাগজ-পত্র থেকে জানা যায় সে একজন টিম্বার মার্চেন্ট, অথচ আসলে সে একজন এসপিওনাজ এজেন্ট। ইংরেজী, জার্মান, রুশ সহ পাঁচটা ভাষায় অনর্গল কথা বলতে পারে

লোকটা। জিম্বাবুইয়ে তার আসল পরিচয় একমাত্র জেনারেল রুট উমাস্কো ছাড়া আর কেউ জানে না।

বেশ অনেকদিন ধরে জিম্বাবুইয়ে নিজেদের পছন্দসই একটা পুতুল সরকার বসানোর স্বপ্ন দেখে আসছে তার দেশের কর্মকর্তারা। সম্ভাব্য প্রার্থীদের তালিকায় যারা ছিলো, তাদের কাউকে পুরোপুরি বিশ্বাস করতে পারেনি ওরা। তারপর, বছর দেড়েক আগে, তালিকার শীর্ষে উঠে আসে জেনারেল উমাস্কো। তার সাথে যোগাযোগ করতে গিয়ে ওরা জানতে পারে, জেনারেল নিজেই ওদের সাথে যোগাযোগ করার সূযোগ খুঁজছিল।

এতোদিন তৃতীয় একটা পক্ষের মাধ্যমে প্রাথমিক আলোচনা হয়েছে। জিম্বাবুইয়ে বিশৃঙ্খলা সৃষ্টির যোগ্যতা জেনারেল উমাস্কোর আছে, এটা প্রমাণিত হবার পর এখন সরাসরি আলোচনা হওয়া দরকার। উমাস্কোর আমন্ত্রণে সেজ্ঞেই জিম্বাবুইয়ে এসেছে সে। উদ্দেশ্য, জেনারেল উমাস্কো সম্পর্কে সরাসরি অভিজ্ঞতা অর্জন, এবং বিভিন্ন সমস্যা আর শর্ত নিয়ে তার সাথে আলোচনা করা।

ওয়াল্ড ব্যাংক আর ইন্টারন্যাশনাল মনিটারি ফাণ্ডের চাপে পড়ে অন্যান্য আফ্রিকান রাষ্ট্র বিগ-গেম হাফিং নিষিদ্ধ করলেও, জিম্বাবুই এখনো প্রফেশন্যাল শিকারীদের লাইসেন্স দেয়, শুধুমাত্র নিয়ন্ত্রিত বনভূমিতে শিকার করতে পারে তারা। এতে করে যে বিদেশী মুদ্রা আয় হয়, মুম্বু অর্থনীতিতে রক্ত সঞ্চালনের জন্তে তার কিছু অবদান থাকে। জেনারেল উমাস্কো ধনী এবং উচ্চাভিলাষী লোক, হোস্ট হিসেবে লাইসেন্স ফি সহ যাবতীয় খরচ সে-ই বহন করছে। প্রতিটি শিকারের জন্তে এক হাজার ডলার করে ফি দিতে হবে তাকে।

এই মুহূর্তে বনের ভেতর, ছোট্ট একটা ফাঁকা জায়গায় দাঁড়িয়ে অন্ধকারে চিতা-২

আছে ওরা। চেহারায গর্ব নিয়ে জেনারেল উমাস্কোর দিকে সরাসরি তাকালো খেতাজ প্রভুদের প্রতিনিধি।

ওপর নিচে মাথা হুলিয়ে প্রাপ্য প্রশংসাতুচ্ উগরে দিলো জেনারেল উমাস্কো, 'ওয়াওয়াফুল, মিঃ এক্স। আমি কল্পনাও করিনি আপনার হাত এতো ভালো!'

মিঃ এক্স পুরুষ মোষটাকে ইচ্ছে করেই মরণ আঘাত হানেনি, শুধু আহত করেছে। পিস্তল, রাইফেল, আর শটগান, তিনটেতেই সমান দক্ষ সে। ত্রিশ গজ রেঞ্জের মধ্যে ছিলো ওটা, চোখে বললে চোখেও লাগাতে পারতো গুলি। কিন্তু তা না করে, মোষের পেটে মেরেছে, ফুসফুসের এক হাত পিছনে, যাতে দম ফুরিয়ে গিয়ে ধরাশায়ী না হয়।

প্রকৃতির অদ্ভুত এক সৃষ্টি এই মোষটা, নকশা কাটা কালো শিং জোড়া খড়্গের মতো উঁচু হয়ে আছে মাথার ওপর, প্রতিটি আগা থেকে গোড়া পর্যন্ত পঞ্চাশ ইঞ্চি বা তারও বেশি লম্বা। পঞ্চাশ ইঞ্চি শিংওয়ালা মরদ শিকার করার সৌভাগ্য সবার হয় না, মিঃ এক্সের ব্যক্তিগত সংগ্রহে হুল্লভ ট্রফি হিসেবে থাকবে ওগুলো। সে-ই প্রথম ওটার রক্ত ঝরিয়েছে, কাজেই এরপর যার হাতেই মারা পড়ুক, সম্মানটুকু তারই প্রাপ্য। একগাল হাসি নিয়ে জেনারেল উমাস্কোর দিকে তাকিয়ে আছে সে, হিপ-ফ্লাস্ক থেকে সিলভার কাপে লুইসি ঢাললো।

মিঃ এক্সের বাড়ানো হাত থেকে লুইসির কাপটা নিলো উমাস্কো, এক চুমুকে তরল অনল গলা দিয়ে চালান করে দিলো পেটে, চোখের পাতা পর্যন্ত কাঁপলো না।

ছোট্ট করে মাথা ঝাঁকালো মিঃ এক্স, এটাই তার প্রশংসা করার ভঙ্গি। 'এবার দেখা যাক,' বললো সে, 'শিকারেও আপনি সমান

দক-কিনা।

এই শিকার অভিযানে সরকারের প্রতিনিধিত্ব করছে একজন শ্বেতাঙ্গ, জিসাবুইয়েই তার জন্ম। খাকি শর্টস-স্মার চওড়া কাশি-ওয়ালা হ্যাট পরে আছে সে, বয়স ত্রিশের কোঠা ছাড়ায়নি। তার বুকে সার সার লুপ, সেগুলোয় হেভী-ক্যালিবর বুলেট শোভা পাচ্ছে। বিরস বদনে ওদের লক্ষ্য করছে সে। বলা যায় না, আহত মোষটাকে খুঁজে বের করে মারার দায়িত্ব তার কাঁধেই হয়তো চাপানো হবে। লোকটার ভালো করেই জানা আছে, এরচেয়ে সাক্ষাৎ যমের সামনে দাঁড়ানোও অনেক সহজ।

‘জেনারেল উমাস্কেকে পয়েন্ট ফোর-ফাইভ-এইট দিন,’ বললো মিঃ এক্স। দু’নম্বর গান-বিয়ারারকে কাছে ডাকলো সরকারী হাণ্টার, গান বিয়ারার দ্বিতীয় রাইফেলটা নিয়ে এলো।

মিঃ এক্স ঠাণ্ডা গলায় বললো, ‘আপনারা এখানে অপেক্ষা করবেন।’

‘স্মার!’ দ্রুত প্রতিবাদ জানালো হাণ্টার। ‘আপনাদের আমি একা যেতে দিতে পারি না। এটা নিয়ম নয়, কেউ জানলে আমার লাইসেন্স বাতিল হয়ে যাবে...’

‘যথেষ্ট হয়েছে!’ তারি গলায় ধমক দিলো মিঃ এক্স। ‘আমি যা বলছি তাই হবে।’

এটা যেন শালার বাপের সম্পত্তি।—ভাবলো হাণ্টার। মোষের খোঁজে তাকে যেতে হবে না বুঝতে পেরে খুশি হয়েছে বটে, কিন্তু লাইসেন্স হারাবার ভয়টাও মন থেকে তাড়াতে পারছে না। জেনারেল উমাস্কের দিকে তাকালো সে। ছোট করে মাথা ঝাঁকালো উমাস্কে। স্বস্তিবোধ করলো হাণ্টার। জেনারেলের যখন আপত্তি

মেই, সে কি কররে। সবিনয়ে এক পা পিছিয়ে এলো সে।

গান-বিয়ারারের কাছ থেকে পয়েন্ট ফোর-ফাইভ-এইট-টা দিহো।
মিঃ এক্স, দেখলো নব্বয় উগার বুলেট লোড করা রয়েছে। তারি
রাইফেলটা উমাস্কোর দিকে বাড়িয়ে দিলো সে।

রাইফেলটা নিলো উমাস্কো, কিন্তু সাথে সাথে ফিরিয়ে দিলো
গান-বিয়ারারকে। রূপালি ভুরু কুঁচকে তার দিকে তাকালো মিঃ
এক্স। চোখে বিজ্রপের ঝিলিক।

বিয়ারারের দিকে ফিরে শোনা ভাষায় একটা নির্দেশ দিলো
উমাস্কো। ছুটলো লোকটা, কালো অপর একজন বিয়ারারের কাছ
থেকে ছোঁ দিয়ে তুলে নিলো অন্য একটা অস্ত্র। সেটা জেনারেলের
কাছে নিয়ে এলো সে, ধরিয়ে দিলো হাতে, তারপর সম্মান দেখাবার
জন্তে পিছিয়ে যেতে শুরু করে হাততালি দিলো বার কয়েক।

হাতের ওপর তুলিয়ে নতুন অস্ত্রটার ওজন অনুভব করলো
উমাস্কো। এটা একটা ছোটো হাতলের স্ট্যাবিং অ্যাসেগাই। হাতলটা
শক্ত কাঠের, তামার তার দিয়ে জড়ানো। ফলাটা প্রায় দুই ফিট
লম্বা, আর চার ইঞ্চি চওড়া। সতর্কতার সাথে কজির লোমগুলো
কামালো উমাস্কো রূপালি ফলা দিয়ে, তারপর ট্রাউজার আর জাগল
বুট খুলে ফেললো।

তার পরনে এখন শুধু জলপাই রঙের শর্টস, আর হাতে স্ট্যাবিং
অ্যাসেগাই, বললো, 'দিস ইজ অ্যাফ্রিকা, মিঃ এক্স। অ্যাফ্রিকান
স্টাইলের সাথে আপনার পরিচয় নেই। দেখে যান, ফিরে গিয়ে
গল্প করতে পারবেন। আপনার হাতে রাইফেলটাই থাকুক, ইচ্ছে
হলে ব্যবহার করবেন।'

গম্ভীরভাবে মাথা ঝাঁকালো মিঃ এক্স। দেখতে চায়, মুখে যতো

বড়াই করছে উমাস্তো, কাজেও ততোটা দক্ষ কিনা। মাথা নিচু করে পায়ের ছাপের দিকে তাকালো সে। ফুরের দাগগুলো একেকটা স্থপ স্প্রেটের সমান, তারই পাশে অঝোর ধারায় বয়ে পড়েছে পানি মেশানো রক্ত আর হলদেটে তরল বিষ্ঠা—মোষটার ভুঁড়িতে বেশ বড় একটা ফুটো তৈরি হয়েছে।

‘আমি দাগ ধরে এগোরো,’ বললো সে, ‘আপনি ওটার হঠাৎ ছুটে আসা খেয়াল করবেন।’

সহজ পায়ের, সাবলীল ভঙ্গিতে এগোলো ওরা। তিন গজ আগে থাকলো মিঃ এক্স, মনোযোগের সাথে রক্তের দাগের দিকে বুঁকে আছে। হাতে অ্যাসেগাই নিয়ে পিছনে থাকলো উমাস্তো, সামনে জঙ্গলের গায়ে নিয়মিত ছন্দে দৃষ্টি বুলিয়ে চলেছে—ট্রেনিং পাওয়া চোখ গোটা মোষটাকে দেখতে পাবে বলে আশা করছে না, খুঁজছে ছোটোখাটো জিনিসগুলো, ভিজে নাকের ডগা বা বিশাল শিঙের বাঁকা অংশটুকু।

বিশ পা এগোবার পর ওদেরকে চারদিক থেকে ঘিরে ফেললো জঙ্গল। দম বন্ধ হয়ে আসা গুমোট একটা পরিবেশ, সঁাতসঁতে সবুজ গাছপালা গায়ে গা ঠেকিয়ে দাঁড়িয়ে আছে, পথ করে এগোনো কঠিন। বরা পাতা পচে নরম-তুলো হয়ে গেছে, ওদের পায়ের শব্দ ভোঁতা আর অস্পষ্ট শোনালো। নিস্তব্ধতা কানে বাজে, মিঃ এক্সের জুতোর সাথে কাঁটারোপের সংঘর্ষ ট্রাক ইঞ্জিনের মতো আওয়াজ করলো। লোকটা দরদর করে ঘামছে। দুই শোল্ডার ব্রেডের মাঝখানে ভিজে গেছে শার্ট, ঘাড়ের পিছনে শিশিরের মতো জমে আছে ঘাম। কয়েক হাত পিছন থেকেও তার কর্কশ, ভারি নিঃশ্বাসের আওয়াজ পেলো উমাস্তো। জানে, এর কারণ ভয় নয়, শিকারীর

উত্তর।

ভয় পাবার পাত্র উমাঙ্গো নয়। ভীতিকর কিছু ঘটলে বা ঘটাই সম্ভাবনা দেখা দিলে আশ্চর্য একটা শীতল ভাব এসে যায় তার মধ্যে। এই গুণটা সে মুক্তিযুদ্ধের সময় অর্জন করেছে। এটো একটা দরকারী কাজ, অ্যাংগেই দিয়ে মোর্ষটাকে ঘায়েল করা। মিঃ এক্সকে মুক্ত করার এই সুযোগ হাতছাড়া করা চলে না। শীতল ভাবটা তার সমস্ত ভয় আর অনুভূতিকে ভেঁতা করে দিলো। তৈরি হলো সে। যেন নিজস্ব প্রাণ পেয়ে জ্যান্ত হয়ে উঠলো পেশীগুলো, নার্ভ-গুলোয় ভর করলো বিপুল উত্তেজনা, গোটা শরীর যেন একটা তীর, বাঁকা ধনুকের কিনারায় মুখ বেরিয়ে আছে।

জঙ্গলের ভেতর দিয়ে রক্তের দাগ যেদিকে চলে গেছে, সরাসরি সামনে, সেদিকে শুধু হালকাভাবে নজর বুলালো উমাঙ্গো; কিন্তু গভীর মনোযোগের সাথে চোখ রাখলো ছ'পাশে। আফ্রিকার বন্য প্রাণীদের মধ্যে সবচেয়ে চতুরটাকে শিকার করছে ওরা, ওটার মতো চালাক আর বোধহয় শুধু চিতা বাঘ। কিন্তু আফ্রিকান বুনো মোষের গায়ে রয়েছে একশো চিতার পশু-শক্তি। ঝাঁপিয়ে পড়ার আগে গোঁ গোঁ করবে সিংহ, বুকে গুলি খেয়ে ঘুরে দাঁড়াবে হাতি, কিন্তু কেপ বাফেলো আসবে নিঃশব্দে, আর শুধু একটা জিনিসই তাকে থামাতে পারবে—মৃত্যু।

বড়সড় একটা ইম্পাত-নীল মাছি বসেছে উমাঙ্গোর ঠোঁটে, এক পা ছ'পা করে তার নাকের ফুটোর দিকে এগোলো সেটা। জঙ্গলের ছ'পাশে এমন গভীর মনোযোগের সাথে তাকিয়ে আছে উমাঙ্গো, স্পর্শটুকু টেরই পেলো না।

দাঁড়িয়ে পড়লো মিঃ এক্স, দাগের আকৃতি বদল পরীক্ষা করলো।

ভেঙ্গা মাটিতে খুয়ের দাগগুলো এখানে নিখুঁত, তরল বিষ্ঠা মেশানো
 দুটো ছোটো ছোটো পুরুষ তৈরি করেছে। অসংকিত হয়ে দৌড়
 শুরু পর এখানেই প্রথমবার থেমেছিল মোষ। দৃষ্টিটা কল্লনা করতে
 পারে উমাজে। দাঁড়িয়ে আছে প্রকাণ্ডদেহী, কালো মোষ। ছেঁড়া
 পেটে অসহ্য যন্ত্রণা, দ্রুত সারা শরীরে ছড়িয়ে পড়ছে। শিকারীরা
 ধাওয়া করে আসছে কিমা দেখার জন্যে তাকিয়ে আছে পিছন দিকে।
 রক্ত আর তরল বিষ্ঠা হড় হড় করে বেরিয়ে আসছে পেট থেকে,
 হল হল শব্দ উন্মাদ করে তুলছে ওটাকে। এখানে দাঁড়িয়ে শিকারী-
 দের গলা জ্বলেছে, এই প্রথম রাগ আর ঘৃণায় রী রী করে উঠেছে
 শরীর। এখান থেকেই আক্রোশের জন্ম, প্রতিশোধ নেয়ার জন্মে
 উন্মাদ হওয়ার সূচনা। মাথা নিচু করে নিয়ে আবার এগোয় ওটা,
 পেট আর নাড়ি থেকে ছড়িয়ে পড়া যন্ত্রণায় নিতম্ব সহ পিছন দিকটা
 আড়ষ্ট হয়ে আছে, রাগের মাত্রা প্রচণ্ড হয়ে ওঠায় ব্যথার অনুভূতি
 আগের মতো ততোটা তীব্র নয়।

মিঃ এক্স ঘাড় ফিরিয়ে উমাজের দিকে তাকালো, কিন্তু কথা
 বলার দরকার হলো না, আবার ওরা একযোগে সামনে বাড়লো।

শ্রেফ পূর্ব-পুরুষদের আচরণ অনুকরণ করছে মোষটা। তাদের
 অজিত অভিজ্ঞতা আর অভ্যেস এক পুরুষ থেকে আরেক পুরুষের
 মগজে ছাপ ফেলে এসেছে। প্রথম মোষটা শিকারীর প্রথম গুলি
 খাওয়ার পর এভাবেই উন্মাদের মতো দৌড় শুরু করে থানিকটা
 জ্বরগা পেরিয়ে এসে থেমেছিল, কিছু শোনার জন্যে ঘাড় ফিরিয়ে
 তাকিয়েছিল পিছন দিকে, তারপর রাগে ফুঁসতে ফুঁসতে, পেশী-
 গুলো টান টান করে তুলে, আবার ছুটতে শুরু করেছিল। বাতাসের
 দিকে নাক ছিলো তার, যাতে শিকারীর গন্ধ পায়। বিশাল সশস্ত্র

মাথা ঘন ঘন এদিক থেকে ওদিক ঘোরাচ্ছিল, ওত পাতার জন্যে পছন্দসই একটা জায়গার খোঁজে।

দশ পা হেঁটে সরু একটা ফাঁকা জায়গা পেরোলো মোষ, চকচকে সবুজ পাতার পাঁচিলে গায়ের ছোরে সঁধিয়ে দিলো মাথা, পাতায় লেপে দিয়ে গেল তাজা লাল রক্ত, আরো পঞ্চাশ গজ এগোলো। এরপর দ্রুত এক পাশে সরলো সে; বড়সড় এক বৃত্ত রচনা করে ফিরে আসতে শুরু করলো ফাঁকা জায়গাটার দিকে। এখন সে এগোলো অত্যন্ত সতর্কতার সাথে, প্রায় নিঃশব্দে। ঝোপ আর ডাল-পালার ভেতর সাবধানে শিং আর মাথা গলিয়ে দিলো, সামনে বাড়লো এক পা এক পা করে। অবশেষে ফাঁকা জায়গাটার কাছাকাছি চলে এলো।

এখানে থামলো মোষ, সরু ফাঁকা জায়গাটার উন্টোদিকের কিনারায়। চকচকে সবুজ পাতা তার শরীর আড়াল করে রাখলো। খালি জায়গাটার মাঝখানে রক্তের দাগ রয়েছে, ওই দাগ ধরে কেউ এলে মোষটাকে দেখতে পাবে না, ওটাকে পাশ কাটিয়ে জঙ্গলে ঢুকবে।

এক চুল নড়লো না মোষ। চোখের পাতা পড়লো না, কানের লতি কাঁপলো না। নিজের রক্তের লম্বা দাগটার দিকে তাকিয়ে থাকলো। উন্টোদিকের জঙ্গল থেকে শিকারীরা বেরিয়ে আসবে, সেই অপেক্ষায়।

হালকা প্রায়ে খালি জায়গাটায় বেরিয়ে এলো মিঃ এক্স, উন্টোদিকের রক্ত-রাঙা শাখাগুলোর দিকে তাকিয়ে আছে। তাকে অনুসরণ করলো উম্বাজো, ছ'পাশের জঙ্গলে তীক্ষ্ণ নজর, ঘামে চকচক করছে প্রায়-উল্লঙ্গ শরীর, এগোবার ভঙ্গিতে নাচের ছন্দ। তার বুক

আর বাহুর পেশীগুলো সামান্য নড়াচড়াতেও স্নাকৃতি বদলালো।

মোষের একটা চোখ দেখতে পেলো সে। নতুন মুদ্রার মতো ঝিক করে উঠলো সেটা, স্থির হয়ে গেল উমাস্কে। বাঁ হাতের আঙুল-গুলো খাড়া করলো সে, স্থির হয়ে গেল মিঃ এক্স। মোষের চোখে তাকিয়ে আছে উমাস্কে, কিন্তু সঠিকভাবে জানে না ঠিক কি দেখছে সে। শুধু আন্দাজ করলো, ওখানটাতেই থাকার কথা, ত্রিশ ফুট বাঁ দিকে। জঙ্গলের ভেতর ঢুকে আবার যদি ফিরে এসে থাকে মোষটা, ওখানেই থামবে।

চোখ পিট পিট করলো উমাস্কে, সেই সাথে ছবিটা পরিষ্কার ফুটে উঠলো। শুধু চোখ নয়, তাকিয়েছিল একটা বাঁকানো শিঙের দিকেও। ঠিক যেন গাছের একটা ডাল, এক বিন্দু নড়ছে না।

ছুটে এলো দানব। বিক্ষোভিত হলো জঙ্গল, মড়মড় করে ডাল-পালা ভাঙলো, ঝাঁক ঝাঁক পাখির মতো সবুজ পাতা উড়লো চার-দিকে। ফাঁকা জায়গায় বেরিয়ে এলো মোষ, ছুটে এলো তির্যক একটা পথ ধরে। চতুর মোষের প্রিয় একটা ভান, এই ফাঁদে পড়ে অনেক শিকারী বেঘোরে প্রাণ হারিয়েছে। তেরছাভাবে পাশ ঘেঁষে চলে যাবার ভান করে একেবারে শেষ মুহূর্তে সোজা ছুটে এসে শিং দিয়ে গাঁথে তুলে নেবে।

ঝড়ের বেগে এলো সে। এই প্রকাণ্ড দেহ নিয়ে এতো জোরে ছুটে আসা অসম্ভব বলে মনে হয়। যেমন চওড়া তেমনি লম্বা, যেন গ্র্যানিট পাথরের একটা স্তূপ। ডোবা থেকে মেখে আসা কাদা তার পিঠ আর কাঁধে শুকিয়ে গেছে। ঘাড়ে আর কাঁধে ম্লান রূপালি রঙের প্রচুর কাটাকুটি দাগ—কাঁটারোপ কবে তাকে বাধা দিয়েছিল, আর সিংহ মেরেছিল থাবা, এ-সব তারই পুরনো চিহ্ন।

খোলা চোয়াল থেকে রূপালি লালার রশি ঝুলছে অনেকগুলো, আর চোখের পানি ঝোমশ গালে ভিজ্জে দাগ এঁকে রেখেছে। একজন লোক হুঁহাত দিয়ে জড়িয়ে কোনো রকমে যদি তার গলার বেঁড় পায়। লম্বা করা দুই হাঁতের আঙুল দুই শিঙের ডগার নাগাল পাবে না। গলার বুলে থাকা চামড়ার ভাঁজে বস্তু থেকো নীল পোকরা পাকা আঙুরের চেহারা নিয়ে বসে আছে। গা থেকে উঠে আসছে উৎকট পাঁঠা-পাঁঠা দুর্গন্ধ, ভারি হয়ে আছে জঙ্গলের বাতাস।

বীরদর্পে ছুটে এলো সে, খুনের নেশায় উন্মাদ। তার সামনে পড়ার জন্তে এগিয়ে এলো রট উমাজো। মিঃ এক্স তার হেভী ক্যালিবার রাইফেল মোষের দিকে তাক করেছে, এই সময় তাকে পাশ কাটিয়ে মাজলের সামনে দাঁড়ালো উমাজো, একেবারে শেষ মুহূর্তে মাজলটা আকাশের দিকে উঠে গেল।

তেরছা একটা পথ ধরে ছুটে আসছে মোষ, তার সামনে দিয়ে আড়াআড়িভাবে পথটা পেরিয়ে এলো উমাজো। শত্রু এভাবে দিক বদল করায় তারসাম্য হারিয়ে ফেললো মোষ। তারসাম্য হারানো একজন বজ্রার সেরে যেতে শুরু করে প্রতিপক্ষকে যেভাবে আঘাত করে, সেভাবে আঘাত করার জন্তে মোষকে বাধ্য করলো উমাজো। শিং বাগাবার সময়ে হেরফের হয়ে গেল, শত্রুর ওপর লক্ষ্যস্থিরে খুঁত থেকে গেল। উমাজো শুধু তার উদ্ধার পিছিয়ে এনে আঘাতটা এড়ালো, শিঙের বাঁকা ডগা তার পাঁজরের এক হাত দূর দিয়ে হিস্‌শ শব্দে চলে গেল। শুরু থেকে শেষ পর্যন্ত গুঁতোটার আকৃতি দাঁড়ালো বাঁকা চাঁদের মতো, নিচে থেকে এক ঝটকায় ওপর দিকে উঠে শেষ সীমায় পৌঁছে গেল মোষের মাথা। ইতিমধ্যে, চোখের পলকে, শরীরটা আবার সিঁধে করে নিয়েছে উমাজো।

এই মুহূর্তে মোষ সম্পূর্ণ উন্মুক্ত, ওপর দিকে খাড়া হয়ে থাকা চিবুক থেকে শুরু করে ছ'পায়ের মাঝখানে নরম চামড়ার ভাঁজ পর্যন্ত। শরীরের সমস্ত ভার, আর ছুটে আসার প্রচণ্ড বেগটুকু অ্যাসেগাইয়ের ফলার পিছনে চাপিয়ে দিলো উমাস্গো।

ভীক্ষু ডগার ওপর ছুটে এলো মোষ। ফলাটা ঘ্যাচ্ করে গেঁথে গেল তার গায়ে, তাজা মাংস চোখের পলকে গিলে ফেললো সেটাকে। ফলাটাকে অনুসরণ করে হাতল ধরা উমাস্গোর ডান হাত কতের খানিকটা ভেতরে ঢুকে গেল, ফিনকি দিয়ে ছুটে আসা রক্ত তার কাঁধ পর্যন্ত ভিজিয়ে দিলো। অ্যাসেগাইয়ের হাতল ছেড়ে দিলো সে, নাচের ভঙ্গিতে পায়ের আঙুলে ভর দিয়ে ঘুরলো। বুকের গভীরে লম্বা ইস্পাতের ফলা নিয়ে লাফ দিলো মোষ, সামনের পা ছুটো আড়ষ্ট হয়ে গেছে। ঘুরে গিয়ে উমাস্গোকে ধাওয়া করার চেষ্টা করলো বটে, কিন্তু সামনের পা জোড়া পরস্পরের সাথে বাড়ি খেতে শুরু করায় দাঁড়িয়ে পড়লো, বিমূঢ় ভাব নিয়ে তাকিয়ে থাকলো দুঃসাহসী শিকারীর দিকে, চোখের সামনে ক্রত নেমে এলো কালো একটা ঝাপসা ভাব।

মোষের সামনে দাঁড়ালো উমাস্গো, ছ'হাত বাড়িয়ে আহ্বান জানালো, 'হা-হা, দেখি এবার কেমন করে মাটি কাঁপাও। হা-হা, দেখি এবার কিভাবে আকাশ ফাটাও।'

পা টেনে টেনে ছ'কদম আগে বাড়লো মোষ, তারপরই তার ভেতর কিছু একটা বিস্ফোরিত হলো। ফুলে ওঠা নাকের ফুটো দিয়ে তীর বেগে বেরিয়ে এলো রক্তের মোটা ছুটো ধারা। চোয়াল খুলে হাঁক ছাড়লো সে, আওয়াজ নয় বেরিয়ে এলো রক্ত-শ্রোত, ভাসিয়ে দিলো গলা আর বুক। প্রকাণ্ড দেহটা টলতে শুরু করলো, তাল

সামলে দাঁড়িয়ে থাকার প্রাণপণ চেষ্টা করলো বেচারী।

‘মরো, বাছাধন!’ উল্লাসে মোষের সামনে নাচতে শুরু করলো উমাজো। ‘একজন রাজার পথ যাতে নিষ্কটক হয়, সেজ্ঞে তোমাকে বলি দেয়া হয়েছে। মরো!’

ধরাশায়ী হলো মোষ। ওদের পায়ের নিচে লাফ দিয়ে উঠলো মাটি।

এক পা এক পা করে মোষের মাথার সামনে এসে দাঁড়ালো উমাজো, ধীরে ধীরে মাটিতে হাঁটু গেড়ে বসলো। মোষের চোখে ভাষাহীন দৃষ্টি স্থির হয়ে আসছে। ছুই হাত এক করে, মোষের মুখ থেকে বেরিয়ে আসা শ্রোত থেকে, ঝাঁজলা ভরে রক্ত নিয়ে মুখের সামনে তুললো উমাজো। মদের মতো, ঢক ঢক করে পান করলো সেই রক্ত। চিবুক আর কনুই থেকে বর বর করে বয়ে পড়লো থানিকটা। অট্টহাসি শুনে গায়ের রোম দাঁড়িয়ে গেল মিঃ এক্সের।

‘মহাবীর মোষ, আমি তোমার তাজা রক্ত পান কবেছি। তোমার শক্তি এখন আমার।’ আকাশের দিকে মুখ করে চিৎকার করলো উমাজো। মোষের পিঠ বাঁকা হয়ে গেল, মৃত্যুর আগে এটাই তার শেষ থিঁচুনি।

ক্যাম্প কর্মীরা মহোবা-হোবা গাছের নিচে একটা টেবিল ফেলেছে। চারদিকে সবুজ বনভূমি, মাঝখানে ঘাস মোড়া কাঁকা জায়গা, আর এই একটা মাত্র গাছ। শাওয়ার সেরে কাপড় পরেছে উমাজো— ছ’পাশে লালচে স্ট্রাইপসহ কালো ট্রাউজার, খাটো লাল জ্যাকেট, ল্যাপেল জোড়া কালো সিকের, শার্টটা সাদা, সাথে কালো বোটাই। টেবিলের ওপর ড্রাইজিন আর শিভাস রিগালের একটা করে

বোতল রয়েছে। উমাজোর সামনের একটা চেয়ারে বসেছে মিঃ
এক্স। মেইন ক্যাম্প থেকে জায়গাটা দূরে, কেউ ওদের দেখতে
পাচ্ছে না বা ওদের কথা শুনতে পাচ্ছে না।

মিঃ এক্সকে নিজের হাতে হুইকি পরিবেশন করলো উমাজো।
আফ্রিকার আকাশ সোনালি হয়ে উঠছে, সেদিকে চোখ রেখে
নিঃশব্দে পান করলো ওরা।

পরস্পরের সান্নিধ্য উপভোগ করছে ওরা, দু'জন একসাথে
জীবনের ওপর খুঁকি নেয়ায় গভীরতা পেয়েছে ওদের বন্ধুত্ব।

অবশেষে টেবিলের ওপর গ্লাসটা ঠক্ করে নামিয়ে রেখে প্রসঙ্গটা
তুললো মিঃ এক্স। ‘এবার, বন্ধু, বলুন, কি চান আপনি?’

‘গোটা এলাকা দরকার আমার,’ একেবারে সহজ করে বললো
উমাজো।

‘সবটুকু?’

‘সবটুকু।’

‘শুধু জিন্সাবুই নয়?’

‘শুধু জিন্সাবুই নয়।’

‘আর, সবটুকু দখল করার জগ্গে আপনাকে সাহায্য করতে হবে
আমাদের?’

‘হ্যাঁ।’

‘বিনিময়ে?’

‘আমার বন্ধুত্ব।’

নিঃশব্দ হাসলো মিঃ এক্স। ‘বন্ধুত্ব ভালো জিনিস, কিন্তু শুধু বন্ধুত্ব
দিয়ে তো পেট ভরে না—আন্তর্জাতিক রাজনীতিও পানি পায় না
হালে। বিনিময়ে চোখে দেখা যায় এমন কি দেবেন জানতে চাই,

অন্ধকারে চিত্তা ২

হু'চারটের নাম বলুন ।’

‘ছোট্ট, গরীব দেশ আমার,’ কাঁধ ঝাঁকিয়ে বললো উমাস্তো, ‘বিনি-
ময়ে কি আর দিতে পারি ।-কিছু খনি আছে—নিকেল, ক্রোম, টাই-
টানিয়াম, বেরিলিয়াম, সামান্য কিছু সোনা...’

‘হ্যাঁ, এই তালিকাটাই চাইছিলাম, বললো মিঃ এক্স । আমার
দেশে এ-সব জিনিসের দরকার আছে । কিন্তু এ-সবের দর ঠিক
করবো আমরা, এবং আগামী বিশ বছরে তা বাড়ানো হবে না ।’

‘জানি । কিন্তু আরো জিনিস আছে, সে-সবও আমাদের কাছ
থেকে রফতানী হবে,’ বললো উমাস্তো, মুচকি মুচকি হাসছে সে ।
‘সেগুলো কিন্তু আন্তর্জাতিক বাজার দরেই কিনতে হবে ।’

‘আরো জিনিস ?’ তীক্ষ্ণ চোখে তাকালো মিঃ এক্স । ‘কি
জিনিস ?’

‘উত্তেজিত হবেন না,’ বললো উমাস্তো । ‘আন্তে-ঘীরে বলি ।
আমি জিম্বাবুইয়ের মালিক হবার পর, স্বভাবতই অস্থির হয়ে উঠবে
আমার দৃষ্টি...’

‘আচ্ছা ।’ মিঃ এক্স উমাস্তোর চোখের ওপর কড়া নজর রাখলো ।

‘আমার অস্থির দৃষ্টি দক্ষিণ দিকে পড়তে পারে,’ নরম স্বরে
বললো উমাস্তো । ‘ওদিকে অনেকদিন থেকেই জুলজুল করে তাকিয়ে
আছেন আপনারা ।’

‘তা, দক্ষিণে কি দেখবে আপনার চোখ, জেনারেল উমাস্তো ?’

‘আমি দেখতে পাবো,’ গলা আরো খাদে নামিয়ে বললো
উমাস্তো, ‘ওদিকের মানুষদের ক্রীতদাস বানাবার সময় হয়েছে,
সময় হয়েছে ওখানকার মাটি থেকে সমস্ত সম্পদ তুলে আনার ।’

‘আর ?’

‘দেখতে পাবো উইটওয়াটারসর্যাও আর “ফ্রিস্টেট” ফিল্ডস, দেখতে পাবো কিমবারলি’র ডায়মণ্ড, ইউরেনিয়াম, প্ল্যাটিনাম, সিলভার, কপার... সংক্ষেপে, এই এলাকার যাবতীয় গুপ্তধন সবই আমি দেখতে পাবো।’

‘বলে যান, বলে যান,’ উৎসাহ দিলো মিঃ এক্স। এই উচ্চাভিলাষী জেনারেলকে তার মনে ধরেছে। লোকটার ঘটে বুদ্ধি আছে, সাহস আছে, উদ্যম আছে—বছরদিন থেকে এরকম একজন লৌহমানবকেই খুঁজছে তার দেশের কর্মকর্তারা।

‘আমি একটা বেস দেখতে পাবো, আটলান্টিক আর ভারত মহাসাগরকে নিয়ন্ত্রণ করবে সেটা। গালফ আর ইউরোপের মাঝখানে যে অয়েল লাইন, সেই লাইনের ওপর থাকবে বেসটা...’

‘এ-সব চিন্তা-ভাবনা কোথায় নিয়ে যাব আপনাকে?’

‘আপনাদের ঋণ শোধ করার জন্তে আমি চাইবো জিম্বাবুয়ের দক্ষিণে যে-সব এলাকা রয়েছে সেগুলো আন্তর্জাতিক ফোরামে শুধু আপনাদেরই গান গাইবে...’

মিঃ এক্স পুলক অনুভব করলো, তার দেশের প্ল্যান-পরিকল্পনা নিখুঁতভাবে বুঝে নিতে পেরেছে জেনারেল উম্মাঙ্গে। দক্ষিণ মন্ত একটা উপহার, কিন্তু সেটা পেতে হলে উত্তরের সাহায্য একান্তভাবে দরকার। উত্তর হলো জিম্বাবুই। পূর্ব দিকে মোজাম্বিক, পশ্চিমে অ্যাঙ্গোলা—এগুলো এরইমধ্যে তাদের দলে ভিড়েছে। নামিবিয়াও ভিড়বে। দখল সম্পূর্ণ করার জন্তে এখন শুধু দক্ষিণটুকু দরকার তাদের। চেয়ারের ওপর খাড়া হয়ে বসলো মিঃ এক্স। ‘কিন্তু তার আগে আমাকে জানতে হবে, নিজের মাটিতে আপনার সম্ভাবনা কতোটুকু?’

‘অর্থনীতির বারোটা বাজিয়ে দিয়েছি,’ বললো উমাক্সো। ‘ইটার-ট্রাইবাল ওঅরফেয়ার তুঙ্গে। এখন শুধু হু একটা কলকাঠি নেড়ে সেন্ট্রাল গভর্নমেন্টের পতন ঘটাতে পারলেই আমি রাজা।’

গম্ভীরভাবে মাথা ঝাঁকালো মিঃ এক্স। জেনারেল সত্যিকথা বলছে, জানে সে। ‘তুনেছি, এরইমধ্যে আপনি কাজ শুরু করে দিয়েছেন। কিং’স হেভেন না কি যেন নাম, ওটা তো এখন আপনার হাতে। ম্যাটাবেলিল্যাণ্ডে প্রচুর রক্তপাতও ঘটিয়েছেন।’

‘সব খবরই রাখেন দেখছি। এ-সবই করা হচ্ছে জনগণ আর দেশের স্বার্থে।’

‘তাতো বটেই, তাতো বটেই। সেজন্যেই তো টিভিতে রোজ হু’বেলা করে আপনাকে দেখানো হচ্ছে। হারারে-র রাস্তাগুলো আপনার পোস্টারে ছেয়ে গেছে। জাতীয় দৈনিকগুলো আপনার সাক্ষ্যের খবর বড় বড় হেডিঙে ছাপছে

‘কারণ ওরা সবাই শক্তের ভক্ত।’

‘কারণ আপনার পিছনে রয়েছে বিরাট একটা ফোর্স—থার্ড ব্রিগেড। আর, থার্ড ব্রিগেডকে টিকিয়ে রাখার জন্যে রয়েছে আমাদের আশীর্বাদু।’

‘থার্ড ব্রিগেডের প্রসঙ্গ যখন উঠলোই মিঃ এক্স,’ ভারি গলায় বললো উমাক্সো, ‘জরুরী আলোপটা এখুনি সেরে ফেলা দরকার। আপনাদের আমি অনেকদিন থেকেই বলছি, আমাদের আরো অস্ত্র দরকার।’

মাথা ঝাঁকালো মিঃ এক্স। ‘হ্যাঁ, জানি। কিন্তু আগেই আপনাকে আমি বলেছি, শুধু বন্ধুত্ব দিয়ে কাজ হয় না। প্রথম দুটো চালানোর জন্যে আমরা কোনো টাকা চাইনি। কথা ছিলো, এরপর আপ-

নাদের যে পাঁচশো মিলিয়ন ডলারের অঙ্ক, হেলিকপ্টার, আর গোলা-বারুদ দরকার হবে তার জন্যে আপনারা পেমেন্ট করবেন। আপনি খবর পাঠিয়েছিলেন, নগদ ডলার দিতে পারবেন না, চেষ্টা করবেন সম্মুখের হীরে দিতে। সেই হীরে যোগাড় হয়েছে কিনা বলুন। এরপর দ্বিতীয় আরেকটা প্রশ্ন আছে আমার।’

‘আপনার দ্বিতীয় প্রশ্নটাও শুনি আগে।’

‘ম্যাটাবেলদের নিয়ে কি করতে চান? এমনিতে শান্ত, কিন্তু ভুলে গেলে চলবে না যে ওরা যোদ্ধা জাতি। আপাততঃ হয়তো ওদেরকে আপনি দমিয়ে দিতে পারলেন, কিন্তু পরে? আপনার ক্ষমতা গ্রহণের পর ওরা মাথাচাড়া দিয়ে উঠবে না তার নিশ্চয়তা কোথায়?’

‘একজনের নাম বলবো আমি, তাতেই আপনার দুটো প্রশ্নের উত্তর রয়েছে।’

‘কে সে?’

‘টস মাজুলেট।’

‘হোয়াট! জেনারেল মাজুলেট? ম্যাটাবেলদের নেতা? কিন্তু তাঁকে তো আপনি জেলে ভরেছেন। নাকি এরই মধ্যে মারা গেছেন ভদ্রলোক?’

‘না।’

‘ব্যাখ্যা করুন, প্লিজ। আমি ষতোদূর জানি, জেনারেল মাজুলেট ধনী নন।’

‘ধনী নয়, না?’ বললো উমাকো। ‘কিন্তু তার কাছে কয়েক হাজার মিলিয়ন ডলারের চাবি আছে।’

চোখে অবিশ্বাস নিয়ে তাকিয়ে থাকলো মিঃ এক্স। ‘কি রকম?’

‘ডলার নয়, ওই পরিমাণ ডলারের হীরে...’

‘কোথায় পেলেন তিনি ? রেখেছেন কোথায় ?’

‘ধীরে, বন্ধু, ধীরে। এবার আপনার দ্বিতীয় প্রশ্নে আসা যাক। না, ম্যাটাবেলদের সবাইকে মেরে ফেলা সম্ভব নয়। গোটা ছদ্মিয়ায় মহা হৈ-চৈ বেধে যাবে। শুধুন, আমি কি ভেবে রেখেছি বলি। আমি ক্ষমতার বঁসার সাথে সাথে ভোজবাজির মতো আবার উদয় হবে মাজুলেট। তাকে দেখে ম্যাটাবেলরা স্বস্তিতে আনন্দে নাচতে শুরু করবে। মাজুলেটকে আমি ভাইস-প্রেসিডেন্ট বানাবো।’

‘কি ? অসম্ভব ! তিনি আপনাকে ঘৃণা করেন। সুযোগ পেলেই প্রতিশোধ...’

‘আরে না !’ আধবোজা চোখে তাকালো উমাজো, হাসলো। ‘তাকে প্রথমে আমি আপনাদের দেশে পাঠাবো। কঠিন কেস-ওয়ার জন্যে আপনাদের ওখানে স্পেশাল ক্লিনিক আছে, তাই না ? সেখানে আপনারা তার চিকিৎসা করবেন। চিকিৎসা মানে, ব্রেন-ওয়ার, ঠিক ?’

উমাজোর দিকে অবাক চোখে তাকিয়ে থাকলো মিঃ এক্স। তার পর ফিসফিস করে বললো সে, ‘সত্যি আপনার বুদ্ধির তারিফ না করে পারা যায় না !’

‘ব্রেনওয়ারের পর এখানে ফিরে এসে মাজুলেট কি করবে ?’ জিজ্ঞেস করলো উমাজো।

‘তার ব্রেন বলে কিছু থাকবে না...’

‘তার শরীরটা দরকার আমার, ব্রেন নয়। দরকার একটা পুতুলের, মানুষ নয়।’

‘সে-ব্যবস্থা আমরা করতে পারবো। ফিরে এসে জেনারেল মাজুলেট আপনার কথায় উঠবে, আপনার কথায় বসবে। সত্যি, চমৎকার

সমাধান বটে। কবে তাঁকে পাঠাচ্ছেন ?’

‘তার আগে হীরেগুলো ওর কাছ থেকে আদায় করতে হবে।’

‘ও, হ্যাঁ। কি রকম সময় লাগবে ?’

কাধ ঝাকালো উম্মাঙ্গে। ‘বেশি দিন না।’

‘যে রুটে আইভরি যায়, সেই রুটেই তাঁকে পাঠাবেন।’

‘ঠিক আছে।’

‘ভদ্রলোককে রেখেছেন কোথায় ?’

‘কাছেই, একটা পুনর্বাসন কেন্দ্রে। কেউ জানে না...’

‘কাছেই ? তাহলে তো ভালোই হলো। তাঁকে একবার দেখবো আমি।’

‘কিন্তু সেটা কি উচিত হবে ?’

‘উচিত অনুচিত আমি বুঝবো, শ্লিঙ্ক !’ মিঃ এক্স একটু চড়া সুরে বললো কথাটা, একটু ঘেন ধমকের মতো শোনালো।

উম্মাঙ্গে আর কথা বাড়ালো না।

টুট পুনর্বাসন কেন্দ্র। হুর্গম বনভূমির মাঝখানে আসলে এটা একটা কারাগার, রাজনৈতিক কর্মী আর ম্যাটাবেল বিদ্রোহীদের ওপর অকথ্য শারীরিক নির্যাতন চালানো হয় এখানে।

ছপুরের কাঠফাটা রোদে দাঁড়িয়ে রয়েছে ওরা। মাঝখানে জেনারেল মাজুলেট, ছ’পাশে ছ’জন ম্যাটাবেল বিদ্রোহী। কয়েক হাত সামনে ছধ-সাদা একটা পাঁচিল, রোদের চোখ ধাঁধানো আলো আর তাপ পাঁচিলে লেগে ফিরে আসছে ওদের দিকে। রোজকার মতো, সেই ভোর বেলা থেকে ওদেরকে এখানে দাঁড় করিয়ে রাখা হয়েছে।

তিনজনই ওরা সম্পূর্ণ নয়। সূঠাম স্বাস্থ্যের অধিকারী ছিলো ওরা, মাত্র ক'হণ্ডায় হাড়িসার হয়ে গেছে। পাঁজর আর শিরদাঁড়ার প্রতিটি হাড় আলাদা করে গোণা যায়। তীব্র আলোর পীড়ন থেকে বাঁচার জন্তে চোখ বন্ধ করে রাখার উপায় নেই, কারণ বন্ধ করলেই চোখে আর মাথায় ভীষণ যন্ত্রণা শুরু হয়। চোখের পাতা নামিয়ে রেখেছে মাজুলেট, সরু ফাটলের ভেতর দিয়ে তাকিয়ে আছে সাদা পাঁচিলের গায়ে, অস্পষ্ট একটা কালচে দাগের ওপর। নির্দিষ্ট একটা দাগের ওপর তাকিয়ে থাকায় এখনো সে একবারও মাথা ঘুরে পড়ে যায়নি। তার ছ'পাশের লোক ছ'জন কয়েকবার করে পড়েছে, প্রতিবার চাবুকের বাড়ি খেয়ে উঠতে হয়েছে তাদের। এখনো টলছে তারা।

‘সহ্য করো, ভাই,’ সিনডেবেল ভাষায় বিড়বিড় করে বললো মাজুলেট। ‘শোনা কুকুরগুলোকে বুঝতে দিয়ো না আমাদের কষ্ট হচ্ছে। আমরা ভাঙবো, কিন্তু মচকাবো না।’ মুহূর্তের জন্যেও অস্পষ্ট দাগটা থেকে চোখ সরালো না সে। ওটা একটা বুলেটের দাগ, চুনকাম করার পরও পুরোপুরি মুছে ফেলা যায়নি। ফায়ারিং স্কোয়াড প্রতিবার গুলি করার পরপরই পাঁচিলটা আবার চুনকাম করা হয়।

‘পানি।’ মাজুলেটের ডান পাশ থেকে কাতরে উঠলো লোকটা।
‘এক ফোঁটা পানি।’

‘ভুলে থাকতে চেষ্টা করো, ভাই। পানির কথা চিন্তা করলে পাগল হয়ে যাবে তুমি।’

পাঁচিল থেকে ঠিকরে আসা আঁচ নিরেট ঘুসির মতো আঘাত করছে।

‘অন্ধ হয়ে গেছি,’ বাঁ পাশ থেকে দ্বিতীয় লোকটা ককিয়ে উঠলো,

‘কিছুই দেখতে পাচ্ছি না।’ সাদা আলোর বালক তার চোখের
তারাকে অকেজো করে দিয়েছে।

হঠাৎ পিছন থেকে কর্কশ শোনা কণ্ঠের কমাণ্ড ভেসে এলো।
প্যারেড গ্রাউণ্ডের ওপর দিয়ে কয়েক জোড়া বুট জুতো এগিয়ে
আসছে।

‘ওরা আসছে, অন্ধ ম্যাটাবেল বিড়বিড় করে বললো।

মাজুলেট জানে, আজ তার পালা।

রোজ এই ছুপুরবেলাই আসে ফ্যারিং স্কোয়াড, তার চোখের
সামনে পাঁচ-সাতজন ম্যাটাবেলকে খুন করা হয়। শোনা গার্ডরা
মজা করার জন্যে আগের দিন রাতেই জানিয়ে দেয় তালিকাটা।
তালিকায় যাদের নাম থাকে তারা আর ঘুমাতে পারে না। ওরা
সবাই মাতৃভূমির বীর সন্তান, ভাবলো মাজুলেট। শত অত্যাচারের
মুখেও কেউ মুক্ত বিদ্রোহীদের নাম বা ঠিকানা প্রকাশ করে না,
প্রাণভিকার সুযোগ পায়ে ঠেলে বরণ করে নেয় সম্মানজনক মৃত্যু-
কে। কাল রাতে গার্ডরা তিনজনের নাম জানিয়েছিল। সেই তিন-
জনকেই আজ ভোরে নিয়ে আসা হয়েছে সাদা পাঁচিলের সামনে।

মৃত্যুকে ভয় করে না মাজুলেট। কিন্তু তার হৃৎক, ম্যাটাবেল
বিদ্রোহীদের সংগঠিত করে যেতে পারলো না। হার্ড ব্রিগেড ম্যাটা-
বেলদের ওপর আঘাত হানবে জানতো সে, কিন্তু ঘটনাগুলো এতো
তাড়াতাড়ি ঘটতে শুরু করবে কল্পনা করেনি।

নির্দয় এক জোড়া হাত তাকে ধরে ঘোরালো, এক পাশে খানিক
দূর টেনে নিয়ে এসে একটা কাঠের খুঁটির সাথে বাঁধা হলো তাকে।
পাশে আরো অনেকগুলো খুঁটি রয়েছে, তার ছ’পাশের ছটো খুঁটির
সাথে বাকি ছ’জনকেও বাঁধা হলো। পাঁচিলের দিকে পিছন ফিরে

রয়েছে ওরা, সামনে আটজনের একটা সশস্ত্র দল। তাদের কমান্ডার একজন ক্যাপটেন। প্রত্যেকের প্ররনে বার্ড ব্রিগেডের ইউনিকর্ম।

এক এক করে খুনীদের সামনে থামলো ক্যাপটেন, সবার রাইফেল চেক করলো। সৈনিকদের সাথে রসিকতা করলো লোকটা, অস্ত্রীল হাসিতে ফেটে পড়লো তারা। এই ইত্যাঁকাও তাদের কাছে একটা উপভোগ্য নেশার মতো।

পাশাপাশি দাঁড়িয়ে আছে ফ্যারিং স্কোয়াড, লাইনের মাথায় ফিরে এসে বুক পকেট থেকে একটা কাগজ বের করলো ক্যাপটেন। ইংরেজীতে লেখা ঘোষণাটা পড়লো সে, 'রাষ্ট্র এবং জনগণের শত্রু বলে ঘোষণা করা হয়েছে আপনাদের। জিম্বাবুই প্রজাতন্ত্রের ভাইস-প্রেসিডেন্ট আপনাদের ডেথ ওয়ারেন্ট সই করেছেন...'

চিবুক উঁচু করে ম্যাটাভেলদের প্রাচীন একটা যুদ্ধের গান ধরলো জেনারেল মাজুলেট। কয়েক লাইন গায়ার পর ছ'পাশে তাকালো সে, সঙ্গীদের বললো, 'গাও, ভায়েরা শোনা কুকুরগুলোকে জানিয়ে দাও আমরা যোদ্ধা জাতি, হাসি মুখে মরতে পারি।'

ওদের সামনে থেকে নির্দেশ দিলো ক্যাপটেন, স্কোয়াডের আটজন সৈনিক একযোগে বাম পা সামনে বাড়িয়ে রাইফেল উঁচু করলো। গেয়ে চলেছে মাজুলেট, তার সাথে এখন সঙ্গী ছ'জনও গাইছে। হঠাৎ দূরে একটা গুঞ্জন শোনা গেল। অনেক লোকের মিলিত কণ্ঠস্বর।

মাজুলেটের গান বন্দীদের কানে গেছে। নিজেদের কুঁড়েঘর থেকে তারাও গাইছে তার সাথে। কয়েক শো বন্দীর মিলিত কণ্ঠস্বর, ক্রমশ জোরালো হয়ে উঠলো।

গর্বে ফুলে উঠলো ম্যাটাভেল নেতার বুক। ওরা মাতৃভূমির বীর সন্তান, ভাবলো সে, আমি না থাকলেও ওরা অত্যাচারীদের

ঠেকাতে পারবে।

উচু করা ছাতটা আচমকা সব্বগে নামিয়ে আনলো ক্যাপটেন, নির্দেশ দিলো, ‘কায়া!’

একসাথে গর্জে উঠলো আটটা রাইফেল। সঙ্গীদের গলা শুক্ক হয়ে গেল। বুকের ওপর কুলে পড়লো তাদের মাথা। সৈনিকরা রাইফেল নামিয়ে নিয়ে পরস্পরের গা টেপাটেপি করলো, থিক থিক করে হাসলো। গোটা ব্যাশারটা যেন মস্ত একটা কৌতুক।

মাজুলেট এখন আর গাইছে না। বন্দীরাও চুপ করে গেছে। নিহত সঙ্গী হৃৎকনের দিকে তাকালো মাজুলেট, আটটা বুলেট ছিন্ন-ভিন্ন করে দিয়ে গেছে তাদের বুক। এতোকণ পর, হঠাৎ মাজুলেটের পা ছটো কাঁপতে শুরু করলো। গালভরা হাসি নিয়ে তার সামনে এসে দাঁড়ালো ক্যাপটেন। ‘পানি, জলদি!’

ধীরে ধীরে দুর্বলতা কাটিয়ে উঠে নিজেকে শাস্ত করলো মাজুলেট। একজন ট্রুপার এনামেলের একটা ডিশ নিয়ে এলো। ডিশটা তার হাত থেকে নিলো ক্যাপটেন। নাকে পানির গন্ধ পেলো মাজুলেট। বলা হয়, খর্বকায় বুশম্যানরা নাকি বহু মাইল দূর থেকেও পানির গন্ধ পায়, কথাটা এর আগে পুরোপুরি বিশ্বাস করেনি সে। এই পানির গন্ধ সত্য ফালি করা তাজা তরমুজের মতো। ঢোক গেলার সময় যে-সব পেশী নড়ে, আপনা থেকেই সেগুলো টান টান হয়ে উঠলো। ডিশ থেকে চোখ ফেরাতে পারলো না মাজুলেট।

ডিশটা নিজের মুখের সামনে তুললো ক্যাপটেন, ছোট্ট একটা চুমুক দিলো। মুখের ভেতর পানি নিয়ে কুলকুল শব্দ করে নাড়লো সে, তারপর পিচকারী দিয়ে কেলে দিলো মাটিতে, মাজুলেটের চোখে চোখ রেখে নিঃশব্দে হাসলো। এবার তার মুখের সামনে

তুললো ডিশটা, ধীরে ধীরে কাত করলো সেটা। পানির মোটা ধারা নামলো, মাজুলেটের হাঁটু আর পা ভিজিয়ে দিয়ে গভিয়ে পড়লো মাটিতে।

পানির জন্যে মোচড় খেতে শুরু করলো মাজুলেটের শরীর, যেন প্রতিটি পেশী জ্যান্ত হয়ে উঠে ‘পানি চাই পানি চাই’ বলে চিৎকার জুড়ে দিয়েছে। ডিশ থেকে শেষ ফোঁটাটাও মাটিতে ফেলে দিলো ক্যাপটেন। ঘুরে দাঁড়ালো সে, চিৎকার করে নির্দেশ দিলো।

প্যারেড গ্রাউণ্ড ধরে ছুটে চলে গেল ফায়ারিং স্কোয়াড। লাশ, মাছি আর রোদের মধ্যে একা ব্রয়ে গেল মাজুলেট।

সন্ধ্যার সময় তাকে নিতে এলো ওরা। কজির বাঁধন খুলতেই রক্ত-প্রবাহ শুরু হলো, অসহ্য যন্ত্রণা হলো হাতে; গুড়িয়ে উঠলো মাজুলেট, মাটিতে হাঁটু দিয়ে পড়ে গেল সে। হাঁটার শক্তি নেই, টেনে-হিঁচড়ে তাকে কুঁড়েঘরে নিয়ে যাওয়া হলো।

ছোটো একটা ঘর। এক কোণে একটা ঢাকনা ছাড়া বালতি রয়েছে, প্রকৃতির ডাকে সাড়া দেয়ার সময় ব্যবহার করতে হবে। আর এক কোণে ছোটো মাটির শানকি, একটায় আধ সের পানি, আরেকটায় মুঠো আকৃতির শক্ত, সাদা রঙের কেক। কেকটা খেলে কাল সারাদিন পিপাসায় কষ্ট পাবে সে, তবু শক্তি পাবার জন্যে খেতে হবে ওটা।

অর্ধেকটা পানি খেয়ে বাকিটুকু সকালের জন্তে রেখে দিলো সে, পা লম্বা করে দিয়ে নেতিয়ে পড়লো মাটির ওপর। টিনের ছাদ এখনো ঠাণ্ডা হয়নি, গরমে সেদ্ধ হতে থাকলো সে। ভোরের দিকে, সে জানে, প্রচণ্ড ঠাণ্ডায় হিঁ হিঁ করতে হবে তাকে। শরীরের প্রতিটি পেশী, প্রতিটি হাড়ের জোড়া ব্যথায় টনটন করছে, পাঁচিল থেকে

প্রতিক্রিয়া সোদের সাদা বলক মাথার ভেতর এখনো যেন আশুন
ধরিয়ে রেখেছে—মনে হলো চোখ দুটো ভাঙা ডিমের মতো গলে
যাবে, খুলি ফেটে ঝেরিয়ে আসবে মগজ।

বাইরে ঘোর অন্ধকার, কাঁটাতারের ওদিকে প্রিয় খাবার পেয়ে
হায়েনা আর নেকড়ের দল মহা চৈচামেঁচি শুরু করে দিয়েছে।
ধারালো দাঁত দিয়ে হাড় ভাঙছে ওগুলো, প্রতিটি মট মট শব্দের
সাথে শিউরে শিউরে উঠলো মাজুলেট।

তবু এক সময় ঘুম এলো তার। ভোরে বুটের আওয়াজ আর
অশ্রাব্য গালিগালাজের শব্দে ঘুম ভাঙলো। তাড়াহুড়ো করে
প্রথমেই শানকির পানিটুকু খেয়ে নিলো, গার্ড দেখতে পেলো লাথি
মেরে ভেঙে ফেলবে শানকিটা। কাল তার শরীর প্রায় ভেঙে
পড়েছিল, আজ তা ঘটতে দেবে না মাজুলেট।

সাদা পাঁচিলের সামনে নিয়ে আসা হলো তাকে। আগেই নিয়ে
আসা হয়েছে তিনজন ম্যাটাভেল কয়েদীকে। নিলিগু চোখে মাজু-
লেট লক্ষ্য করলো, এরই মধ্যে পাঁচিলটা আবার চুনকাম করা
হয়েছে।

ছপুরবেলা তিনজন ম্যাটাভেলকে খুন করলো ওরা। তাদের সাহস
যোগ্যতার জন্যে আজ মাজুলেট গাইতে পারলো না। চেষ্টা করলো,
কিন্তু কোনো আওয়াজ বেরলো না গলা দিয়ে। বিকেলের দিকে
চোখে ঝাপসা দেখতে শুরু করলো সে, নিজের ইচ্ছের বিরুদ্ধে
ভাঁজ হয়ে গেল হাঁটু। পিছমোড়া করে বাঁধা হাত দুটো মুচড়ে ধরে
আবার খাড়া করা হলো তাকে। প্রচণ্ড ব্যথা সারা শরীরে ছড়িয়ে
পড়ে জানান দিয়ে গেল, কোনো পেশী এখনো অসাড়া হয়ে যায়নি।

তৃষ্ণায় পাগল হলো মাজুলেট। পানি চাইলো সে, কিন্তু গলা

দিয়ে আওয়াজ বেরলো না। চোখে, অন্ধকার দেখতে শুরু করেছে, এই সময় সিঁহন থেকে পরিচিত একটা কণ্ঠস্বর ভেসে এলো।

‘ছি-ছি’ কী দুঃখজনক। বীর পুরুষের একি হেনস্তা।

উমাস্কোর কণ্ঠস্বর চাবুকের মতো আঘাত করলো মাজুলেটকে, চোখের সামনে থেকে অন্ধকার ভাবটা কেটে গেল, সারা শরীরে নতুন একটা শক্তি অনুভব করলো সে। আজ এই প্রথম উপলব্ধি করলো, ঘণাও টনিকের কাজ করে। মাথা তুললো সে, সরাসরি সামনে তাকালো।

সামনে এসে দাঁড়ালো উমাস্কো, তার পাশে একজন শ্বেতাজ। পুরোদস্তুর সাময়িক ইউনিকর্ম পরে আছে উমাস্কো, রূপালি ক্যাপ-বাজ রোদ লেগে ঝলমল করছে, হাতে একটা স্টিক। তার সঙ্গী লোকটাকে আগে কখনো দেখেনি মাজুলেট। লোকটার চোখ জোড়া নীল, সাপের মতো ঠাণ্ডা চোখে তাকিয়ে আছে।

‘দুঃখিত, মিঃ এক্স,’ সঙ্গীকে বললো উমাস্কো, ‘জেনারেল মাজুলেটকে ভদ্রোচিতভাবে আপনার সামনে আনা সম্ভব হলো না। আহা, বেচারী দেখছি রোগা একেবারে দড়ি হয়ে গেছে। কিন্তু এই জায়গায় সব ঠিক আছে...।’

স্টিক দিয়ে মাজুলেটের তলপেটের নিচে পুরুষাঙ্গে খোঁচা মারলো উমাস্কো। ‘এরকম আগে কখনো দেখেছেন?’ সঙ্গীকে প্রশ্ন করলো সে। ‘সাধারণ তিনজন লোকের জিনিস একাই বয়ে বেড়াচ্ছে ব্যাটা।’

মুখ বুজে সহ্য করলো মাজুলেট। একজন মানুষকে এরচেয়ে বিজ্ঞীভাবে অপমান করা যায় না।

মিঃ এক্স অস্পষ্ট একটা আওয়াজ করে বিরক্তি প্রকাশ করলো।

‘স্টিক,’ দ্রুত বললো উমাস্কো, ‘আমরা সময় নষ্ট করছি।’ রিস্ট-

ওয়াচ দেখলো সে, কাছাকাছি দাঁড়ানো ক্যাপটেনকে বললো,
‘বন্দীকে ছুঁগে নিয়ে এসো।’

জেনারেল মাজুলেটকে বয়ে নিয়ে যেতে হলো।

মজলিকাজি ছিলেন প্রথম ম্যাটাবেল। আঠারো শো আটষট্টি সালে
তিনি মারা যাবার পর তাঁর ছেলে লোবেনগুল ম্যাটাবেলদের রাজা
হন। প্রায় ওই একই সময়ে আরো দুটো ঘটনা ঘটে, যার ফলে
আফ্রিকার ভাগ্যাকাশে নেমে আসে দুর্ধোগের ঘনঘটা। একদল
শ্বেতাঙ্গ পাথরের ভূপ সন্নিবেশে আবিষ্কার করে ফেললো হীরক খনি,
খনির নাম রাখলো তারা কিমবারলি। আরেক শ্বেতাঙ্গ, সিসিল
রোডস, আফ্রিকার কূলে তরী ভিড়ালো।

সিসিল রোডস ছিলো সাক্ষাৎ শয়তান। খনিটা যারা আবিষ্কার
করলো, তাদেরকে ছলেবলে-কৌশলে ভাগিয়ে দিলো সে, পুরোটা
একা দখল করে বসলো। প্রায় রাতারাতি ছনিয়ার সবচেয়ে ধনী
লোক বনে গেল সে।

খনি থেকে হীরে উদ্ধারের জন্যে দরকার হলো হাজার হাজার
শ্রমিক। সাধারণ খাবার, সস্তা একটা আগ্নেয়াস্ত্র, আর নাম মাত্র
কিছু পয়সার বিনিময়ে কালোদের কাজ করতে ডাকলো সে। রাজা
লোবেনগুলার মনে প্রতিশোধের আগুন ধিকিধিকি জ্বলছিল, দেশের
সম্পদ একজন বিদেশী লুণ্ঠ করে নিয়ে যাবে এটা কোনো দেশ-
প্রেমিকের পক্ষেই মেনে নেয়া সম্ভব নয়। যুদ্ধ করে সিসিল রোডস-
এর সশস্ত্র বাহিনীর সাথে জেতা যাবে না, তাই কৌশলের আশ্রয়
নিলেন লোবেনগুল। দীর্ঘ পথ পাড়ি দিয়ে দক্ষিণের খনিতে কাজ
করতে এলো দশ হাজার তরুণ ম্যাটাবেল। তাদের ওপর নির্দেশ
অনুসারে চিতা-২

থাকলো, হীরে চুরি করে জ্বর কোষাগারে জমা দিতে হবে।

কিম্বারলি খনি থেকে সেরা জাতের হীরে তোলা শুরু হলো, সেগুলো আকারে যেমন বড়, তেমনি উজ্জ্বল। সেই সাথেই শুরু হলো চুরি। কেউ বলতে পারে না ম্যাটাবেলরা কতো হীরে চুরি করেছিল। একজন ম্যাটাবেল একটা হীরে গিলে ফেলতে গিয়ে শ্বেতাঙ্গ পুলিশের হাতে ধরা পড়ে যায়, সেটার ওজন ছিলো তিনশো আটচল্লিশ ক্যারেট, তখনকার দিনে ওটার দাম ছিলো তিন হাজার পাউণ্ড—এখনকার বাজার দর অনুসারে তিন লাখ পাউণ্ডের কম নয়। আরেকজন ম্যাটাবেলের উরুর ক্ষত কেটে ভেতর থেকে বের করা হয় দুশো ক্যারেট ওজনের একটা হীরে।

ধরা পড়লো মাত্র দু'দশজন, বাকি হাজার হাজার ম্যাটাবেল বিভিন্ন কৌশলে হীরে পাচারের কাজ চালিয়ে গেল। তখনকার দিনে শ্রমিকদের ওপর কোনো রকম নিয়ন্ত্রণ ছিলো না, যে যার খুশি মতো আসতো যেতো। তিন বছরের চুক্তি থাকলেও, অনেকে মাত্র এক হপ্তা কাজ করেই কেটে পড়তো। কেউ দু'এক মাস, কেউ এক বছর, কেউ হয়তো পুরো তিন বছর কাজ করতো, এবং ফেরার সময় সাথে করে নিয়ে যেতো হীরে। এভাবে হাজার হাজার ক্যারেট জমা হতে লাগলো লোবেনগুলার কোষাগারে।

কিন্তু এই স্বাধীনতা বেশি দিন থাকলো না, অবস্থা বেগতিক দেখে কম্পাউণ্ড সিস্টেম চালু করলো রোডস্। এবার পুরো তিন বছর কাঁটাতারের বেড়ার ভেতর থাকতে হলো শ্রমিকদের। চুক্তির মেয়াদ শেষ হলে সবাইকে বিবজ্ঞ করে দশ দিনের জন্যে পাঠিয়ে দেয়া হলো কোয়ারানটাইনে। এখানে তাদের চুল কামানো হলো, শ্বেতাঙ্গ ডাক্তাররা খুঁটিয়ে পরীক্ষা করলো প্রত্যেককে। নতুন বা

পুরনো কোনো ক্ষত দেখলে ছুরি দিয়ে কাটা হলো সেটা, মলদ্বার দিয়ে ভেতরে পাইপ ঢোকানো হলো + ক্যান্টর-অয়েলের ডবল ডোজ খাওয়ানো হলো, ল্যাট্রিনের নিচে থাকলো ছাকনি। কিন্তু ম্যাটার্বেলরাও ধরকর, এতো রকম সতর্কতা সত্ত্বেও শ্বেতাঙ্গদের চোখ কঁকি দিয়ে ঠিকই তারা নিজেদের কাজ হাঁসিল করে চললো। তবে আগের সেই নদীর মতো প্রবাহ আর থাকলো না, নেমে এলো ক্ষীণ একটা ধারায়।

এভাবে কতো হীরে পাচার হয়েছে বলা মুশকিল। টস মাজু-লেন্টের প্রপিতামহ বাজো নাকি কোমরের বেণ্টে ভরে প্রচুর হীরে নিয়ে এসেছিলেন। গুজব আছে, লোবেনগুলার সামনে বেণ্ট থেকে যে হীরেগুলো বের করেন তিনি সেগুলোর ওজন ছিলো দশটা উট পাখির ডিমের সমান। তুই ওজন মুরগীর ডিমের সমান জায়গা দখল করে একটা উটপাখির ডিম, কাজেই অতিরঞ্জন বাদ দিয়ে হিসেব করলেও আজকের বাজারে ওগুলোর দাম পাঁচ মিলিয়ন পাউণ্ড ধরা যায়।

আরেকটা গুজব, পাঁচটা এক গ্যালনের পাত্র ভর্তি হীরে ছিলো লোবেনগুলার কাছে। এখনকার বাজারে ওগুলোর দাম হতে পারে পাঁচশো থেকে হাজার মিলিয়ন পাউণ্ডের মধ্যে। এর থেকে পাঁচশো মিলিয়ন ডলার দামের হীরে দিয়ে অস্ত্র কেনার কথা ভেবে রেখেছে উমাক্সে। তার আগে অবশ্য পাঁচ গ্যালন হীরে হাতে আনা চাই।...বাই হোক, ওদিকে, কিমবারলিতে বসে, ছুনিয়ার সবচেয়ে ধনী লোকটা উত্তর দিকে তাকিয়ে নিজ সাম্রাজ্য প্রতিষ্ঠার স্বপ্ন দেখছে। সাবধানী লোক, একটু একটু করে এগোলো সে। প্রথমে ইংল্যান্ডের রাণীর কাছ থেকে রয়্যাল চার্টার কোম্পানী গঠন করার অধিকারে চিতা-২

অনুমতি নিলো না। তারপর ম্যাশোনাল্যাণ্ডে খনন কাজের অনুমতি চেয়ে দূত পাঠালো। লোবেনগুলার কাছে। আর ক'জন লোক মাটি খুঁড়ে খনির সন্ধান করবে। লোবেনগুলো আপত্তি করলেন না। কিন্তু রোডস এই সুযোগে বিরাট একটা সশস্ত্র বাহিনী পাঠালো বিশাল এলাকা জবর দখল করার জন্তে। এর জন্তে প্রস্তুত ছিলেন না লোবেনগুলো, তিনি প্রতিবাদ জানালেন। কিন্তু তাঁর প্রতিবাদ কানে তুললো না রোডস। তার বাহিনী এগোতেই থাকলো, এবং কারণে অকারণে ম্যাটাবেলদের ধরে নিয়ে গিয়ে অকথ্য শারীরিক নির্যাতন চালালো। অস্তিত্ব বিপন্ন হয়ে পড়ছে দেখে যোদ্ধাদের ডেকে এক জায়গায় জড়ো করলেন লোবেনগুলো। এটাকেই অজুহাত হিসেবে ব্যবহার করলো রোডস, সে তার নির্দয় সশস্ত্র বাহিনীকে ম্যাটাবেলদের ওপর লেলিয়ে দিলো। ম্যাটাবেল যোদ্ধাদের কাছে আগ্নেয়াস্ত্র ছিলো না, ফলে শ্বেতাঙ্গ বাহিনীর গুলিতে কাতারে কাতারে মারা পড়তে লাগলো তারা। অগত্যা বাধ্য হয়ে উত্তর দিকে পিছু হটতে হলো লোবেনগুলো আর তার অবশিষ্ট যোদ্ধাকে—সাথে থাকলো স্ত্রী, বাচ্চা কাচ্চা, পশুর পাল—আর, হীরে।

দুর্গম, নির্জন এক জায়গায় বিশ্রামের জন্তে থামলেন লোবেন-গুলো। মাতৃভূমির বীর সন্তানদের হারিয়ে তাঁর মন ভেঙে গেছে। ম্যাটাবেল উপজাতির এই দুর্দশার জন্তে নিজেদের দায়ী করলেন তিনি। তাঁর সৎ ভাই, গানডাংকে কাছে ডেকে বললেন, আজ থেকে তুমিই ম্যাটাবেলদের রাজা। ওঝাকে ডেকে বললেন, বিষ তৈরি করো।

একটা গুহার ভেতর লোবেনগুলার লাশকে খাড়াভাবে বসিয়ে রাখার ব্যবস্থা করা হলো। লাশের চারদিকে তাঁর ব্যক্তিগত

জিনিস-পত্র সব সাজিয়ে দিলেন গান্ধী—তার জ্যাসেগাই, যুদ্ধ জয়ের প্রতীক পাখির পালক, পশমের পোশাক, বিছানামালিশ, আগ্নেয়াস্ত্র, ছুরি, মদ খাওয়ার পাত্র, আর হীরা একটা চিতাবাঘের ছাল দিয়ে মুড়ে দেয়া হলো। লাশ, লাশের পায়ের কাছে থাকলো পাঁচটা এক গ্যালনের পাত্র। এরপর গুহামুখ বন্ধ করে দেয়া হলো, মুখটা যাতে কেউ চিনতে না পারে সে ব্যবস্থাও করা হলো।

বিষ পানের আগে লোবেনগুলি নাকি বলে গেছেন, এমন একদিন আসবে যখন আমার ম্যাটাভেল উপজাতির দরকার হবে এই হীরে। সেইদিন না আসা পর্যন্ত রাজার ছেলে, তার ছেলে, তার ছেলের ছেলে এই গুপ্তধন পাহারা দিয়ে রাখবে।

‘ম্যাটাভেল উপজাতির শেষ রাজার একমাত্র ছেলে তুমি,’ জেনারেল মাজুলেটকে বললো উমাজো। ‘কাজেই হয় তোমার দাদা, না হয় তোমার বাবা তোমাকে বলে গেছে কোথায় আছে সেই গুপ্তধন। গুহাটা তুমি চেনো।’

পুনর্বাসন কেন্দ্রের অফিসার্স মেসে একটা টেবিলের পিছনে পাশা-পাশি বসে রয়েছে উমাজো আর মিঃ এক্স। টেবিলের সামনে লম্বা একটা বেঞ্চ, তাতে বসে আছে জেনারেল মাজুলেট। গোসল করার, আর কাপড় পরার সুযোগ দেয়া হয়েছে তাকে, কিন্তু পানি বা আর কিছু খেতে দেয়া হয়নি।

টেবিলের ওপর ভোদকা আর হুইস্কির বোতল, একজোড়া গ্লাস, ছ’প্লেট কেক, ইত্যাদি রয়েছে। যে যার গ্লাসে চুমুক দিলো ওরা ছ’জন, মাজুলেটকে একবারও সাধলো না। মাজুলেট চুপ করে আছে দেখে আবার বললো উমাজো, ‘তুমি জানো, নিশ্চই জানো। এখান

থেকে বিশ্ব মাইলের মধ্যে কোথাও আগ্রহতা করেছিল লোবেনগুলো, তার সামান্যিও আশেপাশে কোথাও আছে।’

শিরদাঁড়া খাড়া করে বসে আছে মাজুলেট। তৃকায় কেটে যাচ্ছে ছাতি, বোতল আর গ্লাসের দিক থেকে জোর করে চোখ সরিয়ে রাখলো সে। ‘বোকার স্বর্গে বাস করছে তুমি, উমাজো,’ শাস্তভাবে বললো সে। ‘গুহাটা কোথায় আমি জানি না। আর জানলেও...’

হেসে উঠে মাজুলেটকে থামিয়ে দিলো উমাজো। ‘দৈর্ঘ্যের অভাব নেই আমার। প্রায় নব্বুই বছর ওখানে আছে- হীরেগুলো, আরো কিছুদিন থাকলে ক্ষতি নেই। জানো যখন, এক সময় না এক সময় ঠিকই বলতে হবে তোমাকে। নিজের প্রাণ, আর প্রেমিকা, দুটোই তোমার কাছে প্রিয়, আমরা জানি। তাকে নিয়ে যদি নিরাপদে অস্ত্র কোনো দেশে চলে যেতে চাও, গুহাটা কোথায় বলতেই হবে তোমাকে।’

চমকে উঠলো মাজুলেট।

‘হ্যাঁ,’ একটা চোখ টিপে ব্যঙ্গ করলো উমাজো। ‘তোমার প্রেমিকা মিরাগু নয়নি এখন আমাদের হাতে।’

‘বিশ্বাস করি না,’ বললো মাজুলেট। কোর্টরুমে সংকেত দিয়ে মিরাগুকে সাবধান করেছিল সে, লুকিয়ে পড়তে বলেছিল। তার নির্দেশ মিরাগু অমান্য করবে না। ‘মিরাগু তোমাদের হাতে থাকলে তাকে তোমরা আমার সামনে আনতে।’

‘আছে কিনা সময় হলেই দেখতে পাবে।’

‘থাকলেও কিছু এসে যায় না,’ বললো মাজুলেট; ভাবলো, সম্ভবত মিরাগুকে খুঁজে বের করার চেষ্টা করছে ওরা। ‘সাধারণ একটা মেয়ে বৈ তো নয়, তাকে নিয়ে যা খুশি করতে পারো তোমরা।’

হয়তো একটু দুঃখ পাবো, তার বেশি কিছু না।' তার কাছে মিরাত্তার তেমন কোনো গুরুত্ব নেই এটা বোঝাতে পারলে ওরা হয়তো মিরাত্তাকে খুঁজবে না।

'ক্যাপটেন, বন্দীকে নিয়ে যাও।' হুকুম করলো উমাক্সো।

মেসে আর কেউ যখন নেই, মিঃ এক্স জানতে চাইলো, 'মেয়েটা কোথায় সত্যি জানেন আপনি?'

'না।' কিন্তু এ শুধু সময়ের ব্যাপার, তাকে আমরা ঠিকই খুঁজে বের করবো।'

'সময়, হ্যাঁ,' চিন্তিতভাবে বললো মিঃ এক্স। 'সব কিছুই জগতেই একটা সময়-সীমা থাকে। আপনি নিশ্চই বুঝতে পারছেন, এখানে বেশিদিন থাকতে পারবোনা আমি। ফিরে গিয়ে কি বলবো কর্তাদের? বলবো, জেনারেল উমাক্সো গুপ্তধনের সন্ধানে আছেন? ওরা আমাকে পাগলাগারদে পাঠাবে।'

'এক মাস, তার বেশি নয়,' বললো উমাক্সো। 'এক মাসের মধ্যে পাঁচশো মিলিয়ন ডলার, মানে, ওই ডলারের হীরে পেয়ে যাবেন আপনারা।'

'আজ দশ তারিখ, এ মাসের শেষ দিন পর্যন্ত সময় দেয়া গেল আপনাকে,' দৃঢ় কণ্ঠে বললো মিঃ এক্স।

'কিন্তু...'

'আগামী মাসের এক তারিখে ফিরে যাবো আমি,' জানিয়ে দিলো মিঃ এক্স। 'তার আগে হীরে চাই, জেনারেল মাজুলোটকেও চাই। তাঁকে খাইয়েদাইয়ে সুস্থ করুন, তা না হলে চিকিৎসা শুরু করতে দেরি হয়ে যাবে। আর যদি ফেল করেন, আমার বসদের আমি এই প্রজেক্ট বাতিল করতে বলবো।'

চার

পরদিন থেকে আবার সাদা পাঁচিলের সামনে দাঁড় করানো হলো মাজুলেটকে। পানি ছাড়া শুধু কেক খেতে দেয়া হলো। একজন ডাক্তার এলো, মাজুলেট শুধু মৃত্যুর কিনারায় পৌছুলে উমাজেকে সাবধান করবে। সকালে পাঁচিলের সামনে নিয়ে যাবার আগে, আর সঙ্কায় ফিরিয়ে আনার পর বন্দীকে গুণে গুণে পঁচিশটা করে চাবুক মারা হলো।

যন্ত্রণা আর পিপাসায় খানিক পর পর জ্ঞান হারালো মাজুলেট, জ্ঞান ফেরার পরও গায়ে জ্বর-জ্বালা নিয়ে ঘোরের মধ্যে থাকলো সে। বোধ শক্তি ভেঁতা হয়ে গেছে, সময় সম্পর্কে কোনো ধারণা নেই। এর মধ্যে একদিন তাকে দেখতে এলো উমাজে।

প্ল্যানটা ব্যাখ্যা করে বললো সে। লোহার খাঁচায় ঢুকিয়ে দেয়া হবে একটা হায়েনা আর মাজুলেটকে। হায়েনার গলায় লোহার শিকল থাকবে, ফলে ওটা শুধু মাজুলেটের হাঁটু পর্যন্ত পায়ের নাগাল পাবে।

বুকের রক্ত হিম হয়ে গেল মাজুলেটের, তবু মুখ খুললো না। লোবেনগুলার গুপ্তধন ম্যাশোনা শয়তানটার হাতে তুলে দিতে রাজি

নয় সে। মরতে হয় সে-ও ভালো।

মাজুলেট আন্দাজ করলো, উমাসৌর লোকেরা জঙ্গলের ভেতর কাঁদ পেতে হয়েনা ধরার চেষ্টা করছে। মনে মনে প্রার্থনা করলো সে, তার আগেই যেন মারা যাই আমি।

সাদা পাঁচিলের সামনে দাঁড়িয়ে আরো ক'টা দিন কাটলো। প্রতিদিন তিন চার জন ম্যাটারবেলকে গুলি করে মারলো কায়ারিং স্কোয়াড। এক সকালে ঘুম ভাঙার পর নড়ার শক্তি পেলো না মাজুলেট, বুঝলো আজ তাকে পাঁচিলের সামনে বয়ে নিয়ে যেতে হবে।

ক্যাম্প জেগে উঠছে। ঘরের সামনে দিয়ে মার্চ করে গেল গার্ডরা। চড়-চাপড়ের শব্দ ভেসে এলো, গুলিতে উঠলো বন্দীরা। কয়েকজনকে টেনেহিঁচড়ে নিয়ে যাওয়া হলো বধ্যভূমিতে।

একটু পরই তাকে নিতে আসবে ওরা। আজ পাঁচ দিন এক ফোঁটা পানি দেয়া হয়নি তাকে। ঘরের কোণে একটা মাত্র শানকিতে কেক থাকে, পানির শানকিটা অদৃশ্য হয়েছে। নেই জানে, তবু ঘরের কোণে করুণ চোখে তাকালো সে।

একটা মাটির হাঁড়ি। দেখেও যেন বিশ্বাস হলো না। অনেক কষ্টে হাত তুলে চোখ রগড়ালো মাজুলেট। না, ঠিকই দেখছে সে, দৃষ্টিভ্রম নয়। হাঁড়ি কেন? কি আছে ওতে? তারপর মনে পড়লো, কদিন আগেও হাঁড়িটা দেখেছে সে। পানি আছে মনে করে সামনে গিয়ে দেখেছিল, খালি। আরেকবার, সত্যি সত্যি হাঁড়িতে পানি ছিলো। লোভীর মতো তাড়াহুড়ো করে গলায় পানি ঢালতেই বমি করে ফেলেছিল সে। পানি নয়, গার্ডেরা প্রস্রাব করে রেখেছিল, তাতে আবার মেশানো ছিলো প্রচুর লবণ।

জানে হাঁড়িটার পানি নেই, তবু নিজের অজান্তেই বারবার ওদিকে অন্ধকারে চিতা-২

চোখ যাচ্ছে। তারপর কখন হামাগুড়ি দিয়ে এগোতে শুরু করেছে, নিজেও বলতে পারবে না। তিন হাত দূরত্ব পেরোতে যেন এক যুগ লেগে গেল। খানিক দূর থেকেই পানির গন্ধ পেলো মাজুলেট, তারপর দেখলো হাঁড়িটা কানায় কানায় ভরা। বাকি দুইটুকু এক নিমেষে পেরিয়ে এলো সে, এটাও যে একটা ফাঁকি হতে পারে সে-চিন্তা জোর করে ভুলে থাকলো। পানিতে একটা আঙুল ডুবিয়ে জিভে ঠেকালো, মিষ্টি—মধুর স্বাদ।

খুশিতে আহত পশুর মতো গুড়িয়ে উঠলো মাজুলেট, হাঁড়িতে মুখ দিয়ে চুমুক দিলো। হঠাৎ ভয় হলো, এখুনি কেউ ভেতরে ঢুকে হাঁড়িটা কেড়ে নেবে। কোথা থেকে শক্তি এসে গেল, উঠে বসে হাঁড়িটা ছ'হাতে ধরে মুখের সামনে তুললো সে, ঢক ঢক করে গিলতে শুরু করলো।

খালি পেট ফুলে উঠলো। গুয়ে পড়লো মাজুলেট, পরিষ্কার অনুভব করলো, শুকিয়ে যাওয়া টিম্বাগুলো পানি পেয়ে সজীব হয়ে উঠছে। খানিক বিশ্রাম নিয়ে আবার ঢক ঢক করে পানি খেলো সে। ধীরে ধীরে বল ফিরে আসছে হাত-পায়ে। ছ'টোক করে পানি খেলো, তারপর খানিক বিশ্রাম নিলো, এত বে চললো যতোকণ না খালি হলো হাঁড়ি। তিন ঘণ্টা পর আজ অনেকদিন বাদে প্রথম প্রস্রাব করলো সে।

এরপর আবার ঘুমিয়ে পড়লো মাজুলেট। ঘুম ভাঙার পর বিস্মিত হয়ে ভাবলো, কি ব্যাপার, আজ তাকে পাঁচিলের সামনে নিয়ে যাওয়া হলো না কেন।

দুপুরবেলা এলো ওরা। প্যারেড গ্রাউণ্ডে নিজে যাবে মাজুলেটকে। পানিতে ভরা পেট টবটব করছে, মনে নতুন শক্তি পেয়েছে মাজুলেট।

তার মনে হলো, এদের অত্যাচারের বিরুদ্ধে অনন্তকাল যুদ্ধে পারবে সে।

প্যারেড গ্রাউণ্ড অর্ধেক পেরিয়ে এসে হঠাৎ খটকা লাগলো তার। পাঁচিলের দিকে মুখ করা একটা একচালা দেখলো সে, দেয়াল নেই। ছায়ায় একটা টেবিল আর দুটো চেয়ার রয়েছে, টেবিলের ওপর লাঞ্চ।

একটা চেয়ার খালি, অপরটায় বসে আছে উমাজো। একচালার পাশ দিয়ে পাঁচিলের দিকে নিয়ে যাওয়া হলো মাজুলেটকে, উমাজো একবার ফিরেও তাকালো না।

সাদা পাঁচিলের সামনে আজ মাত্র একজন বন্দীকে দেখলো মাজুলেট, খুঁটির সাথে বাঁধা। চোখে রোদ আর সাদা বলক লাগছে বলে বন্দীকে চিনতে পারলো না সে। কিন্তু দ্বিতীয় বার তাকাতে হঠাৎ করেই উপলব্ধি করলো, বন্দী নয়, বন্দি—একটা মেয়ে।

মেয়েটা নগ্ন—একজন যুবতী। কড়া রোদে কোমল মখমলের মতো দেখালো তার চামড়া। পা দুটো লম্বা, সুগঠিত নিতম্ব, গম্বুজ আকৃতির ভরাট স্তন। হাত-পা বাঁধা, তাই লজ্জা ঢাকার কোনো উপায় নেই বেচারির। মাজুলেটের দৃষ্টি পা থেকে ক্রমশ ওপর দিকে উঠলো, তাকালো মুখের দিকে।

মাথায় যেন আকাশ ভেঙে পড়লো। সব শেষ।

হাত ছেড়ে দিলো গার্ড, টলতে টলতে মেয়েটার দিকে এগোলো মাজুলেট। মেয়েটার চোখ দুটো আতংকে আর লজ্জায় বিস্ফারিত, তবু প্রিয়জনকে দেখে নিজের কথা ভুলে গেল সে। ‘মাজুলেট! ওরা তোমার একি অবস্থা করেছে।’

‘মিরাণ্ডা!’ দুর্বল শরীরে প্রিয়তমাকে জড়িয়ে ধরতে গিয়েও

নিজেকে সামলে দিলো মাজুলেট, দুটো নগ্ন শরীরকে এক হতে দেখলে অশ্লীল শব্দে হেসে উঠবে গার্ডরা। 'ওরা তোমাকে পেলো কিভাবে?'

'তোমার আদেশ আমি ছুঁনি,' মান গলায় বললো মিরাগু নয়নি। 'পাহাড়ে লুকিয়েছিলাম, এই সময় একটা মেসেজ পেলাম, আমার এক ছাত্রী মারা যাচ্ছে। ডিসেন্টি হয়েছে, কিন্তু কোনো ডাক্তার নেই। খবরটা শুনে স্থির থাকতে পারিনি...'

'মিথ্যে খবর দিয়ে...'

'হ্যাঁ। কিন্তু আমার কথা ভেবো না, আমাকে নিয়ে যা খুশি করুক ওরা, তুমি...'

বিষয় ভঙ্গিতে মাথা নাড়লো মাজুলেট। আজ, এই মুহূর্তে হঠাৎ করে মনে হলো, মিরাগুর মতো সুন্দরী এবং ভালো মেয়ে ছনিয়ার বোধহয় দ্বিতীয়টি নেই। একটা আঙুল দিয়ে মিরাগুর ঠোঁট স্পর্শ করলো সে, আঙুলটায় চুমো খেলো মিরাগু।

ঘুরে দাঁড়ালো মাজুলেট, গার্ডরা তার সামনে থেকে সরে দাঁড়ালো। সোজা হেঁটে এসে একচালার নিচে ঢুকলো সে। মুখ তুলে তাকালো উমাস্কে, কথা বললো না, ইঙ্গিতে শুধু খালি চেয়ারটা দেখিয়ে দিলো।

'প্রথমে ওর বাঁধন খুলে দিয়ে ওকে কাপড় পরতে দাও।'

গার্ডদের নির্দেশ দিলো উমাস্কে একটা চাদর নিয়ে নিজেকে ঢাকলো মিরাগু, গার্ডদের পিছু পিছু একটা কুঁড়েঘরের দিকে এগোলো।

'বতসোয়ানায় পাঠাতে হবে ওকে,' বললো মাজুলেট। 'ফ্রান্সিস-টাউনে। ইন্টারন্যাশনাল রেডক্রসের হাতে পৌঁছে দিতে হবে।'

‘টুটি এয়ারফিল্ডে হালকা একটা প্লেন অপেক্ষা করছে না খাও, মাজুলেট, গায়ে তোমার শক্তি হওয়া দরকার।’

‘নিরাপদ আশ্রয়ে পৌঁছবার পর, রেডিও বা টেলিফোনে আমার সাথে কথা বলবে মিরাগু,’ বললো মাজুলেট। ‘ওকে আমি একটা কোড-ওয়ার্ড বলে দেবো, সেটা রিপোর্ট করবে ও।’

‘রাজি।’ মাজুলেটের জন্মে কাপে মিষ্টি চা ঢাললো উমাজো।

প্যারেড প্রাউন্ডের মাঝখানে দাঁড়িয়ে মিরাগুর সাথে কথা বললো মাজুলেট। ওদের দিকে রাইফেল তাক করে একশো গজ দূরে দাঁড়িয়ে রয়েছে গার্ডরা। চোখে পানি নিয়ে কি যেন বলতে যাচ্ছিলো মিরাগু, তাকে থামিয়ে দিলো মাজুলেট।

‘সময় কম, যা বলছি মন দিয়ে শোনো।’ মাজুলেটকে হ’হাত দিয়ে জড়িয়ে রাখলো মিরাগু। ‘আমার কয়েকজন বন্ধু থার্ড ব্রিগেডের হাত থেকে পালিয়ে গেছে। আমার ধারণা, পালিয়ে বতসোয়ানায় চলে গেছে ওরা। যেখানেই থাকুক, ওদের তুমি খুঁজে বের করবে। বলবে...।’

যা শুনলো সব আবার পুনরাবৃত্তি করলো মিরাগু।

চোখের কোণ দিয়ে মাজুলেট দেখলো, গার্ডরা ওদের দিকে এগিয়ে আসছে। পাঁচ মিনিট সময়-সীমা শেষ হয়ে গেছে। ‘তুমি ফ্রান্সিসটার্ডনে পৌঁছবার পর, ওরা আমাকে তোমার সাথে টেলিফোনে কথা বলতে দেবে। সব খবর যদি ভালো হয়, তুমি আমাকে সিনডেবেল ভাষায় বলবে, সব খবর ভালো...ভেবো না। কি বলবে?’

‘সব খবর ভালো...ভেবো না। কিন্তু তুমি...তোমার কি হবে?’

‘জানি না,’ মুহূর্তে বললো মাজুলেট। ‘শুধু জানি, বেঁচে থাকার চেষ্টা করবো। অনেক কিছু নির্ভর করছে আমার বন্ধুদের সাথে

তোমার দেখা হওয়ার ওপর ।

‘আমি যাবো না...’ ডুকের উঠলো মিরাগু ।

হুজ্জন গার্ড পাশে এসে দাঁড়ালো । উন্টোদিক থেকে এলো একটা ল্যাণ্ড-রোভার ।

‘শক্ত হও,’ কঠিন সুরে নির্দেশ দিলো মাজুলেট । ‘বিপদের সময় ভেঙে পড়তে নেই । যাও ।’ মিরাগুকে একরকম জোর করে ল্যাণ্ড-রোভারে তুলে দিলো সে ।

তিন দিন পর অফিসার্স মেসে ডাক পড়লো মাজুলেটের । তার হাতে টেলিফোনের রিসিভারটা ধরিয়ে দিলো উমাস্জো ।

‘মাজুলেট ।’

অপরপ্রান্ত থেকে ভেসে এলো মিরাগুর কণ্ঠস্বর । ‘আমি মিরাগু । মাজুলেট, কেমন আছেন তুমি ?’

‘ভালো । তুমি ?’

‘ভালো । ফ্রান্সিসটাউনে আছি । রেডক্রস আমার দেখাশোনা করছে ।’

‘কোনো অসুবিধে নেই ?’

সিনডেবেল ভাষায় মিরাগু বললো, ‘সব খবর ভালো...ভেবো না ।’ তারপর ইংরেজীতে বললো সে, ‘এদের যত্নে কোনো ক্রটি নেই । চিন্তা করো না...’

হেঁা দিয়ে মাজুলেটের হাত থেকে রিসিভার কেড়ে নিলো উমাস্জো । ‘হুঃখিত, বিলটা আমি দিচ্ছি ।’ একজন গার্ডকে টেবিলের ওপর রাখা টেপ-রেকর্ডারটা দেখিয়ে বললো, ‘এটা নিয়ে যাও । একজন ম্যাটাভেল কয়েদীকে দিয়ে কথাগুলো ইংরেজী করে আনো ।’

গার্ডি বেরিয়ে যেতে মাজুলেটের দিকে ফিরলো সৈ। 'জেনারেল মাজুলেট, তোমার ছুটি শেষ। এবার আমরা অভিযানে বেরুবো, তাই না ?'

বিশ বছর আগে ওর দাদা ওকে লোবেনগুলার সমাধিতে নিয়ে গিয়ে-
ছিলেন। রওনা হবার পর আজ তার একটাই চিন্তা, যতোটা সম্ভব
দেখি করে পৌছতে হবে সমাধিতে। যতো দেখি করবে ততোই
বাড়রে তার আয়ু। তবে আরেকটা চিন্তা বারবার উকি দিলো মনে,
এতো বছর পর সমাধির পথ খুঁজে পাবে তো ?

উমাক্সোর প্রস্তাব ছিলো হেলিকপ্টার নিয়ে সরাসরি সমাধিতে
পৌছবে ওরা। প্রস্তাবটা প্রত্যাখ্যান করেছে মাজুলেট। ওখানে মাত্র
একবার গেছে সে, পায়ে হেঁটে, আবার খুঁজে বের করতে হলে ওই
পায়ে হেঁটেই যেতে হবে তাকে।

মেটো পথ ধরে রওনা হলো ওরা, প্রথম চিহ্নটা খুঁজে বের
করতে হবে : পুরনো নদী-পথের ওপর বিশাল সব পাথরের স্তম্ভ
নেমে এসেছে, আর, বোল্ডারের প্রকাণ্ড স্তুপটা হাতির মাথার মতো
দেখতে।

মাজুলেট যে সত্যি সত্যি চিহ্নটা খুঁজে পাচ্ছে না, উমাক্সোকে
বিশ্বাস করানো কঠিন হয়ে উঠলো। ল্যাণ্ড-রোভার নিয়ে তিন দিন
ধরে খোজাখুঁজির পর ক্ষুদে একটা গ্রামে পৌছলো ওরা। গ্রাম-
বাসীদের কাছ থেকে জানা গেল, পুরনো পথটা এখন আর নেই,
ব্রিজটাও ভেঙে গেছে।

ঝোপের ভেতর ঢাকা পড়া পুরনো পথটা অবশেষে পাওয়া গেল,
সেটা ধরে হেঁটে চার ঘণ্টা পর শুকনো নদীর মেঝেতে নেমে এলো

দলটা। ব্রিজটা ভেঙে পড়েছে, ভাঙা অংশগুলো ঢাকা পড়ে আছে লতা-পাতায়। তবে উজানের দিকে উঠে যাওয়া পাথুরে দেয়াল আগে যেমন ছিলো তেমনি আছে, একটু বদলায়নি।

পিছনে সশস্ত্র ট্রুপারদের নিয়ে এগোলো মাজুলেট। ধীরেস্থির, থেমে থেমে আগে বাড়লো সে, গার্ডদের পিছনে অবৈধ উম্মাঙ্গো নিষ্ফল রাগে ফুঁসতে লাগলো।

তিন বার ইচ্ছে করে পথ হারালো মাজুলেট, শেষবার ঐর্ষ্যাচাতি ঘটলো উম্মাঙ্গোর। তার নির্দেশে সম্পূর্ণ বিবস্ত্র করা হলো বন্দীকে, গোড়ালি আর কজি জোড়া এক করে বাঁধা হলো রশি দিয়ে। উপড় করে শোয়ানো মাজুলেটের পিঠে সপাং সপাং চাবুক মারলো উম্মাঙ্গো, অশ্রাবা যিস্তির বচা বইয়ে দিলো।

আবার পথ চিহ্ন খুঁজে নিয়ে এগোতে হলো। অবশেষে এক সময় পাহাড়টার কাছে পৌঁছলো সে। ওদের সামনে অকস্মাৎ উদয় হলো পাহাড়, ঠিক যেভাবে প্রথমবার উদয় হতে দেখেছিল মাজুলেট।

কালো পাথরে ঢাকা একটা খাদ ধরে এগোচ্ছিল ওরা, হাজার বছরের বৃষ্টির পানি খরবেগে বয়ে যাওয়ায় চকচকে মসৃণ হয়ে আছে পাথরের গা। খাদের গভীর তলদেশে বালমলে সবুজ পানি, পানির নিস্তরঙ্গ গা ভেদ করে মাঝে মাঝে লফ দিয়ে উঠছে রূপালি মাছ। ওপরে উড়ে বেড়াচ্ছে ক্ষুদে লেজ নিয়ে লাল নীল প্রজাপতি।

খাদের একটা বাঁক ঘুরে এলো ওরা, হাতির রঙ আর আকৃতি নিয়ে পড়ে থাকা পাথরগুলো টপকে। হঠাৎ করেই ওদেরকে ঘিরে থাকা পাহাড়-প্রাচীর দূরে সরে গিয়ে উন্মুক্ত করে দিলো চারদিক, পিছিয়ে পড়লো বনভূমি। ওদের সামনে হঠাৎ উন্মোচিত হলো ফারাওদের পিরামিডের মতো আকাশ ছোঁয়া লোথেনগুলার

পাহাড়।

খাড়া পাহাড়ের গায়ে বিশ-বাইশ রঙের শেওলা জমেছে, বেশির ভাগই সাদাটে হলুদ থেকে শ্যাম হলুদের মাঝখানে। ওপরের দিকের কাগিশুলোয় শকুনদের আস্তানা, শিশুদের বাসায় রেখে মা-বাবারা লম্বা ডানা মেলে পাহাড়ের মাথার ওপর উড়ে বেড়াচ্ছে। 'এটাই সেই রাজার পাহাড়,' বিড়বিড় করে বললো মাজুলেট।

চুড়ায় ওঠার পথটা একটা ফাটল ধরে ওপর দিকে উঠে গেছে, সারাদিন পথে কালো পাথরের ওপর লাইমস্টোনের আচ্ছাদন। পথটা কোথাও কোথাও প্রায় খাড়া আর সরু, অস্ত্র আর বোঝা নিয়ে এগোতে শুরু করে ভয়ে ভয়ে নিচের খাদের দিকে তাকালো ট্রুপাররা। কিনারা ঘেঁষে এক ইঞ্চি এক ইঞ্চি করে ওপর দিকে উঠলো ওরা, ভেতরের দিকের খাড়া পাঁচিলে বুক ঠেকিয়ে। মাজুলেট আর উমাজে অবশ্য দিবা উঠে গেল, বিপজ্জনক সরু কিনারার ওপর দিয়ে হেঁটে যেতেও ওদের পা কাঁপলো না—ফলে অনেক নিচে পিছিয়ে পড়লো ট্রুপাররা।

মাজুলেট ভাবলো, একটু অসতর্ক পেল ওকে আমি ধাক্কা দিয়ে নিচে ফেলে দেবো। ঘাড় ফিরিয়ে তাকালো সে, দেখলো, দশ পা পিছনে রয়েছে উমাজে। তার ডান হাতে টোকারেভ পিস্তল, চোখা-চোখি হতে ঠোট বাঁকিয়ে হাসলো। বললো, 'না।'

হুঁ জনেই হুঁ জনেই মনের কথা বুঝলো ওরা। আপাততঃ প্রতি-শোধের কথা ভুলে গিয়ে ওপর দিকে উঠতে থাকলো মাজুলেট। একটা বাঁক নিয়ে পাহাড়ের কাঁধে উঠে এলো ওরা, গভীর খাদ থেকে পাঁচশো ফিট ওপরে।

পরস্পরের কাছ থেকে একটু দূরে দাঁড়িয়ে, গায়ে সাদাটে রোদ অন্ধকারে চিতা-২

নিয়ে ছ'জনেই ঘামছে। বহু নিচে চওড়া জাম্বুজি উপত্যকার দিকে তাকালো ওরা। ওদের দৃষ্টি পথের শেষ সীমায় লেক কারিবার পানি ঝিলমিল করছে। লেক আর পাহাড়ের মাঝখানে গভীর বন-ভূমি, খরা মৌসুমের প্রথম ক্ষুদে দাবানল থেকে নীলচে ধোয়া উঠছে। পাহাড়ের কাঁধে উঠে এসে হাঁপাতে লাগলো ট্রুপাররা। মাজুলেটের দিকে তাকালো উমাজে।

‘কাছেই,’ বললো মাজুলেট।

আরেকটা বাঁক নিয়ে কাঁধের আরেক দিকে চলে এলো ওরা। পাথরের গড়ন আর চেহারা এদিকে বদলে গেছে। একটা ঢাল বেয়ে নিচের দিকে নামলো মাজুলেট, ফাটল ধরা পাঁচিলের গায়ে কাত হয়ে পড়া স্তম্ভের মতো ঠেস দিয়ে রয়েছে ক্ষয়ে যাওয়া পাথর সারি। ফাটলগুলোর ভেতর গাছের মোটা শিকড় দেখা গেল, খোলা জায়গায় বেরিয়ে এসে অসংখ্য সরীসৃপের মতো ছড়িয়ে পড়েছে ওগুলো চারদিকে। ভাঙাচোরা পাথর আর গাছের শিকড় টপকে একটা নালায় মুখে এসে থামলো ওরা। নালায় প্রাচীন একটা বুনো ডুমুর গাছ, হলুদ রঙের শাখাগুলো ফলের ভারে নুয়ে আছে। গাছটার কাছাকাছি আসতে এক বাঁক সবুজ ডানার তোতা ডুমুর খাওয়া ফেলে আকাশে উড়লো। গাছের গোড়ায় পাহাড়-প্রাচীরে অসংখ্য ফাটল দেখা গেল, শিকড়গুলো পথ করে নিয়ে সে-ফাটল দিয়ে ভেতরে ঢুকে গেছে।

পাহাড়-প্রাচীরের দিকে মুখ করে দাঁড়ালো মাজুলেট। আড়চোখে তাকিয়ে উমাজে দেখলো, তার ঠোঁট জোড়া নিঃশব্দে নড়ছে। আরো সতর্কতার সাথে পাহাড়ের গায়ে চোখ বুলালো উমাজে। হঠাৎ উপলব্ধি করলো সে, পাথরের গায়ে ফাটলগুলো পরস্পরের

কাছ থেকে নির্দিষ্ট একটা দূরত্বে রয়েছে, প্রকৃতি ওগুলোকে এভাবে সাজিয়ে রাখতে পারে না।

‘এদিকে।’ ট্রুপারদের ডাকলো স্বে। প্রাচীরের মুখে বসানো একটা পাথরের চাঁঙের দিকে আঙুল তাক করলো। বেয়নেট আর খালি হাত সম্বল করে কাজে ঝাঁপিয়ে পড়লো ট্রুপাররা।

পনেরো মিনিট ঘাম বারিয়ে চাঁঙটা খুলে আনলো ওরা। সেই সাথে পরিষ্কার হয়ে গেল, পাগড়-প্রাচীরের গায়ে এই অংশটুকু রাজমিস্ত্রীদের তৈরি একটা দেয়াল ছাড়া কিছু নয়। চাঁঙটা সরাবার পর হাতে তৈরি আরো একটা দেয়াল দেখতে পেলো ওরা।

মুখের হুঁপাশের পাথর সরাতেই সঙ্কো হয়ে এলো। সামনের সারির চাঁঙগুলো সরিয়ে চওড়ায় আর গভীরতায় সামান্য একটু জায়গা বের করতে পেরেছে ওরা, সেখানে কাঁধে কাঁধ ঠেকিয়ে মাত্র হুঁজন লোক ভেতরের দেয়াল ভাঙার কাজ করতে পারবে। অনিচ্ছাসত্ত্বেও রাতের মতো কাজ বন্ধ করার নির্দেশ দিলো উমাস্কো। একজন ট্রুপার আর মাজুলেটের হাত এক করে হাতকড়া পরিয়ে দেয়া হলো, তবু ক্লান্ত শরীর নিয়ে অঘোরে ঘুমালো মাজুলেট। ভোরে উমাস্কোর লাথি খেয়ে ঘুম ভাঙলো ওর। ভুট্টা দিয়ে তৈরি কেক আর মিষ্টি চা খেতে দেয়া হলো। ওগুলো নাকে মুখে গুঁজে আবার কাছে হাত লাগালো ওরা।

কাল কাজ করতে গিয়ে আঙুলের নখ ভেঙে গেছে মাজুলেটের। আজ তাই হাত চলছে না তার, আর না চললেই পিঠে চাবুকের বাড়ি পড়ছে।

মাজুলেট একাই সোয়া মন ওজনের একটা পাথর সরিয়ে ভেতরের দেয়ালের ভিত দুর্বল করে তুললো। এরপর একজন ট্রুপারকে সাথে

নিয়ে, মোটা একটা গাছের ডালের সাহায্যে, বিশাল একটা পাথরকে সরিয়ে আনলো। পাথরটা নড়তে শুরু করতেই ভেতরের দেয়াল কাত হয়ে পড়লো ওদের দিকে। লাক দিয়ে সরে গেল সবাই, নাকে মুখে ধুলো ঢুকে যাওয়ায় থক থক কাশতে শুরু করলো।

গুহার ভেতরটা অন্ধকার, ভেতর থেকে ভ্যাপসা একটা গরম ভাপ বেরিয়ে এলো। ‘তুমি আগে,’ মাজুলেটকে নির্দেশ দিলো উমাজো।

কয়েক সেকেন্ড ইতস্তত করে পা বাড়ালো মাজুলেট। গুহামুখে দাঁড়িয়ে ভেতরটা দেখার চেষ্টা করলো সে। পিছন থেকে টর্চের আলো ফেললো উমাজো।

পায়ের নিচে মশণ মেঝে, নিচের দিকে ঢালু হয়ে নেমে গেছে। সন্দেহ নেই, একজন রাজার সমাধি হবার আগে পর্যন্ত গুহাটা কয়েক হাজার বছর ধরে বুনো পশুদের আশ্রয় ছিলো।

মাজুলেটের পিছনে থেকে ওপর দিকের দেয়াল আর ছাদে টর্চের আলো ফেললো উমাজো। এক সময় বুশম্যানরাও বসবাস করতো এই গুহার, দেয়ালের গায়ে তাদের আঁকা ছবিগুলো এখনো অক্ষত রয়েছে। সোজা সামনের দিকে আলো ফেললো উমাজো, ক্রমশ সরু হয়ে গেছে গুহাটা, তারপর বাঁক নিয়ে চলে গেছে আরেক দিকে। বাঁকের কাছে পৌঁছে ইতস্তত করতে লাগলো মাজুলেট, বিভ্রিড় করে পূর্ব-পুরুষদের কাছে কমা চাইলো।

‘কি হলো।’ থমক দিলো উমাজো।

বাঁকের কাছে ছাদ এতো নিচু যে কোমরের কাছে শরীর ভাঁজ করে এগোতে হলো ওদেরকে। বাঁক ঘুরে সুড়ঙ্গ ধরে এগোলো ওরা, পঞ্চাশ পা হেঁটে এসে থমকে দাঁড়িয়ে পড়লো। সুড়ঙ্গ থেকে প্রশস্ত একটা গুহায় বেরিয়ে এসেছে মাজুলেট। মেঝেটা সমতল,

কিন্তু ছাদ থেকে খসে পড়া পাথর ছড়িয়ে রয়েছে চারদিকে। ছাদটা ওদের মাথার ওপরে মিশ ফুট উচুতে, গম্বুজ অস্বস্তির। চারদিকে টর্চের আলো ফেললো উমাজে। উল্টোদিকের দেয়ালে একটা কাণিশ দেখা গেল, কাঁধ সমান উচুতে, তাতে অদ্ভুত আকৃতির কি যেন সব রয়েছে।

কয়েক সেকেন্ড তাকিয়ে থাকার পর ওগুলো চিনতে পারলো মাজুলেট। এক শো বছর আগে তৈরি একটা ওয়াগনের এক জোড়া চাকা এরপর একে একে ওয়াগনের ফ্রেম আর অন্যান্য অংশও চিনতে পারলো সে। বাহনটাকে খুলে গুহার ভেতর নিয়ে আসা হয়েছিল। রাজা লোবেনগুলার অত্যন্ত প্রিয় বাহন ছিলো এটা।

মাজুলেটের পিঠে টোকারেত পিস্তলের মাজল ঠেকলো, ছড়ানো পাথর টপকে সামনের দিকে এগোলো সে। পিরামিডের আকৃতি নিয়ে খাড়া হয়ে রয়েছে তিনটে রাইফেল, পুরনো লী-এন ফিল্ড ওগুলো—সিসিল রোডস খননের অনুমতি পাবার বিনিময়ে লোবেনগুলাকে উপহার দিয়েছিল। এই সামান্য মূল্যেই একটা জাতি তার জমি আর স্বাধীনতা বিক্রি করে দেয়, তিন মনে ভাবলো মাজুলেট। কাণিশের ওপর আরো অনেক জিনিস স্তূপ করে রাখা হয়েছে—চামড়ার তৈরি লবণের ব্যাগ, লোহার তৈরি অস্ত্র আর ছুরি, হাতির দাঁত, মুক্তো বসানো অলংকার, চওড়া ফলার অ্যাসেস-গাই, ইত্যাদি।

‘তাড়াতাড়ি করো!’ তাগাদা দিলো উমাজে। ‘লাশটা কোথায় দেখতে চাই আমি। হীরেগুলো লাম্বের সাথেই থাকবে।’

হাড়! টর্চের আলোয় চকচক করে উঠলো ওগুলো, কাণিশের নিচে একটা স্তূপ হয়ে রয়েছে।

একটা খুলি। ভয় দেখিয়ে হিসেছে সেটা, পশমের আবরণ মাথা-টাকে ঢেকে রেখেছে আজও।

‘ওই তো!’ উল্লাসে লাফ দিলো উমাজো। ‘শয়তানের বাচ্চা-টাকে পাওয়া গেছে।’ খুলি আর হাড়ের সামনে হাঁটু গেড়ে বসলো সে।

একটু দূরে নিলিগু চেহারা নিয়ে দাঁড়িয়ে আছে মাজুলেট। হঠাৎ উপলব্ধি করতে পেরেছে, কংকালটা একজন খর্বকায় বুড়ো লোকের, যার সামনের সারির তিনটে দাঁত নেই। লোবেনগুলি ছিলেন প্রকাণ্ড দেহী পুরুষ, তাঁর প্রতিটি দাঁত অক্ষত ছিলো। এটা সম্ভবত ওঝা বুড়োর কংকাল।

ভুলটা বুঝতে পেরে তড়াক করে লাফ দিয়ে সিঁধে হলো উমাজো। ‘এ লোবেনগুলি নয়! ম্যাটাভেল খুনীরা নিশ্চই তার ওঝাকে বলি দিয়ে এখানে রেখে গিয়েছিল, পাহারাদার হিসেবে।’ বাস্তবাবে গুহার এদিক সেদিক টেঁচের মালো ফেললো সে। ‘কোথায় লোবেন-গুলি?’ মাজুলেটের দিকে ঝট করে ফিরলো এবার। ‘তুমি নিশ্চই জানো ওরা তোমাকে নিশ্চই বলে গেছে!’

মাজুলেট কিছু বললো না। ওঝার কংকালের ওপর, কাগিশটা অস্বাভাবিক চওড়া হয়ে বেরিয়ে আছে, যেন একটা মঞ্চ। মঞ্চের চারধারে রাজার ব্যক্তিগত জিনিস-পত্র সাজানো। ওগুলোর মাঝখানেই রাজার লাশ থাকার কথা। মাজুলেটের দৃষ্টি অনুসরণ করে সেদিকে টেঁচের আলো ফেললো উমাজো।

মঞ্চটা সম্পূর্ণ খালি।

‘মেই সে!’ ফিসফিস করে বললো উমাজো। ‘লোবেনগুলির লাশ গায়েব হয়ে গেছে।’ একাধারে হতাশ এবং উত্তেজিত দেখালো

তাকে ।

শুহায় টোকার সময় দেয়ালের যেনমুনা দেখেছে মাজুলেট, তা থেকে একটাই উপসংহারে পৌঁছানো যায়। অনেক যুগ আগেই রাজ্যের সমাধিতে ডাকাতি হয়ে গেছে। ডাকাতরা সব নিয়ে বেরিয়ে যাবার সময় অশ্বত্থের সাথে আবার বন্ধ করেছে গুহা-মুখ, সেজন্যেই এতো সহজে দেয়াল ভেঙে ঢুকতে পারলো আজ ওরা। কিন্তু সব নিয়ে পালাবার সময় গুহা-মুখটা বন্ধ করার দরকার পড়লো কেন ? এর একটাই উত্তর হতে পারে, ডাকাতির ঘটনা গোপন রাখতে চেয়েছিল ওরা।

আহত পশুর মতো গোঙাতে গোঙাতে পাথুরে মঞ্চের ওপর উঠে পড়লো উমাসে। মঞ্চের মেঝেতে হাঁটু আর বনুই রেখে পাগলের মতো খোঁজাখুঁজি করছে সে, রাজ্যের জিনিসের ভেতর হাতড়াচ্ছে। তার লোভ আর আশা উপলব্ধি করতে পেরে শিউরে উঠলো মাজুলেট।

‘দেখো, এই দেখো !’ কালো একটা জিনিস উঁচু করে ধরলো উমাসে, কয়েক পা সামনে বাড়লো মাজুলেট। মাটির একটা পাত্রের ভাঙা টুকরো ওটা। এ-ধরনের পাত্রে মদ খেতো ম্যাটাবেলরা, কিনারায় রঙিন নকশা থাকতো নকশা করা কিনারার একটা অংশই ধরে রয়েছে উমাসে। হঠাৎ সে ওটা ছেড়ে দিয়ে সামনের দিকে ঝাঁপিয়ে পড়লো, যেন একটা মাছি ধরতে চায়, দেরি করলে উড়ে যাবে।

‘এই যে !’ আরো কি যেন একটা পেয়েছে উমাসে। খুব ছোটো একটা জিনিস। জু’আঙুলে ধরে আছে। টর্চের আলো ফেললো সেটার ওপর। ছোটো আখরোট আকৃতির একটা পাথর, আলো পড়তেই রঙধনুর মতো বিচিত্র রঙ ছড়ালো চারদিকে।

‘হীরে !’ বই বুঁটা আলোর বর্শা লেগে উমাস্জোর মুখ ঝলমলে হয়ে উঠলো। ‘কি সুন্দর ! কি অপূর্ব সুন্দর !’ বিড়বিড় করলো সে। তারপরই কালো হয়ে গেল তার চেহারা। ‘মাত্র একটা !’ তাড়া-ছড়ো করে নিয়ে যাবার সময় এটা ওরা ফেল গেছে। কানায় কানায় ভরা পাঁচ পাত্র হীরে—নেই !’

হীরের দিক থেকে মাজুলেটের দিকে চোখ ফরালো উমাস্জো। ‘তুমি জানতে ! প্রথম থেকেই সন্দেহ হচ্ছিলো আমার, কি যেন গোপন করে যাচ্ছে। তুমি ! হীরেগুলো অণু গোঁথাও নিয়ে যাওয়া হয়েছে। তুমি জানতে !’

নিঃশব্দে মাথা নাড়লো মাজুলেট।

চিতার মতো লাফ দিয়ে কাণিশ থেকে নেমে এলো উমাস্জো, থরথর করে কাঁপছে। পিস্তলের ব্যারেল দিয়ে মাজুলেটের মুখে বাড়ি মারলো সে। ‘বলো !’ গর্জে উঠলো। ‘কোথায় হীরেগুলো !’ ‘একজন ট্রুপার পিছন থেকে জড়িয়ে ধরলো মাজুলেটকে। পিস্তলের ব্যারেলটা বার বার মাজুলেটের গালের ওপর নরম মাংসে খ্যাচ খ্যাচ করে আঘাত করলো।

‘হীরে কোথায় বলো !’ উন্মাদ হয়ে গেছে উমাস্জো। বিস্তারিত চোখ জোড়া কোটর ছেড়ে বেরিয়ে আসতে চাইলো। পিস্তল দিয়ে বার বার আঘাত করতে করতে হাত ব্যথা হয়ে গেল তার, নিজেকে সরিয়ে এনে শাস্ত করার জন্মে একটা পাথরকে আলিঙ্গন করলো। হিস হিস শব্দে নিঃশ্বাস ফেলছে।

‘এভাবে হবে না !’ চোখের পাতা থেকে হাতের উন্টো পিঠ দিয়ে ঘামের ফোঁটা মুছে বললো সে। ‘তোমার জন্মে আরো ভয়ংকর শাস্তির ব্যবস্থা করবো আমি। তখন তুমি আমার পায়ে ধরে মাফ

চাইবি, আর বলবি দয়া করে আমাকে মেরে ফেলো ।

পাঁচ

শরীরের পানি প্রায় শুকিয়ে গিয়েছিলো সোহানার । ফ্রান্সিসটাউন হাসপাতালের ডাক্তাররা রীন্দ্র ফেইলার আশংকা করেছিল । তিন দিন স্যালাইন দিয়ে রাখার পর ভয়টা কেটে যায় । ওর কপালের ফোলাটাও ডাক্তারদের উদ্বেগের কারণ হয়ে ওঠে, তবে এক্স-রে রিপোর্ট নেগেটিভ দেখে স্বস্তির নিঃশ্বাস ফেললো রানা । খুব জোরে চোট পেলেও, হাড় কোথাও ভাঙেনি বা চিড় ধরেনি । আরো এক হপ্তা পরিপূর্ণ বিশ্রামের নির্দেশ দেয়া হলো ওকে ।

বতসোয়ানায় পৌঁছেই নিজেদের জন্যো রাজনৈতিক আশ্রয় চাইলো রানা, কিন্তু জিম্বাবুই সরকার ওদেরকে ফেরত দেয়ার দাবি জানানোয় কতৃপক্ষ ইতস্তত করতে লাগলো । প্রকৃত ঘটনা জানিয়ে জাতিসংঘে বাংলাদেশের স্থায়ী প্রতিনিধিকে তারবার্তা পাঠালো রানা, তিনি বতসোয়ানা সরকারের সাথে যোগাযোগ করার পর আর কোনো অসুবিধে হয়নি । কিন্তু চোখ উন্টে নিলো বিশ্ব-ব্যাংক আর ওয়ার্ল্ড ওয়াইল্ডলাইফ ট্রাস্ট ।

রানা বিশ্ব ব্যাংক, আর সোহানা ওয়াইল্ডলাইফ ট্রাস্টের কাজ নিয়ে জিম্বাবুইয়ে ঢুকেছিল । এই দুই প্রতিষ্ঠানের আন অফিশিয়াল প্রতিনিধি

নিধি হিশেবে জিম্বাবুইয়ে দায়িত্ব পালন করছে ফ্রেন্স দুতাবাসের কালচারাল অ্যাটাশে জঁ। মন্টিপিলার। ওরা বতসোয়ানায় পৌঁছেছে, এই খবর পেয়েই মেনেনে করে ফ্রান্সিসটাউনে চলে এলো মন্টিপিলার। তার কাছ থেকে রানা জানলো, মুগাবে সরকার ওদের বিরুদ্ধে সশস্ত্র ষড়যন্ত্র, সরকার উৎখাতের গণচেষ্টা, জিম্বাবুই নাগরিকদের পাইকারীভাবে হত্যা, লুটতরাজ, ইত্যাদি গুরুতর অভিযোগ এনেছে। ওদের অনুপস্থিতিতেই বিচার গুরুতর আয়োজন চলছে, নিষিদ্ধায় বলে দেয়া যায় বিচারে ওদের মৃত্যুদণ্ড দেয়া হবে।

রানাকে অবাক করে দিয়ে মন্টিপিলার বললো, জেনারেল উমাস্জোর বিরুদ্ধে ওদের লাগতে যাওয়া উচিত হয়নি। রানা যতোই তাকে বোঝাতে চেষ্টা করে—উমাস্জোই মাস্টার পোচার, সে-ই ম্যাটাবেলদের পাইকারীভাবে খুন করছে, এমন কি একটা স্থপার পাওয়ারের সহযোগিতায় জিম্বাবুইয়ে সামরিক অভ্যুত্থান ঘটাবারও চেষ্টা করছে—ততোই বিরক্ত হয়ে মাথা নাড়ে মন্টিপিলার। তার ধারণা, সব কিছুর জন্যে ম্যাটাবেলরাই দায়ী, মাজুলেটই মাস্টার পোচার, জেনারেল উমাস্জো তার দেশের অখণ্ডতা রক্ষার জন্যে সংগ্রাম করছে। সোহানার তোলা কিছু ফটো দেখানো হলো তাকে, থার্ড ব্রিগেডের সৈনিকরা নিরীহ ম্যাটাবেলদের খুন করে রেখে গেছে। গম্ভীরভাবে মাথা নেড়ে মন্টিপিলার বললো মনে হতে পারে জেনারেল উমাস্জো বাড়াবাড়ি করেছে, কিন্তু আসলে ওরা সবাই নিশ্চয়ই বিজোহী ছিলো।

বিশ্ব-ব্যাংক আর ওয়াইল্ডলাইফ কনসারভেশন বিশ্বাস, জিম্বাবুইয়ে তাদের স্বার্থ জেনারেল উমাস্জোই রক্ষা করছে। কাজেই তার বিরুদ্ধে গিয়ে ভুল করেছে ওরা।

বিশ্ব-ব্যাংক আর ওয়াশিংটন ট্রাস্টের সাথে রানা এজেন্সীর চুক্তি স্বাক্ষর করা হয়েছে। ওদের আচরণ বা নিরাপত্তার ব্যাপারে প্রতিষ্ঠান দুটো এখন থেকে আর কোনোভাবে দায়ী থাকবে না।

রানা বুঝলো, উমাসঙ্গের ষড়যন্ত্র বানচাল করার জন্যে কারো সাহায্য পাওয়া যাবে না, যা করার নিজেই করতে হবে ওর।

জিম্বাবুইয়ে ফিরে যাবার সময় একটা ভ্রমকি মতো দিয়ে গেল মন্টিপিলার। বিশ্ব-ব্যাংকের কাছ থেকে পঞ্চাশ লাখ ডলার ঋণ করেছে রানা, জিম্বাবুই সরকার ওকে শত্রু বলে ঘোষণা করায় টাকা-টা মৃদসহ এখন ফেরত চায় ওরা। ব্যাংকের ভাইস প্রেসিডেন্ট জাসটিন চ্যাপেল এ-ব্যাপারে আলোচনা করার জন্যে রানাকে নিউইয়র্কে ডেকেছেন।

কিন্তু রানাকে আবার ফিরতে হবে জিম্বাবুইয়ে। অপমান আর বৈজ্ঞানিক প্রতিশোধ নেবে ও। খুখু ফেলে চাটছে উমাসঙ্গ, কাপড় ভিজিয়ে ফেলে নাকে খত দিচ্ছে, গড়াগড়ি খাচ্ছে নিজের রক্তের ওপর, এই দৃশ্যগুলো চোখে না দেখা পর্যন্ত শান্তি নেই ওর।

বৈচে থাকলে উদ্ধার করতে হবে মাজুলেটকে। ফিরে পেতে হবে মিঃ রুবেনসনের সম্পত্তি।

সকাল দশটায় হাসপাতালে পৌঁছলো রানা, আজ ছাড়া পাবে সোহানা। নতুন জিনস আর শার্ট পরে তৈরি হয়েছে সে। রানার হাত ধরে বাইরে বেরিয়ে এসে থমকে দাঁড়িয়ে পড়লো, নতুন ল্যাণ্ড-রোভার দেখে অবাক হয়ে গেছে। ‘মানে? তুমি না বললে আমরা ফকির হয়ে গেছি।’

‘আমার আমেরিকান এক্সপ্রেস কার্ডগুলো এখনো ওরা বাতিল

করেনি। শহরের একমাত্র মেইন রোডে উঠে এলো ল্যাণ্ড-রৌভার।
উত্তরের অলংকার বলা হয় ফ্রান্সিসটাউনকে, জনসংখ্যা দু'হাজার।
গোটা শহরে একটাই হোটেল।

রিসেপশনিষ্ট মেয়েটা অল্পস্বয়ংসী। 'মিঃ রানা,' ওরা লবিতে
টুকছে এই সময় পিছন থেকে বললো সে, 'ওখানে আপনার জন্যে
এক ভদ্রমহিলা অপেক্ষা করছেন।' মেয়েটাকে দূর থেকে দেখে
প্রথমে চিনতে পারলো না রানা। সোহানা ছুটে গিয়ে জড়িয়ে
ধরলো তাকে।

'মিরাণ্ডা!' চিৎকার করলো সে। 'তুমি কোথেকে? জানলে
কিভাবে আমরা এখানে?'

রানার কামরাটা ছোট। দুটো সিঙ্গেল বিছানার মাঝখানে একটা
ডেসিং টেবিল। একটা বিছানায় জোড়া নারী-মূর্তির আকৃতি নিয়ে
বসলো সোহানা আর মিরাণ্ডা—ভাঁজ করা পা শরীরের নিচে চাপা
পড়লো, হাঁটু দু'জোড়া থাকলো সামনাসামনি।

'রেড-ক্রসের ওরা বললো, সীমান্ত থেকে পুলিশ আপনাদের
নিয়ে এসেছে,' বললো মিরাণ্ডা নয়নি। 'তার আগে আমার বন্ধুদের
কাছে শুনেছি থার্ড ব্রিগেডের লোকেরা আপনাদের খুন করার চেষ্টা
করেছিল। ভাবলাম, ইতিমধ্যে আপনারা নিশ্চই বুঝতে পেরেছেন
যে জেনারেল মাজুলেট ক্রিমিন্যাল নয়...'

একটা চেয়ার টেনে বসলো রানা। বিষয় দেখালো ওকে। 'হ্যাঁ,
বুঝেছি—কিন্তু অনেক দেরিতে।'

'মাজুলেটের মুখে আপনার সম্পর্কে শুনেছি, মিঃ রানা,' বললো
মিরাণ্ডা। 'সে শুধু আপনার বন্ধু নয়, আপনার প্রতি তার অগাধ
শ্রদ্ধা...'

‘কিন্তু...’ শুরু করলো রানা।

বাধা দিয়ে মিরাগু বললো, ‘কি বলবেন জানি। আপনার সাথে খারাপ ব্যবহার করেছে মাজুলেট। কিন্তু কেন করেছে সেটা? আপনাকে বুঝতে হবে। জিষাবুইয়ে কি ঘটতে যাচ্ছে, মাজুলেটের চেয়ে ভালোভাবে আর কেউ তা জানতো না। সে চায়নি আপনি বিপদের মধ্যে জড়িয়ে পড়েন। অন্য কোনো ভাবে নিষেধ করলে আপনি শুনতেন না, বন্ধু বিপদে পড়তে যাচ্ছে দেখে তাকে সাহায্য করতে চাইতেন। তাই এই পথটা বেছে নেয় সে— আপনাকে অপমান করে, আপনি যাতে অভিমান করে জিষাবুই থেকে চলে যান।’

কাঠের চেয়ারে শিরদাঁড়া খাড়া করে বসে আছে রানা। মাজুলেটের অফিসে ওদের ঝগড়ার দৃশ্যটা স্মরণ করলো ও। গোটা ব্যাপারটা তাহলে অভিনয় ছিলো মাজুলেটের? এমনকি এখনো ব্যাপারটা বিশ্বাস হতে চায় না। এমন কড়া মেজাজ দেখিয়েছিল মাজুলেট, ঘণার ভাবটুকু এমন জ্যান্ত হয়ে ফুটে উঠেছিল চেহারায়...

‘এখন আর কিছু এসে যায় না,’ বিড়বিড় করে বললো ও। ‘মাজুলেটকে বোধহয় ইতিমধ্যে মেরে ফেলেছে ওরা।’

‘না!’ এই প্রথম মিরাগুর গলা চড়লো, প্রায় রেগে গেছে সে। ‘না, এ-কথা বলবেন না। সে বেঁচে আছে! তার সাথে আমার কথা হয়েছে।’

হঠাৎ রানা সামনে ঝুঁকে পড়ায় চেয়ারটা ককিয়ে উঠলো।

‘তাকে আপনি দেখেছেন? কবে?’

‘হ’হুগু আগে।’

‘কোথায়? কোথায় সে?’

‘টুটিতে—পুনর্বাসন কেন্দ্রে।’

‘মাজুলেট বেঁচে আছে!’ চেহারা বদলে গেল রানার। উঁচু হয়ে উঠলো কাঁধ জোড়া, চোখ দুটো উজ্জ্বল, সড়ক ভঙ্গিতে একদিকে কাত হয়ে থাকলো মাথা। ঠিক মিরাগুয়ার দিকে নয়, মিরাগুয়ার মাথার ওপর দিয়ে সাদা দেয়ালের দিকে তাকিয়ে আছে—আচমকা উথলে ওঠা ভাবাবেগের রাশ টেনে ধরার চেষ্টা করছে, চেষ্টা করছে ভিড় করে গজিয়ে ওঠা ধারণাগুলো থেকে হ’একটা বেছে নিতে। দেখতেই পেলো না নিঃশব্দে কাঁদতে শুরু করেছে মিরাগু।

‘খেতে না পেয়ে কংকাল হয়ে গেছে মাজুলেট,...’ ফোঁপাতে শুরু করলো মিরাগু। তার কাঁধে একটা হাত রাখলো সোহানা।

লাফ দিয়ে চেয়ার ছাড়লো রানা, অস্থিরভাবে পায়চারী শুরু করলো। পাকট হাতড়ে মোচড়ানো একটা টিস্যু বের করে মিরাগুয়ার হাতে গুঁজে দিলো সোহানা।

‘তোমার সেসনা রেডি হবে কবে?’ জানতে চাইলো রানা, সার্ভিসিঙের জন্যে কেনিয়ায় রয়েছে ওটা।

মিরাগুকে সান্ত্বনা দিতে ব্যস্ত সোহানা, অহমস্বভাবে বললো, ‘রেডি তো হয়েই আছে।’

‘ক্যাপাসিটি...’ নিজের মনে কথা বলছে রানা।

প্রশ্ন নয়, তবু আনমনে উত্তর দিয়ে যাচ্ছে সোহানা, ‘ঠাসাঠাসি করে ছ’জনের জায়গা হয়...’

‘রেঞ্জ...’

‘টুয়েলভ হানড্রেড নটিক্যাল মাইলস...’

বিড়বিড় করছে রানা, ‘ল্যাণ্ড-রোভারে করে গোটা দুই ড্রাম নিয়ে যেতে পারি আমি। তুমি বর্ডারে কোথাও একটা প্যানে ল্যাণ্ড করে রিফুয়েলিং সেয়ে নিতে পারো। পাণ্ডা মাতেঙ্গার কাছে একটা জায়গা

চিনি আমি, এখান থেকে পাঁচশো কিলোমিটার উত্তরে। ওটাই সবচেয়ে কাছে—একটি পয়েন্ট...।’

‘টিশাটা নাকে চেপে ধরে আছে মিরাগু, ঘন ঘন ওদের ছ’জনের দিকে তাকালো।’

‘উইপনস,’ ফিসফিস করছে রানা। ‘আমাদের অস্ত্র দরকার।’

ঝট করে রানার দিকে তাকালো মিরাগু। ‘তারমানে?’

‘ভিনসেন্ট গগলকে খবর দেয়া গেলে...সে তো একজন আর্মস ডিলার?’ প্রশ্নবোধক ভঙ্গিতে একটা ভুরু উঁচু করলো সোহানা।

বিফারিত হয়ে গেছে মিরাগুর চোখ। ‘মাই গড! আপনারা সিরিয়াস!’

মাথা নাড়লো রানা। ‘অতো সময় কোথায়! অস্ত্র আমাদের এই মুহূর্তে দরকার...’

‘রাইফেল...’

‘আর গ্রেনেড...’

‘মিঃ রানা, আপনি জানেন, ধরতে পারলে ওরা আপনাদের নিয়ে কি করবে?’

‘চোরাবাজার থেকে...’

সোহানাকে থামিয়ে দিলো রানা, ‘আমাদের টাকা নেই।’

‘বতসোয়ানা সরকার কোনো সাহায্য করবে না,’ বললো সোহানা। ‘সেক্ষেত্রে একটা আর্মস ডিপো লুণ্ঠ করা ছাড়া আমি তো কোনো উপায় দেখছি না।’

‘বলো কি!’ ঢোক গিললো মিরাগু।

‘তুমি চাও না তোমার মাজুলেট...?’ প্রায় মারমুখো হয়ে জিজ্ঞেস করলো সোহানা।

‘চাই, নিশ্চই চাই, কিন্তু তোমরা কেন এতো বড় বুঁকি নেবে !’
‘ও আমার বন্ধু,’ এই উত্তেজনার মধ্যে রানার মুহূর্ণ কণ্ঠ বিখোর-
ণের মতো শোনাগেলো ।

কিছুটা হতভম্ব দেখালো মিরাগুকে, কিছুটা মুগ্ধ । আবার একটা
টোক গিললো সে, অক্ষুটে বললো, ‘রাইফেলের ব্যবস্থা আমি
বোধ হয় করতে পারবো । আমাদের কিছু লোক পাগিয়ে এসেছে
এখানে । জঙ্গলে ওদের কিছু অশ্রুপাতি লুকানো আছে, মুক্তিযুদ্ধের
সময়কার...’

‘কি রাইফেল ?’ রানা আর সোহানার মিলিত কণ্ঠস্বর মিরাগুকে
চমকে দিল ।

‘ব্যানানা গানস আণ্ড গ্রেনেডস ।’

‘এ-কে !’ রানার চেহারা উদ্ভাসিত হয়ে উঠলো । ‘মিরাগু তুমি
একটা জুয়েল ।’

‘আপনারা দু’জন ?’ হাঁ করে রানার দিকে তাকিয়ে থাকলো
মিরাগু । ‘একটা সেনাবাহিনীর বিরুদ্ধে ?’

‘না, তুমিও আমাদের সাথে যাচ্ছে, ঘোষণা করলো সোহানা ।
‘আমরা তিনজন হবো ।’

‘তিনজন, চমৎকার !’ বললো মিরাগু, খুশিতে এবং কৃতজ্ঞতায়
চোখে পানি এসে গেছে তার । ‘তিনজন, রাডি মার্ভেলাস !’

পায়চারী থামিয়ে ওদের সামনে দাঁড়ালো রানা । ‘প্রথম কাজ
টুটি ক্যাম্পের একটা ম্যাপ আঁকা—সমস্ত খুঁটিনাটি থাকতে হবে
তাতে ।’ আবার পায়চারী শুরু হলো, স্থির হয়ে দাঁড়াতে পারছে
না । ‘তারপর মিরাগুর বন্ধুদের সাথে দেখা করে জানতে হবে কি
ধরনের সাহায্য করতে পারবে ওরা । সোহানা, সেননা নিয়ে

আসতে ক'দিন লাগবে ?

‘তিন দিনের মধ্যে ফিরে আসবো ।’

‘গুড । ইতিমধ্যে অনেক কাজ গুছিয়ে নেবো আমরা ।’ হাতের তালু এক করে ঘষলো রানা । ‘এখনই আমরা ম্যাপ আঁকতে বসতে পারি... ।’

বিয়ার আর স্যাণ্ডউইচের অর্ডার দিলো রানা । টেবিলের ওপর খুঁকে বিকেল পর্যন্ত কাজ করলো ওরা । সন্ধ্যার খানিক আগে মিরাগুাকে রেডক্রসের একটা আশ্রয়কেন্দ্রে পৌঁছে দিয়ে এলো রানা । ঠিক হয়ে থাকলো, কাল সকালে হোটেলে চলে আসবে মিরাগুা, ওকে নিয়ে রওনা হয়ে যাবে রানা । সোহানা আরো আগে বেরিয়ে যাবে ।

তিনদিন পর ।

ধূসর মরুর স্থির বাতাসে কালিঝুলি মেশানো ধোঁয়ার ছটো কালো স্তম্ভ সোজা আকাশের দিকে উঠে গেল । ল্যাণ্ড-রোভারের বনেটে দাঁড়িয়ে উত্তর দিকে তাকিয়ে আছে রানা আর মিরাগুা । বতসোয়ানার উত্তর-পূবে শুকনো নো-ম্যানস-ল্যাণ্ড এটা, জিম্বাবুই সীমান্ত এখান থেকে ত্রিশ কিলোমিটার দূরে ।

সেসনার আওয়াজ তাপ-দঙ্ক বাতাসে ঘন ঘন ওঠা-নামা করছে । ‘ওই তো !’ হাত তুলে মশা আকৃতির একটা বিন্দু দেখালো মিরাগুা দিগন্তরেখার কাছাকাছি ।

ঘাড় ফিরিয়ে এয়ারস্ট্রিপের দিকে তাকালো রানা, চেহারায় উদ্বেগ । সল্ট-প্যানের কিনারায় শুধু যেখানে মাটি শক্ত, তার ওপর দিয়ে অস্তুত দুশো বার ল্যাণ্ড-রোভার নিয়ে যাওয়া-আসা করেছে অন্ধকারে চিতা-২

ও চাকার দাগ দেখে এয়ারস্টিপ কতোটুকু চওড়া বুঝে নিতে হবে সোহানাকে। একটু এদিক ওদিক হলেই নরম মাটিতে বাধা পেয়ে উঠে যাবে সেসনা। ইঞ্জিনের আওয়াজ শোনার পরপরই এয়ার-স্টিপের দুই প্রান্তে ছেঁড়া কব্বল ছড়ো করে আগুন ধরিয়ে দিয়েছে ওরা।

নিরাপদেই ল্যাণ্ড করলো সোহানা। তাকে নিচে নামতে সাহায্য করলো রানা। সোহানার পা মাটি স্পর্শ করার আগেই ওকে চুমো খেলো রানা।

‘আরে শালা, লোকে বলবে কি।’

ল্যাণ্ড-রোভারের ছায়ায় দু’জন ম্যাটাভেল বসে রয়েছে, সোহানার সাথে তাদের পরিচয় করিয়ে দিলো রানা। সবিনয় ভদ্রতার সাথে উঠে দাঁড়িয়ে সোহানার সামনে মাথানত করলো তারা। ‘হিটন আর আমান, মাজুলেটের শিষ্য,’ বললো রানা। ‘নেতার বিপদে সাহায্য করতে রাজি হয়েছে ওরা। কিছু অস্ত্রও যোগাড় হয়েছে।’

গম্ভীর চেহারার যুবক ওরা, হাসতে জানে না। চোখগুলো এমন অদ্ভুতভাবে স্থির, যেন বীভৎস অনেক কিছু দেখে পাথর হয়ে গেছে। তবে পেশীতে জোর আছে, নেতার জন্তে যে-কোনো ত্যাগ স্বীকারে রাজি।

ড্রামগুলো থেকে সরাসরি সেসনার উইং ট্যাংকে ফুয়েল ভরা হলো, ওদিকে রানা ব্যস্ত হাতে ককপিটের পিছন দিককার সিটগুলো খুলে ফেলে দিলো নিচে। ওজনও কমানো দরকার, কার্গোর জন্যেও জায়গা লাগবে। একটু পরই লোডিঙের কাজ শুরু হলো। স্ত্রীং ব্যালেন্সে ফেলে প্রতিটি কার্গো ওজন করলো সোহানা। সবচেয়ে ভারি অ্যামুনিশনগুলো। আট হাজার রাউণ্ড। ওজন কমানোর জন্তে

কাঠের বাক্স ফেলে দিয়ে ওগুলো প্লাস্টিক ব্যাগে ভরেছে রানা। বহু বছর আগে মুক্তিযোদ্ধারা এগুলো মাটিতে পুঁতে রেখেছিল, কিছু কিছু রাউণ্ডে এমন মরচে গিয়েছে যে কোনো কাজেই আসবে না। প্রচুর সময় নিয়ে ভালোগুলো বেছে আলাদা করতে হয়েছে ওকে, প্রতিটি কেস থেকে কয়েক রাউণ্ড নিয়ে টেস্ট করেছে ও, একটাও মিস ফায়ার হয়নি।

বেশিরভাগ রাইফেলও মরচে ধরে গেছে। গ্যাস লণ্ঠনের আলোয় গোটা একটা রাত জেগে বাহাই করা পঁচিশটা রাইফেল পরিষ্কার করেছে রানা। পাঁচটা টোকারেভ পিস্তল, আর দুই কেস ভর্তি গ্রেনেডও পেয়েছে ওরা। রাইফেলের চেয়ে এগুলোর অবস্থা ভালো। প্রতিটি কেস থেকে একটা করে গ্রেনেড নিয়ে উই-পোকার টিবি উড়িয়েছে রানা। পঞ্চাশটা থেকে দুটো খরচ হওয়ার পর হাতে থাকলো আটচল্লিশটা। ক্যানভাসের তৈরি পাঁচটা হ্যাভারসাকে ভরা হয়েছে ওগুলো।

বাকি ইকুইপমেন্ট ফ্রান্সিসটাউন থেকে কিনে এনেছে রানা। ওআয়ার-কাটার, বোল্ট-কাটার, নাইলন রোপ, তলোয়ার আকৃতির ছোরা, টর্চ, অতিরিক্ত ব্যাটারী, ক্যানটিন আর পানির বোতালসহ আরো প্রায় বারোটা আইটেম। ফ্রান্সিসটাউন ছাড়ার আগে মিরান্ডাকে দিয়েও কিছু কেনাকাটা করিয়েছে রানা। মেডিকেল অফিসারের দায়িত্ব দেয়া হয়েছে তাকে। ফাস্ট-এইড কিটের জন্যে যা যা দরকার সব সাথে করে নিয়ে এসেছে সে। খাবারদাবারও কেনা হয়েছে প্রচুর, পাঁচটা প্লাস্টিক ব্যাগ ঠাসা।

‘বাস করো, আর নয়,’ লোডিং বন্ধ করার নির্দেশ দিলো সোহানা। ‘আর যদি এক আউলও তোলা হয়, মাটি থেকে উঠতে

হবে না। বাকি যা থাকলো সব সেকেণ্ড ট্রিপে নিয়ে যাওয়া হবে।’

সন্ধ্যার পর আশুনের চারধারে বসে খাওয়াদাওয়া সারলো ওরা। তারপর মিষ্টি সিনডেবেল ভাষায় একটা গান শরলো মিরান্ডা, গানের কথাগুলো এই রকম : বর্ণার পানিতে গা ধুয়েছি, জ্যোছনায় বসে অঙ্গেমেখেছি ফুলের সুবাস, পাহাড়ী বাতাস আমার চুল বেঁধে দিয়ে গেছে, মাথায় পরেছি বুনো ফুল—তবু মন কাঁদে, কাঁদে প্রতি অঙ্গ, তুমি কাছে নেই, কিছু ভালো লাগে না...।’

সবাই যখন গান শুনতে মগ্ন, নিজেদের চাদর নিয়ে চুপিসারে খানিকটা দূরে পালিয়ে এলো রানা আর সোহানা। এখান থেকে ওদের কথা কেউ শুনতে পাবে না, ওদের দেখতেও পাবে না। আকাশের গায়ে হলুদ রঙ দিয়ে আঁকা কাস্তে আকৃতির চাঁদের দিকে মুখ করে বসলো দুজন। মন খুলে এমন অনেক কথা বললো দুজন যা কোনোদিন কাউকে বলেনি।

অন্ধকারে ব্রেকফাস্ট সারলো ওরা। চাঁদ ডুবে গেছে, পূব আকাশে আলোর ক্ষীণ আভাস। ল্যাণ্ড-রোভারের পাহারায় হিটন আর আমানকে রেখে যাচ্ছে ওরা, দ্বিতীয়বার লোডিং আর রিকুয়েলিঙের জট্টোও সোহানাকে সাহায্য করবে তারা। সেসনা নিয়ে স্ট্রিপের শেষ মাথায় চলে এলো সোহানা, ভোরের ক্ষীণ আলোয় কোনো রকমে দেখা যায় মাটির চেহারা। এরাস্ট্রিপ ছেড়ে খুব ধীর ভঙ্গিতে আলোকিত পূব আকাশের দিকে উঠতে শুরু করলো সেসনা।

‘জিস্বাবুই সীমাস্তু,’ বিড়বিড় করে বললো সোহানা। সোহানার পাশে, অ্যামুনিশনের ব্যাগের ওপর পদ্মাসনে বসে আছে রানা। মিরান্ডাও মালপত্তরের মাথায় ঠাঁই নিয়েছে, ওদের পিছনে। কোলে ফেলে রাখা ম্যাপে চোখ বুলিয়ে নিয়ে কোর্স সামান্য একটু বদল

করলো সোহানা। কাছের একটা খনি শহর থেকে পনেরো মাইল দক্ষিণে রয়েছে রেললাইন, আরো ক'মাইল সামনে মেইন রোড।

ঘুর পথে যাচ্ছে ওরা, জন বসতিগুলোকে পাশ কাটিয়ে। ওদের নিচের দৃশ্য দ্রুত বদলে যেতে শুরু করলো। পিছিয়ে পড়লো মরু ভূমি, সোনালি ঘাস-মোড়া ক্ষুদ্র আকারের মাঠ আর মাঠগুলোকে ঘিরে থাকা গভীর বনভূমি জায়গা দখল করে নিলো। উত্তর কোণে কিছু মেঘ দেখা গেল, স্থির হয়ে আছে। বাকি আকাশ নীল আর খালি। চোখের চারপাশ কুঁচকে সামনের দিকে তাকালো রানা। 'ওই তো রেললাইন!'

থ্রুটল বন্ধ করলো সোহানা। নিচের দিকে প্রায় খাড়া ভাবে নেমে এলো প্লেন। গাছের মাথা থেকে পঞ্চাশ ফিট ওপর দিয়ে সগর্জনে রেললাইন পেরিয়ে এলো ওরা, তার ক'মিনিট পর পেরোলো মেইন রোড। নীলচে-ধূসর টারমাকের ওপর মন্থরগতির একটা ট্রাককে পলকের জন্যে দেখা গেল, তবে সেটার পিছন দিয়ে উড়ে এলো ওরা।

নিচের ঠোঁট একবার কামড়ে ধরে, ছেড়ে দিলো সোহানা। 'কি বুঝবে ওরা কে জানে। হালকা প্লেন নিশ্চয়ই ঘন ঘন দেখা যায় এদিকে।' হাতঘড়ি দেখলো সে। 'আর চল্লিশ মিনিটের মধ্যে পৌঁছে যাবো।'

আমুনিশন ব্যাগের ওপর নড়েচড়ে বসলো রানা, কয়েকটা নির্দেশ বুঝিয়ে দিলো সোহানাকে। এদেরকে নামিয়ে দিয়েই ল্যাণ্ড-রোভারের কাছে ফিরে যাবে সে। আবার আসবে ছ'দিন পর, কিন্তু শুধু স্মোক সিগন্যাল দেখলে ল্যাণ্ড করবে। ছ'দিন পর আবার একবার চেষ্টা করবে, কিন্তু এবারও যদি সিগন্যাল না দেখে, চলে গিয়ে আর ফিরে আসবে না।

রানা খামতে ওর একটা হাত চেপে ধরলো সোহানা। 'ও-কথা মুখেও এনো না।' বাকিটা পথ বেশিরভাগ সময় পরস্পরের হাত ধরে থাকলো ওরা।

'শিঞ্জারিরা!'' ফিসফিস করে বললো রানা। খয়েরি মাটির ওপর সবুজ একটা পাইথন সাপের মতো দেখালো শিঞ্জারিরা নদীটাকে, গাছের ফাঁক দিয়ে চকচকে পানি দেখা গেল।

ওদের নিজ হাতে তৈরি ক্যাম্পগুলো থেকে দূরে থাকলো সোহানা। গাছগুলোর কাছাকাছি নেমে এসে বিশাল একটা বৃত্ত তৈরি করে পাহাড়ের দিকে ফিরে চললো সেসনা।

ঘাস মোড়া সমতল মাটিতে ল্যাণ্ড করলো ওরা, খাদের মাথাটা এখান থেকে বেশি দূরে নয়। দ্রুত হাতে কার্গো নামাতে শুরু করলো রানা, ওকে সাহায্য করলো মিরাগু। রাইফেল হাতে পাহারায় থাকলো সোহানা।

সব নামানোর পর উঁচু একটা স্থূপ মতো হলো, স্থূপটা চাপা দেয়া হলো নাইলন নেট দিয়ে। সোহানার হাত থেকে রাইফেল নিয়ে ওদের দিকে পিছন ফিরলো মিরাগু। গোটা এলাকা এখন উমাজোর দখলে, তার লোকেরা কে কখন কোন্ দিক দিয়ে এসে পড়ে বলা যায় না।

রানার আলিঙ্গন থেকে নিজেকে ছাড়িয়ে নিয়ে ককপিটের দিকে ছুটলো সোহানা। হালকা সেসনা খানিক দূর ছুটেই লাফ দিয়ে উঠে পড়লো শূন্যে। দেখতে দেখতে গাছের আড়ালে হারিয়ে গেল সেটা।

সেসনার আওয়াজ দূরে মিলিয়ে যাবার পর আকাশ থেকে চোখ নামালো রানা। রাইফেল আর হ্যাভারস্যাক তুলে নিয়ে কাঁধে

ঝোলালে, তাকালে। মিরাপুর দিকে। ডেনিম আর নীল ক্যানভাস জুতো পরে আছে সে। হাতে দুটো ব্যাগ, কোমরের বেষ্টে টোকারেড পিস্তল। ‘রেডি ?’ জানতে চাইলো রানা।

মাথা ঝাঁকিয়ে রানাকে অনুসরণ করলো মিরাপুর।

শিজারিরায় এই এলাকাটা অত্যন্ত বিপজ্জনক। গেরিলাদের খোঁজে থার্ড ব্রিগেডের সৈনিকরা টহল দিয়ে বেড়াচ্ছে। সন্ধ্যার পর আরো দু’ঘণ্টা হাঁটলো ওরা, কোনো বিরতি ছাড়াই। শিজারিরা নদীর পাড় ধরে উত্তর দিকে এগিয়ে গেছে উঁচু-নিচু পথ, অন্ধকারে প্রতি পদে হৌচট খেতে হলো। অবশেষে গেরিলা ক্যাম্পে পৌঁছলো ওরা।

তিনজন গেরিলা ওদেরকে এসকট করে ক্যাম্পের ভেতর নিয়ে এলো। ফাঁকা একটা জায়গায় রান্না হচ্ছে, প্রায় নগ্ন এক যুবতী ছুটে এসে জড়িয়ে ধরলো মিরাপুরকে। ‘ও আমার চাচাতো বোন,’ ব্যাখ্যা করলো মিরাপুর। ইতিমধ্যে গেরিলা লিডারের কাছে ওদের আগমন সংবাদ পৌঁছে গেছে।

ক্যাম্প বলতে সাঁতসেঁতে, অন্ধকার কিছু গুহা, আরাম-আয়েশের কোনো ব্যবস্থা নেই। গুহাগুলো নদীর উঁচু পাড়ের গা কেটে তৈরি করা হয়েছে, মাটির দিকে ঝুঁকে পড়া গাছের ডালপালা আড়াল করে রেখেছে প্রতিটি গুহামুখ। গেরিলাদের সাথে জিনিস-পত্র সামান্যই, যাতে মুহূর্তের নোটিশে সব গুছিয়ে নিয়ে বেরিয়ে পড়তে পারে এক জায়গায় বেশিদিন থাকে না ওরা।

একটা গুহা থেকে বেরিয়ে এলো গেরিলা নেতা, রানাকে দেখে একেবারে তাজ্জব বনে গেল। চোখ রগড়ে আবার তাকালো মেজর কুকি। ‘মাই গড! মিঃ অ্যাডভাইজার, আপনি তাহলে বেঁচে আছেন!’ হ্যাগশেকের জন্যে হাত বাড়িয়ে দিলো সে।

একটা গুহার ভেতর বসে কথা বললো ওরা। মেয়েরা ওদের জন্যে খাবার নিয়ে এলো।

রানার প্রশ্ন শুনে মাথা নিচু করলো মেজর। 'নেতা বন্দি হয়ে আছেন আমরা জানি। কিন্তু কি করবো বলুন, আমাদের কাছে যে অস্ত্র নেই।'

'এখানে তোমরা ক'জন আছো?'

'আমার গ্রুপে ছাব্বিশ জন,' বললো মেজর কুঁকি। 'কাছাকাছি আরো একটা গ্রুপ আছে। আমাদের ছাব্বিশজনের কাছে রাইফেল আছে মাত্র ছ'টা ...'

ছাব্বিশ জনই যথেষ্ট, ভাবলো রানা। গেরিলাদের না পেলে ওরা তিনজনই তো চেষ্টা করতে যাচ্ছিলো। 'এবার শোনো আমাদের কাছে কি আছে...' সবশেষে প্রস্তাবটা দিলো ও।

গেরিলারা সগাই আলোচনায় বসলো। রানা ওদেরকে আগেই সাবধান করে দিয়ে বলেছে, এটা একটা সুইসাইড স্কোয়াড হতে যাচ্ছে। শুধু বারো মৃত্যুকে পরোয়া করে না তাদেরই যোগ দেয়া উচিত। কোনো রকম বাধ্যবাধকতা নেই, ইচ্ছে করলে গেরিলারা এই ঝুঁকি না নিলেও পারে।

গভীর রাতে সিদ্ধান্ত হলো। প্রস্তাব মেনে নিতে কারো কোনো আপত্তি নেই, কিন্তু একটা শর্ত আছে। স্কোয়াডের নেতৃত্ব দিতে হবে মেজর রানাকে।

ম্যাপের হিসেবে ষাট মাইল পথ। কিন্তু শোনা সৈনিকদের চোখ ফাঁকি দেয়ার জন্যে ঘুর পথে যেতে হবে ওদেরকে, একান্ত বাধ্য না হলে পাহাড় আর উপত্যকা ছেড়ে সমভূমিতে নামবে না। লোহার

মতো শক্ত পাথর সারাদিন রোদের তাপ শুষে নিয়ে গরম আগুন হয়ে আছে, সৰু কাগিশ ধরে এগোবার সময় তার আঁচে সেদ্ধ হলো দলটা। দুই পাহাড়ের মাঝখানের উপত্যকায় নামলো ওরা, ঢাল বেয়ে নামার সময় পিঠের বোঝা মুণ্ডরের বাড়ি মারলো শিরদাঁড়ায়। প্রাচীন এলিফ্যান্ট ট্রেইল ধরে এগোলো ওরা, সারাটা পথের ওপর গোলাকার পাথর ছড়িয়ে আছে, পায়ে তলায় বল-বেয়ারিঙের মতো বুরলো সেগুলো।

মেয়েদেরকে সঙ্গে নেয়নি গেরিলারা, রওনা হবার আগে নিরাপদ আশ্রয়ে রেখে এসেছে। উনত্রিশ জনের সুইসাইড স্কোয়াডে মেয়ে মাত্র দু'জন, সোহানা আর মিরাগু। সেসনা নিয়ে আগেই রওনা হয়ে গেছে ওরা। শশংগিরের গ্রামের ওপর দিয়ে বার কয়েক উড়ে জানতে চেষ্টা করবে জায়গাটা নিরাপদ কিনা। বিপদের আভাস পেলে ফিরে আসবে সেসনা, গেরিলাদের সাবধান করে দিয়ে ফিরে যাবে সীমান্তের দিকে, ল্যাণ্ড-রোভারের কাছে। আর যদি কোনো বিপদ না দেখে, গ্রামের আশপাশে কোথাও ল্যাণ্ড করার চেষ্টা করবে সোহানা। শশংগিরের গ্রাম থেকে টুটি মিশন বেশি দূরে নয়।

গেরিলাদের একজন পড়ে গেল, তবে কাগিশ থেকে খসে তিন শো ফিট নিচে পড়ার আগেই অন্যান্যরা ধরে ফেললো তাকে। প্রাণ বাঁচালো বটে, কিন্তু গোড়ালি ফুলে উঠলো। অনেক চেষ্টা করেও তাকে আর দাঁড় করানো গেল না। গেরিলাদের চেহারায় যেমন হাসি নেই, তেমনি মায়া মমতাও নেই। নিজেদের মধ্যে ফিসফাস শুরু করে দিলো তারা। পড়েনি, কিন্তু এবার তাকে ধাক্কা মেয়ে ফেলে দিয়ে ঝামেলা চোকানো হবে।

ভাগ্যিস ওদের কথা শুনে ফেললো রানা। কয়েকজনকে ঠেলা দিয়ে সন্ধ্যায় এগিয়ে এলো ও। এতজন গোঁয়ারের মতো বাধা দেয়ায় চড় খেতে হলো তাকে। এরপর কাউকে কিছু না বলে আহত লোকটাকে পরীক্ষা করলে ও, বুঝলো, ওদের সাথে এই লোক যেতে পারবেনা।

লোকটাকে একটা মরফিন ইন্জেকশন দিলো রানা, ট্যাবলেট খাওয়ালো দুটো। সবশেষে তার হাতে একটা টোকারেভ পিস্তল ধরিয়ে দিয়ে ব্যাখ্যা করে বললো কি করতে হবে। অন্তত ঘণ্টা চারেক গোড়ালিতে কোনো ব্যথা থাকবে না, মেয়েদের যেখানে রেখে আসা হয়েছে সেখানে পৌঁছতেও প্রায় ওই একই সময় লাগবে। পথে যদি কোনো শোনা পেট্রল তাকে দেখে ফেলে, শেষ গুলিটা নিজের জন্যে রাখবে সে। নিরাপদ আশ্রয়ে পৌঁছে যাবার জন্যে আরো ক'টা ট্যাবলেট দেয়া হলো তাকে।

লোকটা চলে যাবার পর মেজর কুকির সাথে কথা বললো রানা। ঘন ঘন মাথা ঝাঁকালো মেজর। তারপর সবাইকে সম্বোধন করে রানা বললো, 'প্রথম ঘটনা বলে কাউকে কোনো শাস্তি দিলাম না। কিন্তু এরপর যদি আমাকে জিজ্ঞেস না করে কেউ কিছু করতে চেষ্টা করো, তার কপালে দুঃখ আছে।'

গেরিলারা সবাই চুপ। আহত সঙ্গীকে একটা সমস্যা বলে মনে করেছিল তারা, সেটার যে এমন সহজ সমাধান থাকতে পারে তা তারা স্বপ্নেও ভাবেনি। রানার হুমকি শুনে কেউ রাগলো না, বরং মনে মনে ওর সিদ্ধান্তের প্রশংসাই করলো।

দিনের বেলা হামলা চালালো মোপানি মোমাছির ঝাঁক। ছোটো ছোটো ঝাঁকে ভাগ হয়ে হামলা চালালো ওগুলো। প্রত্যেককে

তিনটে করে ঝাঁকের সাথে লড়তে হলো। নাক, চোখ, আর ঠোঁট, আক্রমণের লক্ষ্য এই তিনটে জায়গা—কারণ ভেজা ভেজা অংশগুলো ওদের ভারি প্রিয়। রাতের বেলা ডোবাগুলো থেকে উঠে এসে মৌমাছিদের সাথে জায়গা বদল করলো সুবিশাল মশা বাহিনী। এবং এক পর্যায়ে, সুবিস্তৃত ফ্লাই-বেন্টের কিনারা দিয়ে যাবার সময়, যজ্ঞা বহুগুণ বাড়িয়ে তুললো ৭৫সি মাছির ঝাঁক। এগুলোর পা এতো নরম, শরীরের কোথায় কখন বসলো কিছুটা টের পাবার উপায় নেই। গরম-লাল সূচকানের পিছনে বা বগলের তলার নরম মাংসে ঢুকে তীব্র জ্বালা ধরিয়ে দেয়।

সারাটা পথে শোনা সৈনিকদের আক্রমণের আশংকা থাকলো। মূল দলের পিছনে আর সামনে থাকলো স্কাউটরা, দু'এক মাইল পরপরই সংকেত পাঠালো তারা, সাথে সাথে ডাইভ দিয়ে কাতার নিলো ওরা, ট্রিগারে আঙুল রেখে অপেক্ষা করলো যতোকক্ষণ না অলক্লিয়ার সিগন্যাল পাওয়া যায়।

হিম শীতল ভোর, জলন্ত ছপুর, গাঢ় অন্ধকার রাত, কিছু পরোয়া না করে শমুকগতিতে এগিয়ে চলেছে দলটা। প্রত্যেকের নার্ভের ওপর চাপ পড়লো। অবশেষে, প্রায় একটানা ছুদিন হাঁটার পর শশংগিরের গ্রামের কাছাকাছি পৌঁছলো ওরা।

মিরাণ্ডার বাবা শশংগিরে একজন জাহুকর। অলৌকিক যাবতীয় বিপদ-আপদ, সমস্ত প্রাকৃতিক দুর্যোগ, আর ব্যক্তিগত বালা-মুসিবত থেকে ম্যাটাবেলদের রক্ষা করে সে। ম্যাটাবেলরা তাকে শ্রদ্ধা করে বটে, কিন্তু বিপদে না পড়লে ভুলেও ধারেকাছে ঘেঁষে না। ছোট্ট এই গ্রামে শুধু স্ত্রী আর নিকটাত্মীয়দের নিয়ে বাস করে সে।

পথের এক জায়গায় ওদের জন্যে অপেক্ষা করছিল সোহানা আর অন্ধকারে চিতা-২

মিরাণ্ডা।

‘সেসনা ?’ প্রথমেই জানতে চাইলো রানা।

‘মাইল পাঁচেক দূরে ঘাসের ওপর ল্যাণ্ড করেছি,’ বললো সোহানা। ‘দু’ঘণ্টা লুকিয়ে থেকে অপেক্ষা করার পর যখন দেখলাম কেউ এলো না, বুঝলাম, কারো চোখে পড়েনি ওটা। এখানে আসার আগে গাছের ডাল আর পাতা দিয়ে ঢেকে রেখে এসেছি।’

‘ওড,’ বললো রানা। ‘এখানকার অবস্থা ?’

‘বাংগা তোমার সাথে কথা বলার জন্তে অস্থির হয়ে আছেন, রানা,’ বললো মিরাণ্ডা। ‘বন্ধুর জন্যে তুমি এতো কিছু করছো শুনে...’

হাত নেড়ে মিরাণ্ডাকে থামিয়ে দিলো রানা, বললো ‘চলো।’ একটা কুঁড়েঘরের ভিতর ঢুকলো ওরা।

শশংগিরেকে দেখে অবাকই হলো রানা। লোকটার বয়স একশোর কম হবে না ; তারমানে, মিরাণ্ডা নিশ্চই তার শেষ বয়সের মেয়ে। শাস্ত, ঠাণ্ডা চেহারা বুড়োর; দাড়ি-গোঁফ-চুল সব ধবধবে সাদা। রানার সামনে নত হতে গেল সে, তাড়াতাড়ি তাকে ধরে আলিঙ্গন করলো রানা।

শশংগিরে বললো, ‘টস মাজুলেট ম্যাটাবেলদের রাজা। রাজাকে উদ্ধার করার জন্তে যে-কোনো ত্যাগ স্বীকার করতে রাজি আছি আমরা।’

ঘরের ভেতর ছয় সাতটা মেয়ে ঢুকলো, প্রায় উলঙ্গই বলা চলে। সবচেয়ে ছোটোটার বয়স হবে বারো কি তেরো। রানার কানে কানে ফিসফিস করলো সোহানা, ‘এরা সবাই বুড়োর বউ। আরো দশ-বারোটা আছে।’

খেতে দেয়া হলো ওদেরকে। খাওয়ার ফাঁকে এক এক করে প্রশ্ন

করে কয়েকটা তথ্য জেনে নিলো রানা।

‘টুটি মিশন আর টুটি ক্যাম্পের মাঝখানের রাস্তাটা এই গ্রামের কাছ দিয়ে গেছে, তাই না?’

খোলা দরজা দিয়ে পাহাড়ের দিকে হাত তুললো শশংগিরে।
‘ওই পাহাড়ের পিছন দিয়ে।’

‘মিরাণ্ডার কাছে শুনেছি, ফি হপ্পার নিদিষ্ট একটা দিনে এই পথ দিয়ে ট্রাক যায়, সৈনিক আর বন্দীদের জুড়ে খাবার নিয়ে যায় ক্যাম্পে—সত্যি?’

‘হ্যাঁ। প্রতি সোমবার বিকেলে এখান দিয়ে যায় ওগুলো। বস্তা ভর্তি ভুট্টা, টিনের খাবার, মাংস, ইত্যাদি নিয়ে যায়। পরদিন সকালে খালি অবস্থায় ফিরে যায় আবার।

‘ক’টা ট্রাক?’

‘তুটে, মাঝে মধ্যে তিনটে।’

‘গার্ড থাকে ক’জন?’

‘সামনে, ড্রাইভারের পাশে দু’জন; তিনজন বা তারও বেশি পিছনে। একজন থাকে ছাদে, বড় একটা কামান নিয়ে।’ রানা অন্দাজ করলো বড় কামান বলতে হেভী মেশিন গান বোঝাতে চাইছে শশংগিরে। ‘শোনা সৈনিকরা সাংঘাতিক সতর্ক থাকে, ট্রাক-গুলোও ঝড়ের বেগে ছুটে চলে যায়।’

‘গত সোমবারেও এ পথ দিয়ে গেছে ওরা?’ জিজ্ঞেস করলো রানা।

ওপর নিচৈ মাথা দোলালো বুড়ো জাহ্নকর।

‘মিশন স্টেশন এখান থেকে কতদূর?’

রানার হাত ধরে বাইরে বেরিয়ে এলো শশংগিরে। ওপর দিকে

আঙুল তুলে আকাশের ছোটো জায়গা নির্দেশ করলো সে। রানা
আন্দাজ করলো, ছই বিন্দুর মাঝখানের পথটুকু পেরোতে চার ঘণ্টা
সময় লাগবে সূর্যের। একজন মানুষের হাঁটার গতির সাথে মিলিয়ে
হিসেব করলে ধরে নেয়া চলে, প্রায় পনেরো মাইল দূরত্ব।

এরপর রানা জানতে চাইলো, ‘এখান থেকে বন্দীদের ক্যাম্প
কতোদূরে?’

কাঁধ ঝাঁকালো বুড়ো। ‘সমান দূরত্ব।’

ঘরে ফিরে এলো ওরা। খাওয়াদাওয়া শেষ হতে মেয়েরা দেশী
মদ পরিবেশন করলো।

ম্যাপ খুলে সময়, দূরত্ব ইত্যাদি হিসেব করে মাজিনে নোট
রাখলো রানা। খানিক স্পর মুখ তুললো ও, বললো, ‘ভালোই
হলো, হাতে একটা দিন পাচ্ছি আমরা। বিশ্রাম আর প্রস্তুতি নেয়ার
সময় পাওয়া গেল।’

বাবার পাশে বসেছে মিরাগু, মেয়ের মাথায় হাত বুলিয়ে দিলো
শশংগিরে। ‘বাবা, আমার এই মেয়েটার ওপর একটু খেয়াল রেখো,
ওর মা নেই...’

‘নিশ্চয়ই রাখবো,’ আশ্বাস দিলো রানা। ‘ভালো কথা, সোম
বারে আপনাদের আরো কয়েকজনকে দরকার হবে আমার।’

‘কিন্তু বাবা, এখানে তো আমি ছাড়া পুরুষ মানুষ কেউ নেই
আর। সব মেয়ে...’

‘মেয়েরই দরকার আমার—যুবতী, সুন্দরী মেয়ে।’

হয়

পরদিন সকালে বেগিয়ে পড়লো ওরা, সাথে থাকলো মেজর কুকি আর একজন রানার। নিচু পাহাড় সারির সামনেই রাস্তাটা, অ্যামবুশের আশংকা দূর করার জন্তে ছ'পাশের বোপ-ঝাড় সব কেটে সাফ করে রেখেছে শোনা সৈনিকরা।

ছপুরের খানিক পর চৌরাস্তায় পৌঁছলো ওরা, প্রথমবার জেনারেল উমাস্জোর সাথে টুটি ক্যাম্পে যাবার সময় লাঞ্চ খাবার জন্তে এখানেই থেমেছিল রানা আর সোহানা। সামনেই নদী, দুই পাড়ে মাথা হুয়ে পড়া দশ ফিট লম্বা ঘাসের পাঁচিল। নদীর ওপর বাঁশের একটা সেতু, নিচে ঠাণ্ডা সবুজ স্বচ্ছ পানি।

উপত্যকার ঢাল বেয়ে প্রায় খাড়া হয়ে নেমে এসেছে রাস্তাটা, সেতু খানিকটা সামনে থাকতে ছ'পাশে শুরু হয়েছে মাটির উঁচু পাড়, রাস্তা এখানটায় খুব সরু। এখানে পৌঁছে সাপ্লাই কনভয়কে স্পীড কমাতে হবে, লো গিয়ার দিতে হবে ড্রাইভারকে। অ্যামবুশের জন্তে আদর্শ একটা স্পট, রানা আর সাহানা দু'জনেই একমত হলো। রানারকে ফেরত পাঠালো ওরা, বাকি ফোর্সকে নিয়ে আসবে সে। অপেক্ষার সময়টায় প্ল্যান নিয়ে নিজেদের মধ্যে বিস্তারিত আলোচনা

করলো ওরা ।

মূল আক্রমণটা চালানো হবে সেতুর ওপর । কিন্তু সেটা যদি কোনো কারণে ব্যর্থ হয়, কনভয়েকে বাধা দেয়ার জন্তে একটা ব্যাক-আপ প্ল্যানও থাকবে । গেরিলাদের বাকি সবাই পৌঁছুতেই মেজর কুকির অধীনে তাদের পাঁচজনকে সেতুর ওপারে, খানিকটা সামনে পাঠিয়ে দিলো রানা । রাস্তার ওপর একটা মহোবা-হোবা গাছ ফেললো তারা, রোডব্লকের কাজ করবে । সেতু থেকে জায়গাটা দেখা যায় না ।

গেরিলাদের মধ্যে ছ'একজন শোনা ভাষায় কথা বলতে পারে, তাদেরকে নিরাপদ জায়গায় লুকিয়ে থাকতে বলা হলো । ক্যাম্পে পৌঁছে ওদেরকে দরকার হবে

‘এবার মেয়েদের ডাকো,’ বললো সোহানা । গ্রাম থেকে তিন সৎ বোনকে সাথে করে নিয়ে এসেছে মিরাগু, ষোলো থেকে আঠারোর মধ্যে বয়স তাদের । বুড়ো জাহুকর শশংগিরের যুবতী মেয়ের সংখ্যা পঁচিশের ওপর, এই তিনজনই সবচেয়ে সুন্দরী । মিরাগু তার বোনদের ডেকে কি করতে হবে বুঝিয়ে বলে দিলো । ঝিক ঝিক করে হাসতে লাগলো তারা, চোখ নামিয়ে হাত চাপা দিলো মুখে, কুমারীমূলভ সংকোচ আর লজ্জায় আড়ষ্ট । তবে, বোঝা গেল, ব্যাপারটাকে তারা খুব আগ্রহের সাথে নিচ্ছে । সবাই পুলকিত, উদ্বেজনায টগবগ করে ফুটছে ; যৌবনে পা দেয়ার পর থেকে তাদের জীবনে এ-ধরনের কিছু ঘটেনি ।

‘ব্যাপারটা ওরা বুঝেছে তো ?’ মিরাগুকে জিজ্ঞেস করলো সোহানা । ‘ঠিক যা বলা হচ্ছে তাই করতে হবে, তা না হলে কিন্তু মারা পড়বে ওরা ।’

একটু হেসে মিরাগু বললো, 'চিন্তা করো না, ওদের সাথে আমিও তো থাকছি।'

মনে মনে একটু অবাক হলেও, সেটা প্রকাশ করলো না সোহানা।

আফ্রিকান মেয়েরা আজও বাড়ি-ঘরে বা রাস্তাঘাটে প্রায় বিবস্ত্র থাকতেই ভালোবাসে। 'গ্রাম' এলাকায় তো কথাই নেই, এমন কি শহরের শিক্ষিত মেয়েরাও পুরুষদের সামনে প্রায় নগ্ন থাকতে সংকোচ বোধ করে না।

বোন আর গেরিলাদের মধ্যে কি চলছে, মিরাগু ভালো করেই জানে। তার বাবার গ্রামে পুরুষ মানুষ কম, কাজেই যুবক গেরিলাদের দেখে মেয়েগুলো প্রায় দিশেহারা হয়ে পড়েছে। চোখে চোখে, হাত ইশারায় কথা বলছে ওরা, স্লোগান পেলো ছ'পক্ষই অঘটন ঘটিয়ে বসার জন্তে উন্মুখ হয়ে আছে। তাদেরকে খেদিয়ে কাঁটাঝোপের একটা ঘেরের মধ্যে নিয়ে গেল মিরাগু, ঘেরটা ওদের-কে দিয়েই তৈরি করিয়েছে সে। ঘেরের মুখে পা ছড়িয়ে বসলো, রাতটা এখানে শুয়ে-বসে কাটিয়ে দেবে।

গেরিলারা রাস্তা আর ব্রিজ থেকে অনেকটা দূরে পিছিয়ে গিয়ে নিচু পাহাড়ের আড়ালে আশ্রয় নিলো। আর সোহানাকে নিয়ে রানা ঢুকলো দশ ফিট উঁচু ঘাসের ভেতর।

কাঁটাঝোপের সামনে থেকে সেদিকে একবার তাকালো মিরাগু। ঘাসের আড়ালে ঢাকা পড়ে গেছে ওরা ছ'জন, এতোটা দূর থেকে ঘাসের নড়াচড়াও টের পাওয়া যাবে না। মুচকি হেসে একটা গান ধরলো মিরাগু।

মাথার ওপর সূর্য সেতুর ওপারে এক জোড়া বোল্ডারের মাঝখানে উপড় হয়ে আছে রানা। সামনে লম্বা হয়ে আছে এক ফরটি-সেভেন, সেতু আর সেতুর দূর প্রান্তের দুই উঁচু পাড় কাভার দিচ্ছে। হ্যাণ্ডরেইল থেকে একশো বিশ গজ দূরে রয়েছে ও।

সেতুর নিচে রয়েছে চারজন গেরিলা, সোহানাকে নিয়ে পাঁচজন। রাইফেল রয়েছে শুধু সোহানার হাতে, অস্ত্রহীনদের হাতে তীর-ধনুক। ওরা ওদের রাইফেল সেতুর খামের গায়ে ঝুলিয়ে রেখেছে।

তীর-ধনুকে কাজ হবে কিনা সন্দেহ ছিলো রানার। এগুলোকে এলিফান্ট বো বলা হয়! একটা ধনুককে যতোটা বাঁকানো সম্ভব, শরীরের সমস্ত শক্তি দিয়ে টেনেও ততোটা বাঁকাতে পারেনি রানা। বিশেষ ব্যায়ামের সাহায্যে আঙুল, বুক আর হাতের পেশী আলাদা-ভাবে তৈরি করে নিয়ে তবেই কারো পক্ষে এই তীর-ধনুক ব্যবহার করা সম্ভব।

তীরের মাথা নরম ইম্পাত দিয়ে তৈরি, আগাটা ছুঁচালো করে নেয়া হয়েছে। একজন গেরিলা একটা তীর ছুঁড়ে অবাক করে দিয়েছে রানাকে। ত্রিশ পা দূর থেকে ছুটে গিয়ে বেণবাব গাছের গায়ে বিশ ইঞ্চি ঢুকে গেল তীরটা। কুঠার দিয়ে গাছের গা কেটে তারপর বের করা হলো সেটা। এই তীরটাই একজন মানুষকে ভেদ করে বেরিয়ে যেতে পারতো, বুক দিয়ে ঢুকে শোল্ডার ব্লেড ফুটো করে বেরিয়ে যাবার সময়ও এর গতি খুব একটা কমতো না।

সেতুর তলায় আরো দশ-বারোজন গেরিলা রয়েছে, শুধু তাদের মাথা জেগে আছে পানির ওপর। নদীর পাড় প্রায় খাড়া বলে ওপর থেকে কেউ ওদেরকে দেখতে পাবে না, তাছাড়া লম্বা ঘাসের পাঁচিলও আড়াল করে রেখেছে।

ইঞ্জিনের আওয়াজ বদলে যাওয়ায় বোঝা গেল, পাহাড় থেকে উপত্যকায় নামতে শুরু করেছে আমি কনভয়। ঢালু মেটো পথ ধরে ছুটে আসছে ট্রাকগুলো। বাঁক ঘুরলেই সেতুর ওপার থেকে ওগুলোকে দেখতে পাবে রানা। ‘এই’ ঢালু পথের ওপর দিয়ে কয়েকবার যাওয়া-আসা করেছে রানা, এমন কিছু চোখে পড়েনি যা দেখে সন্দেহ হতে পারে এখানে কোনো অ্যামবুশ পাতা হয়েছে।

সেতুর তলা থেকে নির্দেশ দিলো সোহানা, ‘মিরাণ্ডা, গো অ্যাহেড!’

নদীর ওপারের উঁচু ঘাস ফুঁড়ে বেরিয়ে এলো মিরাণ্ডা, ব্যস্ত হাতে খুলে ফেললো স্কার্ট আর রাউজ। সেতুর তলা থেকে পাঁচজনের মধ্যে একা শুধু সোহানাই ঘাড় ফিরিয়ে তাকিয়ে রয়েছে মিরাণ্ডার দিকে, গেরিলারা সবাই কনভয়ের শব্দের দিকে মুখ তুলে তাকিয়ে আছে। এক ঝটকায় ব্রেসিয়ারটাও খুলে ফেললো মিরাণ্ডা, তারপর পিছন ফিরে তাকালো।

মিরাণ্ডার পিছনে ওর বোনেরা এক লাইনে দাঁড়িয়ে মুখে হাত চাপা দিয়ে হাসছে। ওদের কারো পরনে কোনো কাপড় নেই, শুধু কোমরে লটকে আছে একগাদা করে রঙিন পুঁতির মালা।

মিরাণ্ডার দেখাদেখি একসাথে নদীর সবুজ পানিতে লাফিয়ে পড়লো মেয়েগুলো।

‘হাসো!’ ধমক লাগালো মিরাণ্ডা। ‘খেলো। ছুটোছুটি করো।’

পরস্পরকে লক্ষ্য করে পানি ছুঁড়তে লাগলো ওরা। ধাওয়া, পাল্টা ধাওয়া শুরু করে নদীর মাঝখানে চলে এলো। ওদের মিষ্টি গলার খিল খিল হাসি যে-কোনো পুরুষকে আকৃষ্ট করবে। অথচ, সোহানা লক্ষ্য করলো, গেরিলারা কেউ একবার ফিরেও তাকালো

না। কাজের সময় এরা সবাই প্রফেশনাল, শত্রুর ওপর ঝাঁপিয়ে পড়ার জন্যে অধীর হয়ে অপেক্ষা করছে।

বাঁক নিয়ে ঢালের মাথায় উঠে এলো প্রথম ট্রাক। বালি রঙের পাঁচটনী একটা টয়োটা। ক্যাবের ওপর বসানো রয়েছে হেভি মেশিন-গান, পিছনে একজন ট্রুপার। পিছনে দেখা গেল দ্বিতীয় ট্রাক, শোনা সৈনিক গিজ গিজ করছে।

‘আর নয়, বাবা, ছোটোই যথেষ্ট,’ রুদ্ধশ্বাসে বিড়বিড় করলো রানা, একে ফরটিসেভেনের বাট রাখলো কাঁধে। শুকনো ঘাস দিয়ে রাইফেলের ব্যারেল ঢেকে রাখা হয়েছে, নদীর কিনারা থেকে কালো কাদা তুলে মুখ আর হাতে লেপে নিয়েছে রানা।

ট্রাক ওই ছোটোই। ঢাল বেয়ে সরু পথের ওপর নেমে এলো ওগুলো, ছ’পাশে এখন উঁচু পাড়। ইতিমধ্যে নদীর মাঝখান থেকে এ-পারের দিকে আরো খানিকটা সরে এসেছে মেয়েরা, সেতুর নিচে হাঁটু পানিতে দাঁড়িয়ে, সৈনিকদের উদ্দেশে হাত নাড়ছে। সামনের ট্রাকটার গতি মন্থর হলো, ভেজা কোমর বাঁকালো মেয়েরা। স্তন দোলালো, হাসিতে ঝরলো আমন্ত্রণ।

সামনের ট্রাকের ক্যাবে ড্রাইভারের পাশে আরো একজন লোক রয়েছে, ধুলোয় ঝাপসা উইণ্ডস্ক্রীনের ভেতর তার লালচে ক্যাপ-বাজ দেখতে পেলো রানা, বত্রিশ পাঁচ দাঁত বের করে হাসছে। ড্রাইভারকে কি যেন বললো সে, অমনি ব্রেকের আঙুল কব্জে সেতুর গোড়ায় দাঁড়িয়ে পড়লো ট্রাক। পিছনেরটাও বাধ্য হলো দাঁড়িয়ে পড়তে।

দরজা খুলে রানিং বোর্ডে দাঁড়ালো যুবক অফিসার। ট্রাকের পিছনের ট্রুপাররা সামনের দিকে ঝুঁকি পরস্পরের গা টেপাটেপি

করলো, রসালো মস্তব্য ছুঁড়ে উৎসাহ দিলো মেয়েদের। মেয়েরা, মিরাগার দেখাদেখি, পানির নিচে কোমর পর্যন্ত নেমে গিয়ে পান্টা মস্তব্য করতে শুরু করলো। দ্বিতীয় ট্রাকের কিছু ট্রুপার, আফ্রাদে আটখানা হয়ে লাফ দিয়ে নেমে নদীর পাড়ে এসে দাঁড়ালো। তাদেরকে ঠেলে সামনের সারিতে পৌঁছুলো প্রথম ট্রাকের অফিসার, দেখাদেখি প্রথম ট্রাকের ট্রুপাররাও ভিড় করলো ব্রিজের কিনারায়।

ওদের মধ্যে সবচেয়ে বয়স্ক মেয়েটা হাত দিয়ে অশ্লীল একটা ভঙ্গি করলো। উঁচু পাড়ে দাঁড়িয়ে পুরুষালি হাসিতে ফেটে পড়লো ট্রুপাররা। যুবক অফিসার আরো অশ্লীল একটা ভঙ্গি করে পান্টা জবাব দিলো। এবার ট্রাক দুটোর বাকি ট্রুপাররাও নেমে এলো নিচে শুধু হেভি মেশিনগানের গানার দু'জন নিজেদের পজিশন ছেড়ে নড়লো না।

চকিতে একবার ব্রিজের তলাটা দেখে নিলো রানা সোহানার নির্দেশে তীরন্দাজরা ক্রল করে এগোচ্ছে, কাঠের থামের আড়ালে গা ঢাকা দিয়ে।

পাড়ের ঠিক নিচে চলে এসেছে মেয়েরা। তাদের মধ্যে সবচেয়ে বেশি উৎসাহী মেয়েটা হাতছানি দিয়ে ডাকলো ট্রুপারদের, চিৎকার করে বললো, লাফ দাও, বুকে তুলে নেবো। তারপর পিছন দিকে শিরদাঁড়া বাঁকা করলো সে, স্থল জোড়া যেন তাক করছে ট্রুপারদের দিকে। উল্লাসে ফেটে পড়লো ট্রুপাররা। সবাই শুধু এই একটা মেয়ের দিকে তাকিয়ে আছে।

ঢালু পাড় বেয়ে, ট্রুপারদের পিছনে রাস্তায় উঠে এলো সোহানা আর তার তীরন্দাজ বাহিনী। এখনো তারা ক্রল করে এগোচ্ছে।

জোড়া বোল্ডারের মাঝখান থেকে গানারদের দিকে তাকিয়ে অন্ধকারে চিতা ২

আছে রানা । পজিশন ছেড়ে নড়ছে না ওরা ।

ছই ট্রাকের মাঝখানে পৌঁছলো তীরন্দাজরা । একপাশে সরে গেল সোহানা । একযোগে উঠে দাঁড়ালো তীরন্দাজরা, এক সাথে ধনুক টানলো ।

বাঁকা হাতে শুরু করলো ধনুক, তীরন্দাজদের ডান হাত ধীরে ধীরে ফিরে এলো ঠোঁটের কাছে । তারপরই ছুটে গেল তীরগুলো ।

কোনো শব্দ হলো না, ভোজবাজির মতো শুধু বাঁকা হয়ে গেল ব্রিজের কিনারায় দাঁড়ানো চারজন ট্রুপারের শিরদাঁড়া । শরীর ফুঁড়ে বেরিয়ে গেছে তীরগুলো ।

একজন গানার পজিশন ছেড়ে ট্রাকের কিনারায় দাঁড়ালো, উকি দিয়ে তাকালো ব্রিজের দিকে । জোড়া বোল্ডারের মাঝখান থেকে সিঁধে হলো রানা । ওর হাতে গর্জে উঠলো এ-কে ফরটিসেভেন । প্রথম ট্রাকের গানার একটা ঝাঁকি খেয়ে পড়ে গেল ।

দ্বিতীয় গানার ঝট্ করে পিছন দিকে তাকাতেই দেখে ফেললো সোহানাকে, একই সময়ে গর্জে উঠলো সোহানার হাতের রাইফেল । গানারের গল। ফুঁড়ে বেরিয়ে গেল বুলেট

চারজন সঙ্গী ধরাশায়ী হতেই বাকি ট্রুপাররা বিছাৎবেগে ঘুরে দাঁড়ালো । সামনাসামনি হলো তীরন্দাজদের । সেই মুহূর্তে লম্বা ঘাস বিক্ষোভিত হলো তাদের পিছনে, হাতে অনলধর্মী রাইফেল নিয়ে বেরিয়ে এলো দশ-বারোজন গদ্রিলা সামনে তীর, পিছনে রাইফেল, টপাটপ পড়তে লাগলো ট্রুপাররা । ইতিমধ্যে ব্রিজের ওপর উঠে দৌড়াতে শুরু করেছে রানা । ব্রিজের মাঝামাঝি এসে তীক্ষ্ণ আর্তনাদ শুনে থমকে দাঁড়ালো । লম্বা ফলার ছোরা চালাচ্ছে গেরিলারা । যুবক অফিসারকে দেখলো ও, ট্রুপারদের লাশ উপক

ছুটছে। একটা ছোরা নিয়ে ঝাঁপিয়ে পড়লো একজন গেরিলা, পিঠ দিয়ে ঢুকে পেট দিয়ে বেরিয়ে এলো ছোরার রূপালি ফলা, লাল রক্ত মাথা।

একটা গুলির আওয়াজ হলো, সেই সাথে শেষ ট্রুপারটাও পড়ে গেল মুখ খুঁড়ে। গেরিলারা আহত ট্রুপারদের জান কবজ করতে ব্যস্ত।

‘মিরাণ্ডা!’ লাশগুলো টপকে ব্রিজের কিনারায় এসে নদীর দিকে বুকুলো সোহানা। ‘মেয়েদের নিয়ে জঙ্গলে চলে যাও!’

সব্রত, বিহ্বল মেয়েগুলোকে নিয়ে ঘাসের ভেতর ঢুকলো মিরাণ্ডা। একটা মেয়ে ফুঁপিয়ে উঠলো।

কোমরের কাছে রাইফেল নিয়ে সোহানার পাশে এসে দাঁড়ালো রানা। ‘কেউ আহত হয়েছে?’ শেষ গুলির আওয়াজটায় উদ্ভিগ্ন বোধ করছে। জানা গেল, ওদের দলের কারো গায়ে আঁচড়টি পর্যন্ত লাগেনি। গেরিলাদের দু’মিনিট সময় দিলো রানা, তারপর একটা পেট্রল পাঠালো ঢালের মাথায়, শোনা ট্রুপারদের আর কোনো ট্রাক এলে জানা যাবে।

লাশগুলোর দিকে ফিরলো ও। ‘তাড়াতাড়ি গর্তে ফেলে মাটি ঢাখা দাও!’ বড়সড় একটা কবর আগের দিনই খুঁড়ে রাখা হয়েছে।

ছোটো ট্রাকের গায়েই রক্ত লেগেছে। গানার দু’জন গুলি খেয়ে বুলে পড়েছিল নিচের দিকে। দু’জন গেরিলা নদী থেকে পানি ভুলে এনে ধুয়ে ফেললো দাগগুলো। ট্রুপারদের কবর দেয়ার কাজ শেষ হবার আগেই ফিরে এলো মিরাণ্ডা। কাপড় চোপড় পরে নিয়েছে সে। তার কাছ থেকে জানা গেল, মেয়েরা রওনা হয়ে গেছে গ্রামের পথে।

ট্রুপারদের কবর দেয়ার আগে ইউনিফর্ম খুলে রাখা হয়েছে, সেগুলো এখন খোয়ার কাজ চলছে। এক ঘণ্টার মধ্যে শুকিয়ে যাবে সব।

প্রথম ট্রাকের ক্যাবে উঠলো রানা। ইগনিশনে চাবিরিয়েছে। লাশ-গুলো মাটি চাপা দিয়ে ঘাসের ভেতর থেকে বেরিয়ে এলো। উলঙ্গ গেরিলারা, নদীতে নেমে একটা করে ডুব দিয়ে উঠে এলো রাস্তায়। তাদের ডেকে কিছু নির্দেশ দিলো রানা। একজন গেরিলাকে দ্বিতীয় ট্রাকের দায়িত্ব দেয়া হলো, ক্যাবে চড়ে স্টার্ট দিলো সে। ইতিমধ্যে গেরিলারা ছ'দলে ভাগ হয়ে উঠে পড়েছে ট্রাক ছটোয়।

ত্রিভুজ পেরিয়ে এলো কনভয়, ঢাল বেয়ে উঠতে শুরু করলো ওপর দিকে। গোটা অপারেশনে সময় লেগেছে মাত্র ত্রিশ মিনিট। ঢালের মাথা টপকে এসে রোডব্লকের সামনে থামলো কনভয়। একটা ঝোপের ভেতর থেকে বেরিয়ে এসে সামনে দাঁড়ালো মেজর কুকি, পথ দেখিয়ে ট্রাকগুলোকে রাস্তা থেকে একপাশে সরে যেতে সাহায্য করলো।

ঘন ঝোপের আড়ালে থামলো ট্রাক দুটে। গেরিলাদের একটা দল তাড়াহুড়ো করে গাছের ডাল কেটে এনে ঢাকে দিলো ওগুলো। আরেক দল কার্গো নামাতে শুরু করলো। তৃতীয় দলটা সরালো রোডব্লক।

বারো বস্তা ভুট্টা, ক্যানে ভরা মাংসের কেস পঁচিশটা, ত্রিশটা কন্সল, ছয় বাস্ক ওয়ুধ-পত্র, একশো আশি কাটন সিগারেট, প্রচুর অ্যামুনিশন, প্রচুর সিগারেট ছাড়াও সাবান, চিনি, লবণ ইত্যাদি বহু জিনিস পাওয়া গেল, সবই গেরিলাদের কাজে লাগবে। একটা জিনিস দেখে অস্বাভাবিক হলো সবাই। ক্যাম্পের ভেতর কোন্ কাজে

লাগবে ওটা কেউ বুঝতে পারলো না। একটা মটরসাইকেল, ইয়া-মাহা। একেবারে নতুন না হলেও, ঝকঝক করছে।

লুটের মাল-পত্তর ম'থায় নিয়ে রওনা হয়ে গেল গেরিলাদের একটা দল। আপাততঃ সব তারা গোপন জায়গায় লুকিয়ে রাখবে, পরে একসময় সুযোগ মতো উদ্ধার করে কাজে লাগাবে। ইয়ামাহাটা রেখে দিলো রানা।

বাকি গেরিলারা থার্ড ব্রিগেডের ইউনিফর্ম পরে নিলো। হাতঘড়ি দেখলো রানা। পাঁচটা বত্রিশ।

মনে আছে, টুটি ক্যাম্পের রেডিও অপারেটর রোজ সন্ধ্যে সাত-টায় জেনারেটর চালু করে কুটিন রিপোর্ট পাঠায়। ট্রাকের রেডিওটা চেক করলো ও। ফিফটিন-এ. এম. পি. আউটপুট, তারমানে টুটি ক্যাম্প পর্যন্ত রেঞ্জ, হারারে হেডকোয়ার্টার পর্যন্ত নয়।

সোহানাকে নিজের পাশে বসিয়ে মিরাগু আর মেজর কুকিকে ডাকলো রানা। প্রত্যেকে ওরা যে যার নোট বুক বের করে আলোচনা শুরু করলো।

‘মটরসাইকেলটা খুব কাজে আসবে,’ বললো রানা। ‘কিন্তু তার আগে জানতে হবে,’ মিরাগুর দিকে ফিরলো রানা, ‘ক্যাম্প থেকে তোমার বাবার গ্রামে আসার পথটা নিরাপদ কিনা।’

‘দিনের বেলা হলে তেমন ভয় নেই,’ বললো মিরাগু। ‘পথের ওপর হাতি বা গভার থাকতে পারে, কিন্তু চোখ খোলা রাখলে আগে থেকে টের পাওয়া যাবে। পথের ওপর বেশিক্ষণ থাকে না ওরা।’

‘পথটা কেমন?’ জিজ্ঞেস করলো সোহানা। ‘মটরসাইকেল নিয়ে আসা যাবে?’

গভীর হয়ে গেল মিরাণ্ডা : মেজর কুকির দিকে তাকালো সে ।
'আমি একটা ম্যাপ এঁকে দেখিয়ে দেবো,' বললো মেজর কুকি ।
'পাহাড় এড়িয়েও জাহ্নকরের গ্রামে আসা যায় ।'

'ওড,' বললো রানা : 'ক্যাম্প দখল করার জন্তে সোহানাকে আমাদের দরকার, তা না হলে এখনি থেকেই সেসনার কাছে ফেরত পাঠাতাম ওকে । ক্যাম্প দখল করার পরপরই রওনা হয়ে যাবে ও ।'

'মটরসাইকেল নিয়ে ?' জিজ্ঞেস করলো মিরাণ্ডা ।

'হ্যাঁ,' বললো রানা । 'বন্দীরা সংখ্যায় অনেক, ট্রাকে বসে তাদের কে নিরাপদ জায়গায় সরাতে হবে । ওখানে একটা ল্যাণ্ড রোলার থাকার কথা, সেটা নিয়ে আমরা রওনা হয়ে যাবো টুটি এয়ারস্ট্রিপের দিকে । সেসনা নিয়ে ওখানে আসবে সোহানা । তাহলে অন্তত দশ-বারো মাইল ছোটো হয়ে আসবে রাস্তাটা ।' সোহানার দিকে ফিরলো ও । 'কিন্তু আমাদের সিগন্যাল না পেলে এয়ারস্ট্রিপে তুমি ল্যাণ্ড করবে না । ওখানে তুমি পৌঁছবে কাল সকাল পাঁচটার পর । আমরা তার আগেই দখল করে নেবো এয়ারস্ট্রিপ । ফুয়েল যা আছে, তাতে তুমি আটটা পর্যন্ত এয়ারস্ট্রিপের মাথায় চকর দিতে পারবে, তাই না ?'

মাথা ঝাঁকালো সোহানা ।

তারমানে, ক্যাম্পে ওদেরকে আজ রাত বারোটার দিকে পৌঁছতে হবে । ক্যাম্প দখল করার জন্তে রাখা হয়েছে আড়াই ঘণ্টা সময় । এই সময়ের মধ্যেই স্টোরেজ ট্যাংক থেকে ট্রাকে পেট্রল ভরতে হবে, মুক্ত করতে হবে মাজুলেট আর বন্দীদের, তারপর রওনা হতে হবে এয়ারস্ট্রিপের উদ্দেশে ।

‘এবার নোট দেখে বলো কার কি দায়িত্ব। প্রথমে, মেজর কুকি...’
 ‘বোন্ট-কাটারদের নিয়ে সরাসরি আমরা নাম্বার ওয়ান হাটমেন্টে
 যাবো...’ হু’জন গেরিলাকে নিয়ে মিরাগু আর মেজর কুকি যাবে
 প্রথম সারির কু’ডেঘর থেকে জেনারেল মাজুলেটকে উদ্ধার করতে।
 প্রথম সারির কু’ডেঘরগুলো কাটাটারের বেড়ার ভেতর, অন্যান্য-
 গুলোর কাছ থেকে একটু দূরে, ওগুলোকে সিকিউরিটি সেল হিসেবে
 ব্যবহার করা হয়। ক্যাম্প বন্দী থাকার সময় মাজুলেটকে ওদিক
 থেকেই বের করে আনতে দেখেছিল মিরাগু। ‘জেনারেল মাজু-
 লেটকে নিয়ে মেইন গেটে চলে আসবো আমরা। যদি দেখি তিনি
 হাঁটতে পারেন, হু’জনকে ওখানে রেখে আমরা বাকি সেলগুলো
 খুলে দিতে যাবো।’

‘গুড। এবার দ্বিতীয় গ্রুপ...’

সোহানা শুরু করলো, ‘পাঁচজনকে নিয়ে পেরিমিটার গার্ড টাওয়ার-
 রের দিকে...’

সোহানা থামতে রানা বললো, ‘ভেরি গুড। কিন্তু আবার সবাইকে
 মনে করিয়ে দিচ্ছি, ওরা ট্রান্সমিট শুরু করার আগেই রেডিওটা দখল
 করতে হবে। প্রথম গুলি হবার পর মাত্র পাঁচ মিনিট সময় পাবো
 আমরা। কি ঘটছে বুঝতে হু’মিনিট সময় নেবে অপারেটর, হু’মিনিট
 লাগবে জেনারেটর চালু করে ফুল পাওয়ার পেতে, বাকি এক মিনিট
 লাগবে হারারে-র সাথে যোগাযোগ করে হেডকোয়ার্টারকে সাবধান
 করতে। তা যদি করতে পারে, আমরা কেউ বাঁচবো না।’ হাতঘড়ি
 দেখলো ও। ‘সাতটা পাঁচ। এবার ক্যাম্পের সাথে যোগাযোগ
 করা যেতে পারে। শোনা ভাষা জানে সেই ছেলেটা কোথায়?’

ট্রাকের ক্যাব থেকে নেমে পড়লো রানা, ইতিমধ্যে শোনা-জানা

লোকটাকে নিয়ে আসা হয়েছে। তাকে সব কথা বুঝিয়ে দিলো ও। রানাকে সে বললো, ‘আমি ওদের বলবো, ক্যাম্পে পৌঁছুতে দেয়া হবে কনভয়ের। একটা ট্রাকে যান্ত্রিক গোলযোগ দেখা দিয়েছে, তবে চিন্তার কিছু নেই, মেরামতের কাজ চলছে। আশা করা যায় মাঝরাতের দিকে পৌঁছুবো আমরা।’

‘হ্যাঁ।’

‘ওরা যদি জেরা শুরু করে, বলবো, তোমাদের কথা বোঝা যাচ্ছে না। অ্যারাইভিং লেট, বলে যোগাযোগ কেটে দেবো।’

টান টান হয়ে দাঁড়িয়ে থাকলো রানা, টুটি ক্যাম্পের সাথে কথা শেষ করে মাইক্রোফোন রেখে দিলো গেরিলা। ‘অপারেটর কিছু সন্দেহ করেছে বলে মনে হলো না। বলে দিয়েছি, মাঝরাতের দিকে পৌঁছুবো।’

সন্দেহ হয়তো ঠিকই করেছে, কিন্তু প্রকাশ করেনি। ক্যাম্পে পৌঁছে হয়তো দেখা যাবে চারদিক থেকে ঘিরে রেখেছে ওদেরকে। আপনমনে কাঁধ ঝাঁকিয়ে রানা বললো, ‘ঠিক আছে, খাওয়াদাওয়া সেয়ে নেয়া যাক। তারপর বিশ্রাম।’

‘সেয়েছে, এতো আলো।’ আপন মনেই বিড়বিড় করলো রানা। প্রথম ট্রাকের পিছনে, ক্যানভাসের নিচে বসে আছে ও, শুরু একটা কাঁক দিয়ে তাকিয়ে আছে বাইরে। আর চার দিন পর পূর্ণ আকৃতি পাবে চাঁদ। এখনই এতো উজ্জ্বল যে গাঢ় দেখাচ্ছে ছায়াগুলোর কিনারা। মেটো পথের ওপর হেলেহুলে এগোচ্ছে ট্রাক, প্রতি মুহূর্তে ঝাঁকি খাচ্ছে। ক্যানভাসের কাঁক-ফোকর দিয়ে ভেতরে ঢুকছে ধুলো।

মুখ আর হাতে কালো রঙ মাখলেও, ট্রাকের ক্যাবে বসতে সাহস পায়নি রানা বা সোহানা। তীক্ষ্ণ চোখে কেউ তাকালে, আবছা আলোতেও বোঝা যাবে ওরা আফ্রিকান নয়। ড্রাইভারের পাশে বসেছে মেজর কুকি, যুবক অফিসারের ইউনিফর্ম পরে রয়েছে সে, বেরেট আর ব্যাজ সহ। তার পাশে বসেছে শোনাভাষী ম্যাটাবেল গেরিলা। হেভি মেশিনগান দুটো লোড আর কক করা হয়েছে, গানারের দায়িত্ব দেয়া হয়েছে দু'জন গেরিলাকে। ট্রাকের ওপর, ক্যানভাসের বাইরে দাঁড়িয়ে রয়েছে আরো আটজন গেরিলা, প্রত্যেকের পরনে থার্ড ব্রিগেডের ইউনিফর্ম। বাকি সবাই রানার সাথে ক্যানভাসের তলার লুকিয়ে আছে।

‘এখন পর্যন্ত সব ঠিকঠাক মতো চলছে,’ ফিসফিস করে বললো সোহানা।

‘হ্যাঁ,’ বললো রানা। ‘গুরুটা ভালোই হয়েছে। এখন শেষটা ভালো হলেই হয়।’

ক্যাবের গায়ে তিনটে টোকা পড়লো। মেজর কুকির সংকেত, দৃষ্টিসীমার মধ্যে চলে এসেছে ক্যাম্প। শরীর বাঁকা করে ক্যানভাসের ফুটোয় চোখ রাখলো রানা।

ক্যাম্পের ওয়াচটাওয়ারগুলো দেখা গেল, জ্যোহনা ভরা আকাশের গায়ে অয়েল-রিগের মতো মাথাগাড়া দিয়ে রয়েছে। টাঁদের আলো লেগে চকচক করে উঠলো কাঁটাতারের বেড়া। তারপর হঠাৎ ওদেরকে চমকে দিয়ে উজ্জ্বল আলোয় আলোকিত হয়ে উঠলো আকাশ। ক্যাম্প পেরিমিটারের চারদিকে কয়েকটা পোলের মাথায় ঝলে উঠলো ফ্লাডলাইটের সাদা আলো। গোটা ক্যাম্প এলাকা রোদ-জ্বলা ছপূরের মতো ঝলমলে হয়ে উঠেছে।

‘জেনারেল’ আর পাণ্ডিয়ে উঠলো রানা। ‘সর্বনাশ।’

রানার ভুলটা ধরা পড়লো। অঙ্ককারে সব কিছু সারা যাবে, শুধু ট্রাকের হেডলাইট জ্বলে উঠে চোখ ধাঁধিয়ে দেবে ক্যাম্প গার্ডদের, এটা ধরে নিয়ে প্ল্যান করা হয়েছে। কনভয়কে অভ্যর্থনা জানাবার জন্যে ফ্লাডলাইট অবশ্যই জ্বালা হবে, এই সহজ সত্যটা মনে পড়েনি কারো।

এখন আর পিছিয়ে যাবার উপায় নেই, তিল ছুঁড়ে দেয়া হয়েছে। বাঘের মুখে পড়তে হবে জেনেও আলোর এই বন্টার ভেতর ঢুকতে হবে ওদের। ক্যানভাসের নিচে অসহায় বোধ করলো রানা, ওর সামনে ক্যাবে বসা মেজর কুকির সাথেও এখন আর যোগাযোগ রাখা সম্ভব নয়। ফুটোয় চোখ রেখে নিজেকে তিরস্কার করলো ও।

গার্ডেরা গেট খুলছে না। গার্ড-হাউসের একদিকে বালির বস্তা দিয়ে একটা ঘের তৈরি করা হয়েছে, ঘেরের ভেতর একটা হেভি মেশিনগান। ব্যারেলটা ধীরে ধীরে প্রথম ট্রাকের দিকে ঘুরছে। ঘের থেকে বেরিয়ে এলো শোনা সৈনিকরা, চারজন ট্রুপার, একজন নন-কমিশনড অফিসার। গার্ডরুমের সামনে পজিশন নিয়ে পাশাপাশি দাঁড়ালো তারা।

গেটের দিকে এগোচ্ছে প্রথম ট্রাক, সামনে দাঁড়িয়ে ট্রাফিক পুলিশের মতো একটা হাত তুলে থামতে নির্দেশ দিলো সার্জেন্ট। ট্রাক থামলো। পাশের জানালার দেখা গেল সার্জেন্টকে। শোনা ভাষায় কি যেন জিজ্ঞেস করলো সে।

ক্যানভাসের ভেতর রুদ্ধশ্বাসে অপেক্ষা করছে ওরা।

ট্রাকের ক্যাব থেকে শোনাভাষী গেরিলা চটপট জবাব দিলো। সাথে সাথে বদলে গেল সার্জেন্টের চেহারা। জবাবে নিশ্চয়ই কিছু

ভুঁই হয়েছে।

সশস্ত্র গার্ডরা ঝাঁকি খেলো। কাঁধে ঝুলে থাকা রাইফেলে হাত উঠে গেল। দ্রুত ছড়িয়ে পড়ছে।

ইউনিফর্ম পরা একজন গেরিলার পায়ে দ্বিতীয়বার ঢোকা দিলো রানা। গেরিলার ডান হাতে একটা গ্রেনেড ছিলো, পিনটা আগেই খুলে রেখেছে সে। ধুলুকের মতো বাঁকা হয়ে অলস ভঙ্গিতে ছুটে গেল গ্রেনেড, পড়লো ঘেরের ঠিক মাঝখানে। একই সময়ে এক বাটকায় ক্যানভাস সরিয়ে মাথাচাড়া দিলো রানা, ওর হাতে গর্জে উঠলো একে ফরটিসেভেন। ‘কিল দেম! কিল দেম! কিল দেম!’

গার্ডদের মাথার ওপর যেন আকাশ ভেঙে পড়লো। একজনও রাইফেল নামাতে পারেনি, বুলেটের ধাক্কায় ছিন্নভিন্ন শরীর নিয়ে ছিটকে পড়লো গার্ডরুমের সামনে। ছুটে পালাতে চেষ্টা করলো সার্জেন্ট, কিন্তু ট্রাক থেকে ঝুঁকে তার পিঠে পরপর ছুটো গুলি করলো মেজর কুকি।

সার্জেন্ট ধরাশায়ী হতেই ঘেরের ভেতর বিক্ষোভিত হলো গ্রেনেড, মেশিনগানের ব্যারেল লক্ষ্যহীনভাবে উঠে গেল আকাশের দিকে। অ্যাপনেলের আঘাতে ঝাঁঝরা হয়ে গেল গানার।

‘ডাইভ!’ ঝুঁকে ক্যাবের জানালায় মুখ নামালো রানা। ‘গেট ভেঙে ফেলো!’

টয়োটার ইঞ্জিন গর্জে উঠলো, ঝাঁকি খেয়ে সামনের দিকে ছুটলো ট্রাক। সংঘর্ষের ধাক্কায় ট্রাকের মেঝেতে ছিটকে পড়লো ওরা, হুড়মুড় করে ভেঙে পড়লো গেট। মুহূর্তের জগ্নে একটু ইতস্তত করলো ট্রাক, তারপরই হংকার ছেড়ে লাফ দিয়ে পড়লো আলোয় আলোময় উঠনে, পিছনে বাধিয়ে টেনে নিয়ে এলো খানিকটা কাঁটাতারের

বেড়া, আর ভাঙাচোরা কয়েকটা তক্তা।

ক্যাবের মাথায়, গানারের পাশে উঠে এলো রানা। 'বাঁ দিকে...' ব্যারাকের দিকে আঙুল তাক করলো ও। ব্যারেল ঘুরিয়ে নিলো গানার। ব্যারাক থেকে অর্ধনগ্ন একদল শোনা সৈনিক মাত্র বেরিয়ে এসেছে, দীর্ঘ একটানা বিস্ফোরণে ঝাঁঝরা হয়ে গেল সব ক'জন।

'ডান দিকে...গার্ড টাওয়ার।'।

টাওয়ারের মাথা থেকে দু'জন শোনা এলোপাখাড়ি গুলি করছে, ওদের মাথার ওপর হিস হিস শব্দ করছে বুলেটগুলো। বন বন করে হাতল ঘুরিয়ে মেশিনগানের ব্যারেল ওপর দিকে উঁচু করলো গানার। মুছ ঝাঁকি খেতে খেতে ব্রিচেরভেতর অ্যামুনিশন বেন্ট ঢুকলো। টাওয়ারের দেয়াল আর জানালা থেকে বাঁশ, কাঠ, আর কাঁচের টুকরো সবগে ছড়িয়ে পড়লো চারদিকে। বুলেটের ধাক্কায় পিছন দিকে ছিটকে পড়লো গার্ড দু'জন।

'সামনে এক নম্বর সিকিউরিটি সেল।' রানার পিছন থেকে মিরাগুাকে সাবধান করে দিলো সোহানা। হঠাৎ একজন গেরিলা আধ পাক ঘুরে আলিঙ্গন করলো তাকে, তারপর পড়ে গেল ওর পায়ের ওপর। সোহানার বুক থেকে হাঁটু পর্যন্ত রাঙা হয়ে গেল তাজা রক্তে। একটা টাওয়ার থেকে ছুটে এসে লোকটার বুক দু'কাঁক করে দিয়েছে এক পশলা বুলেট। টয়োটার গতি একটু মন্থর হলো। পেছন থেকে মিরাগুা আর দু'জন গেরিলা, ক্যাব থেকে মেজর কুকি—চারজন এক সাথে লাফ দিয়ে নেমে পড়লো প্যারেড গ্রাউণ্ডে। মিরাগুার হাতে বোন্ট-কাটার, গেরিলাদের হাতে রাইফেল, মেজর কুকির হাতে টোকারেভ পিস্তল। মিরাগুাকে পিছনে নিয়ে গেরিলা দু'জন আগে আগে ছুটলো, একনাগাড়ে গুলি করলো ওরা, সবার পিছনে থেকে

ওদেরকে কাভার দিলো মেজর কুকি ।

ক্যাবের মাথা থেকে পিছলে রানিংবোর্ডে নেমে এলো রানা, লটকে থাকলো। ক্যাবের গায়ে । পাহাড়ী ঢালের ওপর কালচে বোল্ডার ফেলা জায়গাটার মাথার দিকে তাকালো ও, বললো, 'হুর্গের দিকে চলো । রেডিওটা... ।'

মাথার ওপর দিয়ে শিস কেটে উড়ে গেল এক ঝাঁক বুলেট । ভাবাচ্চাকা থেয়ে থেমে গেল রানা । বুঝতে পারেনি কোন্ দিক থেকে এলো বুলেটগুলো ।

ঢালের ওপর বোল্ডার ফেলে জায়গাটাকে হুর্গম করে তোলা হয়েছে । মাথায় তৈরি করা হয়েছে বালির বস্তা-ঘেরা ক্ষুদে একটা হুর্গ, দুই দেয়ালের মাঝখানে মেশিনগান বসাবার মুখ খোলা টানেল, ফায়ারিং প্ল্যাটফর্ম, কমিউনিকেশন ট্রেন্স, আর ডাগ-আউট । রেডিওটা আছে একটা ডাগ-আউটের ভেতর ।

হুর্গটা সরাসরি ওদের সামনে, কিন্তু হুর্গের গোড়ায় পৌঁছতে হলে আলোকিত প্যারেড ট্রাউণ্ড সবটুকু পেরোতে হবে । ঘাড় ফিরিয়ে পিছন দিকে তাকালো রানা । মেজর কুকি তার দল নিয়ে এক নম্বর সিকিউরিটি সেলের বাইরে পৌঁছে গেছে । বোস্ট-কাটাররা বেড়া কাটছে । চোখ ফিরিয়ে নেয়ার আগেই রানা দেখলো, খানিকটা বেড়া কেটে ভেতরে ঢুকছে ওরা ।

ট্রাকের পিছন থেকে ক্যাবের অপর দিকে চলে এলো সোহানা । এক হাতে জানালা ধরলো সে, অপর হাতে রাইফেল চালালো । বাঁ দিকের টাওয়ারের মাথা থেকে আর্তনাদ করে উঠেই পড়ে গেল একজন সৈনিক ।

দ্বিতীয় ট্রাকের দিকে তাকালো রানা । ক্যাম্প ঘিরে থাকা কাঁটা-

তারের বেড়া ঘেঁষে উন্নত হাতির মতো সগর্জনে চকর দিচ্ছে। সেটা রেঞ্জের মধ্যে পাওয়া মাত্র একটা করে টাওয়ারের ওপর হামলা চালাচ্ছে হেভী মেশিনগানের গানার। এরই মধ্যে চারটে টাওয়ার অকেজো করে দিয়েছে ওরা, বাকি আর দুটো।

দ্বিতীয় ট্রাক থেকে গেরিলাদের একটা দল নেমে পড়লো, কোমরের কাছ থেকে গুলি করতে করতে কারাগারের মূল অংশের দিকে ছুটলো তারা। আঁতকে উঠে সোহানা দেখলো, ব্যারাক থেকে বেরিয়ে এসে শোনা সৈনিকরা রাইফেল তুললো গেরিলাদের দিকে। পকেট থেকে একটা গ্রেনেড নিয়ে দাঁত দিয়ে পিন খুললো সে, ‘সাবধান!’ চিৎকার করলো, তারপর ছুঁড়ে দিলো গ্রেনেডটা।

সোহানার চিৎকার শুনে ডাইভ দিয়ে পড়লো গেরিলারা। শোনা সৈনিকদের মাঝখানে পড়লো গ্রেনেড। তারাও ডাইভ দিলো, কেউ পালাবার জন্তে, কেউ গ্রেনেডটা ধরার জন্তে। বিস্ফোরণের আওয়াজে কেঁপে উঠলো গোটা ক্যাম্প। সাত-আটজন শোনা চোখের পলকে ছিটকে পড়লো মাটিতে।

ক্রল করে কারাগারের দেয়ালের নিচে পৌঁছলো গেরিলারা, সামনের সারির ঘরগুলোয় সজ্জা ঘুম থেকে ওঠা শোনা সৈনিকরা ছুটোছুটি করছে। গেরিলাদের একজন চিৎকার করে উঠলো, ‘রেডি...ওয়ান...টু...থ্রি!’ চারটে জানালা দিয়ে প্রায় একসাথে ভেতরে ঢুকলো চারটে গ্রেনেড।

মিনিট কয়েকের মধ্যেই গোটা ক্যাম্প ওদের দখলে চলে এসেছে। টাওয়ারগুলো ধ্বংস হয়েছে, গার্ড-হাউস মিশে গেছে ধুলোয়, দুটো ব্যারাকই এখন ওদের নিয়ন্ত্রণে। বিজয়ের একটা উল্লাস অনুভব করলো রানা, পরমুহূর্ত সামনের দিকে তাকিয়ে দমে গেল সে।

প্যারেড গ্রাউণ্ডের শেষ মাথায় দুর্গটা এখনো শক্তির দখলে।

ডাইভারকে নির্দেশ দিতে যাবে রানা, বালির বস্তা-ধেরা ওপরের ঢাল থেকে ছুটে এলো সাদা ট্রেসারের একটা রেখা। উজ্জল সাদা পুঁতির একটা মালার মতো দেখালো ওগুলোকে। প্রথম দিকে মনে হলো, ধীরগতিতে আসছে। কিন্তু যতো কাছে চলে এলো ততোই ভোজবাজির মতো বাড়তে লাগলো গতি। তারপর হঠাৎ করেই লাফিয়ে উঠলো ধুলো, ওদের চারদিকে রিকোশের তীক্ষ্ণ শব্দ ছোটো-ছুটি শুরু করলো। ঝাঁক ঝাঁক বুলেট আঘাত করলো স্টীল-বডি ট্রাকের গায়ে।

রিয়্যার ভিউ মিররের স্ট্যাণ্ড ধরে খুলে পড়লো রানা, তীক্ষ্ণ আর্চচিংকার বেরিয়ে এলো সোহানার গলা থেকে।

‘ট্রাক থামাও।’ ডাইভারকে নির্দেশ দিলো সোহানা। চোখ জোড়া বিক্ষারিত, উদভ্রান্ত দেখালো তাকে। তার ধারণা, রানাকে গুলি লেগেছে।

‘না। চালিয়ে যাও! রেডিওটা আমাদের পেতেই হবে।’

‘থ্যাঙ্ক, গড!’ স্বস্তির নিঃশ্বাস ফেললো সোহানা।

সাদা পাঁচিলের দিক থেকে মুখ ঘুরিয়ে দুর্গের দিকে ফিরলো ট্রাক। সাথে সাথে মেশিনগান ফায়ারের দ্বিতীয় বিক্ষোরণটা আঘাত করলো। বিক্ষোচিত হলো উইওক্লীন, ধাক্কা খেয়ে ক্যাবের দরজায় স্টেটে গেল ডাইভারের লাশ, তার বুকের অর্ধেক, আর মাথার একটা পাশ স্বেচ্ছ উড়ে গেছে। অ্যাকসিলারেটর প্যাডেল থেকে পা সরে যাওয়ায় মন্থর হয়ে পড়লো ট্রাকের গতি।

খপ করে হাতল ধরে হ্যাঁচকা টানে দরজা খুলে ফেললো রানা। সিট থেকে খসে পড়লো ডাইভারের লাশ, ডিগবাজি খেয়ে পড়ে

গেল বাইরে। ড্রাইভিং সিটে বসে অ্যাকসিলারেটরের ওপর পা চেপে ধরলো ও। একটা ঝাঁকি খেয়ে আবার ছুঁবার বেগে ছুটলো ট্রাক।

ক্যাবের আরেক দিকের গায়ে বুলছিল সোহানা, ধপ করে রানার পাশে বসলো সে, উইণ্ডস্ক্রীনের গর্তের ভেতর রাইফেলের ব্যারেল ঢুকিয়ে দিলো। তার এ-কে ফরটিসেভেনের আওয়াজ চাপা পড়ে গেল হেভি মেশিনগানের একটানা গর্জনে। দুর্গের মাথা থেকে শোনাদের মেশিনগান গুলি বর্ষণ করছে, তারই পার্টা জবাব দিলো ওদের গানার। হুই পক্ষের ঝাঁক ঝাঁক ট্রেসার খালি প্যারেড গ্রাউণ্ডের মাঝখানে পরস্পরের সাথে মিলেমিশে যেন একাকার হয়ে গেল। হঠাৎ আরেক দিকে চোখ পড়তেই অস্ত্রাঙ্গা কেঁপে উঠলো রানার।

ঢালের গোড়ায় বালির বস্তা দিয়ে পাঁচিল তৈরি করা হয়েছে, পাঁচিলের গায়ে খানিক পরপর একটা করে কাঁক, তারই একটা থেকে ওদের দিকে উড়ে এলো আনারস আকৃতির একটা মিসাইল, পিছনে ক্ষুদে একটা জ্বলন্ত লেজ। দেখার সাথে সাথে চিনতে পারলো রানা, কিন্তু কাউকে সাবধান করার আগেই আর. পি. জি. রকেট মিসাইল আঘাত করলো ওদেরকে।

ট্রাকের সামনে, নিচের দিকে বিক্ষোভিত হলো রকেট, সেজ্ঞেই বেঁচে গেল ওরা। বিক্ষোভের বেশিরভাগ ধাক্কা হজম করলো নিরেট ইঞ্জিন, ট্রাক থেকে সামনের অংশটা চোখের পলকে উধাও হলো। ট্রাক দাঁড়িয়ে পড়লো যেন লোহার দেয়ালে ধাক্কা খেয়েছে। মুহূর্তের জন্তে মনে হলো স্থির হয়ে দাঁড়িয়ে পড়েছে সময়, দাঁড়িয়ে পড়েছে ওদের বাহন। তারপরই ডিগবাজি খেতে শুরু করলো ট্রাক, এতোই অবিশ্বাস্য রকম মন্থর গতিতে, যেন গোটা ব্যাপারটা স্বপ্নের

ভেতর ঘটছে ।

খোলা দরজা দিয়ে ছিটকে পড়লো রানা । মাটি খামচে ধরে মাথা উচু করলো ও । ঢালের মাথা থেকে হেতি মেশিনগানের মাজল ধীরে ধীরে আরো একটু নিচের দিকে নেমে স্থির হলো ওর ওপর । পরমুহূর্তে ওর আশপাশে নাচতে শুরু করলো ধুলো আর মাটি । মুখ খুবড়ে পড়ে গেল রানা ।

কোনো ব্যথা অনুভব করলো না রানা । বুঝলো, অনেকগুলো বুলেট ছোবল দিয়ে গেছে ওকে । স্থিরভাবে কিছু চিন্তা করতে পারলো না, ভাবলো, একেই কি মৃত্যু বলে ? আর কতোকণ বেঁচে আছি ? শেষ ইচ্ছেটা জাগলো মনে—সোহানাকে একবার দেখতে চাই । সারা শরীর আশ্চর্য ভারি হয়ে উঠেছে । কিসের যেন চাপ, ধীরে ধীরে উঠে এলো শরীরের ওপর, গ্রাস করে ফেললো ওকে । শীত শীত করতে লাগলো ।

মৃত্যু নয়, হামাগুড়ি দিয়ে রানার ওপর উঠে এসেছে সোহানা । ছ'জন প্রায় একই সাথে ট্রাকের ভেতর থেকে ছিটকে বেরিয়ে আসে ওরা । মেশিনগানের বুলেটে রানা ঝাঁঝরা হয়ে যাচ্ছে দেখে তিন গজ দূর থেকে হামাগুড়ি দিয়ে রানার গায়ের ওপর চলে এসেছে সোহানা । মেশিনগানের বাকি গুলি রানার গায়ে লাগতে দেবে না, নিজের শরীর দিয়ে সম্পূর্ণ ঢেকে রেখেছে ওকে ।

চোখ মেললো রানা । ডান হাতের তালুর উপরটা পিঠ দিয়ে রক্ত গড়াচ্ছে, ঘষা খেয়ে বেরিয়ে গেছে বুলেট । কনুইয়ের নিচেও একই রকম একটা ক্ষত । পা নাড়লো রানা, ঘাড় ঝাঁকালো—বুঝলো, কোনো হাড় ভাঙেনি । ওকে নড়তে দেখে ফিসফিস করে বললো সোহানা, ‘আমি তোমাকে পাচিলের কাছে নিয়ে যাবো...’

সোহানাকে নিজের পিঠ থেকে ফেলে দিলো রানা, বুকে ঠট্টে নিয়ে চুম্বা খেলো। বিব্রত টম্বোটির চারদিকে ছড়িয়ে ছিটিয়ে পড়ে রয়েছে আহত গেরিলারা, একজন দ্রাকের তলায় চাপা পড়েছে। গলার রগগুলো ফুলে উঠলো রানার, চিংকার করে বললো, 'ছোটো! ছোটো! ছোটো! পাঁচিলের দিকে...'

সোহানার হাত ধরে লাফ দিলো রানা, দৌড় দিলো প্রাণপণে। সাদা চুনকাম করা পাঁচিলটা ওদের ডান দিকে, সত্তর গজ দূরে। আহতদের মধ্যে মাত্র কয়েকজন শুনতে পেলো ওর নির্দেশ, হতভম্ব ভাবটা কাটিয়ে উঠে তারাও ছুটলো ওদের সাথে। রানাকে পড়ে যেতে দেখে মাজল ঘুরিয়ে নিয়েছিল গানার, ওরা ছুটে শুক্ক করতেই আবার ঝাঁক ঝাঁক বুলেট ছুটে এলো। রানার সামনের লোকটা আছাড় খেয়ে পড়ে গেল, আর উঠলো না, হাঁটুর নিচে দুটো পায়ের হাড়ই চুরমার হয়ে গেছে। রানা তাকে পাশ কাটাবার সময় একটা গডান দিয়ে চিং হলো। লোকটা, হাতের রাইফেলটা ছুঁড়ে দিলো রানার দিকে। 'এই নিন, লিডার, ধরুন। আমি নেই।'

ছোটোর গতিতে কোনো বিরতি না দিয়ে রাইফেলটা লুফে নিলো রানা। 'ইউ আর এ ম্যান।' মুম্বু গেরিলাকে বললো সে, তাকে পিছনে ফেলে ছুটে চললো। সামনে, পাঁচিলের নিরাপদ আশ্রয়ে পৌঁছে গেছে সোহানা। এতোক্ষণ তাকেই অনুসরণ করে অগ্নিবর্ষণ করেছে মেশিনগানের মাজল, এবার রানার দিকে ফিরলো সেটা।

ডাইভ দিয়ে মাটিতে পড়লো রানা, ওর মাথার আধ হাত ওপর দিয়ে তীক্ষ্ণ শব্দ তুলে বেরিয়ে গেল বুলেটগুলো। ক্রল করে দ্রুত এগোলো ও। আবার বিক্ষোবিত হলো মেশিনগান, রানার চার-পাশের মাটি লাফ দিলো। এগিয়ে আসছে সোহানা, হঠাৎ লাফ

দিয়ে তার ওপর পড়লো রানা, তাকে নিয়ে পড়ে গেল, গড়াতে শুরু করে পাঁচিলের গায়ে এসে ধাক্কা খেয়ে থারলেন।

‘বোকা মেয়ে!’ মুখ হাঁ করে হাঁপিচ্ছে রানা, বেশি কথা বলার শক্তি নেই।

সোহানা বাদে আর মাত্র একজন গেরিলা পাঁচিলের নিচে আসতে পেরেছে। বাকিরা মারা গেছে ট্রাকের তলায় চাপা পড়ে, না হয় খোলা মাঠে গুলি খেয়ে।

‘মেশিনগানটা,’ বললো রানা। ‘ওটাকে আমাদের থামাতে হবে।’

‘যাও,’ রানার শার্ট আর ট্রাউজারের বোতাম খুলে ক্ষতগুলো পরীক্ষা করলো সোহানা। বুলেট আর অ্যাপনেল কোথাও কোথাও মাংস ছিঁড়ে নিয়ে বেগিয়ে গেছে, কিন্তু ভেতরে ঢুকে রয়ে যায়নি। ‘হাততালি দিয়ে উৎসাহ দেবো।’

আরেকটা আর. পি. জি. রকেট মিসাইল ধাক্কা খেলো পাঁচিলের মাথায়, কানে তালা লেগে গেল ওদের, সাদা ধুলোয় বাপসা হয়ে গেল চারদিক।

একটা গড়ান দিয়ে এ-কে ফরটিসেভেন চেক করলো রানা। পুরো একটা ম্যাগাজিন রয়েছে। সোহানার কাঁধের হ্যাভারস্যাক থেকে আরেকটা ম্যাগাজিন নিলো ও। বেস্টে আছে টোকারেভ পিস্তল, অবশিষ্ট গ্রেনেড দুটো বুক পকেটে।

‘মানে?’ ভুরু কুঁচকে রানার মতিগতি বোঝার চেষ্টা করলো সোহানা।

পাঁচিলের কোণে উঁকি দিয়ে চট করে একবার দুর্গের দিকে তাকালো রানা। সাথে সাথে মেশিনগান ফায়ারের একটা বিস্ফোরণ ওর মাথার ওপর পাঁচিলের গা ক্ষতবিক্ষত করে দিয়ে গেল।

গড়িয়ে পিছিয়ে এলো রানা। ঢালের গোড়া মাত্র একশো ফিট দূরে, কিন্তু মনে হলো একশো মাইল। কোণঠাসা হয়ে পড়েছে ওরা, ঢালের মাথা থেকে গোটা কম্পাউণ্ড নিয়ন্ত্রণ করছে শোনা গানার। মেশিনগানের গুলি বা আর. পি. জি. লঞ্চারের রকেট এড়িয়ে আলোর এই সাগর পেরোনো অসম্ভব।

অস্থির চোখে দ্বিতীয় ট্রাকটাকে খুঁজলো রানা। কোথাও নেই সেটা। আর. পি. জি. মিসাইল ছুঁড়েছে দেখে বুদ্ধিমান ডাইভার নিশ্চই কোনো একটা বিন্ডিঙের আড়ালে আশ্রয় নিয়েছে। গেরিলাদেরও কোথাও দেখা গেল না, সবাই কাভার নিয়েছে। তবে হতা-হতের সংখ্যাও প্রচুর।

‘এভাবে এটা শেষ হতে পারে না!’ নিজের অসহায়ত্ব উপলব্ধি করে দাঁতে দাঁত চাপলো রানা। ‘যেভাবে হোক মেশিনগানটা দখল করতে হবে আমাদের!’

কোনো টার্গেট না পেয়ে স্তব্ধ হয়ে গেছে মেশিনগান। নিস্তব্ধতা জমাট বাঁধার আগেই, হঠাৎ করে একটা গুঞ্জন ঢুকলো কানে। প্রথমে আওয়াজটা চেনা গেল না, তারপর গমগমে হয়ে উঠতে চেনা গেল। বহু লোক একসাথে গান ধরেছে। ম্যাটার্বেলদের এটা একটা যুদ্ধের গান। গায়ের রোম খাড়া হয়ে গেল রানার, কারণ কথাগুলো আলাদা হলেও, বিদ্রোহী বাঙালী কবির সেই বিখ্যাত গানের সুর অনেকটাই যেন এই সিনডেবেল গানে লুকিয়ে আছে—কারার ওই লৌহ কপাট, ভেঙে ফেল কররে লোপাট...।’

আর তারপরই কুঁড়েঘরগুলো ফুঁড়ে বেরিয়ে এলো ওরা। নগ্ন-দেহী বন্দীদের একটা কালো পঁচাল। কেউ কেউ এতো দুর্বল যে টলছে, বাকিরা ছুটে আসছে, কেউ নিরস্ত্র নয়। কারো হাতে ইট

বা পাথর, কারো হাতে বাঁশ বা লাঠি। অল্প হ' একজনের হাতে আগ্নে-
য়াস্ত্র দেখা গেল, নিহত গার্ডদের কাছ থেকে পেয়েছে। বিস্ফারিত
চোখ, ঘন ঘন মাথা ঝাঁকচ্ছে, ঠোঁটে যুদ্ধের পাগল করা গান।

পাহাড়ী জলস্রোতের মতো ধেয়ে এলো ওরা, হামলা চালালো
ঢাল লক্ষ্য করে।

‘হায় খোদা!’ আঁতকে উঠলো রানা। ‘ম্যাসাকার হয়ে যাবে!’

নগ্নদেহী বন্দীদের প্রথম সারিতে একজন দীর্ঘকায় পুরুষকে দেখা
গেল, তার কোমরের কাছে একটা এ-কে ফরটিসেভেন ঝুলছে।
সে-ই নেতৃত্ব দিচ্ছে বন্দীদের। প্রথমবার তাকিয়েই তাকে চিনতে
পারলো রানা।

‘মাজুলেট!’ বন্ধুর নাম ধরে চিৎকার করলো রানা। ‘ফিরে যাও,
মাজুলেট, ফিরে যাও!’ কিন্তু বৃথা, রানার চিৎকার ওদের কারো
কানে গেল না।

‘মেশিনগান এখন ওদের দিকে ঘুরবে,’ বললো সোহানা। ‘এটাই
আমাদের শেষ সুযোগ!’

‘তৈরি হও,’ নির্দেশ দিলো রানা। সোহানার কথাই ঠিক, রানা
থামতেই আবার গর্জে উঠলো মেশিনগান।

‘থামো!’ সোহানার একটা হাত থপ করে ধরে ফেললো রানা।
‘একটু পরেই বেন্ট বদলাবে গানার।’

ফুঁপিয়ে উঠে চোখে হাত চাপা দিলো সোহানা, এই নারকীয়
দৃশ্য চোখে দেখা যায় না। ট্রেসারের প্রথম ঝাঁকটা বন্দীদের ওপর
যেন আগুনের হলকা ছড়িয়ে দিলো। পতন হলো প্রথম সারির,
এক সেকেন্ডও লাগলো না ঝাঁকটা পূরণ হতে, কাতারে কাতারে
ছুটে আসছে মানুষ। সামনের সারির সবাই মুখ খুঁড়ে পড়লেও

অন্ধকারে চিতা-২

থাকলেট যেন অজেয় অমর দেবদূত, অসম সাহসী দিগ্বিজয়ী বীর
যোদ্ধার মতো ঝড়ের বেগে ছুটে আসছে সে; মেশিনগানের একটা
গুলিও তাকে স্পর্শ করলো না।

হঠাৎ করেই থেমে গেল মেশিনগান।

‘গান এম্পটি।’ হংকার ছাড়লো রানা। ‘গো! গো! গো!’

সবার পায়ে যেন বিদ্যুৎ খেলে গেল, ছোট্ ছোট্ ছোট্। অর্ধেক
দূরত্ব পেরিয়ে এসে রানার মনে হলো দুর্গটা যেন এখনো ছনিয়ার
শেষ প্রান্তে।

আরেকটা রকেট মিসাইল ছুটে এলো। ছোট্টার মধ্যেই বাঁচ করে
মাথা নিচু করলো রানা। তবে ভয়ের কিছু ছিলো না, মাথার অনেক
ওপর দিয়ে গেল সেটা, গানার আতংকিত হয়ে পড়েছে। প্যারেড
ব্রাউণ্ডের ওপর দিয়ে উড়ে গিয়ে গার্ড ব্যারাকের পাশে, টাউস
ফুয়েল স্টোরেজ ট্যাংকের গায়ে বিস্ফোরিত হলো রকেট। বিকট হুস
আওয়াজটাকে অপাখিব মনে হলো, একলাফে আকাশে মাথাচাড়া
দিলো তুশো ফিট উচু রক্তবর্ণ শিখা। বিস্ফোরণের গরম নিঃশ্বাস
হেঁকে ধরলো রানাকে, গুলি করতে করতে ছুটলো ও।

সারা শরীরে ক্ষত নিয়ে পিছিয়ে পড়লো রানা, কয়েকজন গেরি-
লার সাথে অনেকটা এগিয়ে গেছে সোহানা। ছুটছে, আর মনে মনে
একটা হিসেব করছে ও। দক্ষ একজন লোক অ্যাম্বুনিশন বক্স বদলে
মেশিনগান রিলোড করতে দশ সেকেন্ডের বেশি নেবে না। পাঁচিল
থেকে রওনা হবার পর সাত সেকেন্ড পেরিয়েছে—আট, নয়, দশ—
গুরু হলো, গুরু হলো! অথচ এখনো বিশ পা পেরোতে হবে
রানাকে।

শেষ কয়েক গজ থাকতে ডাইভ দিয়ে বালির বস্তার গোড়ায় গিয়ে

পড়লো, সোহানা ।

অকস্মাৎ প্রচণ্ড এক ধাক্কায় ছিটকে পড়লো রানা, ওর চারদিকে মুখলধারে বৃষ্টির মতো গুলি পড়তে লাগলো । কয়েকটা গড়ান দিয়ে আবার সিধে হয়েই ছুটলো ও । ওকে পড়ে যেতে দেখে ইতিমধ্যে মেশিনগান অন্যদিকে ঘুরিয়ে নিয়েছে গানার, পাখি শিকারের মতো টপাটপ ফেলে দিচ্ছে সত্ত কানামুক্ত বন্দীদের ।

গুলি নয়, ছিটকে আসা মাটির ধাক্কায় পড়ে গিয়েছিল রানা । সোহানার বাড়িয়ে ধরা হু'বাহর মাঝখানে সঁধিয়ে গেল ও । পর-মুহূর্তে পরস্পরকে ছেড়ে ঘুরলো ওরা, লাফ দিয়ে বালির বস্তার পাঁচিল ঝাঁকড়ে ধরলো, ঝাঁকড়ে খামচে উঠে পড়লো পাঁচিলের মাথায়, পিছলে নেমে পড়লো নির্জন ফ্যারিং প্ল্যাটফর্মের চত্বরে ।

সব প্ল্যাটফর্ম থেকে লাফ দিয়ে কমিউনিকেশন ট্রেকে নামলো সোহানা, ওকে ছাড়িয়ে এগিয়ে গেল রানা । প্যাসেজের শেষ মাথায় পৌঁছবার আগেই ধস্তাধস্তি আর গোঙানির আওয়াজ পেলো সোহানা । বাঁক নেয়ার পর দেখলো থার্ড ব্রিগেডের একজন ট্রুপারের লাশ ছেড়ে দিয়ে সিধে হচ্ছে রানা । আর. পি. জি. ফেলে পালা-ছিল লোকটা ।

‘মেশিনগান, সোহানা !’ নির্দেশ নিলো রানা । ‘আমি রেডিও ক্রমে যাচ্ছি !’

প্যাসেজ থেকে বালির বস্তার ওপর উঠে পড়লো রানা । ছুটতে ছুটতে পাশ কাটালো পরিচিত একটা ডাগ-আউট, প্রথমবার এখানে আসার পর এই ডাগ-আউটে থাকতে দেয়া হয়েছিল ওকে ।

বাঁ দিকে বাঁক নিয়ে আরেকটা প্যাসেজে চলে এলো রানা । প্যাসেজের শেষ মাথা, রেডিও অপারেটরের ডাগ-আউট থেকে

চিৎকার ভেসে এলো। দেরি করে ফেলেছে ও। দরজার পাশে পৌছে এক সেকেন্ডের জন্যে থামলো। ডাগ-আউটের শেষ প্রান্তের দেয়ালের কাছ রেডিও সেটের ওপর ছমড়ি ঝেয়ে রয়েছে অপারেটর। রেডিও সেটটা একটা বেঞ্চের ওপর রয়েছে, মুখের সামনে মাইক্রোফোন ধরে ইংরেজীতে মেসেজ পাঠাচ্ছে লোকটা, রিপোর্ট করছে বারবার।

হারারে হেডকোয়ার্টার থেকে জবাব আসতে শুরু করলো, 'মেসেজ রিসিভড অ্যাণ্ড আগারস্টুড। হোল্ড অন। উই উইল রি-এনফোর্স ইউ ইমিডিয়েটলি...'।

এ-কে থেকে দীর্ঘ একটা বিস্ফোরণ বেরিয়ে এলো, চুরমার হয়ে গেল রেডিও সেট। মাইক্রোফোন ছেড়ে দিয়ে বালির বস্তার গায়ে সঁটে গেল অপারেটর, রানার দিকে তাকিয়ে আতংকে তোতলাচ্ছে।

ভেতরে ঢুকলো রানা। দরজার কাছ থেকে গর্জে উঠলো অটোমেটিক রাইফেল। হাঁটু ভেঙে পড়ে গেল অপারেটর। বাট্ করে পিছন ফিরে জেনারেল মাজুলেটকে দেখতে পেলো রানা।

'হ্যালো, রানা, মাই ডিয়ার ফ্রেন্ড।' দিগম্বর জেনারেল হাতের রাইফেল ফেলে দিয়ে ছ'হাতে আলিঙ্গন করলো রানাকে। 'তোমার এই ঋণ সাত জনমেও শোধ হবার নয়।'

গাত

প্রথম ট্রাকটা বাতিল লোহায় পরিণত হয়েছে, দ্বিতীয়টার পিছনের ছোটো চাকাই ফেটে গেছে। ছোটোর কোনোটাতে পেট্রল নেই।

যতোটা সংক্ষেপে সম্ভব মাজুলেটকে প্ল্যানটা ব্যাখ্যা করলো রানা। ‘শেষ সময় সকাল আটটা, তার আগেই এয়ারস্ট্রিপে পৌঁছতে না পারলে পায়ে হাঁটা ছাড়া কোনো উপায় থাকবে না।’

‘এয়ারস্ট্রিপ এখান থেকে ত্রিশ মাইল,’ চিন্তিত দেখালো জেনারেলকে। ‘এখানে আর কোনো গাড়ি নেই। ছ’দিন আগে ল্যাণ্ড-রোভারটা নিয়ে গেছে উমাস্জে।’

‘চাকাগুলো একটা থেকে খুলে আনেকটাতে লাগাতে পারবো, কিন্তু ফ্যুয়েল ? মাজুলেট, আমাদের ফ্যুয়েল দরকার।’

হুঁজুনেই ওরা জ্বলন্ত ট্যাংকের দিকে তাকালো। রাতের আকাশে এখনো বিশাল স্তম্ভের মতো খাড়া হয়ে রয়েছে আগুনের শিখা, ঘন কালো ধোঁয়া পাক খেতে খেতে নেমে আসছে প্যারেড গ্রাউণ্ডে, মাঝেমাঝে সম্পূর্ণ ঢেকে ফেলছে ছড়িয়ে ছিটিয়ে পড়ে থাকা লাশগুলোকে। প্রচুর গেরিলা মারা গেছে, তবে শোনা গার্ডরাও কেউ বেঁচে নেই। বন্দীরা তাদেরকে আক্ষরিক অর্থেই ধরে ছিঁড়ে ফেলেছে,

অন্ধকারে চিতা-২

ছাত্তু হয়ে গেছে কেউ কেউ। একটা দীর্ঘশ্বাস ছেঁয়ে চোখ ফিরিয়ে নিলো রানা।

সোহানার কথা মনে পড়তেই অস্থির হয়ে উঠলো ও। খানিক আগে মটরসাইকেল নিয়ে রওনা হয়ে গেছে সে। সময় মতো ওদের কেও এয়ারস্ট্রিপে পৌঁছতে হবে। তা না হলে সেসনা নিয়ে ফিরে যাবে সোহানা। ‘আমি চাকা বদলাই, তুমি ফুয়েল খুঁজে বের করে। কুইক, মাজুলেট, কুইক।’

প্রথম ট্রাকের সামনে মেজর কুকি ওর জগ্রে অপেক্ষা করছিল। ‘চোদ্দজনকে হারিয়েছি আমরা, মিঃ অ্যাডভাইজার।’

‘দুঃখিত,’ মুছ কণ্ঠে বললো রানা। ভাবলো, ওয়া মরেছে তিন-গুণ, কিন্তু সেটা কোনো সাক্ষ্য নয়। ‘এসো, কাজটা শেষ করি।’

এক ঘণ্টা পর ফিরে এলো মাজুলেট, সাথে মিরান্ডা। গ্রিজ মাথা কালো ভূতের বিকট চেহারা নিয়ে ট্রাকের তলা থেকে বেরিয়ে এলো রানা।

‘কোথাও ফুয়েল নেই,’ বললো মাজুলেট। ‘খুঁজে দেখেছি।’

‘দুটো ট্যাংকের তলানি এক করে পনেরো লিটারের মতো হয়েছে,’ শার্টের আস্তিন দিয়ে মুখ মুছে বললো রানা। ‘ভাগ্য ভালো হলে মাইল পনেরো যেতে পারবো।’ হাতঘড়ি দেখে আতকে উঠলো ও। ‘কিভাবে যাচ্ছে সময়, তিনটে বাজে।’ সময় মতো পৌঁছতে পারবো বলে মনে হয় না...।’

‘রানা, মিরান্ডার মুখে সব কথা শুনলাম। তুমি যা করেছো...।’

‘আর সময় পেলেনা?’ ধমকে উঠলো রানা। ‘তোমার লোকদের কাছ থেকে তাড়াতাড়ি বিদায় নাও, এখনি আমাদের বেরিয়ে পড়তে হবে।’

মাজুলেটের নির্দেশে গেরিলা আর বন্দীরা সবাই এক জায়গার জুড়ে বসে। দ্বিতীয় ট্র্যাকের বনেটে উঠে দাঁড়ালো মাজুলেট। মোটে একটা বক্তৃতা মতো দিলো সে। সবশেষে বললো, ‘আপাততঃ বিদ্যায় নিচ্ছি বটে, কিন্তু আবার তোমাদের কাছে ফিরে আসবো আমি। ফিরে আসবো তোমাদের ন্যায্য অধিকার আদায় করে।’

‘বাবা! বাবা!’ বন্দীরা হাহাকার করে উঠলো।

‘শোনা কুকুরগুলো রওনা হয়ে গেছে,’ বললো মাজুলেট। ‘এখানে আসছে ওরা। কাজেই জঙ্গলে পালাতে হবে তোমাদের। গেরিলাদের সাথে যাও, ওরা তোমাদের নিরাপদ আশ্রয়ে পৌঁছে দেবে। বিদ্যায়, বন্ধুরা!’

এগিয়ে এসে রানাকে আলিঙ্গন করলো মেজর কুকি। ‘আপনার গল্প ম্যাটাভেলদের মুখে মুখে ফিরবে, মিঃ অ্যাডভাইজার। ম্যাটাভেলদের রাজাকে আপনি উদ্ধার করেছেন, আমরা সবাই সেজন্যে আপনার প্রতি কৃতজ্ঞ।’

‘গুডবাই, মেজর কুকি।’

ট্র্যাকের পাশে রানা, মাজুলেট আর মিরাগু দাঁড়িয়ে রইলো। বন্দীদের নিয়ে চলে গেল গেরিলারা। ওরা সবাই চলে যাওয়ায় নির্জন পরিবেশটা হঠাৎ চারদিক থেকে যেন চেপে ধরলো ওদেরকে, কেউ কথা বলতে পারলো না।

নিস্করতা ভাঙলো রানাই। ‘উমাস্কে নিশ্চয়ই ইতিমধ্যে রিইন-কোর্সমেন্ট পাঠিয়েছে। হারারে আর এই ক্যাম্পের মাঝখানে কোথাও কোনো ট্রুপার আছে কিনা জানো?’

‘মনে হয় নেই,’ বললো মাজুলেট। ‘স্বাক্ষর-এ কিছু লোক আছে বটে, কিন্তু এরকম একটা হামলার কথা শুনে সাড়া দেয়ার মতো

যথেষ্ট শক্তি নেই তাদের ।’

‘ধরা যাক, মেসেজ পাবার পর ট্রুপারদের জড়ো করতে এক ঘণ্টা সময় নেবে হেডকোয়ার্টার,’ বললো রানা । ‘হারারে থেকে টুটিতে পৌঁছতে লাগবে পাঁচ ঘণ্টা ।’ চোখে প্রশ্ন নিয়ে তাকাতো মাজুলেট মাথা ঝাঁকালো ।

‘তারমানে ঠিক ছ’টায় মিশনে পৌঁছবে ওরা, আর সোহানা এয়ার-স্ট্রিপের মাথায় থাকবে পাঁচটায় । কিন্তু শেষ ক’মাইল আমাদের যদি হাঁটতে হয়…’ কাঁধ ঝাঁকালো রানা, ‘…আগে থেকে দুশ্চিন্তা করে লাভ নেই, চলো রওনা হয়ে পড়ি ।’

মাজুলেট আর মিরাম্বা ট্রাকের ক্যাবে উঠলো । কিন্তু রানা নড়লো না । চারদিকে চোখ বুলাচ্ছে ও । আগুন ইতিমধ্যে প্রায় নিভে গেছে, ধোঁয়া নেই বললেই চলে । ফ্লাডলাইটের আলোর আলোকিত হয়ে রয়েছে প্যারেড গ্রাউন্ড । এই আলোটাই রানার মনে খুঁতখুঁতে একটা ভাব এনে দিয়েছে । এই আলোর সাথে কিসের যেন একটা সম্পর্ক আছে ।

জেনারেটর ? হ্যাঁ, জেনারেটরের সাথে কিসের যেন একটা সম্পর্ক । হঠাৎ চোঁচিয়ে উঠলো রানা । ‘ইউরেকা !’

ক্যাব থেকে মাথা বের করে মাজুলেট জানতে চাইলো, ‘তার-’
‘মানে ?’

‘জেনারেটর চলছে কিভাবে ? নিশ্চই ফুয়েল আছে ওখানে… ।’

ট্রাক নিয়ে পাহাড়ের পিছনে চলে এলো ওরা, ইঞ্জিন রুমটা এদিকেই ।

মৃত্যু-যন্ত্রণার অস্থির, আঁকাবাঁকা অঙ্গগরের মতো মেটো পথ । ভর-

পেট ফুয়েল নিয়ে হেঁশেছিলে এগোচ্ছে টয়োটা। ঢালগুলো খাড়া, কাছিমের মতো মন্থ হ'য়ে এলো গতি। তারপর মাথা টপকে এসে এতো দ্রুত নামতে শুরু করলো, মনে হলো উন্টে যাবে।

বাঁশের ব্রিজটা পেরিয়ে এলো রানা। 'সময়?'

ড্যাশবোর্ডের আলোয় হাতঘড়ি দেখলো মিরামাণ্ডা। 'চারটে তিপার।'

হেডলাইটের জোড়া টানেল থেকে চোখ তুললো রানা, আকাশের গায়ে এই প্রথম গাছের মাথা দেখতে পেলো, ভোর হতে শুরু করেছে। ঢালের মাথায় উঠে এসে কিনারায় থামলো ও, সুইচ টিপে রেডিও খুললো। 'ধীরে ধীরে নব ঘুরিয়ে চ্যানেল পাবার চেষ্টা করলো রানা, মিলিটারী ট্রাফিক শুনতে পাবে এই আশায় কান খাড়া করে থাকলো, কিন্তু কিছুই শুনতে পেলো না।

'রেঞ্জের ভেতর থাকলে, কোনো আওয়াজ করছে না।' সুইচ অফ করে দিয়ে ট্রাক ছেড়ে দিলো রানা, কি দ্রুত আফ্রিকান ভোর চারদিক উদ্ভাসিত করে তুলছে দেখে মুগ্ধ হয়ে গেল ও। ওদের নিচে উপত্যকা, অন্ধকারের কালো পর্দা সরিয়ে বেরিয়ে আসছে ঘন সবুজ সমতল বনভূমি, পাহাড়সারির গোড়া থেকে শুরু করে মিশন স্টেশন পর্যন্ত তার বিস্তৃতি।

'দশ মাইল,' বললো মাজুলেট।

'আরো আধ ঘণ্টা।' শেষ পাহাড়টা থেকে নিচে নামছে ওরা। হেডলাইট অফ করে দিলো রানা।

হঠাৎ শিরদাঁড়া খাড়া হয়ে গেল ওর, টয়োটার আওয়াজ বদলে গেছে। পরমুহূর্তে বুঝলো, নতুন এই কর্কশ আওয়াজ, ট্রাক থেকে আসছে না, আসছে ট্রাকের বাইরে অন্য কোনো মটর থেকে। প্রতি

মুহূর্তে বাড়ছে আওয়াজটা, কাছে চলে আসছে। জানালার কাঁচ নামিয়ে বাইরে, টানা ঠাণ্ডা বাতাসে মাথা বের করে দিলো।

ওদের পিছন থেকে সগর্জনে নেমে আসছে সোহানার সেননা, রাস্তা থেকে মাত্র পঞ্চাশ ফিট ওপরে, সকালের প্রথম রোদে বল-মল করছে যেন রূপালি আর নীল রঙের একটা প্রজাপতি।

‘হাই!’ উল্লাসে টেঁচিয়ে উঠে ঘন ঘন হাত নাড়লো রানা।

গোস্তা খাওয়া শেষ করে টয়োটার সামনে চলে এলো প্লেন, কক-পিটের জানালা দিয়ে মাথা বের করে রানার দিকে তাকালো সোহানা। সোনালী রঙের একটা স্কার্ফ জড়িয়েছে মাথায়, রানাকে চিনতে পেরে প্রাণখোলা নিঃশব্দ হাসিতে উদ্ভাসিত হয়ে উঠলো চেহারা। পরমুহূর্তে দ্রুত সামনে ছুটে গেল প্লেন, ডানা কাত করে কোর্স বদলে চলে গেল এয়ারস্টিপের দিকে।

জঙ্গল ফুঁড়ে বেরিয়ে এলো ওরা, ক্ষুদে মিশন গ্রামটাকে ঘিরে থাকা ভূট্টা ক্ষেতের মাঝখান দিয়ে ছুটলো। গির্জা আর স্কুলের টিনের ছাদ রোদ লেগে চকমক করছে, রাস্তার পাশের ঘরগুলো থেকে ছ’চারজন গ্রামবাসী বাইরে বেরিয়ে এসে ঘুম জড়ানো চোখে তাকালো, গা চুলকাচ্ছে আর হাই তুলছে। ট্রাকের গতি কমিয়ে আনলো রানা, জানালা দিয়ে মাথা বের করে চিংকার করে বললো মিরাগু, ‘শোনা সৈনিকরা আসছে, সাবধান! শোনা সৈনিকরা আসছে, সাবধান! মহাবিপদ, সাবধান! সবাইকে নিয়ে জঙ্গলে পালাও তোমরা! পালাও, পালাও, পালাও!’

গ্রামের ভেতর দিয়ে আবার তুমুলবেগে ছুটলো ট্রাক। এয়ারস্টিপ আর এক কিলোমিটার দূরে। টারমাকের ওপর চকর দিচ্ছিলো সোহানা, এবার আঙুরক্যারিজ নামালো সেননার, বৃত্ত শেষ করে

ল্যাণ্ড করার প্রস্তুতি নিলো।

‘সর্বনাশ!’ আতকে উঠলো মাজুলেট, ওদের বাঁ দিক থেকে স-
গর্জনে ছুটে এলো আরেকটা প্লেন। এটা একটা টুইন-ইঞ্জিন ডাকো-
টা ট্রান্সপোর্ট। সেনসনার চেয়ে আকারে বড়, আসছে খুব নিচ দিয়ে।
ডানার পাশে মেইন হ্যাচটা খোলা, দোরগোড়ায় কয়েকজন লোক
গা ঘেঁষাঘেঁষি করে দাঁড়িয়ে রয়েছে, পরনে ক্যামোফ্লেজ জাম্প
স্বক, আর হেলমেট। প্রত্যেকের নিতম্বের নিচে প্যারাসুটের ভারি
বাঙুল ঝুলছে। সামনের সারিতে রয়েছে দু’জন, বাকিরা তাদের
পিছনে।

‘প্যারাট্রুপার!’ চিৎকার করে বললো রানা, গোত্তা খেয়ে ওদের
দিকে নেমে এলো ডাকোটা। এতো নিচে দিয়ে ওদেরকে পাশকাটালো,
বাতাস লেগে নুয়ে পড়লো ভুট্টা ক্ষেত। ওদের একজনকে চিনতে
পারলো রানা।

‘উমাস্জো!’ দাঁতে দাঁত ঘষে বললো মাজুলেট। এক ঝটকায়
দরজা খুলে ট্রাকের বাইরে বেরিয়ে এলো সে, মেশিনগানের ব্যারেল
ঘুরিয়ে দীর্ঘ এক পশলা গুলি করলো, ডাকোটা তখনও রেঞ্জের
বাইরে সরে যেতে পারেনি। শত্রু বিমানের পোর্ট উইন্ডের নিচে
দিয়ে ছুটে গেল ট্রেনার, পাইলটকে আতংকিত করে তোলার জন্তে
যথেষ্ট। প্রায় খাড়া উঠে রেঞ্জের বাইরে চলে গেল ডাকোটা।

‘প্যারাট্রুপাররা লাফ দেবে, তাই ওপরে উঠছে পাইলট,’ রানার
কথা শুনে মাথা ঝাঁকালো মাজুলেট।

রূপালি আর নীল রঙের সেনসনাকে নিশ্চয়ই দেখতে পেয়েছে
উমাস্জো। বুঝে নিয়েছে সেনসনায় চড়ে পালাবার প্ল্যান করেছে ওরা,
ট্রাকটাও এয়ারফ্রিপের দিকে যাচ্ছে। ডাকোটা নিয়ে ল্যাণ্ড করার

চাইতে প্যারাট্রুপারদের নামিয়ে দিয়ে এয়ারস্টিপ দখল করা সহজ হবে, সময়ও অনেক কম লাগবে। উমান্নোজ্ঞানে সেসনা ল্যাণ্ড করলে টেক-অফ করার সুযোগ পাবে না, তার আগেই প্যারাট্রুপাররা ঘিরে ফেলবে ওটাকে। নিরাপদ ড্রপ অলটিচ্যুড এক হাজার ফিট, কিন্তু এরা সবাই ক্র্যাক ট্রুপার, পাঁচ শো ফিট উঠে সিধে হলো ডাকোটা।

এয়ারস্টিপের দূর প্রান্তে দেখা গেল সেসনাকে, কাঁটাতারের বেড়ার ওপর দিয়ে উড়ে এসে তারমাক স্পর্শ করলো। ট্রাক এবং সেসনা, পরস্পরের দিকে ছুটলো তীরবেগে।

এয়ারস্টিপের মাথায় ঝুলছে সবুজ সিল্ক প্যারাসুট, অনেক-গুলো।

স্টিপের শেষ মাথায় পৌছে তীক্ষ্ণ একটা কোণ রচনা করে একশো আশি ডিগ্রী বাঁক নিলো সেসনা।

ক্যাবের গায়ে ঝুলে থেকে মেশিনগান চালালো মাজুলেট, কিন্তু বাতাসের ধাক্কায় প্রতি মুহূর্তে দোল খাচ্ছে প্যারাসুট, লক্ষ্যস্থির করা প্রায় অসম্ভব।

ককপিটের জানালা দিয়ে মাথা বের করলো সোহানা, হাতছানি দিয়ে ডাকলো। সমস্ত শক্তি নিয়ে গর্জন করছে ইঞ্জিন, হুইল ব্রেকের সাহায্যে আটকে রাখা হয়েছে সেসনাকে। রানওয়ের কিনারা উপকাবার সদয় প্রচণ্ড একটা ঝাঁকি খেলো টয়োটা, কংক্রিটের সাথে টায়ারের ঘষা লেগে তীক্ষ্ণ, কর্কশ আওয়াজ উঠলো।

‘গেট আউট!’ রানার নির্দেশ শুনে ছিটকে নেমে পড়লো মিরাগু, প্লেনের দিকে ছুটলো। তার হাত আঁকড়ে ধরলো সোহানা, হ্যাঁচকা টানে তুলে নিলো ওপরে, ব্যাক সিটে হুমড়ি খেয়ে পড়লো মিরাগু।

শেষ এক পশলা গুলি করলো মাজুলেট। প্রথম তিনজন প্যারা রানওয়েতে নেমেছে, বাতাসে ঢেউ খেলছে প্যারাসুট, মেশিন-গানের গুলি তাদের চারদিকে ধুলো ওড়ালো। একজন প্যারাট্রু-পারকে পড়ে যেতে দেখলো ওরা। ছোঁ দিয়ে এ-কে ফরটিসেভেন, আর স্পেরার অ্যামুনিশনের ব্যাগটা তুলে নিলো রানা। ‘লেট’স গো, মাজুলেট, লেট’স গো।’

সেসনা লক্ষ্য করে ছুটলো ওরা। দুর্বল মাজুলেট হুমড়ি খেয়ে পড়লো সিঁড়ির ওপর। তাকে ধরে দাঁড় করালো রানা, ঠেলা দিয়ে তুলে দিলো ওপরে।

মাজুলেট প্লেনের ভেতর ঢোকায় আগেই ব্রেক রিলিজ করলো সোহানা। প্লেনের গতি বাড়লো, তার সাথে ছুটতে শুরু করলো রানা। ব্যাক সিটে, মিরাতার পাশে মুখ খুঁড়ে পড়লো মাজুলেট। লাফ দিয়ে দরজার কিনারা ধরে ঝুলে পড়লো রানা, তারপর হাঁচড়ে পাঁচড়ে উঠে পড়লো সোহানার পাশে।

‘দরজা বন্ধ করো!’ গলার সব ক’টা রগ ফুলে উঠলো মাজুলেটের, সমস্ত মনোযোগ দিয়ে তাকিয়ে আছে সামনের দিকে। ঝুলন্ত সিট-বেন্ট দরজায় আটকে গেছে, সেটাকে ছাড়াবার জ্ঞে টানাটানি শুরু করলো রানা। দরজা বন্ধ করে মুখ তুলে দেখে, সেসনাকে বাধা দেয়ার জ্ঞে রানওয়ের কিনারা থেকে ছুটে মাঝখানে চলে আসছে প্যারাট্রুপাররা।

উমাস্গোর হেলমেটে চকচক করছে তারকাচিহ্ন, তার পিছনে ছড়িয়ে রয়েছে প্যারাট্রুপাররা—প্রায় সরাসরি সেসনার সামনে চলে এসেছে তারা, চার কি পাঁচশো পা দূরে।

শূন্যে নাক তুললো সেসনা, ক্ষুদে একটা লাফ দিয়ে রানওয়ে অন্ধকারে চিতা-১

ত্যাগ করলো। উমাঙ্গো আর তার ট্রুপাররা সেসনার নাক আর ইঞ্জিনের নিচে অদৃশ্য হয়ে গেল, তবে ওদের মাথা থেকে মাত্র কয়েক গজ ওপর দিয়ে উড়ে যাচ্ছে প্লেন।

‘খোদা, রহম করো!’ বিড় বিড় করে উঠলো সোহানা। তার কথা শেষ হওয়া মাত্র রানার সামনে ইন্সট্রুমেন্ট প্যানেল বিস্ফোরিত হলো, সারা গায়ে ছড়িয়ে পড়লো চুরচুর কাঁচ, ওর বৃকের কাছে শার্টে ছিটিয়ে পড়লো হাইড্রলিক ফ্লুইড।

মেঝে ফুঁড়ে উঠে এলো মেশিনগানের গুলি, বেরিয়ে গেল ছাদের ধাতব আবরণ ভেদ করে, বাতাসের তীব্র ঘৃণি ঢুকলো ফুটোগুলো দিয়ে।

পিছনের সিটে আর্তনাদ করে উঠলো মিরাপ্তা, এ-কে ফরটি-সেভেনের প্রতিটি বুলেট একটা করে ঝাঁকি দিয়ে গেল প্লেনকে। মেটাল ফ্রেমে গুলি লাগায় রানার নিচে লাফ দিয়ে উঠলো সিট। জানালার ঠিক বাইরে, ডানার গোড়ায় গর্ত দেখা গেল, কিনারা-গুলো এবড়োখেবড়ো।

ঝটকা দিয়ে কন্ট্রোল কলাম সামনের দিকে ঠেলে দিলো সোহানা, তলপেটে সুড়সুড়ি দিয়ে আবার এয়ারস্টিপের দিকে নামতে শুরু করলো সেসনা, ঝাঁক ঝাঁক মেশিনগানের গুলির নিচে নেমে এসে গা বাঁচাতে চাইলো সে। খয়েরি রঙের টারমাক ধেয়ে এলো ওদের দিকে, আত্মধ্বংসী ডাইভ শেষ করে প্লেন সিধে করে নিলো সোহানা, কিন্তু চাকাগুলো ধাক্কা খেলো রানওয়েতে, ড্রপ খেয়ে উঠে এলো ত্রিশ ফিট ওপরে। দু’জন প্যারাদ্রুপারকে দেখলো রানা, সেসনাকে ছুটে আসতে দেখে লাফ দিয়ে একপাশে সরে গেল।

ওদের সামনে, বাঁ দিকে, এয়ারস্টিপের কিনারা থেকে একশো গজ

দূরে নিঃসঙ্গ একটা গাছ চারদিকে ছড়ানো শাখা নিয়ে দাঁড়িয়ে আছে—একটা মারুলা, নব্বুই ফিট লম্বা।

ডানা মিধে হলো, মারুলাকে লক্ষ্য করে ছুটলো সেসনা। বাইরের দিকে ছড়ানো পাতা ঢাকা শাখা-প্রশাখা ছুঁয়ে গেল ডানার জগা। গাছটাকে পেরিয়ে এসেই প্লেন একটু নিচে নামলো, প্রকাণ্ড মহীরুহ মাঝখানে পড়ে যাওয়ায় প্যারাদ্রুপাররা এখন ওদেরকে দেখতে পাবে না।

খুব নিচে দিয়ে ছুটলো সেসনা, খোলা ক্ষেতে লকলকিয়ে ওঠা ভুট্টা গাছের ডগার সাথে ঘষা খেলো আগারক্যারিজ।

‘ডাকোটা!’ তীব্র বাতাসের শব্দকে ছাপিয়ে উঠলো রানার কণ্ঠস্বর।

‘ল্যাণ্ড করতে যাচ্ছে,’ বললো মাজুলেট। সিটের ওপর মোচড় খেলো রানার শরীর, পিছনে তাকিয়ে দেখলো গাছের মাথা ছুঁয়ে এয়ারস্ট্রিপের দিকে দ্রুত নামতে শুরু করেছে ডাকোটা।

‘আগারক্যারিজ তুলতে পারছি না!’ বললো সোহানা, তালু দিয়ে স্নাইচের ওপর ঘন ঘন ধাক্কা দিলো সে, কিন্তু আগারক্যারিজের তিনটে সবুজ সতর্কীকরণ আলো জ্বলজ্বল করছে কনসোলে। ‘উঠবে না, কলকজার বারোটা বেজে গেছে।’

খোলা ক্ষেতের পর ঘন সবুজ বনভূমি, বিহ্যৎগতিতে ছুটে এলো ওদের দিকে। কন্ট্রোল কলাম আলতোভাবে পিছিয়ে নিয়ে এসে সেসনাকে ওপরে তুলতে চেষ্টা করলো সোহানা। ক্ষত-বিক্ষত ইঞ্জিন হাউজিংয়ের নিচে একটা হাইড্রলিক লীড বিস্ফোরিত হলো। তরল, আঠালো হাইড্রলিক ফ্লুয়িড নিশ্চিহ্ন একটা পর্দার মতো ঢেকে দিলো উইণ্ডস্ক্রীন।

‘কিছুই দেখছি না!’ আত্ননাদ করে উঠলো সোহানা, পাশের জানালা খুলে ফেললো সে, ডানার ডগার নিচে দিগন্তরেখায় চোখ রেখে পথ-নির্দেশ পাবার চেষ্টা করলো।

‘ইন্সট্রুমেন্ট বলতে কিছু নেই,’ বিধ্বস্ত প্যানেল পরীক্ষা করে বললো রানা। ‘এয়ারস্পীড, রেটঅভ ক্লাইম্ব, আর্টিফিশিয়াল-হরাই-জন, অলটিমিটার, জাইরো কম্পাস...’

‘আণ্ডারক্যারিজ—,’ বাধা দিলো সোহানা, ‘বিরাত একটা বাধা হয়ে দাঁড়িয়েছে। আমাদের রেঞ্জ কমে যাবে, ফিরে যাওয়া সম্ভব হবে না।’

এখনো ওপর দিকে উঠছে সেননা। হঠাৎ কর্কশ একটা আওয়াজ, তারপরই স্তব্ধ হয়ে গেল ইঞ্জিন। পরমুহূর্তে আবার সগর্জনে চালু হলো। পাওয়ার সেটিং নতুন করে অ্যাডজাস্ট করলো সোহানা, ফিসফিস করে বললো, ‘লক্ষণ খারাপ, সম্ভবত ফ্যুয়েল নেই। নিশ্চই ফ্যুয়েল লাইনে কোথাও গুলি লেগেছে।’ রানার দিকে ফিরলো সে, ঠোঁটে বিষণ্ণ হাসি, কিছু বলতে গিয়েও বললো না।

সোহানার কাঁধে একটা হাত রেখে মৃদু চাপ দিলো রানা, সে-ও কিছু বললো না।

‘টাইম চেক।’ প্লেন নিয়ে আবার ব্যস্ত হয়ে উঠলো সোহানা।

‘জিরো-ফাইভ-ওয়ান-সেভেন।’ সামনের দিকে তাকালো রানা, কালো একটা সাপের মতো উত্তর দিকে বেকে গেছে টুটি রোড, পর্বতমালার প্রথম সারিটা পেরোচ্ছে ওরা। কয়েক মাইল সামনে শশংগিরের গ্রাম।

আবার বিরতি নিলো ইঞ্জিন। ভয় কাকে বলে জানে না সোহানা, কিংবা ভয় পেলোও চেহারায় সহজে সেটা ধরা পড়ে না, তবু আরো

খমখমে, আরো কঠোর হয়ে উঠলো চোখ-মুখ। আবার জানতে চাইলো, 'টাইম ?'

'জিরো ফাইভ—টু সেভেন।'

'এয়ারস্ট্রিপ থেকে ওরা আমাদের দেখতে পাচ্ছে না, বা আওয়া-জও পাচ্ছে না।'

'উমঙ্গো জানে না আমরা কোথায়, বা কোন দিকে যাচ্ছি।'

'ভিক্টোরিয়া ফলস-এ ওদের একটা হেলিকপ্টার গানশিপ আছে,' বললো মাজুলেট। সিটের ওপর দিয়ে, ওদের ছ'জনের মাঝখানে ঝুঁকে পড়লো সে। 'যদি জানতে পারে আমরা বতসোয়ানার দিকে যাচ্ছি, বাধা দেয়ার জন্যে ওটাকে পাঠাবে ওরা।'

'বতসোয়ানার দিকে যাচ্ছি না,' বললো রানা। 'নিরাপদ যে-কোনো একটা জায়গায় তোমাদেরকে নামিয়ে দিতে চাই।'

'তারপর ?'

'আমি আর সোহানা ফিরে আসবো, উমঙ্গোর সাথে আমাদের একটা বোঝাপড়া আছে।'

'আমার নেই ?' তীক্ষ্ণ কণ্ঠে জানতে চাইলো মাজুলেট। 'আমিও তোমাদের সাথে আছি।'

'আমিও,' মাজুলেটের পাশ থেকে বললো মিরাগু।

'কিন্তু এরমধ্যে অতিরিক্ত ঝুঁকি..., ' প্রতিবাদ করতে যাচ্ছিল রানা।

যুহু শব্দে হাসলো মাজুলেট। 'মনে করিয়ে দেয়ার জন্তে ধন্যবাদ, মাই ফ্রেন্ড কিন্তু ভুলে যেয়ো না, এটা শুধু আমার অস্তিত্ব আর ক্যারিয়ারের প্রশ্নই নয়, ম্যাটাবেল উপজাতির টিকে থাকার প্রশ্নও বটে। বর্তমানে আমিই ওদের রাজা, বেজন্মা উমঙ্গোর বিরুদ্ধে

লড়তে হবে আমাকেই।’

‘আগারকারিছ নামানো অবস্থায় বেশি দূর আমরা যেতে পারবো না,’ বললো সোহানা। পরমুহূর্তে বন্ধ হয়ে গেল ইঞ্জিন, কিন্তু এবার আর চালু হলো না।

ভৌতিক নিস্তব্ধতা নামলো প্লেনের ভেতর। শুধু বুলেটের ফুটো-গুলো দিয়ে শেঁ। শেঁ। শব্দে বাতাস ঢুকছে। প্রাণেলারটা কয়েক সেকেন্ড ঘুরলো, তারপর সেটাও একটা ঝাঁকি খেয়ে থেমে গেল। ‘ইঞ্জিন আউট,’ ফিসফিস করে বললো সোহানা। ‘কোথাও যাবার প্রশ্নই ওঠে না। এখানেই আমাদের নামতে হবে, যদি পারি।’ ফোর্সড ল্যান্ডিংয়ের প্রস্তুতি নিতে ব্যস্ত হয়ে পড়লো সে। ওদের সামনে এবড়োখেবড়ো পাহাড়, তার নিচে ঘন বনভূমি। অলস-ভঙ্গিতে সেদিকে নেমে যাচ্ছে সেসনা।

‘সিট বেল্ট!’ নির্দেশ দিলো রানা। ‘শোল্ডার স্ট্র্যাপ!’

মাস্টার সুইচ, ফ্যুয়েল ট্যাংক সুইচ অফ করে দিলো সোহানা, কিছুর সাথে ধাক্কা লাগলে প্লেনে যাতে আগুন ধরে না যায়। ‘খোলা কোনো জায়গা দেখতে পাও?’ রানাকে জিজ্ঞেস করলো সে। ঝাপসা উইণ্ডস্ক্রীন দিয়ে সামনেটা দেখার ব্যর্থ চেষ্টা করলো।

‘না।’ ওদের নিচে ঘন সবুজ জঙ্গলে কোনো ছেদ নেই।

‘হুটো বড় গাছ বেছে নেবো, গাছ ছটোর মাঝখানে পড়বো প্লেন নিয়ে,’ প্ল্যানটা বললো সোহানা। ‘ডানা ছটো ভেঙে গেলে স্পীড কমে আসবে। ধাক্কাটা...’

‘বলো রাম-ধাক্কাটা...’ বাধা দিয়ে ফোড়ন কাটলো রানা।

‘হ্যাঁ। কাজেই এই শেষ সুযোগ, একটু আধটু প্রার্থনা করে নিতে পারো।’ পাশের জানালার প্যানেল টানাটানি করলো সোহানা,

তার হয়ে তিনটে ঘুন্সি দিয়ে ফ্রেম থেকে পারসপেক্স শিট খসিয়ে
আনলো মাজুলেট। জানালা দিয়ে বাইরে মাথা বের করলো সোহানা,
তীক্ষ্ণগতি বাতাসে সরু একছোড়া ফাটল হয়ে উঠলো চোখ।

পাহাড়, মাটি, আর বনভূমি দ্রুত ছুটে এলো ওদের দিকে। প্রতি
মুহূর্তে আকারে বড় হলো পাহাড়গুলো, আকাশের দিকে উঠতে
শুরু করে ওদেরকে ছাড়িয়ে গেল, দুই পাহাড়ের মাঝখান দিয়ে
গ্রাইড করে একটা উপত্যকার দিকে নামছে সেননা। ঝাপসা উইণ্ড-
ক্রীন দিয়ে গাছের মাথা দেখতে পেলো রানা।

‘দরজা খোলো।’ বললো সোহানা। ‘প্লেন যতোকণ নড়বে, কেউ
স্ট্র্যাপ খুলবে না। তারপর যত তাড়াতাড়ি সম্ভব নেমেই দৌড়
দেবে।’

সেননার নাক উঁচু হলো, পরমুহূর্তে ছেড়ে দেয়া পাথরের মতো
খসে পড়তে শুরু করলো নিচের দিকে। হিসেবে চুল পরিমাণ ভুল
করেনি সোহানা, দুই গাছের মাঝখানে পড়লো প্লেন, প্রথম ধাক্কা-
তেই গোড়া থেকে বিচ্ছিন্ন হয়ে গেল ডানা দুটো। স্ট্র্যাপে টান পড়ায়
চামড়া ছড়ে গেল ওদের, মাংস থেঁতলে গেল। ধাক্কা লাগায় প্লেনটা
তার বেশিরভাগ গতি হারালেও, ডানাহীন ধড়টা হেলেছলে, এটা-
সেটার সাথে বাড়ি খেতে খেতে জঙ্গলের ভেতরে ঢুকে পড়লো।
আরোহীরা একবার ডান দিকে ছিটকে পড়লো, পরমুহূর্তে বাঁ দিকে।
এরপর ডিগবাজি খেতে শুরু করলো ফিউজিলাজ, মাটিতে নাক
ঠেকিয়ে খাড়া হলো, কিন্তু পুরোপুরি খাড়া না হয়ে সবেগে আবার
নেমে এলো নিচের দিকে, মাটিতে লেজ দিয়ে প্রচণ্ড একটা আছাড়
খেলো।

‘আউট!’ হংকার ছাড়লো রানা। ‘গ্যাসের গন্ধ পাচ্ছি। গেট
অন্ধকারে চিতা-২

আউট অ্যাণ্ড রান।’

খোলা দরজা কজা থেকে ছিঁড়ে অদৃশ্য হয়েছে, সিট বেস্ট খুলে ফাঁকটা দিয়ে পাথুরে মাটিতে হুমড়ি খেয়ে পড়লো ওরা। তারপর ছুটলো।

সোহানাকে ধরে ফেললো রানা, ছ’জন পাশাপাশি ছুটলো। সোহানার মাথা থেকে স্কাফ’টা খসে পড়েছে, তার এলো চুল যেন কালো সিল্ক, বাতাসে উড়ছে। কাঁধে একটা স্পর্শ পেলো সে, রানা তাকে ধরে পথ দেখিয়ে নিয়ে এলো শুকনো একটা নালার ঠোটে। লাফ দিয়ে পড়লো ওরা, তলায় নরম বালি। গুটিসুটি মেরে পড়ে থাকলো।

‘আগুন ধরবে বলে মনে হয়?’ হাঁপাতে হাঁপাতে জিজ্ঞেস করলো সোহানা।

‘দেখা যাক।’ এক হাতে সোহানার পিঠ জড়িয়ে ধরেছে রানা। যেন-কোনো মুহূর্তে গ্যাসোলিনে আগুন ধরে যেতে পারে। তারপরই বিস্ফোরিত হবে মেইন ট্যাংক।

কিছুই ঘটলো না, বনভূমির জমাট নিস্তব্ধতা ঘিরে ধরলো ওদেরকে। ফিসফিস করে কথা বললো ওরা।

‘পরীর মতো উড়তে পারো তুমি।’

‘ডানা ভাঙা পরী।’

আরো এক মিনিট অপেক্ষা করলো ওরা। ‘দাঁড়াও,’ বললো রানা। ‘দেখি কি অবস্থা।’

সাবধানে উঠে দাঁড়ালো ওরা, নালার কিনারা দিয়ে উঁকি দিলো। ফিউজিলাজ বিধ্বস্ত হয়েছে, সেসনার ধাতব ছাল-চামড়া কাগজের মতো ছমড়েমুচড়ে গেছে। কিন্তু আগুনের কোনো লক্ষণ নেই।

‘মাজুলেট!’ হাঁক ছাড়লো রানা। ‘মিরাণা!’

উপত্যকার পাথুরে কিনারায় গা ঢাকা দিয়েছিল ওরা, ডাক শুনে আড়াল থেকে বেরিয়ে এলো।

সবাই খুব নার্ভাস হয়ে পড়েছিল, কিন্তু কোনো বিপদ না ঘটায় বোকার মতো হাসলো। প্রত্যেকেরই হাত-পায়ের চামড়া ছিলে গেছে, সামান্য রক্ত পড়েছে মিরাণার নাক দিয়ে, কিন্তু মারাত্মকভাবে আহত হয়নি কেউ।

‘এখন কি করবো আমরা?’ জিজ্ঞেস করলো মাজুলেট, পরস্পরের দিকে অসহায় চোখে তাকালো ওরা।

বিশ্বস্ত সেসনা থেকে টুলবক্স, ফার্স্ট এইড কিট, সারভাইভাল কিট, উর্চ, পাঁচ মিটারের একটা অ্যালুমিনিয়াম ওয়াটারবটল, কন্সল, পিস্তল, রাইফেল, অ্যামুনিশন, ম্যাপ কেস, কম্পাস, আর মন্ট ট্যাবলেট সহ প্রয়োজনীয় আরো কিছু জিনিস বের করে নিলো ওরা। এরপর এক ঘণ্টা ব্যয় করলো দুর্ঘটনার সমস্ত চিহ্ন মুছে ফেলতে। রানা আর মাজুলেট ডানা দুটো ধরাধরিকরে নালায় নামালো, শুকনো ডালপালা দিয়ে ঢেকে দেয়া হলো ওগুলো। ফিউজিলাজ আর ইঞ্জিন সরানো সম্ভব হলো না, ঝোপ কেটে এনে চাপা দেয়া হলো। কাজ করার সময় হ’বার প্লেনের আওয়াজ ঢুকলো কানে, দূরে কোথাও রয়েছে।

‘ডাকোটা,’ বললো সোহানা।

‘আমাদের খুঁজছে।’

‘কিন্তু ওদের তো জানার কথা নয় আমরা নেমেছি।’

‘আন্দাজ করে নেবে,’ বললো রানা। ‘সেসনায় একটা দুটো গুলি

লাগেনি, ওরা জানে। তল্লাশী চালাবার জন্যে ফুট পেট্রল পাঠাবে ওরা। গ্রামের লোকদের জেরা করবে।’

‘তাহলে যতো তাড়াতাড়ি সম্ভব এখান থেকে সরে যেতে হবে আমাদের...।’

‘সরে যাবোটা কোন দিকে?’

‘আমার একটা প্রস্তাব আছে,’ আলোচনায় যোগ দিলো মিরাগু। ‘আমাদের খাবার দরকার, দরকার একজন গাইডের। চেষ্টা করলে আমি বোধহয় পথ দেখিয়ে তোমাদেরকে আমার বাবার গ্রামে নিয়ে যেতে পারবো।’

‘কিন্তু তাতে তোমার বাবাকেই শুধু নয়, গ্রামের সবাইকে বিপদে ফেলা হবে,’ বললো রানা।

‘বাবা আমাদেরকে গ্রামে রাখবে না,’ বললো মিরাগু। ‘আশ-পাশের গোটা এলাকা ভালো করে চেনে সে, একটা লুকাবার জায়গা দেখিয়ে দিতে পারবে।’

ক্ষীণ একটু হাসি ফুটলো রানার ঠোঁটে। ‘কে বললো আমরা লুকাতে চাই?’

‘না, আমি বলছিলাম, আপাততঃ আর কি!’

‘মিরাগুর প্রস্তাবটা কিন্তু মন্দ নয়,’ সায় দিলো সোহানা। ‘উম্মঙ্গোর বিরুদ্ধে কিছু করতে হলে প্রথমেই নিরাপদ একটা ঘাটি দরকার আমাদের।’

কাঁধ ঝাঁকালো রানা। ‘তা বটে।’

‘কাজেই দেরি না করে চলো রওনা দিই,’ তাগাদা দিলো মাজু-লেট।

রাইফেল নিয়ে আধ মাইল আগে থাকলো রানা, পথের পাশে

চিহ্ন রেখে এগোতে লাগলো। মাজুলেট দুর্বল, তাই সবার পিছনে থাকলো সে, মাঝখানে থাকলো সোহানা আর মিরাগু।

সুদূর তটদেশে একটা নদীর তলা খুঁড়ে পানি বের করলো রানা, চাদকাটি দিয়ে শোয়ার আগে সবাই একটা করে মন্ট ট্যাবলেট চুষলো। টেস্টে গিয়ে ঘুমাতে গেল রানা আর মাজুলেট, রাতের প্রথম প্রহরে সাহায্য থাকলো মেয়েরা।

পরদিন ভোরে একটা মেটো পথ পেরিয়ে থামলো রানা। দেখা মাত্র পথটা চিনতে পারলো মিরাগু। ছ'ঘণ্টা পর শশংগিরের গ্রামের নিচে, উপত্যকায় পৌঁছলো ওরা। ভুট্টা ক্ষেতের আড়ালে গা ঢাকা দিয়ে থাকলো তিনজন, পাহাড়ের মাথায় গ্রামে উঠে গেল মিরাগু। এক ঘণ্টা পর জাহকর বাবাকে নিয়ে ফিরে এলো সে।

হবু জামাতা হলেও, জেনারেল মাজুলেট ম্যাটাভেলদের মুকুটহীন রাজা, তাই রীতি অনুসারে তার পা জড়িয়ে ধরে সম্মান দেখাতে গেল শশংগিরে। কিন্তু বাধা দিলো মাজুলেট, বৃড়ো জাহকরকে আলিঙ্গন করলো সে।

‘এই জায়গা নিরাপদ নয়,’ ফিসফিস করে বললো শশংগিরে। ‘চারদিকে ঘুর ঘুর করছে শোনারা। আমার সাথে আসুন, নিরাপদ একটা জায়গায় আপনাদের পৌঁছে দিই।’ দীর্ঘদেহী বৃদ্ধ লিকলিকে পা ফেলে হন হন করে হাঁটতে শুরু করলো। মাজুলেট আর মেয়েরা পিছিয়ে পড়লো, খানিক পর পর থামতে বাধ্য হলো শশংগিরে। একনাগাড়ে প্রায় ছ'ঘণ্টা হাঁটলো ওরা, শেষের এক ঘণ্টা হাঁটলো ঘন কাঁটারোপ আর ভাঙাচোরা পাথুরে মাটির ওপর দিয়ে। কোথাও কোনো নির্দিষ্ট পথ নেই, শশংগিরে ছাড়া কেউ জানে না কোন্‌দিকে কোথায় যাচ্ছে তারা।

‘আমার ভালো ঠেকছে না,’ ফিসফিস করে রানাকে বললো মাজুলেট।

মাজুলেট কি বলতে চায় বুঝতে পারলো রানা। এদিকে একটা পাখি নেই, ঝোপের ভেতর থেকে একটা পোকা পর্যন্ত ডাকছে না। কেমন যেন ভৌতিক একটা পরিবেশ। কালচে পাথরগুলোকে মনে হলো আগুনে পোড়া, গাছের ডালগুলো কয়লার মতো, গায়ে শ্যাওলা জমেছে। হঠাৎ করেই যেন কালো পাথর গ্রাস করলো বৃদ্ধ জাহ্নকরকে, চোখের পলকে অদৃশ্য হয়ে গেল সে।

জায়গাটায় পৌঁছে চারদিকে তাকালো ওরা, কিন্তু শশংগিরের ছায়াও দেখা গেল না।

‘এদিকে,’ সহস্র ফাটল ধরা পাথরের ভেতর থেকে প্রতিধ্বনি বেরিয়ে এলো, ‘বঁাকের সামনে।’

পাহাড়-প্রাচীর ভাঁজ খেয়ে আরেক দিকে এগিয়ে গেছে, সরু একটা লুকিয়ে থাকা ফাটল দেখতে পেলো ওরা, কোনো রকমে একজন মানুষ গলতে পারে। ভেতরে ঢুকে অল্প আলায়ে চারদিকে তাকালো রানা। মাথার ওপরের কাণিশ থেকে একটা কুপি নামিয়ে জ্বলেছে শশংগিরে।

‘আমুন,’ ডাকলো বৃদ্ধ। ‘ভয় পাবার কিছু নেই, এ অত্যন্ত পবিত্র জায়গা।’ তার পিছু পিছু প্যাসেজ ধরে এগোলো ওরা।

‘এদিকের সবগুলো পাহাড় আসলে একটা করে গোলক ধাঁধা,’ বিড়বিড় করে বললো মিরাগু। ‘গুহা, সুড়ঙ্গ, কুয়া, আর ফাটল— একবার পথ হারালে আর রক্ষে নেই।’

দেড়শো গজ এগিয়ে প্যাসেজটা বড় একটা গুহার এসে থেমেছে। গম্বুজ আকৃতির ছাদের একটা খোলা অংশ থেকে আলো ঢুকছে।

ঘরের একধারে আগুন জ্বালাবার আয়োজন দেখা গেল, কুপিটা নিভিয়ে সেখানে রেখে দিলো শশংগিরে। ‘জাহ্ন শিখতে এসে এখানেই সাম্ন-নায় বসে শিখার।’ বললো সে। ‘এখানে বসেই আমি আমার বাবার কাছ থেকে জাহ্ন শিখেছি। আপনারা এখানে সম্পূর্ণ নিরাপদ।’ তার ইঙ্গিতে পাথরের মেঝেতে বসে পড়লো সবাই, ক্রান্তিতে শুয়ে পড়লো কেউ কেউ। ‘এটা মাটা বেলদের গোপন এলাকা, শোনারা চেনে না।’

সন্ধ্যার আগেই মিরাগুড়র দুই সৎ বোন মাথায় করে খাবার নিয়ে এলো। মিরাগুড়র মতোই বয়স তাদের, শরীরে উথলানো যৌবন, কিন্তু পরনে কিছু না থাকারই মতো। আগুন জ্বলে রান্নার কাজে ব্যস্ত হয়ে পড়লো দুই যুবতী। ঠিক হলো, একদিন পর পর খাবার নিয়ে আসবে তারা।

থেতে বসার আগে দেশী মদ পরিবেশন করলো শশংগিরে। মাজুলেটের সাথে কথা হলো তার। জানা গেল, মাজুলেট সেবার টুটিতে আসছিলই শশংগিরের সাথে দেখা করার জন্যে। শশংগিরে তাকে জরুরী খবর পাঠিয়েছিল। কিন্তু পথে জেনারেল উমাজো তার শোনা সৈনিকদের নিয়ে মাজুলেটকে অনুসরণ করে, পোচিঙের মিথ্যে অভিযোগ তুলে গ্রেফতার করা হয় তাকে।

রানার দিকে চট্ করে একবার তাকিয়ে নিয়ে শশংগিরে বললো, ‘যে কথাটা বলবো বলে আপনাকে ডেকেছিলাম সেটা অত্যন্ত গোপনীয়। বিষয়টা নিয়ে বাইরের কারো সামনে আলোচনা করা যায় না।’

‘এখনো যে আমি বেঁচে আছি, সে তো ওদেরই জন্যে,’ রানা আর সোহানাকে দেখিয়ে বললো মাজুলেট। ‘রানা শুধু আমার অন্ধকারে চিতা-২

বন্ধু নয়, তারচেয়ে বেশি কিছু । যা বলার ওদের সামনেই বলতে পারেন আপনি ।’

থমথমে চেহারা নিয়ে কিছুক্ষণ চুপ করে থাকলো বুদ্ধ জাহ্নকর, তারপর জিজ্ঞেস করলো, ‘আপনি রাজা লোবেনগুলার সমাধিতে গিয়েছিলেন ?’

মাথা ঝাঁকালো মাজুলেট । ‘আপনি বোধহয় পাঁচ গ্যালন হীরের কথা জানতে চাইছেন । না, ওখানে কোনো হীরে নেই ।’

বুদ্ধের ঠোঁটে ক্ষীণ একটু হাসি ফুটে উঠেই মিলিয়ে গেল । ‘থাকবে কি করে । হীরে তো সব সরিয়ে ফেলা হয়েছে ।’

‘তারমানে !’ আকাশ থেকে পড়লো মাজুলেট ।

এরপর বুদ্ধ জাহ্নকর যে গল্পটা শোনালো, সংক্ষেপে তা এই রকম :

লোবেনগুলার আত্মহত্যা করার পর ম্যাটাবেলদের রাজা হলো গ্যানডাং । গ্যানডাং ম্যাটাবেল সৈনিকদের নিয়ে শ্বেতাজদের বিরুদ্ধে যুদ্ধ করতে গেল । শ্বেতাজদের একজন সেনাপতি, ম্যাটাবেলরা তার নাম দিয়েছিল টাকা-টাকা, গ্যানডাঙের সৈনিকদের বন্দী করে । এই বন্দীদের মধ্যে অন্তত একজন লোক ছিলো যে লোবেনগুলার সমাধি চিনতো । টাকা-টাকার আসল পরিচয়, স্যার রালফ ব্যালেন্টাইন, রোডেশিয়ার প্রথম প্রাইম মিনিষ্টার । লোবেনগুলার সমাধিতে পাঁচ পাত্র হীরে আছে এই গুজব আগেই শুনেছিল টাকা-টাকা । বন্দীকে লোভ দেখায় সে, স্বজাতির সাথে বেঙ্গমানী করতে রাজি হয় বন্দী । ছোটো একটা দল নিয়ে লোবেনগুলার সমাধির উদ্দেশে রওনা হয়ে যায় তারা ।

গ্যানডাং তার লোকজন নিয়ে সমাধি থেকে চলে এলেও, এক-

জন লোক পাহাড়ে রয়ে যায়, তার নাম ছিলো ইনসুতসা—তীর। সমাধি পাহারা দেয়ার জন্তে থেকে যায় সে, সমাধির কাছাকাছি একটা গ্রাম গড়ে তোলে। এই ইনসুতসা ছিলো শশংগিরের পিতামহ।

টাকা-টাকা তার দলবল নিয়ে একটা পাহাড়ে আস্তানা গাড়লো। খবর পেয়ে সন্দেহ হলো ইনসুতসার। সে তার তিন যুবতী মেয়েকে পাঠালো শ্বেতাঙ্গদের আস্তানায়। মেয়ে গোয়েন্দারা টাকা-টাকার সাথে কথা বলে আসল কথা কিছুই জানতে পারলো না। সুযোগের অপেক্ষায় থাকলো তারা। একসময় ঠিকই জানা গেল সব খবর। একটু প্রেমের অভিনয় করতেই টাকা-টাকার সাথে তার কি কথা হয়েছে সব গড়গড় করে বলে ফেললো বিশ্বাসঘাতক মাটিবেল।

সব জ্ঞানার পর বিশ্বস্ত কিছু লোক নিয়ে লোবেনগুলার সমাধিতে হাজির হলো ইনসুতসা, তাদের মধ্যে শশংগিরের বাবাও ছিলো। পাঁচ পাত্র হীরে বের করে আনে তারা, বের করে আনে রাজার মরদেহ। বাইরে বেরিয়ে এসে প্রবেশ-পথটা আবার তারা সীল করে দেয়।

প্রায় মাস খানেক পর, অনেক খোঁজাখুঁজি করে লোবেনগুলার সমাধি পায় টাকা-টাকা। কিন্তু ভেতরে ঢুকে লোবেনগুলার মরদেহ বা হীরে কিছুই পায়নি সে।

‘কিন্তু একটা হীরে ওখানে রয়ে গিয়েছিল,’ বললো মাজুলেট। ‘ইনসুতসা বা টাকা-টাকা, ছ’জনের কারো চোখেই পড়েনি সেটা।’

‘হতে পারে,’ হঠাৎ নিলিপ্ত দেখালো বুদ্ধ জাহ্নকরকে। ‘আপনারা ক্লাস্তি বোধ করলে এবার শুয়ে পড়তে পারেন। কি? আরো গুনতে চান? কিন্তু আর তো কিছু বলার নেই। গল্প আমার শেষ...’

‘কিন্তু হীরে আর রাজার মরদেহ ?’ ব্যগ্র কণ্ঠে জানতে চাইলো মাজুলেট। ‘সমাধি থেকে বের করে কোথায় নিয়ে যাওয়া হলো ওগুলো ? আপনি জানেন না ?’

দাঁতহীন মাড়ি বের করে একগাল হাসলো বুদ্ধ জাহ্নকর। ‘জানি বৈকি, রাজা মাজুলেট, নিশ্চই জানি। আমার বাবা আমাকে বলে গেছে।’

‘ওখানে আপনি আমাকে নিয়ে যেতে পারেন ?’

‘আমি কি বলিনি, এটা একটা পবিত্র জায়গা।’

‘মাই গড !’

‘এখানে !’ মিরাগু আর সোহানা দু’জন একসাথে-বিড়বিড় করলো, বিস্ময়ে বিস্ফারিত হয়ে গেছে দু’জোড়া চোখ। হাঁ হয়ে গেছে রানাও। ওদের সবাব প্রতিক্রিয়া লক্ষ্য করে মুচকি মুচকি হাসতে লাগলো বুদ্ধ।

পরদিন সকালে নাস্তা খাবার পর প্রস্তুতি শুরু হলো। গুহার মেঝে থেকে একটা পাথর সরিয়ে ভেতর থেকে বের করা হলো একটা কেরোসিন ল্যাম্প, কুণ্ডলী পাকানো তিন প্রস্থ নাইলনের রশি, ছোটো আকারের তিনটে কুঠার। রশিগুলো স্বাধীনতা যুদ্ধের সময় শ্বেতাঙ্গ সৈনিকদের কাছ থেকে লুট করা হয়েছিল। রঙনা হবার আগের মুহূর্তে বুদ্ধ জাহ্নকর হঠাৎ বলে বসলো, জায়গাটা ভয়ানক দুর্গম, মেয়েরা সাথে থাকলে বিপদে পড়তে হবে। কিন্তু সোহানা আর মিরাগুর জেদের কাছে নতি স্বীকার করতে হলো তাকে।

গুহার গায়ে অনেকগুলো প্যাসেজের খোলা মুখ রয়েছে, তারই একটা ধরে শুরু হলো যাত্রা। ল্যাম্প হাতে আগে আগে থাকলো

শশংগিরে তার পিছনে এক প্রস্থ রশি নিয়ে মাজুলেট, সবার পিছনে দ্বিতীয় প্রস্থ রশি আর কুপি নিয়ে থাকলো রানা, ওর সামনে মেয়েরা।

এঁকেবেঁকে এগিয়ে গেছে প্যাসেজ, যতোই এগোলো ওরা ততোই সরু হয়ে এলো সেটা। একটা তেমাথায় পৌঁছলো ওরা, কোনো রকম ইতস্তত না করে ডানদিকের প্যাসেজ ধরে হন হন করে এগোলো শশংগিরে ছোটো একটা ছুরি দিয়ে প্যাসেজের গায়ে একটা চিহ্ন রাখলো রানা। লাইমস্টোনের দেয়ালে শ্যাওলা জমেছে, পাথরের গায়ে সরু স্রুতোরমতো অসংখ্য ফাটল। কোথাও কোথাও ছাদ এতো নিচু যে হামাগুড়ি দিয়ে এগোতে হলো। পায়ের তলায় পিচ্ছিল মেঝে। প্রকৃতির তৈরি একটা সিঁড়ির মাথায় এসে থামলো ওরা, লাইমস্টোনের ধাপধীরে ধীরে উঠে গেছে অন্ধকারের ভেতর। সিঁড়ি ভেঙে ওঠার সময় মাথার ওপর একদল বাতুড়ের ডানা ঝাপটানোর আওয়াজ শুনলো ওরা।

বিশ মিনিট পর সামনে একটা ফাটল দেখে দাঁড়িয়ে পড়তে হলো। মস্ত লাইমস্টোনের কিনারা থেকে প্রায় খাড়াভাবে নেমে গেছে ফাটলের গা, এতো গভীর যে ল্যাম্পের আলো তলা পর্যন্ত পৌঁছলো না। শশংগিরের নির্দেশে লাইমস্টোনের একটা পিলারের সাথে রশির একটা প্রান্ত বাঁধা হলো, প্রতিবার একজন করে রশি ধরে বুলে নেমে এলো পঞ্চাশ ফিট। পাথরের মেঝে দু'ভাগ হয়ে গিয়ে তৈরি হয়েছে এই ফাটল, এতোই সরু যে রশি ধরে নামার সময় দু'দিকের দেয়াল ছুঁতে পারলো রানা। যতো নামলো, ততোই চওড়া হলো ফাটলটা, মাথার ওপর অন্ধকারে হারিয়ে গেল ছাদ রশি প্রায় শেষ হয়ে এসেছে, এই সময় নিচের ল্যান্ডিংয়ে ওদেরকে দেখতে পেলো

রানা। শেষ ঢালটা পেরিয়ে চওড়া একটা সম্মতল চত্বরে নামলো ও। দেখলো, চত্বরের কিনারা থেকে উঁকি দিয়ে নিচের দিকে তাকিয়ে আছে সবাই। নিচে একটা আগারগ্রাউণ্ড লেক দেখা গেল।

‘এখন ?’ জিজ্ঞেস করলো সোহানা, বিশাল শ্যাফটের দেয়াল আর ছাদে বাড়ি খেয়ে চারদিক থেকে ফিরে এলো প্রতিধ্বনিগুলো।

‘এখন...এখন...এখন...এখন...এখন ?’

লাইমস্টোনের শ্যাফট-টা লেকের পানিতে ভরে আছে। পানির উল্টোদিকের সীমানায়, দেড়শো ফিট দূরে, শ্যাফটের ছাদ নামতে শুরু করে পানি স্পর্শ করেছে। সেসনা থেকে উদ্ধার করা ফ্যাশ-লাইটটা এই প্রথম ব্যবহার করলো রানা। যুগ যুগ ধরে স্পর্শ করা হয়নি এই পানি, টচের আলোয় ফটিকের মতো স্বচ্ছ দেখালো, লেকের তলা পর্যন্ত দেখা যায়। পানির নিচে দেয়ালগুলো ভেতর দিকে তোবড়ানো, ফলে লেকের ওপর থেকে দেয়ালে কোনো ফাটল বা আর কিছু আছে কিনা বোঝার উপায় নেই।

‘রানা, এই একটা সুযোগ তোমার,’ বললো মাজুলেট, ‘ইচ্ছে করলেই একটা মাছ হয়ে যেতে পারো।’

‘এখান থেকে কোন্‌দিকে, বাবা ?’ জিজ্ঞেস করলো মিরাগু।

বৃদ্ধ জাহ্নকর অনেকক্ষণ ধরে যা ব্যাখ্যা করলো তার সারমর্ম এই রকম : রাজা লোবেনগুলার মরদেহ এখানে রেখে যাবার সময় এ-দেশে দীর্ঘ সাত বছর ধরে থরা চলছিল। লেকের পানি অনেক নিচে ছিলো তখন। পানির ওপর, দেয়ালের গায়ে একটা প্যাসেজের মুখ ছিলো, এখন সেটা পানির তলায়। সেই প্যাসেজ ধরে উঠলে তবে লোবেনগুলার সমাধিতে যাওয়া সম্ভব। রাজাকে ওখানে রেখে যাবার পর দেশের এই এলাকায় প্রচুর বৃষ্টিপাত হয়, তাতে করে প্রতি

বহর পানির লেভেল ওপর দিকে উঠে এসেছে। একটা চোখা পাথরের ডগা দেখাশোনা শশংগিরে, সারফেস থেকে ত্রিশ ফিট নিচে। শেষবার যখন এখানে এসেছিল সে, পানির লেভেল ওই পাথরের নিচে ছিলো।

রানা জ্ঞানতে চাইলো, 'তারমানে লোবেনগুলার সমাধি নিজের চোখে আপনি দেখেননি কখনো?'

'না। তবে আমার বাবা আমাকে বর্ণনা দিয়ে গেছেন।'

লেকের কিনারায় হাঁটু মুড়ে বসলো রানা, পানিতে হাত ডোবা-লো। এতো ঠাণ্ডা যে ঝট্ করে হাতটা তুলে নিতে হলো, সারা শরীরে শীতল একটা শিহরণ বয়ে গেল।

'মাজুলেট, সব তুলে যাওয়াই ভালো হে,' বললো রানা। 'এই পানিতে কেউ নামলে তাকে আর উঠতে হবে না।'

'লক্ষ্মী, ভাই!' মাজুলেটের চেহারায় আর গলার সুরে আবদার বঝে পড়লো। 'আমি যদি সাঁতার জানতাম তাহলে তোমাকে...'

'মাসুদ ভাই, কিছু চিন্তা করবেন না, আপনার জন্তে আমি খানিকটা দেশী মদ নিয়ে এসেছি...।'

মিরাণ্ডাকে খামিয়ে দিয়ে সোহানা বললো, 'মিজ, রানা, সবাই যখন এতো করে বলছে...।'

'তুমিও।'

'না, মানে, কই, পানির নিচে তো একটাও হাঙ্গর বা কুমির দেখতে পাচ্ছি না, তাই বলছিলাম...।'

সবাই হেসে উঠলো, অগত্যা শার্টের বোতাম খুলতে শুরু করলো রানা। রশি টেনে নিয়ে একটা প্রাস্ত রানার কোমরে বাঁধলো মাজুলেট। ওদের কাছ থেকে দূরে সরে গিয়ে, চত্বরের শেষ মাথায় বসেছে

শশংগিরে, একটা চুরুট ধরিয়ে একমনে টানছে।

শুধু আঙুর অয়্যার পরে দাঁড়িয়ে রয়েছে রানা। নিচু গলায় মাঝুলেট বললো, ‘ওটাই বা ভেজাবার দরকার কি?’

‘মিরাণ্ডা,’ সংক্ষেপে জবাব দিলো রানা।

‘ও একজন ম্যাটাভেল। ন্যাডিটি ডাক নট অফেণ্ড আস।’

মুখে হাত চাপা দিয়ে হাসলো মিরাণ্ডা। ‘থাক, থাক—কেন শুধু শুধু বেচারাকে লজ্জা দিচ্ছো! যে গোপন করে রাখতে চায়, রাখুক, অবশ্য আমার কিন্তু কিছুই গোপন থাকেনি।’

ডাইভ দিয়ে পানিতে পড়লো রানা, সাঁতরে লেকের মাঝখানে চলে গেল। কয়েক সেকেন্ড পর ঠাণ্ডাটা সঙ্গে এলো শরীরে, নামতে শুরু করে ত্রিশ ফিট নিচের লাইমস্টোনের তীক্ষ্ণ ডগাটা। লক্ষ্য করে ক্যান্ডলাইটের আলো ফেললো।

পাশ কাটিয়ে এসে পাথরটার গায়ে পা দিয়ে ধাক্কা দিলো রানা। আগের চেয়ে দ্রুত নেমে যাচ্ছে ও। লাইমস্টোনের চকচকে দেয়াল একটা বলকের মতো উঠে যাচ্ছে ওপর দিকে। দেয়ালের গায়ে চোখ রেখে কোনো পথ আছে কিনা খুঁজছে ও।

কোমরে বাঁধা রশিতে টান পড়লো, পর পর ছ’বার। তারমানে এক মিনিট পেরিয়ে গেছে। সমাধিতে ঢোকান পথটা দেখতে পেলো রানা। প্রায় গোল একটা প্রবেশ-মুখ, মানুষের খুলির খালি চোখের কথা মনে করিয়ে দিলো ওকে। ফাঁকটার মাথায় সরু কাগিশ ধরে থামলো ও। প্রবেশ-মুখটা যথেষ্ট বড়, একজন মানুষ অনায়াসে ভেতরে ঢুকতে পারে। ফাঁকের ভেতর দেয়ালের গায়ে হাত বুলালো, আঠালো কাদা লাগলো আঙুলে। আন্দাজ করলো, মাটির ওপর থেকে এটা একটা টানেল, পাতালে নেমে এসেছে, এই পথেই নিচে

নামার সুযোগ পায় বৃষ্টির পানি।

হঠাৎ করে ভয় ভয় লাগলো রানার। এই অন্ধকার টানেলের ভেতর ভৌতিক কি যেন ওত পেতে আছে। মুখ তুলে ওপরে, সারফেসের দিকে তাকালো ও। চল্লিশ ফিট ওপরে শশংগিরের ল্যাম্পের আলো আঁবছাভাবে দেখা গেল। ইচ্ছে হলো, টানেলের মুখ থেকে এই মুহূর্তে পালিয়ে যায়।

এই প্রথম অনুভব করলো রানা, অক্সিজেন পাবার জন্যে মোচড় খেতে শুরু করেছে ফুসফুস। পরপর ছ'বার টান পড়লো কোমরে। ছ'মিনিট পেরিয়ে গেল, তারমানে সময় প্রায় শেষ।

যা থাকে কপালে, টানেলের মুখ গলে ভেতরে ঢুকে পড়লো রানা। তির্যকভাবে উঠে গেছে টানেল, পাইপের মতো গোল। সামনে টরের আলো ফেলে বিশ ফিটের মতো ঢালের গা ছুঁয়ে সাঁতার কেটে উঠলো রানা। মেঝে থেকে কাদা তুলে আনছে ও, সামনেটা ঝাপসা দেখালো।

হঠাৎ করেই শেষ হয়ে গেল টানেল, কর্কশ পাথরের ওপর হাত বুলালো রানা। বুকের ভেতর তড়পাতে শুরু করেছে ফুসফুস, কানের ভেতর একটানা গুঞ্জন। আচ্ছন্নবোধ করলো ও, কিন্তু নিজেকে বাধ্য করলো ওখানে থাকতে। টানেলের বন্ধ মুখ পরীক্ষা না করে ফিরবে না।

হাত বুলিয়ে বুঝলো, লাইমস্টোনের সমতল টুকরো দিয়ে রাজ-মিস্ত্রীরা বন্ধ করে দিয়েছে টানেল। ঢালু মেঝেতে মসৃণ, ধাতব কি যেন একটা হাতে ঠেকলো, দেয়ালের গোড়ায় পড়ে রয়েছে। জিনিসটা নিয়ে ঘুরলো ও, টানেল ধরে নিচে নামতে শুরু করলো।

টানেলের মুখ থেকে বেরিয়ে এলো রানা, মাথার ওপর অনেক

উঁচুতে ল্যাম্পের আলো অস্পষ্টভাবে দেখতে পেলো । সীতার কেটে উঠছে ও, প্রতি মুহূর্তে বোধশক্তি কমে যাচ্ছে । চোখের সামনে থেকে নিভে গেল আলো, অন্ধকারে জ্বলজ্বলে তারা দেখতে শুরু করলো, পাথরের মতো ভারি হয়ে এলো হাত-পা ।

একটা ঝাঁকি খেয়ে টান টান হলো কোমরে বাঁধা রশি, অমুভব করলো সবেগে ওপরে উঠে যাচ্ছে সে । তিন মিনিট পেরিয়ে গেছে, ওকে টেনে তুলে নিচ্ছে মাজুলেট ।

হুই বগলের নিচে রশি নিয়ে পানিতে নেমে এসেছে মাজুলেট, রানাকে ধরে পানির ওপর তুলে আনলো সে । পাথুরে চত্বরে শুয়ে পড়লো রানা, কুণ্ডলী পাকানো শরীরটা ভ্রূণের আকৃতি পেলো, থক থক করে কেশে ফুসফুস থেকে বের করে দিলো পানি । ঠাণ্ডায় থরথর করে কাঁপছে ও । ওকে উপুড় করে শোয়ালো সোহানা, হুঁহাত দিয়ে চাপ দিতে শুরু করলো পিঠে । হড়হড় করে বমি করলো রানা । তবে ধীরে ধীরে স্বাভাবিক হয়ে এলো শ্বাস-প্রশ্বাস ।

‘কেমন লাগছে এখন ?’ ফিসফিস করে জিজ্ঞেস করলো সোহানা । রানার বুকে হাত বুলিয়ে দিচ্ছে সে ।

‘হেরে গেলে যেমন লাগে ।’ ঝাঁঝের সাথে বললো রানা । ‘খুশিতে বগল বাজাতে ইচ্ছে করছে ।’

‘ভালো আছে ও,’ সবাইকে আশ্বস্ত করলো মাজুলেট । ‘রেগে গেছে যখন, তারমানে ভালো আছে ।’

হাতের তালুতে লালচে মরচে দেখে মনে পড়লো রানার, পাশ থেকে তুলে নিলো ধাতব জিনিসটা । ‘একটা চেইন, ওয়্যাগন বাঁধার কাজে ব্যবহার করা হয় । ওখানে কোথেকে এলো ?’

ল্যাম্পের আলোর শেষ সীমানায় একা বসে আছে বৃদ্ধ জাহ্নকর,

বললো, ‘হ্যাঁ, ঠিক বলেছেন, গরুর গাড়ি বাঁধা হয় ওটা দিয়ে । রাজাকে নামাবার সময় ব্যবহার করা হয়েছিল ।’

‘তারমানে, মাজুলেটের চেহারা উদ্ভাসিত হয়ে উঠলো, ‘রানা, রাজার সমাধি আবিষ্কার করেছো তুমি ।’

নিচে কি দেখে এসেছে সব ব্যাখ্যা করে বললো রানা । সবশেষে জানালো, ‘হীরে উদ্ধার করার আশা ছেড়ে দেয়াই ভালো । ডাইভিং অ্যাপারেটাস ছাড়া ওই দেয়াল ভাঙা যাবে না ।’

‘কিন্তু সমাধি সত্যি আছে এ-কথা জানার পর...’

মিরাণ্ডাকে থামিয়ে দিয়ে সোহানা বললো, ‘হাল ছেড়ে দেয়ার প্রশ্নই ওঠে না । সমাধিতে আমাদের পৌঁছুতেই হবে ।

‘সোহানা, তোমার পকেটে একটা স্কুবা দেখেছিলাম, বের করো তো,’ রানা গভীর ।

‘ঠাট্টা করো না,’ বললো সোহানা । ‘নিশ্চয়ই কোনো না কোনো একটা উপায় বেরিয়েই যাবে... ।’

‘যতোকণ না বেরোয়, মুখে তালা দিয়ে থাকে—আর লোবেন-গুলার সমাধির কথা ভুলে যাও,’ বলে লেকের পানিতে মরচে ধরা চেইনের টুকরোটা ফেলে দিলো রানা । ‘বিদায় লোবেনগুলা, তোমার হীরে তোমার কাছেই থাক ।’

শশংগিরে গ্রামে ফিরে যাবার পর কয়েকটা দিন পেরিয়ে গেছে । গুহার ভেতর সময় ওদের কাটতে চায় না । পাথর দিয়ে ঘিরে ছোটো আড়াল তৈরি করেছে ওরা, একটায় মিরাণ্ডার সাথে মাজুলেট থাকে, আরেকটায় সোহানার সাথে রানা । ঘুমোবার সময়টা ছাড়া আড়াল থেকে বেরিয়ে এসে রাজ্যের নানান বিষয় নিয়ে আলাপ অন্ধকারে চিতা-২

করে ওরা। নাগালের বাইরে বলে মনে হলেও, মাজুলেটের বিশ্বাস একদিন না একদিন লোবেনগুলার হীরে উদ্ধার করা সম্ভব হবে, যদি সত্যি তা থাকে। এই হীরে নিয়ে ম্যাটাবেলিয়াগের উন্নতি করার স্বপ্ন দেখে সে। বিশেষ করে মেয়েদের জন্মে স্কুল দরকার, দরকার হাসপাতাল আর কমিউনিটি সেন্টার। অবশ্য, সে জানে, তার আগে দেশের পরিবেশটা ম্যাটাবেলদের অন্তর্কূলে আনতে হবে। এ তো জানা কথা, থার্ড ব্রিগেডের অত্যাচার যদি থামানো না যায়, গোটা ম্যাটাবেল উপজাতি নিশ্চিহ্ন হয়ে যাবে। আর থার্ড ব্রিগেডকে থামাতে হলে উমাস্জোর একটা ব্যবস্থা করতে হবে। ম্যাটাবেলদের সবচেয়ে বড় শত্রু সে-ই। হারারে-তে শত্রু অবশ্য আরো আছে, তবে উমাস্জো ধ্বংস হলে তারা আপনা থেকেই মুখ লুকাবে গর্তে।

রানা তাকে আশ্বাস দিয়ে বলেছে, উমাস্জোর ব্যাপারে কোনো দুশ্চিন্তা করতে হবে না। শয়তানটাকে শায়েস্তা না করে দেশে ফিরবে না ও।

একদিন খাবার নিয়ে এসে মেয়েরা খবর দিলো, থার্ড ব্রিগেডের সৈনিকরা গ্রামে এসেছিল। প্রথমে তারা গোটা গ্রামটাকে ঘিরে ফেলে, তারপর ঘরে ঘরে ঢুকে তল্লাশী চালায়। যুবতী কয়েকটা মেয়েকে উঠানে শোয়ায় তারা, উলঙ্গ করে হুমকি দেয় রানা আর মাজুলেটের খবর না জানালে ওদেরকে মেরে ফেলবে। কিন্তু শশং-গিরে ওদের সামনে বুক ফুলিয়ে দাঁড়াতে শোনারা চলে যায়। বৃদ্ধ জাতকরকে অন্ধানা করলেও, ভীষণ ভয় পায় শোনারা। ফেরার সময় হুঁচরটে মুরগী ছাড়া আর কিছু চুরি করেনি তারা। তবে বলে গেছে, আবার আসবে।

আরো জানা গেল, গোটা এলাকা জুড়ে ব্যাপক তল্লাশী চলছে

এখনো। শুধু পায়ে হেঁটে নয়, হেলিকপ্টার নিয়ে তন্নতন্ন করে খোঁজা হচ্ছে ওদের। পাহাড় আর বনভূমির প্রতিটি ইঞ্চিতে চোখ বুলাচ্ছে শেনার। মাড়াল থেকে গ্রামের লোকেরা দেখেছে, সার্চ পার্টির সাথে মাঝে মধ্যে জেনারেল উমাজ়োকেও দেখা যায়। ইতিমধ্যে কিছু পলাতক কয়েদী ধরাও পড়েছে, চেইন দিয়ে বাঁধা অবস্থায় ট্রাকে তুলতে দেখা গেছে তাদের।

শশংগিরে খবর পাঠিয়েছে, বিপদ এখনো কাটেনি, কাজেই গুহা থেকে ওদের বেরুনো চলবে না। সময় এবং সুযোগ হলে ওদের সাথে দেখা করবে সে।

মেয়েগুলো চলে যাবার পর গুহার ভেতর নিরানন্দ হয়ে উঠলো পরিবেশ। রানার ইচ্ছে, অ্যামবুশ পেতে উমাজ়োকে ঘায়েল করা। উমাজ়ো ওদের হাতে ধরা পড়লে থার্ড ব্রিগেডকে ম্যাটাবেলিল্যাণ্ড থেকে সরিয়ে দেয়ার একটা পরিবেশ তৈরি হবে। কিন্তু সোহানা ওর সাথে একমত হতে পারলো না। তার ধারণা, অ্যামবুশ ব্যর্থ হবার সম্ভাবনা প্রচুর, আর যদি ব্যর্থ হয়, ওরা যে এই এলাকায় আত্মগোপন করে আছে সেটা প্রকাশ হয়ে পড়বে—তখন কোণঠাসা অবস্থায় পড়তে হবে ওদের। তারচেয়ে তল্লাশীটা শেষ করুক থার্ড ব্রিগেড, আরো একটু ক্লান্ত হোক, যখন ভাবতে শুরু করবে এই এলাকায় ওরা নেই তখন পাল্টা আঘাত হানার কথা ভাবা যাবে। মাজুলেটেরও সেই কথা।

মাজুলেট আর রানা বিষয়টা নিয়ে আলোচনা করছে, মিরাগার সাথে ফিসফিস করে কি যেন কথা বলছে সোহানা। রানা বিশেষ মনোযোগ দেয়নি, জানে, সময় পেলেই মেয়েলি কৌতূহল নিয়ে লোবেনগুলার হীরে নিয়ে কথা বলে ওরা। হঠাৎ সোহানার তীক্ষ্ণ

চিংকারে ঘাড় ফিরিয়ে তাকালো ওরা।

‘ইউরেকা!’

‘মানে?’

‘অক্সিজেন!’ আবার চৈচিয়ে উঠলো সোহানা। ‘আমার দশ বন্ধ হয়ে আসছে, অক্সিজেনের ব্যবস্থা করো—জলদি!’

রানা আর মাজুলেট মুখ চাওয়াচাওয়ি করলো।

‘ভুলে গেছো?’ জিজ্ঞেস করলো সোহানা। ‘হাই অলটিচ্যুড ফ্লাই-টের জন্তে প্রয়োজনীয় সমস্ত ইকুইপমেন্ট ছিলো সেসনায়?’

‘মাই গড, তাই তো!’ উঠে দাঁড়ালো রানা। ‘লাইফ-জ্যাকেট ছিলো ওতে?’

‘ছিলো না মানে! এখনো আছে, গেলেই পাবে,’ বললো সোহানা। ‘সীট কুশনের নিচে...’

‘অক্সিজেন সিস্টেম? ওটা কি রিসাইক্লিং সারকিট?’

‘অবশ্যই!’

‘এ-সবের মানে কি, আমাকে বলবে?’ জিজ্ঞেস করলো মাজুলেট।

‘বলবো না, দেখাবো,’ বললো রানা। ‘চলো, মাজুলেট, অন্ধকার থাকতে থাকতে বেরিয়ে পড়ি।’

‘কোথায়?’

‘কোথায় আবার, সেসনার কাছে। অবশ্য এখনো যদি ওটা ওখানে থাকে, তবেই...’

দু’মিনিটের মধ্যে তৈরি হয়ে নিলো ওরা।

ঘাট

গাছগুলোর মাথা থেকে খানিকটা ওপরে স্থির হয়ে আছে হেলিকপ্টার, স্টীল কেবলের শেষ মাথায় ঝুলছে জেনারেল উমাজো। ওপর থেকে রোটরের তীব্র বাতাস নেমে এসে বেলুনের মতো ফুলিয়ে দিলো তার ক্যামোফ্লেজ ব্যাটল-স্মক। মাটি থেকে ছ'ফিট ওপরে স্থির হলো সে, প্যাড লাগানো স্লিং খুলে বিড়ালের মতো লাফ দিয়ে পড়লো সবুজ ঘাসে। অপেক্ষারত সার্জেন্ট স্যালুট করলো, মুহূর্ত মাথা ঝাঁকালো উমাজো।

কোনো কথা হলো না, ঢাল বেয়ে উপত্যকায় উঠতে শুরু করলো ওরা। শশংগিরের গ্রাম ঘিরে রাখা হয়েছে, এ-খবর আগেই রেডিওতে পেয়েছে উমাজো।

বিশ্বস্ত সেনার কাছে পৌঁছে থামলো ওরা।

‘দেখুন, জেনারেল। এটাই কি?’

‘রেজিস্ট্রেশন, জেড-এস/কে ওয়াই-এ। হ্যাঁ, কোনো সন্দেহ নেই। এই প্লেনে আমি চড়েছি।’ বুকে ফিউজিলাজের তলাটা দেখলো উমাজো। ‘আরো প্রমাণ রয়েছে, সরাসরি নিচ থেকে

মেশিনগানের গুলি ঝাঁঝেরা করে দিয়েছে পট্টা কানো লাশ ?

‘না। রক্তের দাগ পর্যন্ত নেই। কিন্তু হবার পর যা কিছু ছিলো সব নিয়ে গেছে ওরা।’

‘কাছে পিঠের গ্রাম থেকে লোকজন এসে লুট করে যেতে পারে।’

‘মনে হয় না, স্যার। ট্র্যাকাররা বলছে, ছ’দিন আগে প্লেনটা বিধ্বস্ত হবার পর চারজন মানুষ চলে গেছে এখান থেকে—দু’জন পুরুষ, দু’জন মেয়ে। তারপর, গত ছত্রিশ ঘণ্টার মধ্যে, এখানে আবার ফিরে আসে পুরুষ দু’জন। ওরা যে একই লোক, তাতে ওদের কোনো সন্দেহ নেই—বুট প্রিন্ট মিলছে।’

মাথা ঝাঁকালো উমাজো।

‘দ্বিতীয়বার এসে আলগা কিছু জিনিস নিয়ে গেছে ওরা। চলে যাবার সময় ওদের সাথে ভারি মাল-পত্তর ছিলো। এখান থেকে ছ’মাইল পর্যন্ত পাওয়া গেছে ওদের পায়ের ছাপ, উপত্যকার মাথা পর্যন্ত, কিন্তু তারপর অনেক ছাপের ভেতর থেকে ওদেরগুলো আলাদাভাবে চেনা যায়নি।’

‘রানা আর মাজুলেট।’ ক্ষীণ, নির্ভুর এক চিলতে হাসি ফুটলো উমাজোর ঠোঁটে। ‘নাগালের মধ্যেই আছো, সেজন্তে ধন্যবাদ, বন্ধুরা।’

‘আমার বিশ্বাস,’ সার্জেন্ট জোর দিয়ে বললো, ‘শশংগিরের গ্রামে বা আশপাশে কোথাও লুকিয়ে আছে ওরা, কারণ এই এলাকায় আর কোনো গ্রাম নেই। গ্রামের লোকদের সাহায্য ছাড়া...’

‘চলো, দু’একজনকে পুড়িয়ে মারলেই বেরিয়ে আসবে সত্যি খবরটা।’

‘জী-স্যার।’ উৎসাহে চকচক করে উঠলো সার্জেন্টের চোখ।

‘আমারও সেই কথা’

‘আমি তোমাদের আপন সন্তানের মতো দেখি,’ মুহূ হেসে বললো উমাক্সো। ‘আমি জানি, তোমরা আমাকে সত্যি কথাটা বলবে।’

‘বানরটা কিচিরমিচির করে কি বলে?’ সবিনয়ে জানতে চাইলো বুদ্ধ শশংগিরে।

চেহারায় অস্বস্তি নিয়ে সার্জেন্টের দিকে তাকালো উমাক্সো।
‘দোভাষী কোথায়?’

‘আসছে, স্যার, এই এলো বলে।’

উক্কর ওপর স্টিকের মুহূ বাড়ি দিতে দিতে লাইন করে দাঁড়ানো গ্রামবাসীদের সামনে দিয়ে ধীর পায়ে হেঁটে গেল উমাক্সো। গ্রাম-টাকে ঘেরাও দেয়ার পর ভুট্টা ক্ষেত থেকে ধরে আনা হয়েছে পুরুষদের, আর প্রতিটি ঘরে আগুন জ্বালিয়ে বের হয়ে আসতে বাধ্য করা হয়েছে মেয়েদের। যুবতী প্রায় সব মেয়ের পিঠের ঝোলায় একটা করে ছুধের বাচ্চা রয়েছে। বুড়ো-বুড়িদেরও রেহাই দেয়া হয়নি, দাঁড় করানো হয়েছে লাইনে।

প্রত্যেকের সামনে ছ’এক সেকেন্ডের জন্তো খামলো উমাক্সো, চেহারায় স্নেহ আর দরদ। কিন্তু গ্রামবাসীদের কারো চেহারায় কোনো ভাব নেই।

‘স্যার,’ নেড়ী কুত্তার মতো উমাক্সোর পায়ে পায়ে ঘুরছে সার্জেন্ট,
‘বুড়ো শয়তানটা মুখ খুলবে বলে মনে হয় না।’

‘হ্যাঁ, জানি।’ শশংগিরের দিকে একবার তাকালো উমাক্সো।
‘আত্ম-সম্মোহনের কলা-কৌশল জানা আছে ব্যাটার, কোনো বাখাই অনুভব করবে না। তবে ওকে সরিয়ে দেয়ার পর পরিস্থিতি বদলে
অন্ধকারে চিতা-২

হাবে ।’

টুটি পুনর্বাসন কেন্দ্র থেকে একজন বন্দীকে নিয়ে ফিরে এলো হেলিকপ্টার। ধাকা থেয়ে উমাজোর পায়ের ওপর হুমড়ি খেয়ে পড়লো সে। তার হাতকড়া খুলে দেয়া হলো।

‘বুড়েকে নিয়ে এসো,’ হুকুম করলো উমাজো।

খোলা উঠানে নিয়ে আসা হলো শশংগিরেকে।

‘ওকে বলো, আমি ওর বাবা,’ নির্দেশ দিলো উমাজো।

‘হজুর,’ দোভাষী বললো, ‘ও বলছে, ওর বাবা একজন পুরুষ-মানুষ ছিলো, আপনার মতো বেহায়া হয়েনা ছিলো না।’

‘ওকে বলো, ওর জবাবে আমি অসন্তুষ্ট হয়েছি।’

‘হজুর, ও বলছে, আপনাকে অসন্তুষ্ট করতে পারায় ও খুশি।’

‘বলো, আমার লোকদেরকে মিথ্যে কথা বলেছে ও।’

‘হজুর, ও বলছে, শোনাদেরকে সত্যি কথা বলার কোনো গরজ ঝর নেই।’

‘ওকে বলো, আমি জানি, দেশের শত্রুদের আশ্রয় দিচ্ছে ও, তাদেরকে খাওয়াচ্ছে।’

‘হজুর, ও বলছে, আপনি দুঃস্বপ্ন দেখছেন। দেশের শত্রু নাকি আপনি, আর কাউকে সে দেশের শত্রু বলে জানে না।’

‘ভেরি গুড।’ মুহূ, সন্নেহ হাসিটুকু লেগেই আছে উমাজোর চোঁটে। ‘এবার সবাইকে উদ্দেশ্য করে বলো, দেশের শত্রুরা কোথায় লুকিয়ে আছে আমি জানতে চাই। যে বলবে, তাকে এবং তার পরিবারকে আমি প্রচুর এনাম দেবো।’

চড়া গলায় কথা বললো দোভাষী। তার কথা শেষ হতে জমাট রাখলো নিস্তব্ধতা। গ্রামবাসীরা সবাই ভাবলেশহীন চেহারা নিয়ে

দাড়িয়ে থাকলো।

‘সার্জেট!’ বদলে গেল উমাস্গোর চেহারা, হিংস্র বাঘের মতো হংকার ছাড়লো সে।

উঠনের মাঝখানে উঁচু একটা গাছ রয়েছে, গাছের ডাল থেকে ঝুলছে একটা মোটা রশির ফাঁস। বৃদ্ধ ছাত্রকরকে টেনে হিঁচড়ে নিয়ে আসা হলো গাছতলায়। তার গলায় পরিয়ে দেয়া হলো ফাঁসটা। শশংগিরে চিৎকার করে বললো, ‘কেউ মুখ খুললে আমার অভিযাপ লাগবে তাকে। খবরদার, আমি তার কবরে গিয়ে তাকে শায়েরস্তা করবো।’

ফাঁসের রশিটা টান টান হলো, গলায় চেপে বসলো। শরীরটা ওপর দিকে উঠলো খানিক, মাটিতে শুধু ঠেকে থাকলো পায়ের আঙুল।

‘যে মুখ খুলতে চায় তাকে হাত তুলতে বলো।’

বন্দীদের সামনে ছুটোছুটি করে উমাস্গোর তর্জমা করা নির্দেশ বার বার আওড়ালো দোভাষী, কিন্তু কেউ হাত তুললো না।

কাঁধ ঝাঁকালো উমাস্গো। ‘ঠিক আছে, ওর একটা পা ভাঙে। এমনভাবে ভাঙবে, হাড় ভাঙার আওয়াজ যেন সবাই আমরা শুনে পাই।’

রাইফেলটা কাঁধের ওপর উল্টো করে ধরে তৈরি হয়েই ছিলো সার্জেট, গায়ের সমস্ত শক্তি দিয়ে সেটা শশংগিরের ডান হাঁটুর নিচে নামিয়ে আনলো সে। বুড়ো হাড় ভাঙার আওয়াজ শুনে কবিয়ে কেঁদে উঠলো বাচ্চা আর মেয়েরা।

‘তোমাদের ছাত্রকর খামোখা একটা পা হারালো, এর জন্মে কিন্তু তোমরা দায়ী,’ বললো উমাস্গো। ‘এখনো সময় আছে, যে কেউ

একজন হাত তোলো।’

দোভাষীর কথায় এবারও কেউ নড়লো না।

এক পায়ে দাঁড়িয়ে আছে বৃদ্ধ জাহ্নকর, তার মাথা কাত হয়ে গড়েছে কাঁধের ওপর। তার ভাঙা পা ধেলুনের মতো ফুলে উঠছে।

মেয়েদের কান্নার রোলকে ছাপিয়ে উঠলো উমাজোর ভারি গলার গর্জন, ‘আরেকটা পা।’

একই ভঙ্গিতে, এবার শশংগিরের বাঁ হাঁটুর নিচে রাইফেল দিয়ে বাড়ি মারলো সার্জেন্ট। গ্রামের সব মেয়ে চিৎকার করে কাঁদছে এখন, হাড় ভাঙার আওয়াজ চাপা পড়ে গেল। জ্ঞান হারিয়ে ফেললো শশংগিরে।

‘এই শেষ সুযোগ,’ বললো উমাজো। ‘গ্রাম-প্রধানের জন্যে কারো মনে এতোটুকু দয়া নেই? কেউ তাকে বাঁচাতে চায় না? ভেবে দেখো, এটাই শেষ সুযোগ। তোমরা কেউ মুখ খুললেই লোকটা বেঁচে যেতে পারে।’

দোভাষীর চোখে অশ্রুর বন্যা, কিন্তু এবারও কেউ তার কথায় সাড়া দিলো না।

রশির মুক্ত প্রান্তটা ধরে দাঁড়িয়ে আছে তিনজন সৈনিক, তাদের দিকে ফিরে মাথার ওপর একটা হাত তুললো উমাজো। কয়েক সেকেন্ড স্থির হয়ে থাকলো হাতটা, তারপর বিদ্যুৎবেগে শরীরের পাশে নেমে এলো। সেই সাথে গলায় ফাঁস নিয়ে মাটি থেকে শূন্যে উঠে পড়লো বৃদ্ধ জাহ্নকর। ছটকট করলো শরীরটা, খোলা মুখের ভেতর থেকে বেরিয়ে এলো আধ হাত জিভ।

‘বুড়োকে সরিয়ে দিয়ে পরিবেশটা তৈরি করলাম,’ চাপা গলায় সার্জেন্টকে বললো উমাজো। ‘মেয়েদের চেহারা দেখেছো, ভয়ে

একবারে সাদা হয়ে গেছে। মুখ খুললে ওদের মধ্যে থেকেই কেউ খুলবে।' মেয়েদের প্রথম সারির সামনে দিয়ে হাঁটতে শুরু করলো সে, প্রত্যেকের চেহারা খুঁটিয়ে লক্ষ্য করছে।

‘ওদের জিন্জেস করো, দেশের শত্রুরা কোথায় লুকিয়ে আছে।’

যুবতী একটা মায়ের কাছে ফিরে এলো উমাজো। মেয়েটা নিজেই বলতে গেলে একটা বাচ্চা, তার সন্তান পিঠের ঝোলায় চোখ বুজে আরামে বুমাচ্ছে।

‘আগুন কই?’ মেয়েটার চোখে চোখ রেখে হাসলো উমাজো।

উমাজোর পিছনে একটা বড়সড় চুলো তৈরি করা হয়েছে, আগুন জ্বললো তাতে। জ্বলন্ত কাঠগুলো নেড়েচেড়ে দিলো একজন সৈনিক, গনগনে হয়ে উঠলো আগুন। ঝাঁতকে উঠে পিছিয়ে গেল মা। কিন্তু ইতিমধ্যে তার পিছনে দু’জন শোনা এসে দাঁড়িয়েছে, তারা ধরে ফেললো তাকে।

ঝোলা থেকে তুলে আনা হলো শিশুকে। বন্দী গ্রামবাসীরা বোবা চোখে তাকিয়ে আছে, কান্না ভুলে গেছে মেয়েরা।

ধস্তাধস্তি শুরু করলো মা, কিন্তু দু’জন তাগড়া সৈনিকের সাথে পারবে কেন সে।

একজন সৈনিকের হাত থেকে শিশুকে নিজের কোলে তুলে নিলো উমাজো। আদর করে চুমো খেলো মানুষ বাচ্চা গালে। তার গায়ের রঙ মধুর মতো, পেটটা ঢব ঢব করছে মায়ের হৃদে, মোটা-তাজা শরীর। তাকে হঠাৎ শৃঙ্গে ছুঁড়ে দিলো উমাজো, কিন্তু মাটিতে পড়ার আগে একটা গোড়ালি ধরে ফেললো। নিচের দিকে মাথা দিয়ে বুলে থাকলো বাচ্চাটা। তার স্বরে তীক্ষ্ণ চিৎকার জুড়ে দিলো সে।

‘কোথায় ? দেশের শত্রুরা কোথায় ?’

বাচ্চার মুখ ফুলে উঠেছে, রক্তের চাপে গাঢ় হয়ে উঠেছে চেহারা ।

‘ওর মা বলছে, সে জানে না ।’

বাচ্চাকে আগুনের ওপর উঠ করে ধরলো উমাজো । ‘দেশের শত্রুরা কোথায় ?’

প্রতিবার প্রশ্নের সাথে বাচ্চাটাকে আগুনের দিকে আরেকটু করে নামালো উমাজো ।

‘বলছে, জানে না ।’

অকস্মাৎ মোচড়ানো ছোট্ট শরীরটা শিখার একেবারে মাঝখানে নামালো উমাজো, বাচ্চার গলা থেকে এবার সম্পূর্ণ অস্থির রকম একটা চিৎকার বেরিয়ে এলো । এক সেকেন্ড পর শিখা থেকে তাকে তুলে নিয়ে মায়ের মুখের সামনে দোলালো তাকে । আগুনের শিখা বাচ্চাটার ভুরু আর চুল পুড়িয়ে দিয়েছে ।

‘ওকে বলো, ধীরে ধীরে বলসাবো ওর বাচ্চাকে, তারপর জোর করে খাওয়াবো ওকে দিয়ে ।’

কাতর মা চিৎকার করে শুধু একটা কথাই বলে গেল, বারবার ।
বাকি সব মেয়েরা ফুঁপিয়ে উঠে মুখ ঢাকলো হুঁহাতে ।

‘ও বলছে, আপনাকে সে ওদের কাছে নিয়ে যাবে ।’

শোনারা ছেড়ে দিলো মেয়েটাকে, মায়ের কোলে বাচ্চাটাকে তুলে দিলো উমাজো । তার চোখে বিজয়ের উল্লাস ।

লেকের চল্লিশ ফিট নিচে, সমাধির দেয়ালের সামনে, পিঠে অঞ্জি-জেন ইকুইপমেন্ট নিয়ে ঝুলছে রানা । লাইফ-জ্যাকেটের সাথে লটকানো ল্যাম্পের হলদেটে আলোর রাজমিস্ত্রীদের কাজটা সতর্ক-

তার সাথে পরীক্ষা করলো ও। কোথাও কোনো ফাঁক বা ফাটল পাওয়া গেল না। ব্যাটারির - আয়ু শেষ হয়ে যাবে বলে সেটা অফ করে দিলো ও। মুখের ভেতর টেনে নেয়া অক্সিজেনের স্বাদ কেমন বিস্বাদ ঠেকলো, মাস্কটা মুখের চারদিকে ভালো করে ফিট করেনি, মাঝে মধ্যে পানি ঢুকে অস্বস্তির কারণ হয়ে উঠছে। কাশি পাচ্ছে, কিন্তু কাশতে চাইছে না, তাহলে মাস্কটা হয়তো আরেকদিকে সরে যাবে।

ঠাণ্ডায় হি হি করছে রানা। কিন্তু প্রতিটি সেকেন্ড কাজে লাগালো ও। নিরাপদ সময় আধ ঘণ্টা, তার বেশি পানির নিচে থাকতে পারবে না ও। এই আধ ঘণ্টায় পাথরের টুকরো সরিয়ে তিন-কি চার ফিট একটা গর্ত করেছে দেয়ালের গায়ে। কিন্তু তবু জানা গেল না এরপর আরো কতোটা চণ্ডা এই দেয়াল। খসিয়ে আনা পাথরগুলোয় পা দিয়ে ধাক্কা দিলো ও, ঢাল বেয়ে নেমে গেল সেগুলো, টানেলের মুখ থেকে বেরিয়ে লেকের তলায় পড়লো।

টানেল থেকে বেরিয়ে এসে লেকের ওপর, পানি থেকে মাথা তুললো রানা। পাথরের চত্বরে উঠতে ওকে সাহায্য করলো মাজু-লেট। পিঠ থেকে অক্সিজেন সেটটা নামিয়ে ভারমুক্ত করলো। ওদিকে ব্যস্ত হাতে একটা কাপে ওর জন্তে গরম চা ঢালছে মিরাগু।

‘সোহানা?’

‘ওপরের গুহার পাহারায় আছে।’

নিচের পরিস্থিতি ব্যাখ্যা করলো রানা। তারপর বললো, ‘দেয়াল ভাঙার জন্তে কতোবার ডুব দিতে হবে বলা যাচ্ছে না। আরেকটা কথা—হীরে যদি পাই, আনবো কিভাবে? মনে আছে, ইনসুতসা মাটির একটা পাত্র ভেঙে ফেলেছিলেন? ক্যানভাসের

সিট কাভার দিয়ে যে ব্যাগগুলো তৈরি করেছি, তার একটা দরকার। তোমার পালা শুরু হলে, মিরাণ্ডা, সোহানাকে একটা ব্যাগ নিয়ে আসতে বলো।’

আধ ঘণ্টা পর আবার পানিতে নামলো রানা। সদ্য তৈরি গর্তের ভেতর ঢুকে কাজ শুরু করলো ও। প্রথম দশ মিনিটে আরো দু’-ফিটের মতো গভীর হলো ফাঁকটা। তারপরই হুঁমুড় করে খসে পড়লো একগাদা পাথর। অন্ধকার ফাঁকের ভেতরটা হাতড়ালো ও, কিছুই ঠেকলো না আঙুলে। একটু একটু করে ওপরে উঠলো, ছাদে ঘষা খেলো অক্সিজেন বটল, কিন্তু সামনে কোনো বাধা নেই।

টানেল ক্রমশ উঠে গেছে ওপর দিকে, রানাও সাঁতার কেটে উঠতে লাগলো। হঠাৎ করেই পানির ওপর মাথাচাড়া দিলো ও, একটা কর্কের মতো ছলতে লাগলো ওর মাথা। এক ঝটকায় মাঙ্কটা খুলে ফেললো মুখ থেকে, ফুসফুস ভরে শ্বাস নিলো। ঠাণ্ডা বাতাস, তবে বাহুড়ের চিমসে একটা গন্ধ আছে। নাক-মুখ দিয়ে ঘন ঘন বাতাস টানলো ও।

একটু পরই কজিতে বাঁধা রশিতে টান পড়লো—পর পর ছয়বার। মাজুলেট জানতে চাইছে, তুমি সুস্থ তো? টানেল ধরে হঠাৎ খুব দ্রুত উঠতে শুরু করেছিল ও, তাতেই উদ্ভিগ্ন হয়ে পড়েছে মাজুলেট। সংকেত পাঠিয়ে মাজুলেটকে আশ্বস্ত করলো ও, তারপর ল্যাম্পের সুইচ টিপলো।

ল্যাম্পের আলো আলো ধারিয়ে দিলো চোখ। আলো একটু সয়ে এলে চারদিকে তাকালো ও। দেয়াল ভেঙে পানির ওপর উঠেছে বটে, কিন্তু টানেলটা এখানেই শেষ হয়নি। লেকের তলা থেকে টানেলটা খাড়া ভাবে নয়, ক্রমশ উঁচু হয়ে উঠে এসেছে, কিন্তু পানি

থেকে টানেলের ওপরের অংশটা একেবারে খাড়া। ইনস্তুসার লোকেরা দেয়ালের গায়ে গর্ত করে তার ভেতরে গজাল ঢুকিয়েছে, গজালের সাথে রশি দিয়ে বেঁধে আটকানো হয়েছে বাঁশের একটা মই। বাঁশের একটা ধাপ ধরে মইটা পরীক্ষা করলো ও। মচমচ করে উঠলো, ঝুলে পড়লো খানিকটা, তবে মনে হলো ওর ওজন সহিতে পারবে। মই বেয়ে ওপর দিকে উঠে গেল ওর দৃষ্টি, মাত্র কয়েকটা ধাপ দেখা গেল, তারপর অন্ধকারে হারিয়ে গেছে মই। এই টানেল কোথায় শেষ হয়েছে আন্দাজ করা মুশকিল।

মাথাটা ব্যথা করছে, একটু বিশ্রাম নিয়ে মই বেয়ে উঠবে। এক মিনিটও পেরোলো না, পরপর তিনটে টান পড়লো কজির রশিতে। জরুরী ডাক। শুধু ভয়ংকর কোনো বিপদ হলে এই সংকেত পাঠাবার কথা মাজুলেটের। শুধু বিপদের কথা বলছে না মাজুলেট, সাহায্যের আবেদন জানাচ্ছে।

দ্রুত হাতে মাস্ক পরে সংকেত পাঠালো রানা, ‘আমাকে তোলো।’

টান পড়লো রশিতে, হস করে পানির নিচে ডুবে গেল রানা।

বাচ্চাকে বোনেদের হাতে তুলে দিয়ে কিশোরী মা পথ দেখিয়ে নিয়ে চলেছে ওদের। তার কজি ছটো এক করে হাতকড়া পরানো হয়েছে।

পলাতক আসামীদের ধরার জন্তে হেলিকপ্টার ব্যবহারের কথা একবার ভাবলেও, চিন্তাটা সাথে সাথে বাতিল করে দেয় উমাজে। সিদ্ধান্ত নেয়, খালি পায়ের নিঃশব্দে যেতে হবে ওদেরকে। শত্রুদের ভালো করে চেনে সে। বিশেষ করে মাসুদ রানা আর সোহানা

চৌধুরী এসপিওনাজ এজেন্ট, নিজেদের কিভাবে রক্ষা করতে হয় তার ট্রেনিং নেয়া আছে। এরই মধ্যে সৈনিকদের ফাঁকি দিয়ে একবার পালিয়েছে তারা। না, হেলিকপ্টারের আওয়াজ ওদেরকে সতর্ক করে দেবে, আবার একবার জঙ্গলে গা ঢাকা দেয়ার সুযোগ পেয়ে যাবে ওরা। একই কারণে অ্যাডভান্স পার্টিটাকে বড় করেনি সে— বাছাই করা ত্রিশ জন সৈনিককে নিয়েছে শুধু। প্রত্যেককে আলাদাভাবে ব্রিফ করা হয়েছে।

‘মেয়েগুলো মরুক, তাতে দুঃখ নেই ; বিদেশী এজেন্ট লোকটা মরুক, আমি খুশি হবো ; কিন্তু ম্যাটাভেল নেতাকে আমি জ্যান্ত চাই। তোমাদের জীবনের বিনিময়ে হলেও ওকে বাঁচিয়ে রাখতে হবে।’

শত্রুদের হৃদিশ পাবার সাথে সাথে রেডিওর সাহায্যে ডেকে নেয়া হবে হেলিকপ্টার, সেই সাথে চলে আসবে তিনশো সৈনিকের একটা বাহিনী। গোটা এলাকা সীল করে দেবে ওরা।

ছোট দলটা দ্রুত পায়ে এগোলো। পিছন থেকে রাইফেলের গুলো থেকে হোঁচট খেতে খেতে প্রায় ছুটছে মেয়েটা। অব্যবস্থায় পানি ঝরছে তার গাল বেয়ে, স্বজাতির সাথে বেঈমানী করার অপরাধে অভিশাপ দিচ্ছে নিজেকে। একটা করে রাইফেলের গুলো থেকে সে, অস্পষ্ট পথের দিকে হাত তুলে দেখালো কোন্ দিকে যেতে হবে।

‘গ্রামের লোকেরা ওদের সাথে যোগাযোগ রাখছিল,’ সার্জেন্টকে বললো উমাজো। ‘এই পথে নিয়মিত লোক চলাচল করেছে।’

চোখ তুলে উপত্যকার দিকে তাকালো সার্জেন্ট। ‘অ্যামবুশের জন্মে জায়গাটা দারুণ। ওদের সাথে পলাতক কয়েদীরাও থাকতে

পারে ।’

‘অ্যাম্বুশ মানে যোগাযোগ, সেটাই তো চাইছি আমি,’ মুহূ কণ্ঠে বললো উমাক্সো ।

কিছুক্ষণ পর পরিবর্তনটা লক্ষ্য করে সতর্ক হয়ে উঠলো উমাক্সো । সরু হয়ে এসেছে উপত্যকা, ঢালগুলো আগের চেয়ে অনেক খাড়া-ভাবে উঠে গেছে ওপর দিকে, পাথর আর গাছের রঙ কালো । জঙ্গলের বেচপ চেহারা দেখে গা ছম ছম করে উঠলো সার্জেন্টের ।

পাথরের ওপর দিয়ে সতর্কতার সাথে এগোলো ওরা । পিছিয়ে পড়লো উমাক্সো, তার সামনে মেয়েটার পাশে রয়েছে সার্জেন্ট । হঠাৎ নিজের ভাষায় চিৎকার জুড়ে দিলো মেয়েটা, কথাগুলো বোঝা গেল না । তার কণ্ঠস্বর পাথরের গায়ে বাড়ি থেমে ধ্বনিত প্রতি-ধ্বনিত হয়ে ফিরে এলো । বোঝা না গেলেও, এটা যে একটা সতর্ক বাণী, সেটা পরিষ্কার ।

প্রায় দৌড়ে মেয়েটার পিছনে চলে এলো উমাক্সো । কাঁধের ওপর দিয়ে হাত বাড়িয়ে কিশোরীর চিবুক ধরলো সে, অপর হাত রাখলো তার ঘাড়ের নিচে, তারপর প্রচণ্ড একটা হ্যাঁচকা টানে পিছন দিকে নিয়ে এলো মাথাটা । মট্ করে ভেঙে গেল ষাড়, সেই সাথে থেমে গেল তীক্ষ্ণ চিৎকার ।

লাশটা পড়ে গেল, দ্রুত হাত নেড়ে ট্রুপারদের সংক্রেত দিলো উমাক্সো । ঝড়ের বেগে এগিয়ে এলো তারা, পথ থেকে সরে গিয়ে সচল একটা অর্ধবৃত্ত রচনা করলো ।

পজিশন নিয়ে থামলো ট্রুপাররা । সার্জেন্টের দিকে তাকালো উমাক্সো । সার্জেন্ট মাথা ঝাঁকালো । দু’জন একসাথে, নিঃশব্দে সামনে বাড়লো ওরা, হাতে আগ্নেয়াস্ত্র, হুঁজোড়া চোখ সদা সতর্ক ।

অস্পষ্ট পায়ের চিহ্ন ফাটলের কাছে নিয়ে এলো ওদেরকে। কাক-টার ছ'দিকে লম্বা হয়ে শুয়ে পড়লো উমাক্সো আর সার্জেন্ট।

‘ম্যাটাভেলদের রাজা, এবার ?’ হায়েনার মতো ককশ হাসলো উমাক্সো। ‘বিদেশী গুপ্তচর, এবার ? জোমাদের কপালে রয়েছে জ্যাস্ত কবর, আমি কি করবো।’

নয়

‘পালাও গো ! ওগো তোমরা পালাও ! গু-থেকো শোনারা এসে গেছে।’ গুহার বাইরে থেকে একটা মেয়েলি কণ্ঠের চিৎকার ভেসে এলো। ‘পালাও, পালাও, শোনারা...’ হঠাৎ থেমে গেল চিৎকার, যেন কেউ তার গলা চেপে ধরলো।

আগুনের সামনে থেকে লাফ দিয়ে সিঁধে হলো মিরাগুা, লোহার পায়ালোয়ালা পাতিলটা উল্টে পড়লো। পায়ের ধাক্কায়। ছুটে গুহার এক প্রান্তে চলে এলো সে, কুপিটা তুলে নিয়ে সজ্জস্ত হরিণীর মতো দৌড়ে বেরিয়ে এলো প্যাসেজে।

লাইমস্টোনের সিঁড়ির ধাপটপকে এসে দাঁড়িয়ে পড়লো মিরাগুা, হাপরের মতো হাঁপাতে হাঁপাতে দম নিলো কয়েক সেকেন্ড, তারপর চিৎকার করে বললো, ‘মাজুলেট, শোনারা পৌঁছে গেছে। আমরা কোথায় ওরা জানে!’ পাথুরে পাতালে তার আন্তর্জাতিক কণ্ঠস্বর

প্রতিধ্বনিত হয়ে ফিরে এলো।

‘আমি আসছি,’ মাজুলেটের গমগমে গলা ভেসে এলো শ্যাফটের নিচে থেকে। রশি বেয়ে উঠলো সে, প্যাসেঞ্জ ধরে ঝড়ের বেগে ছুটে এলো মিরাগুর কাছে। ‘কোথায়?’

‘ওহার মুখে,’ হাঁপাতে হাঁপাতে বললো মিরাগু, আতংকে বিস্ফারিত হয়ে উঠেছে তার চোখ। ‘একটা মেয়ে চিৎকার করে সাবধান করছিল, হঠাৎ থেমে গেল সে। নিশ্চয়ই মেয়ে ফেলেছে তাকে।’

‘নিচে যাও, রানাকে তোলো।’

‘মাজুলেট, আমরা আটকা পড়ে গেছি। এখান থেকে বেরুবার আর কোনো পথ নেই।’

‘আমরা লড়বো,’ দৃঢ় কর্তে আশ্বাস দিলো মাজুলেট। ‘রানাকে তোলো, ও জানে কি করতে হবে।’ হাতে রাইফেল নিয়ে সিঁড়ি বেয়ে নেমে গেল সে, হারিয়ে গেল অন্ধকারে।

রশি বেয়ে লেকের ওপর, পাথুরে চত্বরে নেমে এলো মিরাগু। ‘হু’পা ফাঁক করে দাঁড়িয়ে রয়েছে সোহানা, পানিতে ডুবে থাকা রশি ধরে প্রাণপণে টানছে, কিন্তু নিচে কোথাও আটকে যাওয়ায় রশি উঠছে না। ‘এসো,’ রুদ্ধশ্বাসে বললো সে, ‘হু’জন একসাথে টানি।’

টানেলের মুখে অস্বিজেন বটল আটকে গেছে, লেকে বেরিয়ে আসতে পারছে না রানা। রশিতে একটু ঢিল পড়লো, তারপর আবার টান টান হলো সেটা, এবার টানেলের মুখ থেকে বেরিয়ে এলো ও।

‘শোনারা এসে গেছে,’ সোহানার সাথে রশি টানতে টানতে

বললো মিরাগু।

‘ওনেছি।’

‘এখন কি হবে, ভাই?’

‘প্রথম কাজ, সাহস হারানো চলবে না। রানাকে তুলি, শোনা যাক ও কি বলে।’

একরাশ বৃদ্ধ বৃদ্ধ উঠলো পানির ওপর, তারপর ভুস করে ভেসে উঠলো রানা। মেয়েলি ছ’জোড়া হাত পানি থেকে টেনে তুললো ওকে। ফেস মাস্ক খুলে বুক ভরে শ্বাস টানলো ও। ‘কি হয়েছে?’

‘হু’জন একসাথে কথা বললো, ‘শোনারা পৌছে গেছে।’

‘ওহু গড!’ চত্বরের ওপর শুয়ে পড়লো রানা।

‘এখন উপায়?’ কাঁদো কাঁদো গলায় জিজ্ঞেস করলো মিরাগু।

আচমকা বিস্ফোরণের আওয়াজ কানে তালা লাগিয়ে দিলো। প্রতিধ্বনিগুলো থামার আগেই বিভ্রিবিড় করে বললো রানা, ‘গান-ফায়ার। মাজুলেট বাধা দিচ্ছে।’

‘কভোক্ষণ ওদেরকে ঠেকিয়ে রাখা সম্ভব?’

‘নির্ভর করে ওরা প্রেনেড আর গ্যাস ব্যবহার করে কিনা...’ কথাটা শেষ না করেই উঠে দাঁড়ালো রানা, ঠাণ্ডায় হি হি করে কাঁপছে। দ্রুত হাতে অক্সিজেন বটল বদল করলো ও। ‘মিরাগু, কখনো অ্যাকুয়ালাঙ ব্যবহার করেছো?’

‘না।’

‘তৈরি থাকো, সোহানার পর তোমার পালা,’ বললো রানা। ‘ওর সাথে আমিও যাচ্ছি, অক্সিজেন গিয়ার নিয়ে ফিরে আসবো— দশ মিনিটের মধ্যে।’

পানির নিচে অদৃশ্য হয়ে গেল ওরা। চত্বরে একা বসে কাঁদতে

গুরু করলো মিরাগু। শ্রাফটের ওপর থেকে আবার বিস্ফোরণের
আওয়াজ ভেসে এলো।

ঠিক দশ মিনিটের মাথায় ফিরে এলো রানা। প্রচণ্ড ব্যথায় ঘাড়
থেকে খসে পড়তে চাইলো মাথাটা, ফুসফুসেও যেন আগুন জ্বলছে।
এখুনি যদি আবার পানির তলায় যেতে হয় ওকে, একটা বিপদ ঘটে
যাওয়া বিচিত্র নয়। কিন্তু আর কোনো উপায় ওদের সামনে খোলা
নেই। গুহা বেদখল হয়ে যাওয়াটা এখন শ্রেফ সময়ের ব্যাপার মাত্র,
খুব বেশিক্ষণ শোনাদের ঠেকিয়ে রাখতে পারবে না মাজুলেট। প্রাণ
বাঁচাতে হলে লেকের তলায় নেমে টানেলের ভেতর দিয়ে মইয়ের
কাছে পৌঁছুতে হবে ওদের—তাতেও প্রাণ বাঁচবে কিনা সন্দেহ,
তবে আয়ু কিছুটা বাড়বে। ‘রেডি, মিরাগু?’ কর্কশ সুরে জিজ্ঞেস
করলো ও।

‘আমি সাঁতার জানি না,’ ফুঁপিয়ে উঠে বললো মিরাগু। ‘পানিতে
নামলে শ্রেফ দম বন্ধ হয়ে মারা যাবো আমি।’

‘কিছু হবে না।’

‘না!’

‘শোনারা তোমাকে নিয়ে কি করবে, জানো?’ মিরাগুর মাথা
দিয়ে অক্সিজেন সেটটা গলিয়ে দিলো রানা। আরেক দফা মেশিন-
গানের আওয়াজ ভেসে এলো ওপর থেকে। প্রতিধ্বনি থামার
আগেই গর্জে উঠলো গ্রেনেড-লঞ্চার। পাথরের গা বেয়ে, খটাখট
আওয়াজ তুলে কি যেন গড়িয়ে নামলো, পরমুহূর্তে তীব্র নীল ফস-
ফরাস ফ্লোরারের আলায়ে ধাঁধিয়ে গেল চোখ, আলোকিত হয়ে
উঠলো গোটা শ্রাফট। ব্যস্ত হাতে পেট মোটা একটা ব্যাগ পিঠে
ঝুলিয়ে নিলো রানা, ফেস মাস্ক পরালো মিরাগুকে। গ্যাট হয়ে

দাঁড়িয়ে আছে মিরাগু, রানার কোনো কথাই তার কানে ঢুকছে না। অগত্যা তাকে ধাক্কা দিয়ে পানিতে ফেলে নিজেও লাফ দিলো ও।

লেকের তলা পর্যন্ত নামতে কোনো অসুবিধে হলো না। কিন্তু টানেলের খোলা, কালো মুখ দেখে ভীষণ ভয় পেলো মিরাগু, কোনোমতে ভেতরে ঢুকবে না। ল্যাম্পের আলোয় নিজেকে দেখিয়ে রানা তাকে আশ্বস্ত করার চেষ্টা করলো, ইঙ্গিতে বোঝালো, আমি আছি, কোনো ভয় নেই। কিন্তু বুঝলো না মিরাগু, টানেলের মুখ থেকে সরে গিয়ে লেকের ওপর উঠতে চেষ্টা করলো সে। শুরু হলো ধস্তাধস্তি।

জোর করে তাকে ধরে টানেলের ভেতর আনলো রানা। কিন্তু ভেতরে ঢুকেই একেবারে বন্ধ পাগল হয়ে গেল মিরাগু। প্রথমেই কনুইয়ের গুঁতোয় চ্যাপ্টা করে দিলো রানার নাক, তারপর এক ঝটকায় খুলে ফেললো ফেস মাস্ক। মাস্কটা আবার পরাতে গিয়ে নাস্তানা-বুদ হলো রানা, টানাটানিতে ছিঁড়ে গেল মাস্ক আর অক্সিজেন বটলের মাঝখানের হোস-টা। টানেলের দেয়ালে মাথা ঠুঁকে গেল, নেতিয়ে পড়লো মিরাগু।

নিস্তেজ নারীদেহ জড়িয়ে ধরে টানেল বেয়ে ওপরে উঠতে চেষ্টা করলো রানা, কিন্তু দম ফুরিয়ে গেছে ওর, অক্সিজেনের অভাবে জ্ঞান হারাবার অবস্থা। আরো খানিকটা উঠলো বটে, কিন্তু মিরাগু আর ব্যাগের ভার নিচের দিকে টানলো ওকে। তলিয়ে যেতে শুরু করলো ও। এমনি সময়ে অসুভব করলো কে যেন তার মাথার চুল খামচে ধরে ওপর দিকে টানছে।

মইয়ের ধাপে বসে ছিলো সোহানা, পানির নিচে ল্যাম্পের ম্লান

আলো দেখে বুঝতে পারে মিরাগুকে নিয়ে উঠে আসছে রানা। কিন্তু আলোটা আবার নিচে নামতে শুরু করায় হ্যাৎ করে ওঠে ওর বুক, তাড়াতাড়ি পানির নিচে ডুব দিয়ে রানার চুল ধরে ফেলে।

পানির ওপর মাথা তুলে হাঁপাতে লাগলো রানা। ধাপের ওপর বসে মিরাগুর মাথাটা নিজের কোলের ওপর তুলে নিয়ে রানাকে ভারমুক্ত করলো সোহানা, তারপর মিরাগুর পিঠ থেকে একেজো অক্সিজেন সেটটা খুলে নিলো।

জ্ঞান ফিরে আসার কোনো লক্ষণ নেই মিরাগুর। দম একটু ফিরে পেয়েই মিরাগুর খোলা মুখের ভেতর একটা আঙুল ভরে দিলো রানা, হড় হড় করে বমি করলো মিরাগু, একটু নড়ে উঠলো।

‘আতকে উঠে সোহানা বললো, ‘কিন্তু শ্বাস তো বইছে না।’

মিরাগুর ঠোঁট থেকে বমি মুছলো রানা, তারপর মুখে মুখ চেপে ধরে নিজের ফুসফুস থেকে সমস্ত বাতাস জোর করে ঢুকিয়ে দিলো তার ফুসফুসে।

‘আবার নিঃশ্বাস ফেলছে।’

মুখ মুছলো রানা। দুর্বল আর অসুস্থ বোধ করলো ও। ‘ডাইভিং সেট ভেঙে গেছে।’ হোসটা খুঁজলো ও, কিন্তু পেলো না, পানির তলায় নেমে গেছে। ‘মাজুলেট,’ ফিসফিস করে বললো আবার, ‘ওর জন্তে ফিরে যেতে হবে আমাকে।’

‘না, আমি যাবো।’ দ্রুত বললো সোহানা। ‘আবার পানির নিচে নামলে মারা যাবে তুমি।’

‘মাজুলেট সাঁতার জানে না। শুধু আমি যদি ওকে পানিতে নামাতে পারি।’

‘বেশ। তাহলে রশি বাঁধো কোমরে, দরকার হলে আমি যাতে

টেনে তুলতে পারি তোমাদের ।’

টানেলের নিচে নেমে এলো রানা, মুখ থেকে বেরিয়ে এসে দ্রুত সাঁতার কেটে উঠে এলো লেকের ওপর । পানির ওপর মাথা তুলেই দেখলো, শ্রাফটের চারদিক সাদাটে ধোঁয়ায় ভরে গেছে । ‘টিয়ার গ্যাস !’ বিড়বিড় করে বললো ও ।

ভিজ়ে কাপড় নাকে-মুখে চেপে চত্বরে বসে রয়েছে মাজুলেট । ‘সবগুলো প্যাসেঞ্জ়ে গিজ় গিজ় করছে শোনারা,’ রানাকে বললো সে । আমার বোধহয়...’

যান্ত্রিক একটা কণ্ঠস্বর শোনা গেল, ইলেকট্রনিক মেগাফোন ব্যবহার করছে শোনারা । ‘আপনারা যদি এই মুহূর্তে সারেণ্ডার করেন, সবাইকে ক্ষমা করা হবে ।’ পরমুহূর্তে গর্জ়ে উঠলো গ্রেনেড লঞ্চার, ওপর থেকে ছুটে এল আরেকটা টিয়ার গ্যাস সেল । লেকের ওপর দিয়ে উড়ে গিয়ে উণ্টো দিকের দেয়ালে আঘাত করলো সেটা, বিক্ষোবিত হলো সাদাটে ধোঁয়া ।

‘ওপর থেকে এখন যদি একটা গ্রেনেড পড়ে ?’

‘আমি জানি আমি মারা যাচ্ছি,’ বললো মাজুলেট । ‘কিন্তু তুমি কেন মরতে এসেছো ?’ চত্বরের মাঝখানে সরে গিয়ে রাইফেলটা ওপর দিকে তাক করলো সে । ট্রিগারে চাপ দিলো, গুলি বেরোলো বটে, কিন্তু হঠাৎ থেমে গেল বিক্ষোবনের আওয়াজ । ‘ম্যাগাজিন শেষ ।’

‘আমি জানি তুমি মারা যাচ্ছো না,’ বললো রানা । ‘পানিকে তোমার ভয়, এই তো ? মন দিয়ে শোনো, শিখিয়ে দিচ্ছি কি করতে হবে । বুক ভরে শ্বাস টানো, বাতাসটুকু আটকে রাখো ফুসফুসে । নিজের ওপর জোর খাটাও, কোনোমতেই আর নিঃশ্বাস ফেলবে

না ।’

‘কিন্তু রানা।...

‘একজন জেনারেল শুধু ভয় পেয়ে মৃত্যুকে মেনে নিয়েছে, ভাব-
তেও আমার ঘৃণা হবে, মাজুলেট।’

‘কি করতে হবে বলো ।’ মুখ ভার করে বললো মাজুলেট ।

মাথার ওপর অন্ধকার শ্যাফট, কোথায় গিয়ে শেষ হয়েছে কেউ জানে
না । মুখ তুলে সবাই তাকিয়ে আছে ওরা, কারো মুখে কথা নেই ।
ওরা যেন একটা কুয়ার ভেতর পানিতে মাথা তুলে থাকা একদল
ইঁদুর, পিচ্ছিল বাঁশের মই ধরে ভেসে আছে, প্রচণ্ড শীতে হিঁহি
করে কাঁপছে ।

ঘাড়ের ওপর থেকে মাজুলেটের ভারি হাত সরিয়ে দিয়ে মইটা
পরীক্ষা করলো রানা । ষাট বছর আগে তৈরি করা হয়েছে মইটা,
মাঝখানে চেরা বাঁশের টুকরো পাটের রশি দিয়ে বাঁধা হয়েছে লম্বা
একজোড়া পোলের সাথে, মইয়ের গোটা কাঠামো কাত হয়ে পড়েছে
একদিকে । ‘একজন করে উঠতে হবে,’ বললো ও । ‘সবার আগে
সোহানা, কারণ তুমিই সবচেয়ে হালকা । সাথে রশি নিয়ে যাও,
মাথায় উঠে ল্যাম্প আর ব্যাগগুলো টেনে নেবে ।’

রশির কুণ্ডলী কাঁধে তুলে নিয়ে মই বেয়ে উঠতে শুরু করলো
সোহানা । দুলতে শুরু করলো মই, কাঁচ কাঁচ করে প্রতিবাদ
জানালো, কিন্তু পাঁয়ের চাপে খসে পড়লো না ধাপগুলো । ওপরে
উঠে যাচ্ছে সে, ল্যাম্পের আলোয় কালো ছায়া শ্যাফটের গা বেয়ে
পিছিয়ে যাচ্ছে ওপর দিকে । এক সময় নিচ থেকে ওরা শুধু ল্যাম্পের
আলো দেখতে পেলো, তারপর সেই আলোও হঠাৎ করে অদৃশ্য

অন্ধকারে চিতা-২

হয়ে গেল ।

‘সোহানা !’

‘এখানে একটা প্ল্যাটফর্ম রয়েছে ।’ গমগম করে উঠলো সোহানার সুরেলা কণ্ঠস্বর ।

‘কতো বড় ?’

‘অনেক বড় । রশি ফেলছি ।’ সাপের মতো একেবেঁকে নেমে এলো রশির একটা প্রান্ত । ব্যাগগুলো এক এক করে তুলে নিলো সোহানা । ‘এবার মিরাপ্তাকে পাঠাও ।’

সবশেষে উঠে এলো রানা । মুখ তুলে মাথার ওপর তাকালো ও । খাড়া শ্যাফট আরো উঠে গেছে ওপরদিকে, অদৃশ্য হয়েছে অন্ধকারের ভেতর, দেয়ালগুলো মসৃণ, গা বেয়ে ওঠার কোনো উপায় নেই । ষাট বছর আগে এই প্ল্যাটফর্ম পর্যন্ত ওঠার জন্তে তৈরি করা হয়েছিল মইটা । কান পেতে থাকায় ওপরে কোথাও পানির ফোঁটা পড়ার আওয়াজ পেলো রানা, বাহুড়ের কিচকিচ শোনা গেল । হাতের ল্যাম্পটা উচু করে ধরলো সোহানা, কিন্তু শ্যাফটের মাথাটা দেখা গেল না ।

কাগিশ অর্থাৎ প্ল্যাটফর্মের চারদিকে চোখ বুলালো রানা । প্রায় আট ফিট চওড়া, শেষ প্রান্তের দেয়ালে একটা স্কেলের মুখ রয়েছে । ‘মনে হচ্ছে এটাই একমাত্র পথ,’ বললো ও । ‘ইনসুতসা তার লোকদের নিয়ে নিশ্চয়ই এই স্কেলের ভেতর ঢুকেছিল ।’

কেউ কোনো মন্তব্য করলো না, সবাই খুব ক্রান্ত ।

‘বসে থাকলে চলবে না,’ সাবধান করে দিলো রানা । ‘প্রথম কাজ এখান থেকে বেরুবার একটা পথ খুঁজে বের করা ।’ উঠে দাঁড়ালো ও, জোরে নিঃশ্বাস ফেলায় ব্যথা অনুভব করলো বুকে । ‘ব্যাগ-ট্যাগ

সব এখানে থাকি। পরে নিয়ে যাবো। সোহানার হাত থেকে ল্যাম্প নিয়ে সুড়ঙ্গের দিকে এগোলো ও।

সুড়ঙ্গের মুখটা চওড়ায় তিন ফিটের মতো, ওপর-নিচে আরো বরং একটু কম। হামাগুড়ি দিয়ে ভেতরে ঢুকতে হলো ওদের। প্রথমে রানা, পিছনে সোহানা আর মিরাগু, সবশেষে মাজুলেট। পঞ্চাশ ফিটের মতো এগোলো ওরা, এখান থেকে একটু একটু করে উচু হতে শুরু করেছে সুড়ঙ্গের ছাদ। মাথা নিচু করে দাঁড়াতে পারলো ওরা। আরো একশো ফিট এগোবার পর প্রকৃতির তৈরি একটা দরজার সামনে থামলো রানা। মাথা নিচু করে চোকাঠ পেরোলো ও, তারপর সিঁধে হয়ে দাঁড়ালো। বিস্ময়ের ধাক্কায় পাথর হয়ে গেল রানা, টেরও পেল না দরজা পেরিয়ে বাকি সবাই ভিড় করেছে ওর হুঁপাশে।

ওদের মাথা ধীরে ধীরে একদিক থেকে ঘুরলো আরেক দিকে।

‘ওহু খোদা, কি সুন্দর!’ ফিসফিস করে বললো সোহানা। রানার কাছ থেকে ল্যাম্প নিয়ে মাথার ওপর লম্বা করে দিলো হাতটা।

আলোময় একটা গুহার ভেতর ঢুকেছে ওরা, ফটিক দিয়ে সাজানো। শতাব্দীর পর শতাব্দী ধরে খিলান আকৃতির সিলিঙের চিড়ি গলে পানির ধারার সাথে দেয়াল বেয়ে নেমে এসেছে চিনির মতো ক্রিস্টালাইন ক্যালশিয়াম, ফোঁটায় ফোঁটায় মেঝেতে পড়ে শক্ত নিরেট আকৃতি পেয়েছে।

গুহার ভেতর যেদিকে চোখ পড়লো, মন ভোলানো ফটিকের ভাস্কর্য দেখলো ওরা। প্রতিটি আকৃতি থেকে বিচিত্র সব ঝলমলে রঙ বিচ্ছুরিত হচ্ছে। দেয়ালে ঝুলে রয়েছে বহু-রঙা ঝালর, পর্দা, রশি, জাল। ল্যাম্পের আলোয় বহুমূল্য চীনামাটির মতো দেখালো

ওগুলোকে। ছাদ থেকে নেমে এসেছে মঙ্গল স্তম্ভ, এক দেয়াল থেকে আরেক দেয়াল পর্যন্ত বুলে আছে স্বচ্ছ সেতু। সিঁড়ির ধাপের মতো সিলিং থেকে নেমে এসেছে ফটিকের ধাপ। দেয়ালের গায়ে তৈরি হয়েছে বলমলে কাগিশ, শূণ্যে বুলে আছে রঙচঙে ডানা নিয়ে আকাশপরী। সিলিং থেকে নেমে আসা অসংখ্য ঝাড়বাতি থেকে ফুটে বেরুচ্ছে স্বর্গীয় আলো। মেঝেতে কোথাও কোথাও পদাতিক বাহিনী সারিবদ্ধভাবে দাঁড়িয়ে আছে, কোথাও তৈরি হয়েছে হাজার আর নেকড়ের পাল। মেঝের ফাঁকা একটা জায়গায় একটা নারীমূর্তি দেখা গেল, নাচছে, দুনিয়ার শ্রেষ্ঠ ব্যালেরিনার প্রতিমূর্তি যেন। ল্যাম্পের আলোয় প্রতিটি আকৃতি, প্রতিটি ভাস্কর্য থেকে ছিটকে বেরুচ্ছে লক্ষ-কোটি রঙচঙে আলোর কণা।

ঘোরের মধ্যে রয়েছে ওর', ঈতস্তত করতে করতে এক পা এক পা করে এগোলো। গুহার ভেতরটা ঘুরে ঘুরে দেখছে সবাই। আবার দাঁড়ালো রানা, ওর পিছনে সবাই এমনভাবে সঁটে এলো, মনে হলো জড়াজড়ি করে দাঁড়িয়ে আছে দলটা। ছাদ থেকে লাইমস্টোনের টুকরো খসে পড়েছে, কিন্তু মাঝখানের মেঝেটা পরিষ্কার। আবর্জনা সরিয়ে ওখানে একটা মঞ্চ মতো তৈরি করা হয়েছে। বোঝা যায়, কাজটা মানুষের হাতের। লাইমস্টোনের বড়বড় চাঁই দিয়ে তৈরি করা হয়েছে চারকোণা মঞ্চটা। মঞ্চের ওপর, বৃকের কাছে হাঁটু তোলা, চিতার সোনালি ছালে গা ঢাকা, বসে রয়েছে মানুষের একটা শরীর।

‘লোবেনগুলা।’ একটা ভাঁজ করা হাঁটু মেঝেতে নামিয়ে নিচু হলো মাজুলেট ‘প্রিয় রাজা লোবেনগুলা।’

রাজা লোবেনগুলা তাঁর হাঁটুজোড়া দুই হাতে আঁকড়ে ধরে

আছেন, সম্পূর্ণ মম্বি হয়ে গেছেন তিনি। মৃত্যুর পরও তাঁর হাতের নখ বেড়েছে। ওগুলো লম্বা আর বাঁকানো, প্রাগৈতিহাসিক কোনো প্রাণীর মতো। লোবেনগুলো নিশ্চয়ই পালক আর পশম দিয়ে তৈরি কোনো আবরণ পরেছিলেন মাথায়, সেটা খসে পড়েছে তাঁর পাশে। হীরণ পাখির পালকগুলো এখনো নীল, আর নির্ভাজ, যেন আজই ছেঁড়া হয়েছে পাখির ডানা থেকে।

সম্ভবত হচ্ছে করেই, কিংবা হয়তো না বুঝেই, মঞ্চের ওপর লাশ-টাকে বসানো হয়েছে ছাদের একটা চিড়ের ঠিক নিচে। এমনকি ওরা তাকিয়ে থাকার সময়ও দেখলে, অনেক ওপর থেকে টপ করে আরেকটা ফোঁটা পড়লো লাশের কপালে, বিক্ষোভিত হলো ফোঁটাটা, তারপর মন্তরগতি অশ্রুর মতো এঁকেবেঁকে নেমে এলো লোবেনগুলার গাল বেয়ে। নিশ্চয়ই এই রকম অযুত কোটি ফোঁটা পড়েছে তাঁর ওপর, এবং প্রতিটি ফোঁটা তাঁর মাথায় রেখে গেছে চকচকে ক্যালশিয়াম।

লোবেনগুলো পাথরে পরিণত হয়েছেন, ফটিকের আবরণ ঢেকে দিয়েছে তাঁর চোখ, নাক, ঠোঁট, কান, কপাল, আর বুক। শুধু ফাঁক হয়ে থাকা ঠোঁটের ভেতর এখনো চকচক করছে সাদা দাঁতগুলো।

ওদের গা হুমহুম করতে লাগলো। নিস্তরু, ভৌতিক লাগলো পরিবেশটা।

লোবেনগুলার সামনে লাইমস্টোনের নিচু একটা বেদি, গাঢ় রঙের পাঁচটা জিনিস রয়েছে তাতে। চারটে মাটির পাত্র, ছাগলের শুকনো ছাল দিয়ে প্রতিটির মুখ বন্ধ করা। পঞ্চমটা একটা ব্যাগ, সেটাও কোনো পশুর ছাল দিয়ে তৈরি।

‘মাজুলেট, তুমি...’, মুখ খুললো রানা, কেঁপে গেল ওর কণ্ঠস্বর,

‘তুমি এখন ম্যাটাবেলদের রাজা, এখানে যা কিছু আছে তাতে শুধু একা তুমি হাত দিতে পারো।’

এখনো মেঝেতে একটা হাঁটু রেখে নিচু হয়ে আছে মাজুলেট, রানার কথা যেন শুনতে পারিনি। লোবেনগুলার মাথার দিকে স্থির চোখে তাকিয়ে বিড়বিড় করে প্রার্থনা করছে সে।

মিরাণ্ডার ছ’পাটি দাঁত পরস্পরের সাথে বাড়ি খাচ্ছে।

ধীরে ধীরে সিধে হলো মাজুলেট। বেদির দিকে হাত বাড়িয়ে মাটির একটা পাত্র ধরলো সে।

দম বন্ধ করলো রানা, জানে না কি দেখতে পাবে। আরেকটা হাত বাড়ালো মাজুলেট, ছ’হাতে ধরলো পাত্রটাকে।

পাত্রটা বুকের কাছে আনলো মাজুলেট, মুহূ একটা আওয়াজ হলো, সেই সাথে ভঙ্গুর মাটির পাত্র মাজুলেটের ছ’হাতের ভেতর ভেঙে কয়েক টুকরো হয়ে গেল।

যেন একরাশ টুকরো আলো ঝরে পড়লো। পাথুরে মেঝের ওপর দিয়ে ছুটলো হীরেগুলো, কোনোটা গড়াতে গড়াতে, কোনোটা লাফাতে লাফাতে। ল্যাম্পের আলোয় ঝলমল করছে প্রতিটি পাথর, ওগুলোর নিজস্ব আলো বিচ্ছুরিত হচ্ছে চারদিকে, ঠিক যেন জ্বলন্ত একেকটা কয়লা।

দশ

‘এগুলো হীরে আমার বিশ্বাস হয় না,’ ফিসফিস করে বললো মিরাগু। ‘দেখে মনে হচ্ছে হুড়ি ; সুন্দর, চকচকে হুড়ি, কিন্তু হুড়ি।’

লোবেনগুলার সামনে থেকে সরে এসে, ফটিক গুহার দরজার কাছে বসেছে ওরা। ক্যানভাস ব্যাগটা খালি করে বিছানো হয়েছে সামনে, সমস্ত হীরে জড়ো করা হয়েছে সেটার ওপর। খালি মাটির পাত্রগুলো, আর চামড়ার ব্যাগটা মমির সামনে রেখে এসেছে ওরা।

‘গুজবের সবটুকু যে সত্যি নয় সেটা বোঝা গেল,’ বললো রানা। ‘পাত্রগুলো এক গ্যালনের নয়, বরং এক পাইন্টের মতো।’

শ্যাকটে নেমে গিয়ে মইয়ের ওপরের অংশ থেকে বাঁশের কয়েকটা ধাপ খুলে এনেছে রানা, গুহার মেঝেতে ছোট্ট একটা আগুন ধরানো হয়েছে। হীরের ভূশটাকে ঘিরে গোল হয়ে বসেছে ওরা, ওদের ভিজে কাপড় আগুনের আভায় লালচে দেখালো।

মাজুলেট বললো, ‘পাঁচ পাইন্ট হীরেও কি কম নাকি !’

‘যদি ওগুলো হীরে হয়।’ এখনো সংশয়ে ভুগছে মিরাগু।

‘হীরে তো বটেই,’ শাস্ত কণ্ঠে বললো সোহানা। ‘বিশ্বাস না হয়,

এই দেখো !' ভূপ থেকে একটা পাথর তুলে নিলো সে। স্বচ্ছ হীরে, বারোকোণা, প্রতিটি কিনারা কুরুর মতো ধারালো। ল্যাম্পের কাঁচের ওপর হীরের একটা কোণ ঠেকালো সে, তারপর টান দিলো নিচের দিকে। তীক্ষ্ণ, কর্কশ একটা আওয়াজ হলো, শিরশির করে উঠলো গা। কাঁচের গায়ে গভীর, সাদা একটা রেখা ফুটে উঠলো। 'আর কোনো সন্দেহ আছে ?'

'এতো বড়।' সবচেয়ে ছোটো যেটা পেলো তুলে নিলো মিরামা। 'এরচেয়ে ছোটো তো দেখছি না, কিন্তু এটাও তো আমার আঙুলের প্রথম গিটের চেয়ে বড়।'

'ম্যাটাবেল শ্রমিকরা শুধু বড় হীরেগুলোই চুরি করেছিল,' মনে করিয়ে দিলো মাজুলেট। 'তাছাড়া, কেটে পালিশ করার পর ষাট ভাগ ছোটো হয়ে যাবে ওগুলো।'

'কতো রঙ !' ফিসফিস করে বললো মিরামা। 'কতো বিচিত্র রঙ !'

লাল, নীল, সবুজ, সাদা, সব রঙেরই রয়েছে। কোনোটা হালকা, কোনোটা গাঢ়, এক নীলই রয়েছে পাঁচ-সাত রকম। একটা সবুজ পাথর তুলে ছ'আঙুলের মাঝখানে ঘোরালো রানা, প্রতিটির পাশ থেকে বিভিন্ন ধরনের সবুজাভ হ্যাতি হড়িয়ে পড়লো।

'এটা দেখো,' সোহানার হাতে একটা পাথর দেখা গেল। পাথরের গা থেকে ফুটে বেরুচ্ছে লালচে নীল রঙ, কিন্তু একেবারে গভীরে জলজ্বল করছে মধ্যাহ্নপুরের গন গনে সূর্য।

'আর এটা ?' মিরামার হাতে ওটা যেন ছেঁড়া ধমনী থেকে বেরিয়ে আসা তাজা রক্ত, এইমাত্র জমাট বেঁধেছে।

'এটা, এটা ?' স্বচ্ছ সবুজ, অসম্ভব সুন্দর, আলোর প্রতিটি কাঁপ-

নের সাথে বদলে যাচ্ছে রঙের বাহার ।

বড় একটা হীরে তুলে রানাকে দেখালো মাজুলেট । ‘এটার ওজন কতো হবে ?’ আকারে ওটা একটা গলফ বলের মতো ।

‘ওকে জিজ্ঞেস করো,’ সোহানাকে দেখিয়ে বললো রানা । ‘হীরে নিয়ে পড়াশোনা করেছে ও ।’

‘তিনশো ক্যারেটের কম নয়,’ বললো সোহানা ।

‘দাম ?’ একটা ঢোক গিলে জানতে চাইলো মাজুলেট । ‘এগুলোর দাম আন্দাজ করতে পারেন ?’

‘বলা মুশকিল,’ কাঁধ ঝাঁকালো সোহানা । ‘কিছু পাথর তো স্রেফ রাবিশ, ইণ্ডাস্ট্রিয়াল কোয়ালিটি, শুধু মেশিন টুলসে ব্যবহার করা যাবে । বাকিগুলোর দাম... আসলে ওগুলো প্রত্যেকটি মহামূল্যবান— যাকে বলে অমূল্য রতন । এ-ধরনের একটা পাথরের দাম ঠিক হয় ধনী লোকদের পছন্দের ওপর । সবগুলো এক সাথে বিক্রি করা সম্ভব নয় । হীরের বাজার একসাথে এগুলোকে হজমই করতে পারবে না । প্রতিটি হীরে আলাদাভাবে বিক্রি করতে হবে । এগুলো থেকে কেউ একটা কিনতে চাইলে টাকার বিশাল একটা অংক হাতবদল করতে হবে তার, হীরের বাজারে রীতিমতো হৈ-চৈ পড়ে যাবে ।’

‘তবু কতো ?’ মাজুলেট নাছোড়বান্দা ।

‘সত্যিই জানি না আমি ।’ আরেকটা বড় পাথর তুলে নিলো সোহানা । ‘অত্যন্ত দক্ষ একজন টেকনিশিয়ান কয়েক হপ্তা কাজ করবে এটার ওপর । শেষ পর্যন্ত যদি এটাকে নিখুঁতভাবে কাটা সম্ভব হয়, আর রঙটা যদি হয় ডি গ্রেডের, ধরো এটার দাম পাওয়া যেতে পারে এক মিলিয়ন মার্কিন ডলার ।’

বিষম খেলো মিরান্ডা । ‘একটা পাথর এক মিলিয়ন ডলার ।’

‘হয়তো আরো বেশি,’ বিড়বিড় করে বললো সোহানা, ‘হয়তো আরো অনেক, অনেক বেশি।’

হুঁহাত এক করে এক গাদা হীরে তুললো মাজুলেট। ‘একটার দাম যদি দশ লাখ ডলার হয়, এগুলোর দাম কতো হবে?’ আঙুলের ফাঁক গলে ধীরে ধীরে হীরেগুলো বয়ে পড়তে শুরু করলো।

‘কম করে যদি আন্দাজ করি, পাঁচশো মিলিয়ন ডলার,’ বললো সোহানা। ‘এর তিনগুণও পাওয়া যেতে পারে, আমি জানি না।’

গুহার ভেতর নিস্তব্ধতা নেমে এলো। টাকার অংকটা এতোবড়, সবাই কেমন যেন হতচকিত হয়ে গেছে।

নিস্তব্ধতা ভাঙলো মিরাগু। ‘তারমানে জীবিত লোকদের মধ্যে আমরাই বর্তমানে হুনিয়ার সবচেয়ে ধনী।’

‘হ্যাঁ, তা হয়তো সত্যি,’ গভীর সুরে বললো মাজুলেট। ‘কিন্তু এই গোলকধাঁধা থেকে যদি বেরুতে না পারি, কি দাম ওগুলোর?’

শিউরে উঠলো মিরাগু। ‘আচ্ছা, সত্যি যদি এখান থেকে বেরুবার পথ আমরা না পাই?’

কেউ কোনো উত্তর দেয়ার আগেই ওদের নিচে পাথরের মেঝে প্রচণ্ড এক ঝাঁকি খেলো। বসে ছিলো সবাই, ছিটকে পড়ে গেল দেয়ালের গায়ে। বহু উঁচু সিলিং থেকে খসে পড়লো লাইমস্টোনের বিশাল একটা টাই, প্রায় বিশ টন ওজন হবে। গাঢ় ধুলোয় ঢাকা পড়ে গেল গুহার ভেতরটা। খক খক করে কাশতে শুরু করলো ওরা। পরস্পরকে দেখতে পাচ্ছে না। মিরাগুর আর্তচিৎকারে গায়ের লোম খাড়া হয়ে গেল ওদের।

‘রানা! কি ব্যাপার?’ চিৎকার করে জানতে চাইলো মাজুলেট।

কি ঘটেছে আন্দাজ করতে পারলেও, চুপ করে থাকলো রানা।

কাউকে আতঙ্কিত করতে চায় না ও।

‘শোনারা,’ মুহূর্ণ কণ্ঠে বললো মাজুলেট, ‘...আমার মনে হয় শোনারা ডিনামাইট ফাটিয়ে ওপরের প্যাসেজ বন্ধ করে দিল।’

ফুঁপিয়ে কঁদে উঠলো মিরাগু। ‘ওরা আমাদেরকে জ্যান্ত কবর দিয়েছে...।’

আধ ঘণ্টা পর প্ল্যাটফর্মে ফিরে এলো রানা। কোমরে রশি নিয়ে শ্রাফটে নেমেছিল ও, তারপর মই বেয়ে পানিতে। কিন্তু টানেলে ডুব দিয়ে নিচের লেকে পৌঁছতে পারেনি, বিশাল আকারের পাথরের চাঁই পড়ে টানেলটা সম্পূর্ণ বন্ধ হয়ে গেছে। ডিনামাইট ফাটানো হয়েছে লেকের ওপর ফাটলের মুখে কোথাও, কিন্তু বিভিন্ন প্যাসেজ আর গুহার ছাদ ধ্বসে পড়েছে বিস্ফোরণের ধাক্কায়।

‘কি দেখলে?’ ব্যগ্র কণ্ঠে জানতে চাইলো সোহানা। উদ্বিগ্ন চেহারা নিয়ে সবাই দাঁড়িয়ে আছে প্ল্যাটফর্মে। রানা কিছু বললো না, কিন্তু ওর চেহারা দেখে উত্তরটা কারও বুঝে নিতে অসুবিধে হলো না।

‘প্ল্যাটফর্ম, সুড়ঙ্গ, আর গুহার প্রতিটি ইঞ্চি খুঁজে দেখতে হবে,’ বললো মাজুলেট। মাথা ঝাঁকিয়ে সায় দিলো রানা।

দশ মিনিট পর কাজ শুরু করলো ওরা। রানা আর সোহানা, মাজুলেট আর মিরাগু, দুটো দলে ভাগ হয়ে খুঁজতে বেরলো। দু’ঘণ্টা পর আবার সবাই মিলিত হলো আগুনের ধারে। ব্যাটারি শেষ হয়ে আসায় টর্চের আলো অনেক নিম্নেজ হয়ে গেছে, ল্যাম্পও কেরোসিন নেই।

‘মঞ্চের পিছনে একটা সুড়ঙ্গ পেয়েছি আমরা,’ রিপোর্ট করলো

রানা। ‘বেশ অনেক দূর পর্যন্ত যাওয়া যায়, কিন্তু তারপর পাথরের দেয়াল। তোমরা?’ হৌচট খেয়ে গোড়ালিতে ব্যথা পেয়েছে সোহানা, চামড়া ছিলে গেছে, ক্ষতটা পরিস্কার করে দিচ্ছে রানা।

‘আমরাও ছোটো সুড়ঙ্গ পেয়েছি, কিন্তু খানিক দূর যাবার পর দেয়াল দেখে ফিরে এসেছি।’

‘এখন কি করা?’

‘মুখে কিছু দিয়ে বিশ্রাম নেবো,’ শান্ত সুরে বললো রানা। ‘ঘুম দরকার। শক্তি এখন সবচেয়ে বড় পুঁজি আমাদের, সেটা হারানো চলবে না।’

হুশিয়ার কাতর হলেও, প্রচণ্ড ক্লান্ত বলে সবাই ওরা ঘুমাতে পারলো। ঘুম ভাঙার পর রানা দেখলো, ওর বুকের কাছে কুণ্ডলী পাকিয়ে শুয়ে রয়েছে সোহানা, নিশ্বাসের সাথে ঘড় ঘড় একটা আওয়াজ বেরিয়ে আসছে বুক থেকে। শীত আর স্যাঁতস্যাঁতে পরিবেশ ওদের সবাইকে ভোগাতে শুরু করেছে।

ছাদ চুইয়ে টপটপ করে পানির ফোঁটা পড়ছে, আর কোনো শব্দ নেই কোথাও। কান পেতে অনেকক্ষণ অপেক্ষা করার পর আরেকটা অস্পষ্ট আওয়াজ শুনতে পেলো রানা, অনেক দূর থেকে আসছে। একটা অস্বস্তির কাঁটা খচখচ করে বিধতে লাগলো মনে, কিসের শব্দ ওটা? কোথেকে আসছে?

তারপর চিনতে পারলো, বাহুড়ের ডাক। মনে পড়লো, প্রথম যখন প্ল্যাটফর্মে আসে ও তখন আরো স্পষ্টভাবে শুনতে পেয়েছিল। টর্চ নিয়ে উঠে দাঁড়ালো ও। গুহা থেকে সুড়ঙ্গে চলে এলো, হামাগুড়ি দিয়ে বেরিয়ে এলো প্ল্যাটফর্মে। টর্চটা মাত্র ছ’একবার জ্বাললো ও, ব্যাটারির শেষটুকু খরচ করতে চাইছে না।

অন্ধকারে দেয়ালে পিঠ দিয়ে দাঁড়িয়ে থাকলো রানা, সমগ্র অস্তিত্ব দিয়ে কান পেতে শুনে চেপ্টা করলো ।

জমাট বাঁধা দীর্ঘ নীরবতা, মাঝেমধ্যে ভাঙলো শুধু পানির ফোঁটা পতনের কোমল শব্দে, আর তারপরই আচমকা যুহু কিচমিচ আওয়াজ, শুনে পাওয়া যায় কি যায় না, শ্যাফটের চিমনি বেয়ে প্রতিধ্বনিত হয়ে নেমে এলো । তারপর আবার জমাট নিস্তরতা ।

টর্চ জ্বাললো রানা, পাঁচটা বাজে । সকাল না সন্ধ্যা জানা নেই, কিন্তু ওপরে ওখানে কোথাও যদি বাতুড়রা বিশ্রাম নিতে জড়ো হয়ে থাকে পাতালপুরীর ওপরে বাইরের ছনিয়ায় নিশ্চয়ই এখন দিনের আলোই রয়েছে । দেয়ালের গায়ে পিঠ দিয়ে বসে পড়লো ও, আরো এক ঘণ্টা অপেক্ষা করলো । হঠাৎ করে কিচমিচ শব্দগুলো বেড়ে গেল, যেন ঘুম থেকে জেগে উঠছে বাতুড়ের বিশাল একটা ঝাঁক ।

ধীরে ধীরে দূরে মিলিয়ে গেল আওয়াজটা । আবার হাতঘড়ি দেখলো রানা, ছটা পঁয়ত্রিশ । কল্লনার চোখে দেখতে পেলো ও, সুড়ঙ্গের একটা মুখ দিয়ে অন্ধকার আকাশে বেরিয়ে যাচ্ছে বাতুড়ের লম্বা একটা ঝাঁক, বেরিয়ে যাচ্ছে চিমনি থেকে কালো ধোঁয়ার মতো ।

সাবধানে পা ফেলে প্ল্যাটফর্মের কিনারায় গিয়ে দাঁড়ালো রানা, পাশের দেয়ালে পাঁজর ঠেকিয়ে অত্যন্ত সতর্কতার সাথে গভীর শ্যাফটের ওপর ঝুঁকলো, পাশের দেয়ালের ক্ষুদ্রে একটা গর্তের কিনারা ধরে আছে এক হাতে । ঘাড় বাঁকা করে মুখ তুললো ওপর দিকে, শ্যাফটের ওপরটা দেখতে চায়, টর্চ ধরা অপর হাতটা ওপর দিকে লম্বা করে দিলো সবটুকু । হলদেটে ম্লান আলো ওর মাথার ওপর অন্ধকারকে আরো যেন নিশ্ছিদ্র, আরো যেন গাঢ় করে

তুললো ।

অর্ধবৃত্ত আকৃতি নিয়ে উঠে গেছে শ্যাফটটা, অপর দিকের দেয়াল প্রায় দশ ফিট দূরে । শ্যাফটের ওপরের অঙ্ককার ভেদ করা এই ম্লান আলোর পক্ষে সম্ভব নয় । সে-আশা ছেড়ে দিয়ে ওর-উন্টো দিকে, শ্যাফটের দেয়ালে মনোযোগ দিলো ও । টর্চ ধরা হাতটা একদিক থেকে আরেক দিকে বারবার আনা-নেয়া করে বুঝতে চেষ্টা করলো দেয়ালের ধরন-ধারণ ।

কাঁচের মতো মসৃণ দেয়াল, কোথাও একটু চিড় পর্যন্ত ধরেনি । শুধু একটা...ভালো করে দেখার জন্তে বুকের টিপ টিপ অগ্রাহ্য করে আরো এক ইঞ্চি বুঁকলো রানা... দৃষ্টিসীমার ঠিক শেষ প্রান্তে অন্ধ-কারের ভেতর আরো গাঢ় একটা চিহ্ন, সরাসরি ঠিক ওর উন্টো দিকে, মাথা থেকে বেশ একটু ওপরে । চোখের ভুল, রঙের পার্থক্য, নাকি সত্যি একটা সরু ফাটল ? নিশ্চিত করে বলা কঠিন, টর্চের আলো নিভে আসছে । বলা যায় না, হয়তো কিছুই নয়, শেফ আলো আর ছায়ার একটা চাতুরি ।

‘রানা ?’ ওর পিছন থেকে ডাকলো মাজুলেট । ‘কি ব্যাপার ?’

প্ল্যাটফর্মের কিনারা থেকে সাবধানে সরে এলো রানা । টর্চ নিভিয়ে বললো, ‘আমার মনে হয় এই শ্যাফট বেয়ে উঠতে পারলে মাটির ওপর পৌঁছুতে পারবো ।’

‘কি বলছো । এই চিমনি বেয়ে ?’ মাজুলেটের গলায় অবিশ্বাস ।

‘ওখানে কোথাও বাহুড় আছে ।’

‘ওগুলোর মতো ডানা আছে তোমার ? কতো উঁচু শ্যাফটটা, কোথায় গিয়ে শেষ হয়েছে ?’

‘জানি না । তবে মনে হচ্ছে উন্টো দিকে একটা ফাটল বা কাণিশ

আছে। ল্যাম্পটা ছালা, টচের ব্যাটারি শেষ হয়ে এসেছে।

এবার ওরা দু'জনই প্ল্যাটফর্মের কিনারা থেকে সামনের দিকে
ঝুঁকি শ্যাফটের উন্টোদিকের দেয়াল পরীক্ষা করলো।

‘কি মনে হচ্ছে?’

‘কিছু একটা রয়েছে,’ বললো মাজুলেট।

‘ওখানে যদি পৌঁছতে পারি...’

‘পাগল নাকি! কিভাবে?’

‘জানি না, আমাকে ভাবতে দাও...’

দেয়ালে পিঠ দিয়ে পাশাপাশি বসলো ওরা, ওদের কাঁধ ছুঁই ছুঁই
করছে।

খানিক পর মুহূ গলায় কথা বললো রানা, ‘মইটা একজোড়া লম্বা
বাঁশের পোলের সাথে ঝুলছে। সবচেয়ে লম্বা পোলটা যদি তুলে
আনি, তোমার কি মনে হয়, উন্টোদিকের দেয়ালে পৌঁছবে?’

‘শ্যাওলা ধরা বাঁশ, শরীরের ভার সহিতে পারবে বলে মনে হয়
না। একটার কথা বলতে পারি, প্রায় পচে গেছে। শুধু একটা বাঁশ
ফেলে তার ওপর দিয়ে তুমি যাবে কিভাবে?’

প্ল্যাটফর্মে দ্বিতীয় একটা আগুন জ্বাললো ওরা। কোমরে রশি
নিয়ে আবার মইয়ের কাছে নামলো রানা। একটা পোল সত্যি পচে
গেছে। দ্বিতীয়টা ওর কজির মতো সরু, শ্যাওলা জমে পিচ্ছিল
হয়ে আছে। নিচের দিকে এটারও পচন ধরেছে, তবে অক্ষত অংশ-
টুকু লম্বায় বোলো ফিটের মতো হবে। রশি দিয়ে বেঁধে পোলটাকে
প্ল্যাটফর্মে তুলতে যেমে গোসল হয়ে গেল ওরা, সময় লাগলো
প্রায় এক ঘণ্টা।

পোলটাকে পরিষ্কার করা হলো। শ্যাওলা-মুক্ত করা সম্ভব হলেও,

পিচ্ছিল ভাব একটু থেকেই গেল। এরপর আধ ঘণ্টা ধরে চেষ্টা করার পর পোলের একটা প্রান্ত ঠেকানো গেল ওদের উন্টোদিকে, শ্যাফটের দূর প্রান্তের দেয়ালের গায়ে। পোলের অপর প্রান্তটা থাকলো ওদের পিছনে টানেলের গায়ে। ‘এবার পোলের ডগাটা আরো তুলতে হবে,’ বিশ্রাম নিতে বসে বললো রানা। ‘চেষ্টা করতে হবে ফাটলের মুখের কাছে যাতে পৌছায় ডগাটা—অবশ্য, সত্যি যদি ওটা ফাটল হয়।’

চেষ্টা করতে গিয়ে ওদের হাত কসে দু’হ’বার পোলটা নিচের শ্যাফটে পড়ে যাবার উপক্রম করলো। ভাগ্যিস রশি দিয়ে বেঁধে নিয়েছিল, প্রতিবার রশির ওপর ঝাঁপিয়ে পড়ে পতনটা ঠেকালো ওরা। অবশেষে এতো খাটাখাটনি কাজে লাগলো, শ্যাফটের উন্টোদিকের দেয়ালে, গাঢ় দাগটার মুখে পৌঁছুলো পোলের ডগা।

বাঁশের টুকরো ফেলে আগুনটাকে তাজা করলো সোহানা। বসলো সবাই, আগুনের আলোয় সদ্য সমাপ্ত কাজটা দেখলো।

শ্যাফটের ওপর এখন একটা ব্রিজ তৈরি করেছে ওরা। ব্রিজটা প্ল্যাটফর্ম থেকে বেশ খাড়াভাবে উঠে গেছে, গোড়াটা আটকে আছে ওদের পিছনের দেয়ালে, আর ব্রিজের ডগা উন্টোদিকের দেয়ালের সরু ফাটলের ভেতর ঢুকে গেছে বেশ আটোঁসাঁটো ভাবে।

‘এই ব্রিজ পেরোবে কে?’ সবার দিকে একবার করে তাকিয়ে নিয়ে বললো মিয়াণ্ডা।

‘শ্যাফটের ওপরে কি আছে?’ জিজ্ঞেস করলো সোহানা।

‘আগে পৌঁছুই, জেনে বলবো,’ জবাব দিলো রানা।

‘আমাকে যেতে দাও, রানা,’ শান্তভাবে বললো মাজুলেট।

‘রক ক্লাইম্বিংয়ের অভিজ্ঞতা আছে তোমার?’ জিজ্ঞেস করলো

রানা, মাজুলেট মাথা নাড়লো। 'তাহলে নামটা প্রত্যাহার করে নাও।'

'আমার আছে,' বললো সোহানা। 'আমাকে যেতে দাও। একা তুমি কতো ধকল সহাবে?'

'দিতাম,' বললো রানা। 'কিন্তু গোড়ালিতে ব্যথা পেয়েছে তুমি।' সোহানা কিছু বলতে যাচ্ছে দেখে হাত তুলে বাধা দিলো রানা। 'আর কোনো কথা নয়। ছ'ঘণ্টা বিশ্রাম—ঘুমাতে চেষ্টা করো সবাই।'

আসলে কেউই ওরা ঘুমাতে পারলো না। ছ'ঘণ্টা পেরোবার আগেই রানার ডাকে উঠে পড়লো সবাই। ওর কোমরে রশি বাঁধলো মাজুলেট, পিঠের ওপর দিয়ে এগিয়ে গিয়ে জোড়া রশির একটা ফাঁস কাঁধে জড়িয়ে ফিরে এলো আবার, শেষ প্রান্তটা থাকলো মাজুলেটের হাতে। ক্যানভাস ছিঁড়ে কাঁধে একটা স্লিং বেঁধেছে রানা, স্লিংয়ের সাথে ঝুলছে টর্চটা। 'যদি পড়ে যেতে থাকি, পড়লাম বলে চিৎকার করবো,' ওদেরকে বললো ও। 'সাথে সাথে যেভাবে হোক রশিটাকে আটকাতে তোমরা।'

পোলার গোড়ার ওপর সোহানা আর মিরাপু চেপে বসলো, ওটা যাতে নড়াচড়া না করে।

পোলার ওপর বুক ঠেকিয়ে শুয়ে পড়লো রানা, পা দুটো গভীর শ্যাফটের ওপর ঝুলছে, এক ইঞ্চি এক ইঞ্চি করে উঠে যাচ্ছে ও। প্ল্যাটফর্মের কিনারায় দাঁড়িয়ে রশির লুপটা একটু একটু করে ছাড়ছে মাজুলেট।

কয়েক ফিট এগিয়ে রানার মনে হলো, ওপর দিকে বড় বেশি খাড়া-ভাবে উঠে গেছে পোল। পোলার গায়ে পংখের আঙুল বাধিয়ে

চাপ দিতে হচ্ছে, একটু একটু করে ঠেলে তুলতে হচ্ছে শরীরটা। আগুনের আলো পিছিয়ে পড়লো। দ্রুত, নিচের কালো শূন্যতা যেন বিশাল হাঁ করে আছে গ্রাস করার জ্বতে। নিচের দিকে দ্বিতীয়বার আর তাকালো না ও। ওর ভারে পোলটা নিচের দিকে বেঁকে যেতে শুরু করলো, মাথার ওপর থেকে পাথরের পাতলা কিনারা ভাঙার মুট মুট আওয়াজ ভেসে এলো—ফাটলের ঠোঁটের সাথে পোলের ডগা ঘষা খাচ্ছে। তবে শেষ পর্যন্ত শ্যাকটের ঠাণ্ডা লাইমস্টোন-দেয়াল ছুঁতে পারলো ও।

দেয়ালের গা হাতড়ে ফাটলটা খুঁজলো রানা। ওটা আঙুলে ধরা পড়তে পরম স্বস্তি বোধ করলো ও। শ্যাকটের দেয়াল বেয়ে খাড়া উঠে গেছে, বাইরের ঠোঁট জোড়া পরস্পরের কাছ থেকে তিন ইঞ্চি দূরে, পোলের মাথাটা কোনো রকমে ভেতরে ঢুকতে পেরেছে। তারপর যতোই গভীর হয়েছে ফাটল, ততোই সরু হয়েছে চওড়ায়।

‘হ্যাঁ, একটা ফাটল আছে,’ ওদেরকে বললো রানা। ‘চেষ্টা করে দেখি ওপরে ওঠা যায় কিনা।’

‘রানা,’ কেঁপে গেল সোহানার গলা, ‘সাবধান।’

বাঁ হাতটা যতোটা সম্ভব উঁচু করে বাড়িয়ে দিলো রানা, ভাঁজ করা আঙুল সহ হাতটা সজোরে ঢুকিয়ে দিলো ফাটলের যতোটা ভেতরে সম্ভব। তারপর শক্ত মুঠো পাকালো হাতটা, আকৃতি বদলের সাথে সাথে ফুলে উঠলো ওটা, কঠিন ভাবে আটকে গেল ফাটলের ভেতর—এখন এই হাতের ওপর শরীরের ভার চাপাতে পারবে ও।

পোল ব্রিজের ওপর বসার ভঙ্গিতে নিষ্পেকে তুলে আনলো রানা, একটা হাঁটু উঠে এলো বৃকের কাছে। মুক্ত হাত ফাটলের আরো

একটু ওপরে ঢোকালো ও, এটাও প্রথমটার মতো ভেতরে শক্তভাবে আটকে গেল। এবার দু'হাতের ওপর শরীরের ভার চাপিয়ে পোলার ওপর দাঁড়াতে শুরু করলো ধীরে ধীরে।

দেয়ালের দিকে মুখ করে পোলার ওপর দাঁড়ালো রানা। নিচের হাতের মুঠো টিল করে দিতেই ফাটলের ভেতর থেকে অনা-রাসে বেরিয়ে এলো সেটা। হাতটা যতোটা সম্ভব ওপরে তুললো, তারপর আবার ঢোকালো ফাটলের ভেতর, ভেতরে আবার সেটা আটকালো। পোল থেকে সাবধানে একটা পা তুললো ও, খালি পায়ের পাঁচটা আঙুল ফাটলের ভেতর ঢুকিয়ে দিয়ে দ্বিতীয় পাটাও তুলে নিলো পোল থেকে।

পোল ছেড়ে দেয়ালে চলে এসেছে রানা। দুই হাত আর একটা পা ফাটলের ভেতর আটকে নিয়ে ঝুলে আছে ও। দ্বিতীয় পাটা প্রথম পায়ের হাঁটুর কাছে তুলে, সেটাও ফাটলের ভেতর ঢোকালো, ফাটল থেকে বের করে আনলো নিচের হাত, তারপর দ্বিতীয় পায়ের ওপর শরীরের ভার চাপিয়ে নিয়ে উঁচু হলো খানিকটা। এভাবে পালা করে হাত আর পায়ের সাহায্যে উঠতে শুরু করলো ও।

গাঢ় অন্ধকারের ভেতর চলে এসেছে রানা। শুধু স্পর্শ দিয়ে পাথ-রের দেয়াল আর ফাটলটা অনুভব করছে, নিচের গভীর শূন্যতা যেন কালো জ্বিত বের করে চাটছে ওর পায়ের তলা।

প্রতিবার আঠারো ইঞ্চির মতো উঠছে, এভাবে মোট কতোবার উঠলো গুণে রাখছে। চল্লিশ ফিটের মতো উঠেছে, এই সময় ফাটলটা চওড়া হতে শুরু করলো। শক্তভাবে আটকাবার জগ্রে হাত আর পা আরো অনেক গভীরে ঢোকাতে হলো ওকে, ফলে প্রতিটি পদক্ষেপ আগের চেয়ে ছোটো হয়ে এলো, হাত পায়ের ওপর চাপও

পড়ছে এখন অনেক বেশি ।

পাথরের ভেতর বারবার হাত ঢুকিয়ে মুঠো পাকানোর চামড়া ছিঁড়ে রক্ত বেরিয়ে পড়লো, নতুন করে ঢোকাতে গিয়ে অসহ্য ব্যথার গুড়িয়ে উঠলো রানা । হাত-পা আর উরুর পেশীতে অনভ্যস্ত চাপ পড়ছে, ফলে লাকাতে শুরু করলো ওগুলো ।

আর এগোনো সম্ভব নয় । বিশ্রাম দরকার ওর ।

‘রানা, থামলে কেন ?’ রশি স্থির হয়ে আছে, ওরা সবাই উদ্ভিগ্ন ।

‘রানা,’ ব্যাকুল কণ্ঠে জানতে চাইলো সোহানা, ‘তোমার সাহায্য দরকার ?’

‘না ।’ পাথরে মুখ ঘষলো রানা, চোখে ঘাম পড়ায় অস্বস্তি বোধ করছে । আবার উঠতে শুরু করলো ও । ফাটলের ভেতর প্রতিবার হাত ঢোকানোর সময় ফোঁপাচ্ছে, শরীরের ভার নিয়ে থরথর কাঁপছে উরু ।

আরো দশ ফিট এগোলো ও । মনে হলো, আর পারবে না । আরো উঠতে চেষ্টা করলে মারা পড়বে, পিছলে পড়ে বাবে নিচের কালো গহ্বরে । আবার থামলো ও, আবার উঠলো । বিশ ফিট । একুশ, বাইশ ফিট । ডান হাতটা তুলে দিলো মাথার ওপর...কিছু নেই, সব ফাঁকা ।

উন্মাদের মতো হাতড়ালো রানা, কিন্তু দেয়াল বা ফাটলটা পেলো না । তারপর পাথরের সাথে বাড়ি খেলো হাতের উল্টোপিঠ—ফাটলটা অকস্মাৎ চওড়া হতে শুরু করে ইংরেজী ভি অক্ষরের আকৃতি নিয়ে ওপর দিকে উঠে গেছে, একজন মানুষ অনায়াসে ভেতরে ঢুকে যেতে পারে ।

‘খ্যাঙ্ক গড !’ চওড়া খোপের ভেতর উঠে এলো রানা, খোপের

ভেতর নিতম্ব আর কাঁধ ঠেকিয়ে স্থির হলো, রক্তাক্ত হাত দুটো
বুকের কাছে ভুলে ঘন ঘন ফুঁ দিলো ।

‘রানা !’ অনেক নিচ থেকে মাজুলেটের চিংকার ভেসে এলো ।

‘সব ঠিক আছে,’ উত্তর দিলো রানা । ‘ফাটলটা এখানে চওড়া
হয়ে গেছে । পাঁচ মিনিট বিশ্রাম নিতে দাও ।’ জানে, বেশিক্ষণ বিশ্রাম
নিতে পারবে না, ক্ষত-বিক্ষত হাত দুটো অসাড় হয়ে গিয়ে অকেজো
হয়ে যাবে । বিশ্রামের সময়টুকু আঙুলগুলো বারবার ভাঁজ করলো
ও । ‘আবার উঠছি ।’

খোপের হুঁধারে হাতের তালু রেখে উঠতে শুরু করলো রানা
শ্যাকটের দিকে মুখ করে । খোপের ওপরের অংশ আরো দ্রুত চওড়া
হতে থাকলো, এক সময় লম্বা করে দেয়া হাত দুটো পুরোটা বিস্তা-
রের নাগাল পেলো না । পাশ ফিরতে হলো ওকে, একপাশে ঠেকাতে
হলো কাঁধ, আরেক পাশে পা, পাথরের গায়ে কাঁধ ঘষে ঘষে প্রতি-
বার এক হাঁপ আশ হৃদয় করে উঠতে হলো । এরপর আবার সরু
হতে শুরু করলো খোপ । আবার সেই আগের আকৃতি ফিরে পেয়ে
ফাটলে পরিণত হলো, দুই ঠোঁট পরস্পরের কাছ থেকে তিন
ইঞ্চি দূরে । দেয়ালের গায়ে হাত বুলিয়ে হতাশায় মুষড়ে পড়লো
রানা । ওপর দিকে আরো সরু হয়ে গেছে ওটা, একটা আঙুল পর্যন্ত
ভেতরে ঢুকবে না ।

শ্যাকটের দেয়ালে হাত বুলালো রানা । কাঁচের মতো মসৃণ লাইম-
স্টোন, একটা আঁচড় পর্যন্ত নেই কোথাও ।

‘পশুশ্রম !’ বিড়বিড় করে বললো ও, কপাল থেকে গড়িয়ে নেমে
ঠোঁটের কোণ দিয়ে খোলা মুখে ঢুকছে ঘামের ধারা । হঠাৎ করেই
ব্যথায় কাতর সারা শরীর নিঃশব্দ চিংকার জুড়ে দিলো যেন, মনে

হলো প্রচণ্ড ক্রান্তির চাপে চ্যাপ্টা হয়ে যাবে সে। ফাটল বেয়ে আবার নিচে নামার শক্তি নেই ওর, এখানে আড়ষ্ট ভঙ্গিতে ঝুলে থাকার শক্তিও ফুরিয়ে গেছে।

তীক্ষ্ণ একটা চিৎকার, চমকে উঠে আরেকটু হলে পড়েই মাচ্ছিলো রানা। মাথার ওপর থেকে এলো আওয়াজটা, একটা বাহুড় ডেকে উঠলো। শরীরের ভার নিয়ে পা দুটো খরখর করে কাঁপছে, তবু পাখরের গায়ে পিঠ ঘষে ঘষে থোপের বাইরের দিকের কিনারায় সরে এলো রানা। বাহুড়টা আবার কিচকিচ করে উঠলো, এবার সাড়া দিলো কয়েক শো বাহুড়। নিশ্চয়ই ইতিমধ্যে সকাল হয়ে গেছে, ওপরে কোথাও নিজেদের আশ্রয়ে ফিরে আসছে ওগুলো।

থোপের কিনারায় নিজে থেকে স্থির করলো রানা, বাইরের দিকের হাতটা মুক্ত রাখলো। ক্যানভাস স্লিং থেকে টর্চটা নিয়ে থোলা শ্যাফটের দিকে বাড়িয়ে দিলো হাত। ঘাড় বাঁকা করে ওপর দিকে মুখ তুললো ও, তারপর বৃকের ভেতরের ধড়াস ধড়াস আওয়াজটাকে অগ্রাহ্য করে কিনারার দিকে আরো সরতে লাগলো, যতোকণ না শুধু কাঁধের প্রান্তটুকু ঠেকে থাকলো থোপের শেষ সীমানায়।

থোপের তীক্ষ্ণ কোণ থেকে বাইরে বেরিয়ে আছে রানার মাথা, ওপর আর নিচে অন্ধকার শ্যাফট। টর্চের বোতামে চাপ দিলো ও, সাথে সাথে সন্ত্রস্ত বাহুড়ের দল একযোগে প্রতিবাদে মুখর হয়ে উঠলো। রানার মাথা থেকে তিন ফিট উঁচুতে, ওর নাগালের বাইরে, পাথুরে দেয়ালে একটা জানালা রয়েছে, ওই জানালা পথেই আসছে বাহুড়গুলোর চঁচামেচি। হাত বাড়ালো রানা, কিন্তু জানালার কাগিশ থেকে বারো ইঞ্চি দূরে থাকলো ওর আঙুল।

এক চুল এক চুল করে আঙুলগুলো বাড়াবার চেষ্টা করলো ও,

এই সময় নিভে গেল টর্চ। নিকষ কালো অন্ধকারে খোপের ভেতরে পিছিয়ে এলো রানা।

রাগে আর হতাশায় স্নিগ্ধ থেকে ছিঁড়ে টর্চটা ফেলে দিলো রানা, শ্যাফটের দেয়ালে বাড়ি খেতে খেতে দ্রুত নেমে গেল সেটা, প্রতিটি আওয়াজ আগ্নেয়টার চেয়ে অস্পষ্ট শোনালো, এক সময় আর কোনো আওয়াজ এলো না। তারপর শোনা গেল মৃদু ছলাৎ শব্দ। নিচের পানিতে পড়লো ওটা।

‘রানা।’

‘টর্চটা ফেলে দিয়েছি।’

অন্ধকারে আরেকবার মাথার ওপর জানালাটার নাগাল পাবার চেষ্টা করলো রানা, কিন্তু এবারও ব্যর্থ হলো। ভি আকৃতির খোপ, আর ফাটল যেখানে মিলিত হয়েছে, সেখানে ফিরে এসে থামলো ও।

‘কি করছো তুমি, রানা?’

‘করার কিছু নেই আর,’ চিৎকার করে বললো রানা। ‘আমরা শেষ, যদি না...’

‘যদি না, কি?’

‘যদি না তোমরা কেউ এখানে এসে আমাকে সাহায্য করো।’

নিচের অন্ধকার থেকে ওরা কেউ কথা বললো না।

নিশ্চরতা ভাঙলো মাজুলেট। ‘আমি আসছি।’

‘অসম্ভব। তুমি ভারি, তোমাকে আমি টেনে তুলতে পারবো না।’

আবার চূপ করে থাকলো ওরা, তারপর সোহানার গলা শোনা গেল, ‘বলো কি করতে হবে।’

‘রশ্মির গোড়াটা দিয়ে নিজেকে বাঁধো, বো-লাইন নট ব্যবহার অন্ধকারে চিতা-২

করো ।’

‘ঠিক আছে ।’

‘এবার পোলের ওপর দিয়ে উঠে এসো ।’ উকি দিয়ে নিচে তাকিয়ে সোহানাকে দেখতে পেলো রানা, আগুনের আভার মধ্যে তার দেহ-কাঠামো ফুটে রয়েছে । রশিটা টিল হতে দিলো না রানা, সোহানা পড়ে গেলে ওকে টেনে রাখার জন্তে তৈরি হয়ে আছে ও ।

‘পোল পেরিয়ে এসেছি ।’

‘ফাটলটা পেয়েছো ?’

‘হ্যাঁ ।’

‘তোমাকে আমি টেনে তুলবো । তবে ফাটলে পা বাধিয়ে শরীরটা ওপর দিকে তোলার চেষ্টা করতে হবে তোমাকে ।’

‘ঠিক আছে ।’

‘রেডি ।’

সোহানা অনুভব করলো, তার শরীরের সমস্ত ভার টেনে নিয়েছে রশিটা, কাঁধের মাংসে ডেবে গেছে ।

‘ওঠো ।’ চিৎকার করলো রানা, ভারটা হালকা হতে রশির টিলটুকু টেনে নিলো ও ।

‘ওঠো ।’ আরো চার ইঞ্চি ওপরে উঠলো সোহানা ।

‘ওঠো ।’ সোহানার মনে হলো অনন্তকাল ধরে চিৎকারটা বাজছে তার কানে, এই উঠে যাবার যেন কোনো শেষ নেই । এরপর হঠাৎ আর্তচিৎকার বেরিয়ে এলো তার গলা থেকে । রানার কাঁধের ওপর দিয়ে হড় হড় করে নেমে গেল রশি, চামড়া কেটে মাংসের ভেতর আগুন ধরিয়ে দিলো যেন । একটা ঝাঁকি লাগলো, খোপ থেকে

প্রায় হিটকে বেরিয়ে আসতে চাইলো শরীরটা।

পিচ্ছিল নাইলন ধরে রাখার প্রাণপণ চেষ্টা করলো রানা, জানে, ওর আঙুলের ডগায় বুলছে সোহানার জীবন-মৃত্যু। তালুর ছাল উঠে গেল, ব্যথায় ফুঁপিয়ে উঠলো রানা। সোহানা এখনো চিৎকার করছে, তবে রানার হাতের মুঠোর ভেতর স্থির হয়ে গেছে রশি। পেণ্ডুলামের মতো ল্যাকটের দেয়ালের সামনে ছলছে সোহানা, রশির শেষ প্রান্তে।

‘চূপ করো।’ গর্জে উঠলো রানা। ‘শান্ত করো নিজেকে।’

সোহানা ধামলো, ধীরে ধীরে ছোটো হয়ে এলো দোলার বিস্তার। ‘ফাটল থেকে ফসকে গেছে পা!’ কান্নায় বুজে এলো তার গলা।

‘ফাটলটা আবার খুঁজে নিতে পারবে?’

‘হ্যাঁ।’

‘ঠিক আছে, ফাটলে পা ঢোকাতে পারলে আমাকে জানাও।’

‘আমি রেডি।’

‘ওঠো।’ আবার শুরু হলো। রানা ভাবলো, এই যন্ত্রণা শেষ হবে কখন? তারপর এক সময় সোহানার হাত নাগালের মধ্যে চলে এলো। ‘গেছে মেয়ে,’ ফিস ফিস করে বললো ও, ‘এই তো পেরেছো।’ খোপে, ওর নিচে সোহানার জন্তে খানিকটা জায়গা তৈরি করলো ও, সেখানে উঠে আসতে সাহায্য করলো তাকে। খোপের ভেতর কিভাবে শরীরটা আটকাতে হবে দেখিয়ে দিলো।

‘এতো জোরে চাপ দিচ্ছে কেন, লাগছে।’ বললো সোহানা, তার কাঁধ ধরা হাতটা একটু আলগা করলো রানা। ‘এর বেশি আমি উঠতে পারবো না।’

‘বাকিটুকু সহজ।’ জানালায় কথা বলবে না সোহানাকে—এখনি নয়। ‘সুনতে পাচ্ছে কিছ? তাকে খুশি করার চেষ্টা করলো ও। ‘বাহুড়। কাছেই কোথাও সারফেস, খুব কাছে। রোদের কথা ভাবো, তাজা বাতাস পাবে...’

‘ঠিক আছে, আমি রেডি,’ অবশেষে বললো সোহানা। খোপের আরো ওপরে তাকে তুলে আনলো রানা।

খোপটা এখানে যথেষ্ট চওড়া, ইচ্ছে করলে একজন আরেকজনকে পাশ কাটাতে পারে। সোহানাকে সাহায্য করলো রানা, রানাকে ছাড়িয়ে একটু ওপরে উঠলো সোহানা।

‘কিন্তু রানা! খোপটা সরু হতে হতে...একি, এ যে আঙুলের মতো হয়ে গেছে! তাহলে?’

‘অমন কাঁপছো কেন?’ ধমক দিলো রানা। ‘শান্ত হও। হতাশ হবার কিছু নেই। ঠিক তোমার মাথার ওপর একটা জানালা আছে, খোপের কিনারায় ঠিক বাইরে। এক কি দু’ফিট দূরে...’

‘আমি নাগাল পাবো না!’

‘পাবে না মানে? পেতেই হবে। শোনো, আমার ওপর দাঁড়াবে তুমি...প্রথমে বসবে, তারপর ধীরে ধীরে দাঁড়াবে—খোপের দু’দিকে পা আর হাত রেখে একটা ব্রিজ তৈরি করবো। কি, বুদ্ধিটা কেমন?’

‘রিস্কি, রানা।’ আতকে উঠলো সোহানা। ‘আমার ভার তুমি সহিতে পারবে না। হ’জনেই আমরা পড়ে যাবো...’

‘অবলা নারী, তোমার ভার আমি সহিতে পারবো না। একথা বলার স্পর্শ হলো তোমার।’

কিন্তু আতংকিত সোহানাকে রানার কৌতুক স্পর্শ করলো না।

অক্ষুটে বললো সে, 'না, আমি পারবো না।'

'ট্রেনিং ভুলে গেছো?' তিরস্কার করলো রানা। 'বেশ, চলো তাহলে, নিচে নামি। কিন্তু মনে রেখো, দ্বিতীয়বার আর আমার পক্ষে এখানে ওঠা সম্ভব হবে না। আর, বাইরে বেরোবার এটাই একমাত্র পথ। যদি নামো, মৃত্যুকে মেনে নিয়ে নামতে হবে।'

অনেকক্ষণ চুপচাপ কাটলো। তারপর শাস্ত গলায় বললো সোহানা, 'ঠিক আছে। কিন্তু প্লিজ রানা, প্লিজ। আরেকবার ভেবে দেখো।'

জবাব না দিয়ে সোহানার নিচে-নিজেকে তুললো রানা, সোহানার ঝুলে পড়া নিতম্ব ঠেকলো ওর তলপেটে। খোপের একদিকের দেয়ালে পা জোড়া আটকালো ও, আরেকদিকে দেয়ালে চেপে থাকলো ঘাড় সহ কাঁধ, সোহানার নিচে একটা ব্রিজে পরিণত হয়েছে শরীরটা।

'আস্তে আস্তে টিল দাও শরীরটা, আমার তলপেটে বসো।'

'রানা, আমি খুব ভারি...' ফুঁপিয়ে উঠলো সোহানা, 'খুবই কষ্ট হবে তোমার।'

কাঁধের পেশী আপনা থেকেই ঝাঁকি খেতে শুরু করেছে। 'বসো।'

সোহানার ভার চাপলো ওর তলপেটে, কাঁধ আর পায়ের পেশী যন্ত্রণায় ছিঁড়ে যাবে বলে মনে হলো। চোখে শর্বে ফুল দেখছে রানা। 'এবার দাঁড়াও।'

রানার পেটে হাঁটু গাড়লো সোহানা, দাঁতে দাঁত চেপে ব্যথা হজম করার চেষ্টা করলো রানা। গুভিয়ে উঠে বললো, 'জলদি দাঁড়াও।'

সোহানার পা কাঁপছে, রানার নরম তলপেটে ডেবে গেল তার

গোড়ালি ।

‘মাথার ওপর দেয়াল পেয়েছো ? হাত উচু করো ! খোজো ।’

‘রানা, এখানে...একটা গর্ত ।’

‘জানালা । উঠতে পারবে ?’

কোনো উত্তর এলো না । ডান পা থেকে বাঁ পায়ে শরীরের ভার চাপালো সোহানা, ব্যথায় বিকৃত হয়ে গেল রানার চেহারা, ফোঁপাতে শুরু করলো ও । সোহানার বাঁ পা প্রচণ্ড চাপ দিলো পেটে, তারপর পেট ছেড়ে উঠে পড়লো শূঁছে । পরিস্কার শুনে পেলো রানা, শ্যাকটের দেয়ালে ঘষা খাচ্ছে সোহানার পা । রশিটা ছলছে, রানার গায়ে স্ফুটস্ফুটি লাগছে ।

‘রানা, এখানে একটা শেলফ রয়েছে ।’ সোহানার গলা থেকে অদ্ভুত আওয়াজ বেরিয়ে এলো, আনন্দে কঁদে ফেলেছে সে ।

‘রশিটা কোথাও বাঁধতে পারো ?’

এক মিনিট পেরোলো, তারপর আরো এক মিনিট । কাঁধ আর পায়ের ওপর শরীরটাকে রানা ধরে রাখতে পারছে না আর ।

‘বঁধেছি !’

রশিটা টানলো রানা, শক্তভাবে আটকেছে । একটা লুপ তৈরি করে তার ভেতর কজ্জি ঢোকালো ও, তারপর খোপের গা থেকে নাড়িয়ে নিলো পা দুটো । একটা দোল খেয়ে খোপ থেকে বেরিয়ে এলো ও, খোলা শ্যাকটের ওপর ঝুলতে লাগলো । রশি বেয়ে উঠতে শুরু করলো, পাথরের জানালার কাগিশ ধরে সেটো টপকালো, ওকে দু’হাতে জড়িয়ে বুকে টেনে নিলো সোহানা । কথা বলার শক্তি নেই, শিশু যেমন মাকে আঁকড়ে ধরে থাকে রানাও তেমনি সোহানাকে আঁকড়ে ধরে থাকলো ।

‘তোমরা ওখানে করছো কি?’ বৈধ রাখতে না পেরে চিৎকার করে উঠলো মাজুলেট।

‘আরেকটা পথ পাওয়া গেছে,’ বললো রানা। ‘এটা নিশ্চয়ই কোথাও দিয়ে বাইরে বেরিয়েছে। বাতুড় রয়েছে এখানে।’

‘আমরা কি করবো?’

‘রশিটা নামিয়ে দিচ্ছি। এতে একটা লূপ থাকছে। প্রথমে মিরাগু + পোলটা পেরিয়ে এসে লূপের ভেতর ঢুকতে হবে। তার-পর আমরা দু’জন টেনে নেবো ওকে।’

মিরাগু হালকা, তাকে তুলতে বিশেষ বেগ পেতে হলো না। অসুবিধে হলো মাজুলেটকে নিয়ে।

জানালায় মুখে বসেছে রানা, ওর পিছনে সোহানা আর মিরাগু। টাগ অভ ওয়ের ভঙ্গিতে রানার বগলের তলা দিয়ে রশিটা পিছনে চলে গেছে, সোহানার বগলের নিচে দিয়ে পৌঁছেছে মিরাগুর হাতে। অপরপ্রান্তে একটা লূপ, লূপে আটকানো রয়েছে মাজুলেট। তাকে খোপ পর্যন্ত টেনে তুলতে হাঁপিয়ে গেল ওরা, ওর পিছনে মেয়েরা ফোঁপাচ্ছে শুনতে পেয়ে রানা মাজুলেটকে জিজ্ঞেস করলো, ‘খোপের ভেতর নিজেকে আটকাতে পারবে, কিচুক্ষণ? আমরা একটু বিশ্রাম নিতাম?’

রানা অসুভব করলো, ঢিল পড়লো রশিতে। একটা স্তূপের আকৃতি নিয়ে শুয়ে পড়ে হাঁপাতে লাগলো ওরা।

‘ঠিক আছে, ওঠো। আবার,’ পাঁচ মিনিট পর বললো রানা। এবার যেন আরো ভারি মনে হলো মাজুলেটকে, তবে শেষ পর্যন্ত জানালার কাণিশ টপকে উঠে এলো সে। কিচুক্ষণ কারো মুখে কথা ফুটলো না।

‘সর্বনাশ !’ আঁতকে উঠে নিস্তকতা ভাঙলো রানা । ‘হীরের কথা ভুলে গেছি আমরা !’

হলদেটে আলো জ্বলে উঠলো । ‘পেন্সিল টর্চ,’ মাজুলেটের কয়লার মতো কালো মুখে দাঁতগুলো দুধের মতো সাদা দেখালো, হাসছে সে । ‘বিপদের সময় কাজে লাগবে মনে করে পকেটে গুঁজে রেখেছিলাম এটা ।’ পেন্সিল টর্চের আলোয় দেখা গেল হীরে ভরা ক্যানভাস ব্যাগটা তার কোলের কাছে পড়ে রয়েছে ।

‘বাহ্ !’ স্বস্তিবোধ করলো রানা । ‘তোমার পেন্সিল টর্চের ব্যাটারিও বেশিক্ষণ টিকবে না, তাড়াতাড়ি মেডাও ।’

টর্চটা মাঝে মধ্যে ব্যবহার করলো ওরা, ছ’চার সেকেন্ডের জন্তে জ্বলে আবার নিভিয়ে ফেললো । প্রথম বার আলো জ্বলে ওরা দেখলো, নিচু ছাদের একটা গুহার গায়ে প্রকৃতি নিজের হাতে তৈরি করেছে প্রায় চৌকো জানালাটা । গুহাটা এতো চওড়া যে ছ’পাশের দেয়াল কতদূরে টের পাওয়া গেল না । ছাদের গায়ে সার সার অসংখ্য বাহুড় উল্টো হয়ে বুলছে, শুকনো আর নরম বিষ্ঠায় ঢাকা পড়ে আছে মেঝেটা ।

মাঝে মধ্যে টর্চ জ্বাললো মাজুলেট, পথ দেখিয়ে নিয়ে যাচ্ছে দলটাকে । সবার পিছনে রানা, কুণ্ডলী পাকানো রশির বোকাটা ওর কাঁধে । পরস্পরের হাত ধরে আছে ওরা, অন্ধকারে যোগাযোগ রাখার এটাই একমাত্র উপায় । গা ঘেঁষাঘেঁষি করে এগোলো দলটা ।

ক্রমশ উঁচু হতে শুরু করলো মেঝে, সেই সাথে নিচু হলো ছাদ ।

‘খামুন !’ বললো সোহানা । ‘আর টর্চ জ্বালবেন না !’

‘কি ব্যাপার ?’

‘সামনে—ঢালের ওপর। আমি কি ভুল দেখছি?’

অন্ধকার একরকম হয় না। সামনে তাকিয়ে থাকতে থাকতে রানার মনে হলো, ঢালের ওপর একটা জায়গা যেন একটু কম কালো। ‘আলো! ওপরে কোথাও বোধহয় আলো আছে।’

আবার এগোলো দলটা, ব্যস্ত হয়ে ওঠায় পরস্পরের সাথে ধাক্কা খেলো, পিঠে ঠেলা খেয়ে আরো ক্রত ছুটলো। সামনের অন্ধকার ফিকে হয়ে আসছে দেখে হাসতে শুরু করলো ওরা। লম্বা হলো আলোটা, উজ্জ্বল হলো, পরস্পরের কাঠামো দেখতে পেলো ওরা। ধুলো ঢাকা নরম ঢালু মেঝে বেয়ে ওপরে উঠছে, আর পাগলের মতো হাসতে হাসতে গড়িয়ে পড়ছে একে অপরের গায়ে।

ক্রমশ আরো নিচু হলো ছাদ, মেঝেতে হাঁটু দিয়ে এগোতে হলো ওদেরকে, তারপর একেবারে শুয়ে পড়তে হলো, ক্রল করে এগোলো সবাই। সামনে সরু একটা আলোর রেখা দেখা গেল, ছুরির ফলার মতো। হাত তুলে চোখ চাপা দিলো ওরা।

সকলো ধুলো উড়ছে মেঝে থেকে, থক্ থক্ করে কাশতে শুরু করলো। রানা দেখলো, লজ্জা ভুলে ফুঁপিয়ে ফুঁপিয়ে কাঁদছে মিরামা, নতুন জীবন ফিরে পাবার আনন্দ ধরে রাখতে পারছে না। মাজুলেটের প্রতিক্রিয়া সম্পূর্ণ উন্টো, এ-কান ও-কান হাসছে সে।

সরু ফাঁকটা গলে বেরিয়ে যাবে মাজুলেট, ডাইভ দিয়ে পড়লো রানা, থপ করে তার পা ধরে ফেললো। ‘খামো মাজুলেট, সাব-ধান!’

পা ছুঁড়ে নিজেকে ছাড়িয়ে নিতে চেষ্টা করলো মাজুলেট, ক্রল করে আরো এগোতে চায়, কিন্তু রানা তাকে ছাড়লো না।

‘শোনা!’ বললো রানা। ‘বাইরে শোনারা আছে।’

মুহূর্তে স্থির হয়ে গেল ওরা, সবাই চুপ। টানেলের ঠিক মুখে শুয়ে থাকলো দলটা, হাসি আর আনন্দ এক নিমেষে উধাও হয়েছে।

‘রানা আর আমি বাইরেটা দেখে আসবো,’ বললো মাজুলেট। ধুলোর ওপর হাত বুলিয়ে কয়েকটা পাথর পেলো সে, রানার হাতে গুঁজে দিলো একটা, বাস্কেট বলের চেয়ে একটু হয়তো বড়ই হবে। ‘এরচেয়ে ভালো অস্ত্র আমার কাছে নেই আর।’

এক মুঠো ধুলো তুলে নিয়ে মুখে-হাতে ঘষলো রানা, কালো করে নিলো চেহারা। রশির বোঝাটা কাঁধ থেকে নামিয়ে হামাগুড়ি দিয়ে মাজুলেটের পাশে চলে এলো। শেষ কয়েক ফিট ক্রল করে প্রবেশ-মুখে পৌঁছুলো ওরা। ওদের সামনে ফাঁকটা আঠারো ইঞ্চির মতো উঁচু, চওড়ায় কয়েক ফিট, ফাঁকের সামনে ছ’ফিট উঁচু ঘাস-বন। পূর্ব দিকে মুখ করে রয়েছে ওরা, সকালের প্রথম রোদ মাসের ভেতর দিয়ে সরাসরি ফাঁকের সামনে এসে পড়েছে। ক’টা দিন অন্ধকারে থাকায় উজ্জল রোদে ধাঁধিয়ে গেল ওদের চোখ।

চোখে সয়ে এলো আলো, সাপের মতো নিঃশব্দে এগোলো মাজুলেট। অপেক্ষা করলো রানা, পঞ্চাশ পর্যন্ত গোণা শেষ করে অনুসরণ করলো তাকে। পাহাড়ের ঢালে বেরিয়ে এলো ওরা, পিছনে মাথা-চাড়া দিয়ে আছে চূড়া, ঢালের গায়ে লাইমস্টোনের পুরু স্তর বাঁধের মতো চূড়ার দিকে উঠে গেছে। ছয় ফিট উঁচু ঘাস আর ঘন ঝোপে ঢাকা পড়ে আছে গোটা ঢাল, ঘন গাছপালায় ছাওয়া নিচের সেই উপত্যকা পর্যন্ত। সকালের রোদ এরই মধ্যে গরম হয়ে উঠেছে, ঘামতে শুরু করলো ওরা।

ওর খানিক নিচে শুয়ে আছে মাজুলেট, হাত নেড়ে সংকেত দিলো

সে, ‘আমার বাঁ দিকটা কাভার দাও।’

সাবধানে সরে এসে পজিশন নিলো রানা, কনুইয়ের ওপর ভর দিয়ে এগোলো।

‘সার্চ।’ আরেকটা সংকেত দিলো মাজুলেট। দশ মিনিট ধরে নিচের ঢাল, ছ’লাশ, আর মাথার ওপর পাহাড় তীক্ষ্ণ চোখে পরীক্ষা করলো, ওরা। প্রতি ইঞ্চি মাটি, পাথর, ঘাস, আর ঝোপের ওপর চোখ বুলালো।

‘অল ক্রিয়ার।’ রানার কাছ থেকে সংকেত পেয়ে ঢাল বেয়ে পাহাড়ের কাঁধের দিকে নামতে শুরু করলো মাজুলেট। রানা তার পিছনে আর ওপরে থাকলো, কাভার দিচ্ছে তাকে।

ওদের দিকে একটা পাখি উড়ে এলো। অস্বাভাবিক লম্বা হালুদ ঠোঁট, হর্ণবিল। মাজুলেটের ঠিক সামনে আর নিচে একটা ঝোপের ভেতর বসলো সেটা, সেই সাথে অদৃশ্য হয়ে গেল। কিন্তু প্রায় সেই মুহূর্তেই তীক্ষ্ণ, কর্কশ একটা ডাক ছেড়ে, ঝটপট ঝটপট ডানা ঝাপটে উঠে পড়লো শূন্যে, দ্বিতীয় আরেকটা ডাক ছেড়ে দ্রুত চলে গেল উড়ে।

‘বিপদ।’ জরুরী সংকেত পাঠালো মাজুলেট, স্থির হয়ে গেল ওরা।

এগারো

একগাদা পাথর, লম্বা ঘাস, আর ঘন কাঁটারোপের দিকে একদৃষ্টে তাকিয়ে থাকলো রানা, বুঝতে চাইছে পাখিটা হঠাৎ অমন করে পালালো কেন।

কি যেন নড়লো, চোখে ধরা পড়ে কি পড়ে না, কিন্তু এতো কাছে যে দিয়াশলাইয়ের গায়ে কাঠি ঘষার আওয়াজটা স্পষ্ট শুনতে পেলো রানা। রোপের মাথায় সাদাটে একটু ধোঁয়া দেখা গেল, বারুদের গন্ধ ঢুকলো নাকে। একদৃষ্টে তাকিয়ে থাকার ফলেই এবার স্টীল হেলমেটের আকৃতিটা ধরা পড়লো চোখে, ক্যামোফ্লেজ নেটে ঢাকা। লোকটা আবার সিগারেট টান দেয়ায় হেলমেটটা একটু নড়লো।

এতোক্ষণে গোটা ব্যাপারটা দেখতে পেলো রানা। ক্যামোফ্লেজ স্নক পরা লোকটা তেপায়ার ওপর বসানো হালকা একটা মেশিন-গানের পিছনে দাঁড়িয়ে আছে, ফালি করা খাকি কাপড় দিয়ে মোড়া রয়েছে মেশিনগানের ব্যারেল।

‘ক’জন?’ সংকেতের মাধ্যমে প্রশ্ন করলো মাজুলেট, ঠিক তখনই দ্বিতীয় লোকটাকে দেখতে পেলো রানা। কাঁটারোপের গায়ে পিঠ দিয়ে বসে আছে সে, চিতার নকশা ছাপা ক্যামোফ্লেজ ডেসের সাথে

তার মাথায় পড়া ঝোপের ছায়া হুবহু মিলে গেছে। লোকটা দশাসই, খালি মাথা, পাশে পড়ে রয়েছে একটা উজ্জি মেশিনগান।

সংকেত দিতে যাচ্ছিলো রানা—হু'জন—এই সময় লোকটা তার বুক পকেট থেকে তোবড়ানো একটা সিগারেটের প্যাকেট বের করে হাতটা লম্বা করে দিলো। আরেকটা ঝোপের আড়ালে শুয়ে রয়েছে তৃতীয় লোকটা, হাত বাড়িয়ে প্যাকেট থেকে দুটো সিগারেট নিলো সে। একটা নিজের ঠোঁটের মাঝখানে রাখলো, দ্বিতীয়টা ছুঁড়ে দিলো আরেক দিকে। একটা গড়ান দিয়ে ঘাসের বাইরে বেরিয়ে এলো চার নম্বর শোন।

‘চার,’ সংকেত দিলো রানা।

এটা একটা মেশিনগান পোস্ট, পাহাড়ের কাঁধের ওপর চমৎকার পজিশনে বসানো হয়েছে নিচের ঢাল কাভার দেয়ার জন্তে। পাতাল থেকে বেরুবার একাধিক রাস্তা থাকতে পারে, স্বাভাবিকভাবেই এই চিন্তাটা খেলে গেছে জেনারেল উমাক্সের মাথায়। গোটা পাহাড়ে এরকম মেশিনগান পোস্ট আরো নিশ্চয়ই অনেকগুলো আছে। গানার লোকটা নিচের দিকে তাকিয়ে আছে, তার সঙ্গীরা একঘেষে মিকাটা-বার জন্তে শুয়ে-বসে রয়েছে। কারো ভাব-ভঙ্গিতেই কোনো রকম সতর্ক ভাব নেই। শিকার বেরুবে এই অপেক্ষায় থাকতে থাকতে ক্লান্ত হয়ে পড়েছে ওরা।

ওদের দেরি দেখে উদ্ভিগ্ন হয়ে পড়েছিল সোহানা, টানেল থেকে বেরিয়ে এসেছে সে। রানা আর মাজুলেটকে নিঃসাড় পড়ে থাকতে দেখে পরিস্থিতির গুরুত্ব বুঝে নিলো, নিঃশব্দে ক্রল করে নেমে এলো রানার পাশে। তার চোখে প্রশ্ন লক্ষ্য করে ইঙ্গিতে সামনেটা দেখিয়ে দিলো রানা, একটা আঙুল রাখলো নিজের ঠোঁটে।

‘আক্রমণের জন্যে পজিশন নাও,’ সংকেত দিলো মাজুলেট। ক্রল করে পিছু হটছে সে।

এতো কাছে ওরা, গানার ঠোট থেকে সিগারেট নামাতে খুঁতে ভেজ্ঞ অংশটুকু পরিষ্কার দেখতে পেলো রানা। ছোট্ট জায়গাটা আবর্জনায় ভরে আছে—খালি কাগজের মোড়ক, ঢাকনি-খোলা ফুড ক্যান, সিগারেটের টুকরো, চকলেটের তোবড়ানো বাস্ক। আগ্নেয়াস্ত্র-গুলো অবত্বের সাথে পড়ে আছে আশপাশে। মাটিতে চিত হয়ে শুয়ে থাকা লোকটার ঠোটে মোমবাতির মতো খাড়া হয়ে রয়েছে সাদা সিগারেট, চোখে একটা হাত চাপা দিয়ে রয়েছে সে। কাঁটা-ঝোপের দিকে পিছন ফিরে বসা লোকটা ট্রেঞ্চনাইফ দিয়ে গাছের একটা ডাল চেষ্টা করছে। তৃতীয় লোকটা শাটের বোতাম খুলে গভীর মনোযোগের সাথে বুকের লোমের ভেতর উকুন খুঁজছে। শুধু মেশিনগানের পিছনে দাঁড়ানো লোকটাকে একটু সতর্ক মনে হলো।

সোহানার ডান পাশে রানা, বাঁ পাশে উঠে এলো মাজুলেট।

‘রেডি ?’ একটা হাত দিয়ে প্রশ্নবোধক চিহ্ন তৈরি করলো মাজুলেট।

‘রেডি।’

হাত তুললো মাজুলেট, তারপর ঝট করে হাতটা নামালো, এই সংকেতের অর্থ—কিল দেম।

তিনজন একসাথে ডাইভ দিয়ে পড়লো ওরা। শেষ কয়েক ফিট ঢাল গড়িয়ে পেরিয়ে এলো রানা, হাতের গোল পাথরটা সমস্ত শক্তি দিয়ে ঠুকে দিলো ছুরি ধরা লোকটার চাঁদিতে। পরিষ্কার অনুভব করলো, খুলি ফেটে ডেবে গেল নিচের দিকে।

কোনো শব্দ না করে সামনের দিকে ঢলে পড়লো সার্জেন্ট, একই

সময়ে পিছনে মুহূর্ত্তাধস্তির আওয়াজ ঢুকলো রানার কানে। বুঝলো মেশিনগানারকে কাবু করার চেষ্টা করছে মাজুলেট, কিন্তু সেদিকে না তাকিয়ে উকুন বিদ্রোহী শোনাটার ঘাড়ের ওপর লাফিয়ে পড়লো ও।

গানার দাঁড়িয়ে ছিলো, তাকে নিয়ে দড়াম করে ঘাসের কিনারায়, পাথরের ওপর পড়লো মাজুলেট। তখুনি উঠে দাঁড়ালো সে, গানারের নিতম্বের ওপর একটা হাঁটু গাড়লো, তার গলাটা ছ'হাতে পেঁচিয়ে ধরে হ্যাঁচকা টান দিলো ওপর দিকে। চিংকার করার কোনো অবকাশই পেলো না গানার, মট আওয়াজের সাথে ভেঙে গেল তার শিরদাঁড়া।

ঢাল গড়িয়ে নেমে এসে এক সেকোঁগের জন্তে ইতস্তত করলো সোহানা, কার ওপর ঝাঁপিয়ে পড়বে ঠিক বুঝতে পারলো না। পর-মুহূর্ত্তে মাটি থেকে একটা উজ্জি ছৌঁ দিয়ে তুলে নিলো সে, কক করলো। শুয়ে থাকা লোকটার বুকে একটা পা তুলে দিলো সে, উজ্জির মাজল ঠেকালো তার গলায়। 'কেউ চিংকার করলে খুন করে কেলবো।'

ওরা ডাইভ দেয়ার পর মাত্র তিন সেকেন্ড পেরিয়েছে।

উকুন শিকারীর গলা ছেড়ে দিয়ে উঠে দাঁড়ালো রানা। হাতে ট্রেঞ্চ নাইফ নিয়ে লোকটার দিকে ছুটে এলো মাজুলেট, খুনের নেশায় পেয়েছে তাকে। মাজুলেটের বুকে একটা হাত ঠেকিয়ে তাকে থামালো রানা।

সার্জেন্টের পালস্ দেখলো ও। চাঁদির কাছে খুলিটা ভেতর দিকে ডেবে যাওয়ায় সাথে সাথে মারা গেছে লোকটা। তার ব্যাটলস্মক খুলে নিলো রানা। ছ'জনের গড়ন প্রায় একই রকম, ভালোই ফিট করলো গায়ে। রানার দেখাদেখি গানারের ইউনিকর্ন খুলে ফেলেছে

মাজুলেট, ইউনিফর্মটা তার গায়ে হলো বটে, কিন্তু বুকের কাছে বড় বেশি টান টান হয়ে থাকলো। তবে স্ট্রল হেলমেটটা ঠিক যতোই ফিট করলো মাথায়। সে-ও একটা উজ্জ্বল তুলে নিলো।

রানার মাথায় অবশ্য বড় হলো হেলমেট, তবে তাতে লাভ হলো। এই যে লম্বা চুলগুলো সম্পূর্ণ ঢাকা পড়ে গেল ভেতরে।

বন্দী হু'জনের দিকে ফিরলো মাজুলেট। 'লাশ ছোটো টেনে তুলবে তোমরা।'

লাশ ছোটোর পা ধরে টানতে টানতে চাল বেয়ে উঠতে শুরু করলো বন্দীরা, তাদের দিকে রাইফেল তাক করে রানা আর মাজুলেটও উঠে এলো। দৃশ্যটা দেখে টানেল থেকে বেরিয়ে এলো মিরাগু, বোবা বনে গেছে। টানেলের মুখ থেকে লাশ ছোটোকে ঠেলে দেয়া হলো অন্ধকার গহ্বরে, গড়াতে গড়াতে নেমে গেল। 'কাপড় খোলো।' বন্দীদের নির্দেশ দিলো রানা। কাপড়চোপড় সব খুলে ফেললো তারা, পরনে থাকলো শুধু আন্তারপ্যান্ট। ওর ইঙ্গিতে উগুড় হয়ে শুলো তারা, পা ভাঁজ করে নিতম্বের ওপর তুলে এনে কজির সাথে এক করে বাঁধা হলো। মোজাগুলো আগেই খুলে নেয়া হয়েছে, সেগুলো গোল পাکیয়ে ঢুকিয়ে দেয়া হলো মুখের ভেতর।

ইতিমধ্যে মিরাগুকে ইউনিফর্ম পরানো শেষ করেছে মাজুলেট। অসম্ভব ঢিলে হলো গায়ে, কোমরের কাছে ভাঁজ করে বেন্ট বেঁধে দেয়া হলো, আস্তিন আর পায়া গুটিয়ে তুলে দেয়া হলো যতোদূর সম্ভব।

মেশিনগানের কাছে ফিরে এসে বাকি ইউনিফর্মটা সোহানার হাতে ধরিয়ে দিলো মাজুলেট। একটা ফিন্ড প্যাক পেলো সে, খালি করলো সেটা, তারপর হীরের ব্যাগটা তার ভেতর ভরে পিঠে

ঝুলিয়ে নিলো।

ট্রিপারদের ইকুইপমেন্ট যাঁটাযাঁটি করছে রানা। মাজুলেটকে চারটে গ্রেনেড দিলো ও, নিজের পকেটে রাখলো ছ'টা, বাকি দুটো সোহানা পেলো। একটা টোকারেড পিস্তল পাওয়া গেল, মিরাগুর ভাগে পড়লো সেটা। সোহানা একটা উজ্জি আগেই নিয়েছে, রানা নিলো একে ফরটিসেভেন। দ্বিতীয় উজ্জিটা নিলো মাজুলেট। পানির একটা বোতল নিয়ে নিজের বোঝা আরো একটু বাড়ালো রানা। চকলেটের একটা বাক্স খুলে উদার হস্তে সবাইকে বিলি করলো সোহানা।

‘মাথায় থাকছি আমি,’ মুখভরা চকলেট নিয়ে বললো রানা।
‘গাছের আড়ালে থেকে উপত্যকায় নামার চেষ্টা করবো।’

পাহাড়ের কাঁধটাকে ঠিক পিছনে রেখে ঢাল বেয়ে সরাসরি নিচে নামতে শুরু করলো ওরা, আশা করছে ওদের ডান দিকে খোলা ঢালে কোনো শোনা নেই।

গাছের শেষ সারিটা পেরোতে যাবে, হেলিকপ্টারের আওয়াজ এলো। পাহাড়ের কাঁধ ঘুরে আসছে, এখনো দেখা যাচ্ছে না, কিন্তু আসছে তুমুল বেগে। কাউকে কিছু বলতে হলো না, ডাইভ দিয়ে যে যার ঝোপের সামনে পড়লো তিনজন, মিরাগুর পিঠে ধাক্কা দিয়ে তাকে ফেলে দিলো মাজুলেট।

রোটরের আওয়াজ বদলে গেল, শূন্যে দাঁড়িয়ে পড়েছে হেলিকপ্টার। ‘ল্যান্ড করছে।’ ফিসফিস করে বললো সোহানা। খানিক বাদেই বন্ধ হয়ে গেল ইঞ্জিন।

নিস্তব্ধতার মধ্যে শুনতে পেলো ওরা, অস্পষ্টভাবে, ভারি গলায় হুকুম দেয়া হচ্ছে। ক্রল করে পাহাড়ের কাঁখে উঠে এলো ওরা,

ধীরে ধীরে মাথা তুলে কিনারা দিয়ে নিচে তাকালো ।

ওদের নিচে, সিকি মাইল দূরে, উপত্যকার ওপর সমতল একটা ছোটো জায়গা থেকে ঝোপ-ঝাড়, গাছপালা কেটে সাফ করা হয়েছে । ফাঁকা জায়গাটার কিনারায় বিশাল একটা তাঁবু দেখা গেল, মাঝখানে ল্যাণ্ড করেছে হেলিকপ্টার । পাইলটকে ফিউজিলাজ্‌পোর্ট থেকে নামতে দেখলো ওরা । তাঁবুর কাছে, গাছের তলায় বার্ড ব্রিগেড ট্রুপারদের দেখা গেল, তাঁবুর ভেতর একটা টেবিলের সামনে বসে রয়েছে তিন চারজন শোনা ।

‘অ্যাডভান্সড হেডকোয়ার্টার,’ বললো রানা ।

‘এই উপত্যকার নিচেই ঢুকেছিলাম আমরা, বড় গুহাটা ঠিক আমাদের নিচে,’ বললো মাজুলেট ।

‘মনে হচ্ছে তল্লিতল্লা গুটিয়ে চলে যাচ্ছে ওরা,’ বললো রানা । হাত তুলে উপত্যকার দক্ষিণ দিকটা দেখালো ও, গাছপালার ভেতর দিয়ে পাঁচজন শোনার একটা দল ক্রমশ দূরে সরে যাচ্ছে ।

‘গুহার ভেতর ডিনামাইট ফাটাবার পর প্রায় আটচল্লিশ ঘণ্টা অপেক্ষা করেছে ওরা,’ বললো সোহানা, ‘ধরে নিয়েছে আমরা মারা গেছি ।’

‘ক’জন, রানা ?’ জিজ্ঞেস করলো মাজুলেট ।

‘ক’জন ?’ চোখ কুঁচকে তাকালো রানা, গোণা শেষ করে বললো, ‘অসম্ভব পনেরো জন, তাঁবুর ভেতর আরো কিছু থাকতে পারে । কিছু লোক ফিরে যেতেও শুরু করেছে ।’

কিনারা থেকে একটু নিচে নেমে সোহানাকে জিজ্ঞেস করলো মাজুলেট, ‘এ-ধরনের হেলিকপ্টার আগে কখনো চালিয়েছেন ?’

হেলিকপ্টারের দিকে তাকালো সোহানা । ‘সুপার ফ্লেন ।

পারবো।’

‘ককপিটে পৌছুবার পর স্টার্ট দিয়ে আকাশে উড়তে কতোকণ সময় নেবে?’

‘দুই কি তিন মিনিট।’

মাথা নাড়লো মাজুলেট। ‘তাহলে দেরি হয়ে যাবে।’

‘কিন্তু সোহানা যখন স্টার্ট দেবে, আমরা তখন যদি ফাঁকা জায়গাটা থেকে শোনাদের সরিয়ে দিতে পারি?’ জিজ্ঞেস করলো রানা।

মাথা ঝাঁকালো মাজুলেট। ‘তাহলে সম্ভব।’

‘তুমি উপত্যকার মাথায় চলে যাও,’ নির্দেশ দিলো রানা। ‘আমি ওদের দু’জনকে নিয়ে ফাঁকা জায়গাটার কিনারায় পৌঁছে অপেক্ষা করি।’

‘এখন থেকে পঁয়তাল্লিশ মিনিট পর,’ বললো মাজুলেট, রানার কজি ধরে হাতঘড়ির ওপর চোখ বুলালো। ‘ঠিক সাড়ে ন’টায় গ্রেনেড আর গুলি ছুঁড়ে শোনাদের চমকে দেবো আমি। গোলাগুলির আওয়াজ শুরু হলেই হেলিকপ্টারের দিকে এগোবে তোমরা। যখন শুনতে পাবো হেলিকপ্টার আকাশে উঠেছে, দৌড়ে ওই ঢালে চলে যাবো আমি।’ হাত তুলে ঢালটা দেখালো সে। ‘ওখান থেকে তোমরা আমাকে তুলে নেবে।’ হীরের বোঝাটা রানার হাতে ধরিয়ে দিলো সে।

‘প্ল্যানটা একটু রদবদল করতে হতে পারে,’ বললো রানা। ‘সম্ভব হলে জনা কয়েক শোনাকে বন্দী করতে চাই। উমাজোর কুকীতি সম্পর্কে ওদের সাক্ষ্য খুব কাজে আসবে। প্রথম গ্রেনেড ফাটাবার দশ মিনিটের মধ্যে যদি দেখো হেলিকপ্টার উঠেছে না, ধরে নেবে

প্ল্যান বদল করা হয়েছে। অপেক্ষা না করে চলে আসবে তুমি, তোমার সাহায্য দরকার হবে আমাদের।’

‘ঠিক আছে,’ পিঠে রানার একটা চাপড় থেয়ে রওনা হয়ে গেল মাজুলেট।

পাহাড়ের শিরদাঁড়া বেয়ে নেমে এলো রানা, পিছনে মিরাগু আর সোহানা। সারি সারি গাছের ভেতর দিয়ে এগোলো ওরা, একটা নালা দেখে খুপ খুপ করে নেমে পড়লো তাতে। একদিকে বেকে গিয়ে কাঁকা জায়গাটার পাশ ঘেঁষে চলে গেছে নানাটা— কিছুদূর এগোলো রানা, একবার করে নালার কিনারা থেকে মাথা তুলে সামনেটা দেখে নিলো।

‘এর বেশি কাহে যাওয়া উচিত হবে না,’ ফিসফিস করলো রানা, নালার ঠোঁটের নিচে নেতিয়ে পড়লো মেয়েরা। কাঁধ থেকে ভারি বোঝাটা নামালো রানা, মাথা তুলে আরেকবার তাকালো।

খোলা জায়গায় দাঁড়িয়ে রয়েছে পেট-মোটা ভোঁতা-নাক হেলিকপ্টার, দেড়শো ফিট দূরে। ফিউজিলাজের ছায়ায়, ল্যাণ্ডিং গিয়ারের পাশে দাঁড়িয়ে একটা ম্যাগাজিন পড়ছে পাইলট। আবার সোহানার পাশে নিচু হলো রানা। হাতঘড়ি দেখে বললো, ‘দশ মিনিট।’

‘মেকআপ নিচ্ছে।’ মুখে হাত চাপা দিয়ে হাসলো মিরাগু। কালচে ধুলো নিয়ে মুখ আর হাতে ঘষছে সোহানা।

‘হু’মিনিট,’ বলে পাড়ের ওপর দিয়ে আবার তাকালো রানা।

ম্যাগাজিনটা বগলে নিয়ে হেলিকপ্টারে উঠছে পাইলট। ‘কিছু একটা ঘটতে যাচ্ছে, বিড়বিড় করে বললো ও।

খোলা জায়গার দূর প্রান্তের কিনারায় রয়েছে তাঁবুটা, মাঝখানে

হেলিকপ্টার থাকার তাঁবুর সবটুকু দেখতে পেলো না রানা। তবে শোনা ট্রুপারদের মধ্যে একটা ব্যস্ত ভাব লক্ষ্য করা গেল। ছ'জন ট্রুপার কাকে যেন স্যালুট করলো। তারপর হঠাৎ করে হেলিকপ্টারের রোটর ঘুরতে শুরু করলো, জ্যাস্ত হয়ে উঠলো স্টার্টার মটর। এগজস্ট ভেট থেকে বেরিয়ে এলো নীলচে ধোঁয়া, মেইন ইঞ্জিন চালু হয়ে গেছে।

তাঁবুর ভেতর থেকে ছ'জন অফিসার বেরিয়ে এলো, ফাঁকা জায়গাটার ওপর দিয়ে হেলিকপ্টারের দিকে এগোলো তারা।

‘সব গোলমাল হয়ে যাচ্ছে,’ গভীর হয়ে উঠলো রানা। ‘চলে যাচ্ছে ওরা।’ হঠাৎ স্থির হয়ে গেল ওর দৃষ্টি। ‘গুড গড! ওই তো উমাজো!’

লালচে বেরেট পরে রয়েছে জেনারেল রট উমাজো, সাথে চিতার মাথা আকৃতির রূপালি ক্যাপ-ব্যাঙ্ক। তার বুকে গিজ গিজ করছে পদক আর ফিতে। ব্যাটল-স্মারের ফাঁকে, ঘাড় আর বুক ঢাকা পড়ে আছে স্কার্ফ। বগলের নিচে স্টিক, হাতে একটা কালো ব্রিফকেস। খুব ধীর পায়ে হাঁটছে সে, হাঁটতে হাঁটতে কথা বলছে সার্জেন্টের সাথে।

হেলিকপ্টার থেকে তাঁবুর মাঝামাঝি জায়গায় দাঁড়িয়ে পড়লো ওরা, গভীর মনোযোগের সাথে কি যেন আলোচনা করছে। পাহাড় আর বনভূমি কাঁপিয়ে দিয়ে এই সময় বিস্ফোরিত হলো মাজুলেটের প্রথম গ্রেনেড। দ্রুত হেলিকপ্টারের দিকে পিছন ফিরলো ওরা, তাঁবুর ওপর দিয়ে পাহাড়ের দিকে তাকালো। এরপর শোনা গেল অটোমেটিক রাইফেলের আওয়াজ। তাঁবুর আশপাশ থেকে বজ্রকণ্ঠ হংকার ভেসে এলো, ট্রুপারদের নির্দেশ দিচ্ছে কেউ। কয়েকজনকে

ছুটে তাঁবুর পিছন দিকে চলে যেতে দেখা গেল।

তাঁবুর পিছনের উপত্যকা থেকে আবার ভেসে এলো গ্রেনেড আর রাইফেলের আওয়াজ। তাঁবুর এদিকে কাউকে দেখা গেল না, সবাই পিছন দিকে ছুটে গেছে। বোঝাটা কাঁধে তুলে নিয়ে নির্দেশ দিলো রানা, 'এসো! কি করতে হবে জানো তোমরা!' নালা থেকে উঠে ফাঁকা জায়গায় বেরিয়ে এলো ওরা, এগোলো হেলিকপ্টারের দিকে।

'তাড়াহুড়ো করো না,' সাবধান করে দিলো রানা। ছুটছে না, হন হন করে হাঁটছে, একজনের পাশে আরেকজন। দ্রুত কাছে চলে আসছে উমাস্জো আর সার্জেন্ট।

হঠাৎ তাঁবুর দিকে ছুটলো সার্জেন্ট। উমাস্জোকে পাশ কাটালো সোহানা, প্রায় তার গা ঘেঁষে এগোলো সে। উমাস্জোর পিছনে মিরাগু নেই, একা শুধু রানা।

'এই, কে...?' পিস্তল হোলস্টারে হাত চলে গেল উমাস্জোর, ভুরু কুঁচকে তাকিয়ে আছে সোহানার পিঠের দিকে।

'পিস্তল থেকে হাত সরো, উমাস্জো,' পিছন থেকে বললো রানা, রোটরের আওয়াজকে ছাপিয়ে উঠলো ওর চিৎকার।

ঝট্ করে বাড় ফেরালো উমাস্জো। রানাকে চিনতে পেরে নিশ্বাস আটকে গেল তার, বিস্ময়ে বিকৃত হয়ে উঠলো চেহারা।

'এই রেঞ্জ থেকে তোমাকে আমি ইচ্ছে করলে ছুঁটুকরো করে দিতে পারি,' বললো রানা। উমাস্জোর পেটের দিকে তাক করে ধরেছে এ-কে ফরটিসেভেন। ধীরে ধীরে উমাস্জোকে ঘিরে ঘুরতে শুরু করলো ও, তার ডান পাশে সরে এলো। 'হেলিকপ্টারের দিকে ফেরো,' নির্দেশ দিলো ও।

হেলিকপ্টারের দিকে এগোলো রানা, রাইফেলের মাজল অনুসরণ

করলো উমালোকের। হেলিকপ্টারের কাছে পৌঁছবার আগেই খোলা পোর্টে দেখা গেল পাইলটকে, হাত দুটো মাথার ওপর তুলে রেখেছে। তার পিছনে পিস্তল হাতে মিরাগাকে দেখা গেল।

‘গেট আউট!’ আদেশ করলো রানা। পাইলটের চেহারায় স্বস্তির ভাব ফুটে উঠলো, লাক দিয়ে নামলো সে। তার পিছু পিছু মিরাগাও নামলো। ‘ওকে নিয়ে সোহানার কাছে যাও,’ মিরাগাকে নির্দেশ দিলো রানা।

পিঠে পিস্তলের মাজল নিয়ে তাঁবুর দিকে এগোলো পাইলট।

তাঁবুতে ঢুকতে যাচ্ছে সার্জেন্ট, শিরদাঁড়ায় উজির মাজল ঠেকলো। ‘পিস্তলটা ফেলে দাও,’ বললো সোহানা। ‘কোনো আশা নেই, চারদিক থেকে ঘিরে ফেলেছি তোমাদের।’ ঘাড় ফিরিয়ে তাকাবার চেষ্টা করলো সার্জেন্ট, মাথার ওপর নেমে এলো উজির ব্যারেল। জ্ঞান হারিয়ে লুটিয়ে পড়লো সে। পিছনে পায়ের আওয়াজ পেলো সোহানা, পাইলটকে নিয়ে এগিয়ে আসছে মিরাগা। ঝুঁকে সার্জেন্টের মুঠো থেকে পিস্তলটা বের করে আনলো ও।

পাইলটকে সামনে নিয়ে তাঁবুর ভেতর ঢুকলো ওরা, ভেতরে নেই কেউ। অপরদিক দিয়ে বেরিয়ে এসে পঞ্চাশ গজ এগোলো সোহানা, পিন খুলে একটা গ্রেনেড ছুঁড়ে দিলো। বিকট শব্দের সাথে দাউ দাউ আগুন ধরে গেল তাঁবুতে।

আরো বিশ গজের মতো এগিয়ে একটা নালায় নামলো ওরা। কিনারায় দাঁড় করালো পাইলটকে, তার পায়ের ফাঁক দিয়ে সোহানা দেখলো, ঢাল বেয়ে উপত্যকার আরো ওপর দিকে উঠে যাচ্ছে ট্রুপাররা। গাছ আর ঝোপের আড়াল নিয়ে এগোচ্ছে তারা, অত্যন্ত সাবধানে, এক পা এক পা করে।

‘ওদের বলো, জেনারেল উমাজ্জাকে এঁফতান্ন করা হয়েছে,’
ইংরেজীতে নির্দেশ দিলো সোহানা। ‘বলো, অস্ত্র ফেলে সারেগার
করলে কারো গায়ে একটি আঁচড়ও লাগবে না।’

‘হেলিকপ্টারে ওঠো।’ আদেশ করলো রানা।

ধীরে ধীরে ঘুরে রানার সামনাসামনি হলো উমাজ্জো। তার
প্রকাণ্ড দেহ টান টান হয়ে আছে, চেহারায় মরিয়া একটা ভাব।
এই লোকের দুঃসাহস আর ক্ষিপ্ততা সম্পর্কে জানা আছে রানার,
তাড়াতাড়ি বললো, ‘বোকামি করো না, উমাজ্জো। হেরে গেছো,
মেনে নাও!’ হাতে অস্ত্র থাকা সত্ত্বেও এক পা পিছিয়ে এলো ও।

এক পা সামনে বাড়লো উমাজ্জো। কিছুই পরোয়া করছে না
সে, মৃত্যুর মুখোমুখি দাঁড়িয়ে হারাবার তার আছে কি।

‘মুভ!’ কঠিন সুরে বললো রানা। ‘গেট আপ ছ ল্যাডার!’
ঝাঁপিয়ে পড়লো উমাজ্জো। যেন মৃত্যুকে আলিঙ্গন করার নেশায়
উন্মাদ হয়ে গেছে সে, সরাসরি ছুটে এলো একে ফরটিসেভেনের
মাজ্জলে। অস্ত্র বাগিয়ে ধরে তৈরিই ছিলো রানা, ঝট্ করে ওপরে
তুলে ব্যারেলটা নামিয়ে আনলো উমাজ্জোর মাথায়। আহত পশুর
মতো গুড়িয়ে উঠলো উমাজ্জো, হাঁটু ভেঙে নিচু হলো। তার হোল-
স্টার থেকে পিস্তলটা বের করে নিয়ে সিধে হতে যাবে রানা, কানের
পাশ দিয়ে বার্তাসে শিস কেটে বেরিয়ে গেল এক ঝাঁক বুলেট। চর-
কির মতো আধ পাক ঘুরলো রানা।

ঝোপের ভেতর থেকে ফাঁকা জায়গায় বেরিয়ে এসেছে তিনজন
ট্রুপার, ছুটে আসছে। তাঁবু ছেড়ে চলে গিয়েছিল দলটা, গোলা-
গুলির আওয়াজ শুনে ফিরে এসেছে। ডাইভ দিয়ে মাটিতে পড়লো

রানা, সামনের লোকটাকে লক্ষ্য করে টেনে ধরলো রাইফেলের ট্রিগার।

পঞ্চাশ ফিট দূরে দাঁড়িয়ে পড়লো ট্রুপার, পিছন দিকে বাঁকা হয়ে গেল শিরদাঁড়া। চোখের কোণ দিয়ে রানা দেখলো, ক্রল করে ওর দৃষ্টিসীমার বাইরে চলে যাচ্ছে উমাজো। কিন্তু তার দিকে মনোযোগ দেয়ার সময় নেই, সঙ্গীকে পড়ে যেতে দেখেও পিছনের ট্রুপার হুঁজুন থামেনি, গুলি করতে করতে ছুটে আসছে।

আবার গুলি করার আগে পাহাড়ের ওপর চোখ পড়লো রানার, ঢাল বেয়ে নেমে আসছে আরো একদল ট্রুপার। ছোটো ছোটো দলে ভাগ হয়ে রওনা হয়ে গিয়েছিল সৈনিকরা, সবাই আবার ফিরে আসতে শুরু করেছে।

গুলি করতে করতে হেলিকপ্টারের নিচে চলে এলো রানা। দ্বিতীয় ট্রুপারও মারা যাওয়ায় পিছনের লোকটার হুঁশ ফিরেছে, শুয়ে পড়েছে সে, কিন্তু গুলি বন্ধ করেনি।

কাঁকা জায়গার কিনারায় আরো চার-পাঁচজন শোনাকে দেখা গেল। পকেট থেকে একটা গ্রেনেড বের করে পিন খুললো রানা। ঘাড় ফিরিয়ে ডান পাশে তাকিয়ে দেখল, একশো ফিট দূরে চলে গেছে উমাজো, তীরের মতো ছুটছে জঙ্গলের দিকে।

গ্রেনেডটা ছুঁড়ে ট্রুপারদের দ্বিতীয় দলটাকে থামিয়ে দিলো রানা। আরেকটা গ্রেনেড ফেললো শুয়ে থাকা লোকটার ওপর।

পাথরের আড়ালে শুয়ে এক নাগাড়ে গুলি ছুঁড়ে ট্রুপাররা। নিঃসঙ্গ লোকটা থেঁতলে গেছে। নিছুতে শুরু করে মইয়ের কাছে চলে এলো রানা, মই বেয়ে উঠে পড়লো 'বপ্টারের ককপিটে। দোরগোড়া থেকে এক পশলা গুলি করলো, আরো একটা গ্রেনেড অন্ধকারে চিতা-২

ছুঁড়লো ফাঁকা জায়গাটার কিনারা লক্ষ্য করে ।

স্টাট দেয়াই ছিলো, 'কপ্টার নিয়ে আকাশে উঠতে মাত্র কয়েক সেকেন্ড লাগলো রানার । স্পায়ার ম্যাগাজিনটা কোলের ওপর রাখলো ও, রাইফেল ধরা হাতটা খোল । ককপিটের দরজার কাছে, ব্যারেলটা বেরিয়ে রয়েছে বাইরে ।

ফাঁকা জায়গাটাকে মাঝখানে রেখে একটা চক্র দিলো রানা । ফিরে আসা ট্রুপারদের দ্বিতীয় দলে লোক রয়েছে পাঁচ জন, ঢাল বেয়ে নেমে আসছে তৃতীয় আরেকটা দল, তারাও সংখ্যায় পাঁচজন । হেলিকপ্টারকে আকাশে উঠতে দেখে পাথরের আড়ালে গা ঢাকা দিয়েছে সবাই, আড়াল থেকে গুলি ছুঁড়ে ওপর দিকে । প্রচুর গ্রেনেড থাকলে এদেরকে ধ্বংস করা কোনো সমস্যাই হতো না, কিন্তু রানার কাছে গ্রেনেড আছে আর মাত্র তিনটে । ওরা সবাই পাথরের আড়ালে থাকায় রাইফেল কোনো কাজেই আসবে না । তাছাড়া, ওদের কাছেও রাইফেল রয়েছে, লক্ষ্যস্থির করার ক্ষমতা যতোটা নিচে নামা দরকার ততোটা নিচে নামতে পারবে না রানা ।

পরিস্থিতি আয়ত্তের বাইরে চলে যাচ্ছে বুঝতে পেরে রানার মন দমে গেল । এক সেকেন্ড চিন্তা করে সিদ্ধান্ত নিলো, হেলিকপ্টার নিয়ে সরে যাবে ও ।

পাইলট ঘোষণাটা শেষ করতেই ঘুরে দাঁড়িয়ে এলোপাখাড়ি গুলি ছুঁড়লো থার্ড ব্রিগেডের সৈনিকরা । প্রথম এক পশলা গুলি ছুঁড়ে খামলো ওরা, দেখলো ওপরের নালা থেকে কালো কি যেন ছুটে আসছে ।

নালার কিনারা থেকে মাথা তুলেউঁকি দিলো সোহানা । দেখলো,

শোনাদের কাছ থেকে তিন গজ দূরে বিক্ষোভিত হলো গ্রেনেড।
নিমেষের মধ্যে ধরাশায়ী হলো দু'জন শোনা।

‘আবার বলো!’ পাইলটকে নির্দেশ দিলো সোহানা। শোনাদের
গুলিতে আহত হয়েছে পাইলট, নালার ওপর শুয়ে আছে সে।
ঘোষণাটা আবার একবার আঙড়ালো সে। থামতেই জ্বলন্ত তাঁবুর পিছন
থেকে ভেসে এলো গুলির শব্দ। প্রায় একই সাথে উপত্যকার মাথা
থেকে ভেসে এলো আরেকটা গ্রেনেড ফাটার আওয়াজ। ‘রিপিট
করো,’ নির্দেশ দিলো সোহানা। ‘বলো, চারদিক থেকে ঘিরে ফেলা
হয়েছে ওদের।’

শোনারা বুঝতে পারলো, পরিস্থিতি সুবিধের নয়। ইতিমধ্যে
ঝোপ আর পাথরের আড়ালে গা ঢাকা দিয়েছে ওরা, পরস্পরের
কাছাকাছি রয়েছে যারা, তারা নিজেদের মধ্যে আলোচনা করলো,
কিন্তু কি করা হবে সে-ব্যাপারে একমত হতে পারলো না।

শোনারা গুলি করছে না, সোহানা আর মিরাগুও নড়ছে না।
সময় বেয়ে চললো।

উপত্যকার ঢাল থেকে মাজুলেট দেখলো, শোনারা তার দিকে
আর এগোচ্ছে না। দেরি না করে ঢাল বেয়ে নামতে শুরু করলো
সে, শোনাদের আরো কাছাকাছি পৌঁছতে চায়।

জ্বলন্ত তাঁবুর পিছন থেকে ভেসে এলো গ্রেনেড ফাটার আওয়াজ।
একটু পরই আকাশে উঠতে দেখা গেল হেলিকপ্টারকে।

নালার দিকে আবার গুলি ছুঁড়তে শুরু করলো শোনারা, ক্রল
করে উঠে আসছে। আরেকটা গ্রেনেড ফাটিয়ে ওদেরকে থামিয়ে
দিলো সোহানা।

খানিক পর ওদের মাথার ওপর উড়ে এলো ‘কপ্টার। ইলেকট্রনিক
অস্ত্রকারে চিতা-২

মেগাফোন মুখের সামনে ধরে ইংরেজীতে কথা বললো রানা, ওর যান্ত্রিক কণ্ঠস্বর গমগমে শোনালা, 'গোটা এলাকা সীল করে দিয়েছি আমরা, পালাবার কারো কোনো উপায় নেই। প্রাণে বাঁচতে চাইলে, রাজসাক্ষী হতে চাইলে, সবাই তোমরা অস্ত্র ফেলে আত্মসমর্পণ করো।'

ঘোষণাটা শুনে লাফাতে লাফাতে ছুটলো মার্জিলেট। শোনাদের কাছাকাছি এসে একনাগাড়ে গুলিবর্ষণ শুরু করলো সে। কোণঠাসা শোনাদের আর কোনো উপায় থাকলো না, অস্ত্র ফেলে দিয়ে মাথার ওপর হাত তুললো তারা, একজন ছ'জন করে বেরিয়ে আসতে শুরু করলো আড়াল থেকে।

মুখ তুলে 'কপ্টারের দিকে তাকিয়ে আছে সোহানা। খোলা কক-পিট থেকে নাইলনের একটা রশি পড়লো নালার ভেতর, তারপর বেরিয়ে এলো রানার মুখ। মুখের সামনে মেগাফোন, রানা বললো, 'ওদের বাঁধার পর এখানেই থাকো তোমরা।' বিশাল একটা ইউটার্ণ নিয়ে ঝড়ের বেগে অদৃশ্য হয়ে গেল হেলিকপ্টার।

অর্ধবৃত্ত রচনা করে পাহাড়ের পিছনে চলে এলো রানা, দশ ফিট ওপর থেকে চূড়াটাকে পেরিয়ে এলো। এরপর ঢালু হয়ে নেমে গেছে গাছপালা ঢাকা পাহাড়ের গা, গাছগুলোর মাথা ঘেঁষে ফাঁকা জায়গাটার দিকে তীরবেগে নেমে এলো হেলিকপ্টার। যা আশা করেছিল রানা, তাই ঘটেছে। হেলিকপ্টারকে সরে যেতে দেখে কিছুক্ষণ অপেক্ষা করেছে ট্রুপারদের দ্বিতীয় আর তৃতীয় দলটা, তারপর আড়াল থেকে বেরিয়ে এসে ফাঁকা জায়গা ধরে জলন্ত তাবুর দিকে ছুট দিয়েছে।

'কপ্টার নিয়ে ফিরে এসে রানা ওদেরকে খোলা মাঠের ঠিক

মারখানে পেলো । বেকারদায় পড়ে শুয়ে পড়লো সবাই, আড়াল
নেয়ার কোনো দ্বায়গা নেই ।

'কপ্টার নিয়ে পয়পয় ছ'বার ওদের ওপর দিয়ে উড়ে গেল রানা ।
প্রথমবার একটা গ্রেনেড ফেললো, দ্বিতীয়বার ত্রাশ ফায়ার করলো ।
তারপর হেলিকপ্টারের নাক ঘুরিয়ে নিয়ে দক্ষিণ দিকে ছুটলো ও ।
পালের গোদাটাকে খুঁজে বের করতে হবে ।

বারো

হতাশ হয়ে পড়লো রানা ।

দক্ষিণের পাহাড় আর জঙ্গলে আধ ঘণ্টা ধরে খুঁজছে ও, উমান্জোর
ছায়া পর্যন্ত দেখতে পায়নি । খুব বেশি সময় পায়নি উমান্জো,
অস্থায়ী হেডকোয়ার্টার থেকে বড় জোর ছ'আড়াই মাইল চলে আসতে
পেরেছে । রানা জানে, পাথরের কোনো ভাঁজে বা ঝোপের কোনো
আড়ালে গা ঢাকা দিয়ে আছে সে, অপেক্ষা করছে ফুয়েল শেষ হয়ে
এলে 'কপ্টার নিয়ে ফিরে যাবে রানা, এই আশায় ।

ফুয়েলের অবস্থা বিশেষ সুবিধের নয়, আর হয়তো আধ ঘণ্টা
আকাশে থাকতে পারবে রানা ।

কি করবে ভাবছে ও । মনে পড়লো, উমান্জোর সাথে একটা ব্রিফ-

কেস আছে। ত্রিকেসে রেডিও থাকা বিচিত্র নয়। হয়তো এরই মধ্যে রিইনফোর্সমেন্টের জন্যে মেসেজ পাঠিয়েছে উমাজে। ট্রুপারদের বড়সড় একটা দল চলে এলে লড়াই করে টিকে থাকা কঠিন হবে।

এবার আরো বড় একটা এলাকার ওপর দিয়ে চক্র দিতে শুরু করলো হেলিকপ্টার। ধীরে ধীরে ছোটো করে আনবে রানা বৃত্তটা, তারপর ফিরে যাবে। সবাইকে নিয়ে খোজার জন্যে আবার ঢুকবে জঙ্গলে, পায়ে হেঁটে।

ত্রিকেসটাই বিশ্বাসঘাতকতা করলো।

একদিকে কাত হয়ে প্রথম চক্রটা শেষ করছিল 'কপ্টার, ডান দিকের একটা ঝোপের ভেতর রোদ লেগে কি যেনাখি করে উঠলো। চক্রটা শেষ করে আবার ঝোপের কাছে ফিরে এলো রানা।

ঘন ঝোপ, ভেতরে কি আছে না আছে কিছুই দেখা যায় না। মুখের সামনে মেগাফোন তুলে ইংরেজীতে কথা বললো ও, 'ঝোপের ভেতর থেকে বেরিয়ে এসো, উমাজে।'

ঝোপ নড়লো না।

খোলা ককপিট দিয়ে রাইফেলের ব্যারেল বের করলো রানা। 'এবার কিন্তু গুলি করবো।' ঝোপের কিনারা লক্ষ্য করে একটা মাত্র গুলি করলো ও।

নড়ে উঠলো ঝোপ। হামাগুড়ি দিয়ে বেরিয়ে এলো ইউনিফর্ম পরা প্রকাণ্ড দানব।

ভুরু কুঁচকে উঠলো রানার। কি যেন নেই। তারপর মনে পড়লো। 'ত্রিকেসটা, উমাজে। বের করো ওটা।'

নিষ্ফল আক্রোশে ঝট্ করে ওপর দিকে তাকালো উমাজে, ঘামে

ভিজে গাঢ় হয়ে উঠেছে ইউনিফর্মের রঙ। কোপের ভেতর হাত গলিয়ে ত্রিককেসটা বের করলো সে। রানা বুঝলো, চকচকে ইস্পাতের হাতলে রোদ লেগে ঝিক করে উঠেছিল।

‘ভান দিকে, উমাজো,’ মেগাফোনে বললো রানা। ‘ওদিকে একটা কাঁকা জায়গা রয়েছে।’

পাগলের মতো আচরণ করলো উমাজো। হঠাৎ ছুটতে শুরু করলো সে। মাঝে মধ্যে মুখ তুলে ওপর দিকে তাকালো, সেই সাথে বাড়িয়ে দিলো ছোট্টার গতি।

কাঁকা জায়গাটা আধ মাইল দূরে, একটা পাহাড়ের কাঁধ। সন্ত্রস্ত ইহ্রের মতো ছুটোছুটি করে ঢাল বেয়ে উঠতে শুরু করলো উমাজো। আছাড় খেয়ে পড়লো সে, কপাল কেটে গিয়ে রক্তে ভেসে গেল প্রকাণ্ড মুখ। অসুরের শক্তি গায়ে, প্রতিবার পড়েই লাফ দিয়ে উঠলো, আবার ছুটতে শুরু করায় ইউনিফর্মের ভেতর কিলবিল করতে লাগলো পেশীগুলো।

পাহাড়ের কাঁধটা তেমন প্রশস্ত নয়, হেলিকপ্টারের লেজের দিকটা বেশ খানিক ঝুলে থাকলো শূণ্যে। ওখানে উঠতে অমানুষিক পরিশ্রম করতে হয়েছে উমাজোকে, ক্লান্তিতে প্রায় বেহাশ হয়ে পড়েছে সে। ‘কপ্টার থেকে নেমে রানা দেখলো, কিনারার কাছাকাছি উপুড় হয়ে শুয়ে আছে সে, বিশাল পিঠ ঘন ঘন ওঠা-নামা করছে। পাশে পড়ে রয়েছে কালো ত্রিককেস।

সাবধানে এগিয়ে গেল রানা। ‘উমাজো, ওঠো,’ মুছ কঠে বললো ও। দাঁড়ালো বিশাল ধড়ের পাশে।

ধীরে ধীরে চিৎ হলো উমাজো। বাম, রক্ত, আর ধুলো মাথা-মাখি হয়ে ভূতের মতো দেখালো কালো চেহারাটা। করুণ আবেদন

ভরা চোখে রানার দিকে তাকালো সে, মুখের সামনে একটা হাত তুলে পানি খাবার ভঙ্গি করলো।

‘পানি ? পানি কোথায় পাবো। পেশাব খেলে বলো।’ প্রচণ্ড ঘৃণায় বিকৃত হয়ে উঠলো রানার চেহারা, উমাজোর পাঁজর লক্ষ্য করে পা তুললো ও।

ইলেকট্রিক শক খেলো যেন রানা। থপ করে ওর পা ধরে ফেলেই মোচড় দিলো উমাজো। শক্ত পাথরের ঢালে ডান দিকে কাত হয়ে দড়াম করে পড়ে গেল সে। হাত কসকে ছিটকে দূরে চলে গেল এ-কে ফরটিসেভেন। স্প্রিঙের মতো এক লাফে উঠে দাঁড়িয়েছে উমাজো, ছ’পা এগিয়ে এসে রানার ওপর ঝুঁকলো সে, পাঁজরের ব্যথায় চোখে অন্ধকার দেখছে রানা।

উমাজো যেন নির্ভুর এক প্রাগৈতিহাসিক দানব, ওর পাশে রানা নিতান্তই অসহায়—ওকে ছ’হাতে ধরে হেঁচকা টানে মাথার ওপর তুললো উমাজো, পিঠ আর বুকের পেশী জ্যাস্ত এক একটা সরী-সৃপের মতো কিলবিল করে উঠলো, গায়ের জোরে আছাড় দিলো শক্ত পাথরে। কিনারা থেকে নিচের দিকে দেড়শো ফিট খাড়া নেমে গেছে কাঁধের গা, ত্র্যেফ দয়া করে সেদিকে রানাকে ছুঁড়লো না উমাজো। শেষ পর্যন্ত হয়তো তাই ফেলবে, কিন্তু তার আগে গায়ের ঝাল মিটিয়ে নিচ্ছে। আছাড় মেরেই এক সেকেন্ড সময় না দিয়ে আবার তুলে নিচ্ছে মাথার ওপর।

টকটকে লাল চোখ বিফারিত হয়ে উঠলো উমাজোর, খুনের নেশায় জ্বলজ্বল করছে। বার বার রানাকে শূন্য তুলে আছাড় মারতে গিয়ে হাঁপিয়ে গেছে সে। পাথরের ওপর পড়ে মোচড় খাচ্ছে রানার শরীর, ওর বুকের ওপর ডাইভ দিয়ে পড়লো সে। তিন মন ওজ-

নের শরীরটা বুকে আঘাত করতে জ্ঞান হারাবার অবস্থা হলো রানার, হুস করে সমস্ত বাতাস বেরিয়ে গেল ফুসফুস থেকে। ঘুসি মারলো উমাজো, নাক থেকে কিনিকি দিয়ে বেরিয়ে এলো রক্ত। কিছুক্ষণ আত্মরক্ষার চেষ্টা করলো রানা—কিন্তু নাকে হাত চাপা দিলে কপালের পাশে ঘুসি পড়ে, কপাল ঢাকলে কানের পাশে নরম মাংসে।

ক্ষতবিক্ষত শরীর নিয়ে নিস্তেজ হয়ে পড়ছে রানা। বাধা না পেলে মেরে মুখ নেই, তাই অকথ্য ভাষায় গালাগালি শুরু করলো উমাজো। সে-ও ক্রান্তির চরম সীমায় পৌঁছে গেছে, আবার রানাকে মাথার ওপর তুলে কিনারা দিয়ে নিচে ফেলে দেয়ার জোর নেই গায়ে। রানার একটা পা ধরে টানতে শুরু করলো সে।

রানাকে কিনারায় নিয়ে এসে দিক বদল করলো উমাজো, ওর মাথার কাছে চলে এলো। চোখ বুজে নিখর পড়ে থাকলো রানা, জ্ঞান আছে কিনা বোঝা যায় না। ওর খোলা গলার ওপর একটা পা তুলে দিলো উমাজো। ফিসফিস করে বললো, ‘অনেক ভুগিয়েছো, রানা, সব প্রায় বানচাল করে দিয়েছিলে।’ গলার ওপর ধীরে ধীরে পায়ের চাপ বাড়ালো সে। প্রথমবার চেষ্টা করে ব্যর্থ হলো রানা, নিস্তেজ হাত উমাজোর বুট পরা পায়ের কাছে পৌঁছুবার আগেই মাঝ পথে স্থির হয়ে গেল। কৌতুক ঝিক্ করে উঠলো উমাজোর চোখে। ‘এখনো আশা করছো? এখনো হাল ছাড়োনি?’

আবার উমাজোর পা ধরার জোহে হাত তুললো রানা, সেদিকে তাকিয়ে কালো রাবারের মতো ঠোট প্রসারিত হলো উমাজোর।

কোথেকে কি হলো, কিছুই বোঝা গেল না। উমাজো শুধু অম্ভ-ভব করলো, গোড়ালি থেকে টান দিয়ে উরু পর্যন্ত লম্বা একটা শিরা

যেন ছিঁড়ে বের করে নিলো রানা। চোখের পলকও বৃথি পড়লো না, দেখলো, পাথরের ওপর পড়ে আছে সে, তার সামনে দাঁড়িয়ে রয়েছে রক্তাক্ত রানা। ‘এইবার তোমার পালা, উমাস্কো।’

উন্মাদ, শ্রেফ উন্মাদ হয়ে গেল রানা। বাছাই করা জায়গায় উমাস্কোকে মারলো সে, যেখানে মারলো সাথে সাথে ফুলে উঠলো মাংস। বিন্ময়ের ঘোর কাটিয়ে উঠলো উমাস্কো, আত্মরক্ষার জন্যে ছুটোছুটি শুরু করলো সে। কিন্তু রানা তাকে তিন পা-র বেশি কোনোদিকে ছুঁতে দিলো না। যেকোনো একদিকে উমাস্কো, দেখা গেল তার সামনে যমদূতের মতো দাঁড়িয়ে আছে রানা। মুখটা ফুলে চাউস হয়ে গেল উমাস্কোর, ঠোঁটের একটা কোণ ছিঁড়ে গিয়ে এক ইঞ্চি নেমে এসেছে। বিছাৎ গতিতে ছুটে এলো রানার একটা হাত, বেলুন কাটার মতো আওয়াজ হলো, ইউনিফর্মের ভেতর এক নিমেষে ফুলে উঠলো পেটের এক পাশ। এরকম আরেক মার ওখানে পড়লে পেটটা ফেটে যাবে।

এবার আছাড় মারতে শুরু করলো রানা। যেন পাল্টা শোধ তুলছে। টলতে টলতে কোনমতে উঠে দাঁড়ালেই অদ্ভুত ভঙ্গিতে সঁটে যায় উমাস্কোর গায়ের সাথে, জু-জিৎসুর প্যাঁচে শূন্যে তুলে ফেলে—চেপ্টা করেও ঠেকানো যায় না। পরমুহূর্তেই দড়াম।

শেষবার মাটিতে পড়ে হাতের কাছে রাইফেলটা পেয়ে গেল উমাস্কো। একটা হুংকার দিয়ে উঠে দাঁড়ালো সে, রানার বৃকের দিকে তাক করে ধরেছে মাজল। এক সেকেন্ডেও দেরি না করে টিগারে চাপ দিল সে। রানা যেমন ছিল তেমনি দাঁড়িয়ে হাসছে। গুলি বেরলো না দেখে রাইফেলটা মাথার ওপর তুললো উমাস্কো, নামিয়ে আনলো রানার মাথা লক্ষ্য করে। এক হাতে তার কজি ধরে ফেলে

অপর হাতে তলপেটে ঘুসি মারলো রানা। উমাজোর হাত থেকে খসে পড়লো রাইফেল, সেটা লুকে নিলো রানা। পিছিয়ে এসে ছুঁড়ে দিলো একপাশে। উমাজোর দিকে এগোতে গিয়ে থমকে দাঁড়ালো ও।

ইস্পাতের চকচকে ফলা রোদ লেগে ঝলমল করছে। উরুর ওপর ইউনিকর্নের চেইনটা খোলা দেখলো রানা, তেতর থেকে অ্যাসে-গাই-টা বের করে বাগিয়ে ধরেছে উমাজো। নির্ভুর এক চিলতে হাসি ফুটে রয়েছে তার ঠোঁটে, জিভের ডগা বের করে ঠোঁটের ক্ষত-টায় একবার ঝললো সে। তারপর এগোতে শুরু করলো।

সাবধানে, এক পা এক পা এগিয়ে আসছে উমাজো। পিছু হটছে রানা, কিন্তু উমাজোর চেয়ে ধীর গতিতে। ওদের মাঝখানের দূরত্ব একটু একটু করে কমে আসছে।

পাহাড়ের কিনারায় চলে এসেছে রানা, আর পিছু হটার উপায় নেই। ওর সামনে, পাঁচ ফিট দূরে রয়েছে উমাজো। রানা দাঁড়িয়ে পড়ছে দেখে সে-ও দাঁড়িয়ে পড়লো। অ্যাসেগাই-টা ধীরে ধীরে মাথার ওপর তুললো উমাজো। একটা পা সামনে বাড়িয়ে দিয়ে পাথরের ওপর শক্ত ভাবে দাঁড়ালো। তার পেশীতে টান পড়লো, মনে হলো রানাকে লক্ষ্য করে ছুঁড়ে দেবে অ্যাসেগাই। তাকিয়ে আছে রানার বুকের দিকে।

অ্যাসেগাইটা ছুঁড়ে দেয়ারই ভঙ্গি করলো উমাজো। কিন্তু ছুঁড়ে না দিয়ে ছুটে এলো সে, কোপ চালালো রানার গলা লক্ষ্য করে। পিছু হটলো রানা, কিনারা থেকে নেমে গেল নিচে।

অ্যাসেগাইয়ের কলার সাথে রানার গলার যোগাযোগ না হওয়ায় তাল হারিয়ে ফেললো উমাজো। পাথরের কিনারা ধরে বুলে ছিল

রানা, উমাজো তাল সামলে সিধে হবার আগেই উঠে এলো ও ।
ডাইভ দিলো ।

তাল প্রায় সামলে নিয়েছিল উমাজো, কিন্তু রানার উড়ে আসা
শরীরের ধাক্কা দড়াম করে পড়ে গেল সে । তার বৃকের ওপর বসে
হাত মুচড়ে ধরে অ্যাসেগাইটা কেড়ে নিলো রানা ।

উমাজোর গলায় ঠেকলো কুরের মতো ধারালো ফলা । চামড়া
কেটে ভেতরে একটু ঢুকে গেছে, রক্তের চিকন একটা ধারা নেমে
এসে জমা হচ্ছে হুই কণ্ঠার মাঝখানের গর্তে ।

রানার নিচে মোচড় খেতে শুরু করলো উমাজোর প্রকাণ্ড শরীর,
প্রাণপণ চেষ্টা করলো সে গলা থেকে অ্যাসেগাইয়ের ফলা সরাতে ।
কিন্তু রানাকে টলানো গেল না ।

শেষে কাকুতি মিনতি শুরু করলো উমাজো । ‘আমাকে মেরো না,
রানা । যা করেছি মার্ফ করে দাও । এ-দেশ ছেড়ে চলে যাবো আমি,
তোমার দেয়া যে-কোনো শাস্তি মেনে নেবো, শুধু আমাকে প্রাণে
মেরো না ।’

‘মারতাম না, বললো রানা । ‘কিন্তু তুমি সীমা ছাড়িয়েছো; আমাকে
বিশেষ করে, সোহানাকে চরম অপমান করেছে । মানুষ নামের
যোগ্য তুমি নও, উমাজো ।’ ঘ্যাঁচ ঘ্যাঁচ করে অ্যাসেগাই চালালো
রানা । ষাঁঁচুনি উঠে গেল উমাজোর শরীরে, কিন্তু তার বৃকের ওপর
গ্যাঁট হয়ে বসে থাকলো রানা । ভীষণ মোটা গলা, ধারালো ফলা
দিয়েও সহজে কাটা গেল না । কাটা গলা থেকে ফিনকি দিয়ে বেরিয়ে
এলো তাজা রক্ত । রক্ত, চর্বি, মাংস আর শিরার ভেতর ঘীরে ঘীরে
ডুবে গেল অ্যাসেগাই-এর চওড়া ফলা । গায়ের সমস্ত জোর দিয়ে
শেষ কয়েকটা পৌঁচ দিলো রানা, ধড় থেকে আলাদা হয়ে অল্প

সামান্য চামড়ার সাথে লেগে থাকলো মুণ্ডুটা ।

স্থির হয়ে গেছে উমাস্ফোর শরীর ।

তীব্র আগুন নিভে গেছে, তবে একটু একটু ধোঁয়া বেরুচ্ছে এখনো । বন্দী শোনারা মাঠের একধারে দাঁড়িয়ে আছে, নাইলনের রশি দিয়ে প্রত্যেকের হাত পা বাঁধা । রানা ককপিট থেকে নামতেই উজ্জি হাতে ছুটে এলো সোহানা আর মাজুলেট ।

‘ফুয়েলের কি অবস্থা ?’ দ্রুত জানতে চাইলো মাজুলেট । ‘এখানে আর এক মুহূর্ত থাকা চলবে না । এরই মধ্যে সম্ভবত থার্ড ব্রিগেডের বড় দল রওনা হয়ে গেছে, যে-কোনো মুহূর্তে পৌঁছে যাবে ওরা ।’

রানা হাসলো ।

‘উমাস্ফো ?’ জিজ্ঞেস করলো সোহানা । ‘শয়তানটাকে পাওনি তুমি ?’

‘রানা, ফুয়েল... ?’ ব্যস্ত হয়ে উঠেছে মাজুলেট । ‘...আমাদের পালাতে হবে ।’

‘কোথাও পালাবার দরকার নেই,’ এপাশ-ওপাশ মাথা নাড়লো রানা । হাতের ব্রিককেসটা দেখালো ও । ‘এতে কি আছে জানো ?’

এতোক্ষণে ব্রিককেসটা লক্ষ্য করলো মাজুলেট । ‘ওটা...আরে, ওটা তুমি কোথেকে পেলে ?’ ভুরু কুঁচকে উঠলো তার । ‘ওটা তো উমাস্ফোর ব্রিককেস ।’

‘হ্যাঁ ।’

রানার হাত থেকে ছোঁ দিয়ে ব্রিককেসটা নিলো মাজুলেট । ‘দেখি, দেখি । ডকুমেন্টগুলো সত্যি আছে এতে ? উমাস্ফো আমাকে দেখিয়েছিল...’

‘এই নাও চাবি,’ চাবিটা ছুঁড়ে দিলো রানা।

ত্রিফকেস খুলে পাগলের মতো কাগজ-পত্র হাতড়াতে শুরু করলো মাজুলেট। তারপর ঢিল পড়লো তার পেশীতে। মুখ ভুলে তাকালো সে। হো হো করে হেসে উঠলো উম্মাদের মতো।

‘কি, পালাতে হবে?’ হাসছে রানা।

‘এ-সবের মানে কি?’ ঝাঁঝের সাথে বাখ্যা দাবি করলো সোহানা। ‘আমি তো কিছুই বুঝতে পারছি না।’

সোহানার সামনে দাঁড়ালো মাজুলেট। ‘ত্রিফকেসে কয়েকটা দলিল রয়েছে। উম্মাদের ব্যক্তিগত একটা ডায়রীও আছে। সামরিক অভ্যুত্থান ঘটিয়ে, ম্যাটাবেলদের ধ্বংস করে, হারারে-র গদীতে বসতে চেয়েছিল উম্মাঙ্গো। তাকে সাহায্য করছিল একটা সুপার পাণ্ড-য়ার। তাদের সাথে উম্মাঙ্গো কয়েকটা চুক্তিতে আসে, সেগুলোর কপি রয়েছে ত্রিফকেসে। একটা দলিলে আছে সামরিক অভ্যুত্থান কিভাবে ঘটাতে হবে তার নীল নক্সা...’

‘উম্মাঙ্গো নিজের হাতে তার ডায়রীতে লিখে রেখেছে : মিথ্যে মামলায় জড়িয়ে মাজুলেটকে ধ্বংস করেছি, এবার মাসুদ রানাকে সরাতে হবে...।’

‘এতো কথা শুনেতে চাই না,’ বললো সোহানা। ‘সংক্ষেপে বলো। আমরা কি কিংস হেভেন মি: রুবেনসনকে কিরিয়ে দিতে পারবো? আমাদের ওপর থেকে কি সশস্ত্র ষড়যন্ত্রের অভিযোগ প্রত্যাহার করা হবে? মাজুলেটের বিরুদ্ধে রায়টা কি বাতিল করা হবে?’

‘সব হবে, নিশ্চয়ই হবে, তারপর সংশ্লিষ্ট কর্তৃপক্ষ হাজার বার করে মাফও চাইবে নিজেদের ভুলের জন্যে,’ আশ্বাস দিয়ে বললো

মাজুলেট।

‘উমাজো? সে কোথায়?’ জিজ্ঞেস করলো সোহানা। ‘তার সাথে আমার একটা বোঝাপড়া...’

‘দুঃখিত, সোহানা। আমাদের দু’জনের কাছ থেকে তার যা পাওনা হয়েছিল, আমি একাই তা মিটিয়ে দিয়েছি।’

রানার বুকের সাথে সঁটে এলো সোহানা। ‘ভালো করেছে, রানা। আমাকে কেউ অপমান করলে তুমিই তো তাকে শাস্তি দেবে।’ রানার বুক গাল ঠেকালো। ‘এবার নিশ্চিন্তে দেশে ফিরতে পারবো আমরা, তাই না?’

মুচকি হেসে ওদের দিকে পিছন ফিরলো মাজুলেট, বন্দীদের কাছ থেকে হাতছানি দিয়ে ডাকছে তাকে মিরাগু।

আলোচনা

কলি

ডি- ১৫০, পাঠানপাড়া, রাজশাহী।

এইমাত্র রানা সিরিজের 'অন্ধকারে চিতা' বইটা পড়ে শেষ করলাম। সোহানাকে পেয়ে এতো ভালো লাগলো যা আপনাকে বলে বুঝাতে পারবো না। মনে হচ্ছিলো আরো আগে বইটা কেন পড়িনি। কিন্তু শেষ হতে মনটা খুব খারাপ হয়ে গেল, ২য় খণ্ডের জন্য আরো কতোদিন অপেক্ষা করে থাকতে হবে।

* এই তো শেষ হলো অপেক্ষার।

সৈয়দ মাস্তুদুদ্দীন আহমেদ (লালু)

লোহাগড়া, নড়াইল।

ছোটবেলা থেকেই রানা পড়তাম। এক সময় এলো যখন ওকেও আমার জীবনের এক অবিচ্ছেদ্য অংশ হিসেবে ভাবা শুরু করলাম। মনে পড়ে সেদিন পরীক্ষায় 'তোমায় প্রিয় লেখক' রচনাটা এলো। আপনার কথা অর্থাৎ কাজী আনোয়ার হোসেনের কথাই লিখেছিলাম। যারপর নাই বেশী নম্বর পেলাম। আমার শ্রদ্ধা নিন।

সেদিন অগ্নিপুরুষ-১ পড়লাম। সবচেয়ে ভালো লেগেছে, আবার খারাপও লেগেছে, সেজন্য গালি দিতে ছাড়িনি।

অবশেষে অগ্নিপুরুষ-২ পড়ার সময় চারদিকের প্রকৃতিটা কেমন যেন লাগলো মনে হচ্ছিলো কিছু একটা ঘটবে। সত্যি, বইটার শেষের দিকে এসে রীতিমতো আপসেট হয়ে পড়লাম। প্রতিজ্ঞা

করলাম প্রতিশোধ নেবো। রক্তের বদলে রক্ত। ভাগ্যিশ শেষের
পাতাটা লিখেছিলেন, নইলে...হয়তো অন্ধকারে চিতা কোনদিন
হাতেই পেতাম না।

* কিংবা হাতে পেলোও হয়তো পড়তে হতো হাসপাতালের
বেডে শুয়ে।

আজিঙ্গুন নাহার পারা

সং: আশিষুল হক মহাবিদ্যালয়, দ্বাদশ কলা, বগুড়া।

আপনার আসরে পাঠক হিসেবে আমি নতুন। School life-এ
যখন 'মাসুদ রানা' বই পড়তে চাইতাম তখন বড়রা বলতো আমাদের
নাকি মাসুদ রানা বই পড়তে নেই। তাই হাতের কাছে বই পেয়েও
পড়তাম না। এখন স্কুল-গণ্ডি পেরিয়ে কলেজে পড়ছি। মাঝে মাঝে
মাসুদ রানা পড়ছি। এই তো সেদিন 'অগ্নিপুরুষ'-১, ২ পড়লাম। বই
দুইটা আমার কাছে খুব ভালো লেগেছে। 'লুবনার' মৃত্যু আমাকে
খুব মর্মান্বিত করেছে। সবচেয়ে বেশি আঘাত পেয়েছি রানার মৃত্যুতে।
সত্যি বলতে কি, রানার মৃত্যুতে মনটা কয়েকদিন থারাপ ছিলো।
দুই দিন আগে ছুলাভাই অন্ধকারে চিতা-১ কিনে আনলেন, ব্যথিত
মন নিয়ে অন্ধকারে চিতা-১ পড়তে লাগলাম, হঠাৎ রানার চরিত্র
দেখে চমকে উঠলাম। তবে কি আমার প্রিয় রানা মারা যায়নি, সে
এখনও বেঁচে আছে? বইটা সম্পূর্ণ পড়ে বুঝতে পারলাম রানা
এখনও বেঁচেই আছে। তাই আজ আপনার কাছে লিখতে বসেছি।
কাজীদা, রানাকে দয়া করে মারবেন না।

মুনীর

এ ৯৭/১ মধুবাগ, মগবাজার, ঢাকা-১৭

আমার একবন্ধুর কাছ থেকে 'অগ্নিপুরুষ-২' আনলাম। নিয়ে আস-

বার সময় ও আমাকে বললো যে কাহিনীর একটি পাতা নেই। বইটা শেষ করবার পরদিন লাইব্রেরীতে যেয়ে পাতাটা পড়ে আসলাম। এদিকে মাসুদ রানার নতুন ভক্ত আমার ছোট ভাই বইটি পড়া শুরু করেছে (অবশ্য লুকিয়ে, যেহেতু ওর গল্পের বই পড়া আমি পছন্দ করি না)। একদিন সকালে রুমে ঢুকেই দেখি ওর চোখে পানি টল টল করছে, আর বইটি অদূরে মাটিতে পড়ে আছে। আমি জিজ্ঞেস করায় প্রায় কেঁদে ফেলবার মতো অবস্থা হলো ওর। আমার মেজাজ খারাপ হয়ে গেল, বললাম, ‘আরেক জনের বই তুমি ওভাবে ফেলে দিলে কেন?’ উত্তরে যা বললো তাতে হতভম্ব হয়ে গেলাম; বললো ‘সেবা-র কোনো বই আর পড়বো না।’ স্মৃতি হয়েছে দেখে মনে খুশি হলেও জিজ্ঞেস করলাম, ‘কেন?’ বললো, ‘আমি রানা পড়ে মজা পেতে শুরু করলাম, আর কাজী দা রানা সিরিজ শেষ করে ফেললেন?’ রানার এই রকম বিশী একটা পরিণতি হলো?’ তখন সব বুঝতে পারলাম। হাসি চেপে রাখাই কষ্টকর হয়ে দাঁড়ালো। আর হ্যাঁ, প্রকৃত ঘটনাটা এখনও আমার ভাই জানে না। আর জানানো কি উচিত হবে?

* আগনার খুশি। তবে আমার ধারণা, এতোদিনে ঠিকই সে জেনে গেছে।

মো : বরকত

৩৫৭/এ পূর্ব নাখালপাড়া, তেজগাঁও, ঢাকা-১৫

অন্ধকারে চিতা-১ পড়লাম। খু-উ-ব ভাল লাগল। ২৩৭ পৃষ্ঠায় এসে মেজাজটা বিগড়ে গেল। সোহানা দিকে এই অপমান! জেনারেল উম্মাক্সোর কাজ দেখে রাগ হলো। ২৩৮ পৃষ্ঠায় গিয়ে আর সহ্য করতে পারলাম না উম্মাক্সোর এই নীচ, পাষাণ কাজ কর্ম দেখে

ধাঁই করে এক বিরাশি সিকা ঘুলি মেয়ে দিলাম উমাসোর মুখের উপর। ভেবেছিলাম অন্তত ছ'চারটে দাঁত হারাবে ব্যাটা, কিন্তু যাঃ শালা, পড়পড় করে কয়েকটা পাতা ছিঁড়ে গেল বই থেকে। তারপর সম্পূর্ণ রাগ গিয়ে পড়ল আপনার উপর। এখন আমি বইটা কি করি বলুন তো, কাজী দা ?

মোঃ আনোয়ার শাহ (খোকন)

সেকেরচর বাজার, পাঁচদোনা, নরসিংদী, ঢাকা।

ইন্টা মিটি রিন্টা নিন্টা ক্রিণ্টে ভিন্টা লিণ্ট বিন্টা সিণ্টি ক্রিণ্টা
জ্রিণ্টেই ঘিণ্ট দিণ্টি জ্রিণ্টা নিণ্টে রিণ্ট মিণ্টা রিণ্টা থিণ্টা ক্রিণ্টে তিণ্টা
হিণ্ট সিণ্টে রিণ্টা নিন্টা ক্রিণ্টে ফিণ্টি রিণ্টি যিণ্টে ইন্টা নিণ্টু নিণ্ট।

ইন্টি তিণ্টি—ঘিণ্ট মিণ্ট দিণ্টু তিণ্ট

* রিণ্টা নিণ্টা তিণ্টো মিণ্ট রিণ্টে নিণ্টি।

সোহানা আক্তার (হীরা)

ঘোপ, নেওয়াপাড়া, যশোর।

মাসুদ রানার যতগুলি বই পড়লাম সবগুলোতে লিখা আছে—
সেবা বই, প্রিয় বই, অবসরের সঙ্গী।

প্রথম ছুটি ঠিক কিন্তু শেষেরটা ঠিক না। যখন কোন কাজ-কর্ম থাকে না তখন তো অবসর।

মাসুদ রানার সব বই গুলোই আমার প্রিয়। অবসর হোক আর নাই হোক বইগুলো আমি পড়ি, কিন্তু কথা হলো এগুলো পড়তে হয় চুরি করে। যখন বাড়ীতে লোক আসে তখন ঘরের ছাদে কিংবা বান্ধবীর বাড়ীর নাম করে কোথাও গিয়ে পড়া। একে তো আর অবসর বলে না। তাই প্রথম ছুটি রেখে অবসরের সঙ্গী কেটে দেয়া ভালো।

মোঃ মাহ্ফুজুর রহমান

পোঃ মন্সুনগর, টঙ্গী, ঢাকা।

এইমাত্র শেষ করলাম সত্য প্রকাশিত কাজি মাহবুব হোসেন এর ওয়েস্টার্নের অষ্টাদশ বই-‘এপিঠ-ওপিঠ।’ সত্যি বলতে কি, এর অপূর্ব কাহিনী প্রতিটি পাঠক হৃদয়ে রুক্ষ শিহরণ জাগাবে। আমার মতে এই বইটিই প্রকৃত ‘ওয়েস্টার্ন’। এক কথায় খু-উ-ব ভাল লেগেছে। ওনাকে আমার আন্তরিক ধন্যবাদ পৌছে দিবেন। আর, হ্যাঁ, প্রচ্ছদ শিল্পীকেও একটা টাটকা ধন্যবাদ দিবেন।

নাজমুল হোসাইন মিলন

শহীদ ডাঃ জি, এইচ, রোড, সৈয়দপুর, নীলফামারী।

একমাত্র মাসুদ রানার সিরিজ ছাড়া সেবা প্রকাশনীর অন্যান্য মোটা সাইজের বইগুলো আমি পড়ি না। মনস্থির করলাম ‘নেশা’ও পড়ব না। কিন্তু হাতের কাছে কোন বই না থাকাতে বইটার (নেশা) প্রথম দিকে কেমন হবে তা একটু পরখ করার জন্ত এক, দুই করে আট পাতা পর্যন্ত পৌছলাম। সত্যি, এই আট পাতা পড়তেই ‘নেশা’ আমাকে নেশা ধরিয়ে দিল।

সেবা প্রকাশনী যে অন্যান্য প্রকাশনী থেকে সম্পূর্ণ আলাদা তা আবার প্রমাণ করল ‘নেশা’র মত একটি সুন্দর বই পাঠকদের উপহার দিয়ে। অম্ববাদক থসরু চৌধুরীকে অসংখ্য অসংখ্য ধন্যবাদ।

আর রত্নদানোর প্রচ্ছদ শিল্পী শরাফত খানকে আমার শুভেচ্ছা পৌছে দিবেন। সেবা প্রকাশনী থেকে প্রকাশিত সবগুলো বইয়ের মধ্যে রত্নদানোর প্রচ্ছদই সর্বশ্রেষ্ঠ প্রচ্ছদ বলে আমি মনে করি।

কাজীদা, আপনার কি মতামত?

* আমি ভিন্ন মত পোষণ করি।



বই পেতে হলে

আমরা চাই, ক্রেতা-পাঠক তাঁদের নিকটস্থ বুকস্টল থেকেই সেবা প্রকাশনীর বই সংগ্রহ করুন। কোনো কারণে তাতে ব্যর্থ হলে আমাদের ডাকযোগে খুঁচরো বই সরবরাহ ব্যবস্থার সাহায্য নিতে পারেন।

আজই মানিঅর্ডার যোগে ৫০'০০ টাকা পাঠিয়ে সেবা প্রকাশনীর গ্রাহক হয়ে যান। নতুন বই প্রকাশের সাথে সাথে পৌঁছে যেতে থাকবে আপনার ঠিকানায়। ইচ্ছে করলে শুধু মাসুদ রানা, ক্লাসিক বা অনুবাদের গ্রাহক হতে পারেন। বিস্তারিত নিয়মাবলী ও বিনামূল্যে ক্যাটালগের জন্যে সেলস ম্যানেজারের কাছে লিখুন।

নিজের ঠিকানা ও চাহিদা পরিষ্কার অক্ষরে লিখবেন।

আগামী বই

ওয়েস্টার্ন-২২

নীলগিরি

রচনা : রওশন জামিল

প্রকাশের তারিখ : ২৪ সেপ্টেম্বর, ১৯৮৬

বিষয় : পশ্চিমের দুর্মর হাতছানিতে সাগর পাড়ি দিয়ে আমেরিকায় পৌঁছলো আলান ওসমান। এবার সঙ্গে আছে রেবেকা, ওর মানসী।...বেশ শান্তিতেই কাটছিল, কিন্তু একদিন...

রানা-১৩৮

দুইথণ্ডে সমাপ্ত রোমানোপন্যাস

অন্ধকারে চিতা-২

কাজী আনোয়ার হোসেন

পালাচ্ছে রান-সোহানা—

এ-খবর জেনে গেছে ফেনারেল বট উমাপো।

ওদেরকে দেখা মাত্র হত্যা করবার আদেশ দিয়েছে সে।

লেলিয়ে দিয়েছে কাছপিঠের সব কটা ইউনিটকে।

রক্তনা হয়ে গেছে স্পটার গ্লেন।

দিগন্ত ব্যাপী ধু-ধু মরুভূমির ওপর দিয়ে

চললো ৬০০ জিপ নিয়ে।

মনে প্রতিজ্ঞা।

দেখে নেবো উমাপো!

তৈরি থেকো, আবার আসবো ফিরে।

দেখে নেবো কত শক্তি ধরো তুমি।

বিশ টাকা



সেবা বই

প্রিয় বই

অবসরের সত্ৰী

সেবা প্রকাশনী, ২৪/৪ সেগুন বাগিচা, ঢাকা-২

শো-রুম : ৩৬/১০ বাংলাবাজার, ঢাকা-১



Aohor Arsalan HQ Release

**Please Buy The Hard Copy if You
Like this Book!!**

www.Banglapdf.net